



NOBILI, GENE-
ROSO, LITTERIS
NON MINVS, QVAM

VIRTVTIBVS ORNATO
iuueni, Hermannò à Valkenaer,
Domino in Haec, & Duijcken-
burch: Domino & Patrono
suo Michael ab Isselt

S. P. D.

INTER omnia, qua
ab initio sapientissimus
ille & potentissimus hu-
ius vniuersi Archite-
ctus condidit, Nobilis
& Generose Domine, nihil post An-
gelos aut dignius homine, aut excel-
lentius creatum esse, omnium & Chri-
stianorum, & Ethnicorum est senten-
tia. De huius creatura dignitate dictu-
rus B. Chrysostomus, inter cetera sic in-
quit: Homo est chara possessio Dei: ho-
mo cuius causa firmatum est celum, ex-
tensum mare, fundata est terra super
aquas: propter quem Sol oritur & in-
cumbit, Luna crescit, astra micant

*Montij Reij ad Varianam
Canat*

*Ex varij
in Matt.
locis ho
mil 27.*

EPISTOLA

tia surgunt. Propter quem diuersa animalia quadrupedia, volatilia, & nantantia: propter quem terra producit herbam, & dat cibaria in tempore suo omni animæ. Propter quem montes & colles, valles & campi: propter quem fontes & flumina, stagna & paludes: propter quem tempora & menses & anni: propter quem Angeli & Archangeli, Principatus & Potestates, Throni & Dominationes, Cherubin & Seraphin. Et quid multa loquar? propter quem vnigenitus Filius Dei sanguinem suum fudit, & genus redemit humanum. Insignis profectò laus, & quæ post Angelos nulli potest alij præterquam homini attribui creatura.

2^a salm. 8.

Minuit enim Dominus hominem paulò minùs ab Angelis, gloria & honore coronauit eum, & constituit eum super opera manuum suarum.

Gen. 3.

Ceterùm cùm homo tanto esset in honore, non intellexit propriam dignitatem & excellentiam: sed diuinitatem ambiens, cùm Deus esse vellet, nec

sal 48.

Dei mandato obtemperaret, comparatus est iumentis insipientibus, & si-

milis

DEDICATORIA.

milis factus est illis. O incredibilis hominis metamorphosis: sicine repente ex optimo pessimus factus es? ab vno extremo ad alterum sine medijs motus esse non solet: at hic nulla inueniuntur media. Per peccatum enim vnius hominis uedò totius humani generis massa corrupta est, vt nunc inter omnes creaturas, post Damonem, miserior homine nulla reperiatur. Factus est enim homo natura fragilis, ingenio hebes, consilio improuidus, viribus imbecillis, affectibus præceps, curis anxius, cupiditatibus furens, omnibus denique molestijs, casibus, iniurijs, & morbis obnoxius. Quæ omnia Philosophi considerantes, vitam humanam vt grauissimum tormentum exhorruerunt. Insignis ille Philosophus Anaxagoras, longioris vitæ radio fatigatus, mortem sibi diuturna inedia consciscere voluit: & certè fecisset, nisi Pericles Atheniensis, vt si sibi viuere noller, saltem viueret Pericli, rogasset. Sed & Silepus senex à Mida Rege captus, rogatus ab eo, quid esset homini optimi, diu silentium tenuit: Tandem adactus dicere, ait: Optimum esse nun-

EPISTOLA

quam nasci, proximum quàm ocysimè
 aboleri. Quare Seneca mihi verissimè
 dixisse videtur: Nemo vitam acciperet, ait, si daretur scientibus. Siue enim animam inspiciamus hominis, siue corpus, vbique tantam imperfectionum, tantamquè malorum copiam inuenimus, vt Aristoteles hominem definire non dubitauerit, imbecillitatis exemplum, temporis spoliū, fortuna lusum, inconstantie imaginem, inuidia & calamitatis trutinam: reliquum verò pituitam & bilem. Veram, imò verissimam esse hanc Aristotelis descriptionem, multis argumentis ex ipsis humane vite circumstantiis probare possem: ceterum cum alij, vt Innocentius Pontifex tertius, Granatensis noster, & alij plures inter Christianos: Seneca verò inter Ethnicos de miserijs hominum integros aut libros, aut tractatus scripserint, quos & te Generose Domine, aliquando legisse, & adhuc sepe numero legere non dubito, his recensendis supersedebo, ne dedicatorie limites excedam.

Quod si quis interrogauerit, cur ama-

tor ho-

DEDICATORIA.

tor hominum Deus tot ærumnis eorum
vitam voluerit exagitari: multas sanè
consilij huius causas deprehendet: inter
quas non postrema illa est, quòd hac ra-
tione hominum insolentiam atque su-
perbiam reprimere, & ad humilitatis
studium voluit incitare. Sicut enim qui
aves domi nutriunt, cùm aliquando
eas auolare contigerit, ubi eas iterum
ceperint, pennis nudant, vel alas præ-
scindunt, ne earum adminiculo fretæ
iterum aufugiant: ita Dominus cùm
hominem conditum celestibus donis,
(quæ initio conditionis suæ multa &
præclara acceperat) elatum vidisset,
meritò illum donis suis spoliauit, & ve-
lut implumem reliquit: ne diuinorum
beneficiorum pennis sese iterum in sub-
lime attolleret.

Ne tamen miseriarum pondus pror-
sus hominem opprimeret, aut ad animi
vel delirium, vel desperationem adi-
geret, idem benignissimus Deus, qui
minutissimis animalculis media contu-
lit, quibus noxia sibi fugerent, & utilia
consequerentur, etiam hominibus re-
medium, quo tantas ærumnas euadere

EPISTOLA

queant, reliquit. Sed hinc magna inter
 Ethnicos & Christianos oritur contro-
 uersia. Philosophi namque rati natu-
 ram per se sufficientem esse ad bene,
 beateque viuendum, solam rationem
 constituerunt, qua sibi homo omnibus
 in rebus consuleret: mala omnia pro-
 pulsare, bona omnia sibi posset compa-
 rare. Sed misere hinc seculi huius sapi-
 entes desipuerunt. Ratio enim, præter-
 quam quod per se infirma atque imbe-
 cillis est, frequenter etiam multum ex
 acumine & splendore amittit, quoties
 varijs affectibus & cupiditatibus, ve-
 lut atris quibusdam nebulis, ita obscu-
 ratur, ut magis illis, quam veritati par-
 eat. Vbi enim cupiditas in homine do-
 minatur, ibi exulat ratio, & caligo
 mentis oculis offunditur. Hinc Philoso-
 phi ipsi sæpe conati sunt rationes exco-
 gitare, quibus id quod amica caro con-
 cupiscebatur, licere sibi alijs persuade-
 bant, puram & liquidam veritatem
 impugnantes.

Quam infirmum in ratione præ-
 sidium ad cætera mala corporis de-
 pellenda positum sit, illud satis argu-
 men-

DEDICATORIA.

mento est, quod nec potentissimi, nec opulentissimi, nec sapientissimi, nec eloquentissimi huius mundi, in quos opes suas natura effudisse videtur, miseras huius vite effugere potuerunt. Testes sunt Iulius Caesar, Pompeius, Cræsus, Annibal, Alexander Magnus, Salomon, Achitophel, M. Tullius, & alij infiniti, qui præter varias ruinas, casus & pericula in vita perpeffa, omnes serè aut violenta, aut infelici morte perierunt. Quis igitur aut fortuna, aut nature præsidys ita munitus erit, vt suis viribus tutò fidere audeat, cum nec præstantissimis viris natura indolem, nec felicissimis fortunas suas, nec sapientissimis prudentiam suam tantum videat tribuisse, vt ab omni periculo & casu immunes essent?

Aliud igitur in miserjs & calamitatibus huius seculi, præter rationem, remedium nobis querendum est. Et quod aliud, præter illud, quod ab opti- 2.Par 20
mo Rege Iosaphat nobis demonstra-
tur: qui in extremis angustys consti-
tutus, totum spiritum suum contulit

al. 49.

ad rogandum Deum, & dixit: Cùm ignoremus, Domine, quid facere debeamus, hoc solum habemus residui, vt oculos nostros dirigamus ad te? Quibus verbis malorum nostrorum remedium sanctus Rex monstrauit: orationis scilicet vocem, qua Dei misericordiam imploramus. Oratio enim velut legatio quedam est, qua à terris ad cælum transmissa, cuncta mala nostra celesti medico denuntiat, vt periclitantibus opem ferat: quandoquidem ipse eam piè petentibus pollicitus est, cùm ait: Inuoca me in die tribulationis, eruam te, & honorificabis me. Precatio enim ad ea omnia, quibus humana eget natura, commune remedium est: Latissimè namque inter ceteras virtutes eius utilitas patet. Ceteræ namque virtutes aut merendi, aut satisfaciendi vim potissimum habent: quorum illud ad gratiam & gloriam, hoc ad pœnarum remissionem pertinet. Precatio autem non solum merendi, & satisfaciendi, sed etiam impetrandi vim habet: quod illius proprium est. Impetrare autem non solum gratiam respicit: sed

DEDICATORIA.

cit: sed etiam quicquid diuina mis-
 ratio dare potest. Ut enim Deus in cor-
 porali hoc calo quædam constituit cau-
 sas particulares, Solem verò tanquam
 vniuersalem, vt qui illuminat, qui
 calefacit, qui anni tempora mutat,
 qui hominem & plantam generat:
 sic in spiritali calo, quod Ecclesia est,
 præter diuersa malorum remedia p. ir-
 ticularia, vnum instituit vniuersale,
 Orationem scilicet, commune atque
 præcipuum nostrorum malorum me-
 dicamentum: ad quam, quasi ad sa-
 cram anchoram, quoties in calamiti-
 bus constituti sumus, confugere debe-
 mus. Hinc sancti viri per orationem
 non modo gratiam & pœnarum re-
 missionem consecuti sunt, sed alius sa-
 pientiam, alius sospitatem, alius diutur-
 niozem vitam, alius aduersus immanes
 hostes victoriam, alius orbitatis reïne-
 dium, alius lumen oculorum amissum,
 alius mortuorum remissionem, alius
 miraculorum operationem, alius deni-
 que liberationem ab instantibus malis.
 Ecce virtute orationis, inquit Augu-
 stinus, Hieremias confortatur in carcere,

3. Reg. 3.

4. Reg. 2.

Exod. 1.

1. Reg. 1.

Tob. 11.

4. Reg.

EPISTOLA

Daniel inter leones exultat, tres pueri in fornace tripudiant: Iob in sterquilinio nudus triumphat: paradysum de cruce latro inuenit: Susanna inter senes defenditur: Stephanus de torrente lapidum in calum suscipitur, & inter lapidantes pro Saulo exauditur.

Cum itaque, Nobilis & Generose Domine, tot calamitatibus hac vita nostra siue corpus, siue animam, siue externa, quæ circa nos sunt, intueamur, exposita sit, aduersus autem hac omnia vnicum habeamus remedium, orationem: videt N. V. quantopere ea sit necessaria. Si animam conspiciamus, caro semper concupiscit aduersus spiritum, & hinc perpetua virtutum & vitiorum lucta: hanc augent affectus inordinati, & perturbatissimum appetituum regnum. Si corpus, tot affectiones, tot lethales morbi sunt, vt his omnium Medicorum libri pleni sint, & crescentibus quotidie morbis ars ipsa crescat. Si externa consideraremus, quot naufragia, quot bella, quot terramotus, quot eluiones, quot adi-

ficio-

DEDICATORIA.

ficiorum ruina, quot venenorum genera, aliaque similia mala, quæ vitæ nostræ insidiantur, (vt de minoribus taceam) in mundo reperiuntur? quibus omnibus diuites nõ minùs quàm pauperes, nobiles non minùs quàm ignobiles, principes non minùs quàm subditi (cùm omnes ex eadem Adæ massa procreentur) obnoxij sunt. Ad hanc igitur communem orationis anchoram omnes confugiant homines necesse est, siue Rex, siue aliquis ex infima plebe sit: imò quo quis in dignitate sublimior, eo in oratione sit frequentior oportet: pluribus enim occupatur negotijs, quorum singula orationis auxilium requirunt, & pluribus periculis eius vita exponitur, quibus depellendis orationis præsidium est tutissimum. Non ignorauit hoc potentissimus Rex David, qui inter tot regni negotia, tot aula curas, tantum domesticorum strepitum, nunquam orationis studium intermisit, sed septies in die laudem dicebat Domino, & media nocte surgebat ad constituendum ei: imò semper (vt ipse fatetur) erat laus

Psal. 118

EPISTOLA

Dei in ore ipsius. Sed quid Dauidem refero? Clarissimum illum Ducem, Scipionem Africanum, legimus nunquam aliquod opus arduum moliri voluisse, quin prius à suo illo Ione auxilium postularet, ut illi bene verteret, qua de causa multi illum Iouis filium crediderunt. Quod igitur tanti Principes, quorum alter etiam ethnicus fuit, tot circumstrepentibus negotijs secularibus fecerunt, pudor est nos Christianos minùs occupatos facere aut nolle, aut detrectare: præsertim cum præceptum Christi habeamus, quòd semper (id est, ut Patres interpretantur, singulis diebus certis horis) orare debeamus: & quod corporibus sunt nervi, quod piscibus aqua, quod arborum radicibus humor, quod civitati murus, quod denique huic visibili mundo Sol est, id ipsum animæ sit oratio, ut Chrysostomus disertissimis verbis in suis de Oratione libellis ostendit.

Sunt qui offenduntur, vel ideo ab orandi studio abhorrent, quòd interdum orationes nostras non exaudit Deus. Ceterùm si huius rei causas dili-

genter

DEDICATORIA.

genter inspicerent, non hoc eos offenderet. Interdum enim differt sua dona Deus, ut crescant orantium affectus, & desideria, ut instantius, & maioricum fervore orantes maiora & ampliora accipiant. Aliquando precatio nostra comites suos non habet, sine quibus infrugifera & inanis est. Bonae autem orationis comites sunt, mentis attentio, humilitas, fiducia, integritas vitae, & perseverantia: ista si adsint, fieri non potest, quin oratio vel tandem exaudiat, modo audiri expediat. Sunt enim nonnulli, qui ea petunt, quae non oportet, de quibus ait beatus Iacobus: Petitis, & non accipitis, eò quòd male petatis: ut in concupiscentiis insumatis quod sit, cum ea petimus, quae non ad salutem animae, sed ad cupiditatum nostrarum fomenta magis pertinent: ut sunt honores, divitiae, voluptates, & horum species, quae caelestis Pater clementer negat, ne nobis delinquendi materiam praebeat. Sic enim carnis parentes filijs nocitura petentibus pie negant, quae crudeliter concessissent. De his Augustinus sic ait:

Iacob 4

Deus

EPISTOLA

ugust.
Psal.

Deus bonus tibi est, si det quod vis. Quid si malè vis? nonne erit tibi magis non dando misericors? Aeger petit multa à medico: non dat medicus. Non exaudit ad voluntatem, vt exaudiat ad salutem. Ergo medicum tuum pone Deum: pete ab eo salutem, & salus tua ipse erit. Si itaque oratio nostra fuerit suis numeris omnibus absoluta: si comites suos habeat adiunctos, si de rebus fuerit nobis vtilibus, omnino exaudiat necesse est. De Tito Imperatore, quem delicias populi Romani solent appellare, legimus, quòd in omnibus desiderijs suis obstinatissimè tenuit, ne quem sine spe dimitteret: de Galieno verò, quamuis peruersissimo, quòd nihil vnquam petenti denegaret: quantò minus Deus, qui bonitate superat omnem creaturam, nobis aliquid petentibus denegabit, cum ipse dicat: Si vos, cum mali sitis, nostis bona data dare filijs vestris: quantò magis Pater vester dabit spiritum bonum petentibus se? Adeamus igitur cum fiducia ad thronum gratie Dei, vt misericordiam consequamur.

c. 11.

c. 1. 4.

CETE-

DEDICATORIA.

CETERVM cùm multi in arte bene precandi minùs exercitati sint, Christus caelestis Doctor primam nobis orandi formulam tradidit, breuem quidem, sed absolutissimam: vt qua à nullo Christiano, quantumuis rudi, deberet ignorari. Hanc alijs atque alijs interpretantibus, varia preces prodierunt, dum quisque pietatem suam nouis affectibus, nouoque loquendi genere pronuntiauit, peculiaribus precibus singulis rebus & personis accommodatis. Contulit non parum ad hoc studium amplificandum nostra aetate Ludouicus Granatensis, Hispanus, Ordinis Dominicani Monachus: qui diuinis suis, quos de rebus spiritualibus edidit, libellis sparsim multas inseruit orationes, prolixiores quidem, sed pijs affectionibus plenas. Quae cùm multis probarentur, varij à me typographi contenderunt, vt eas ex omnibus auctoris opusculis, primum à me translatis, corraderem, atque libello quodam separatio excendi curarem. Quod onus antequam suscipere volui, ante omnia de ordine in his precibus seruando seriò deliberaui, vt sin-

EPISTOLA

gula preces suis locis, quasi certis sedibus continerentur: quod à paucis Neotericis obseruatum vidi: cum tamen preces sine vilo ordine congestæ, lectorem facile conturbent. Placuit ante omnes R. D. Simon Verrepæus, qui hac in re ceteris antecellere videtur, quod pulcherrimum ordinem secutus est. Hunc dum nobis imitandum proponimus, nonnulla detr. here, addere quedam, & quedam capita primaria transponere coacti sumus. Inuenimus enim apud Granatensem quasdam orationes, quæ peculiare caput exigebant: quoddam caput apud Verrepæum, cui nulla orationum Granatensis potuit accommodari. Sed & hanc difficultatem inuenimus, quod plurimis rebus necessarijs accommodatas preces Granatensis nobis non suppeditaret: quare eas aut ex alijs probatissimis auctoribus eligere, aut ipsi nouas facere, suisque locis accommodare debuius. id vbique diligenter cauentes, ne à D. Verrepæo positas repeteremus, aut vulgares preces, sed selectissimas quasque lectori traderemus.

PRO-

DEDICATORIA.

PROPERABAT iam libellus hic
 ad finem, & patronum sibi aliquem
 postulabat, sub cuius auspicijs in lu-
 cem prodiret. Obtulit sese Nobilitas
 tua, Generose Domine, cum alias ob
 causas, tum maximè ob eximiam pie-
 tatem, quæ in utraque familia tua, pa-
 terna ac materna, iam à multis seculis
 mirum in modum eluxit: quod plu-
 rima in templis ac locis sacris relictæ
 patrum monumenta testantur. Id de
 VALCKENARIIS testabuntur
 Vlraiectensium ij, quorum adhuc re-
 cens est memoria earum rerum, quæ
 ante Iconoclastarum exitiosam cla-
 dem passim in templis extiterunt. Nam
 ut BOETBERGII apud Neoma-
 genses summo semper in honore fue-
 runt: sic apud Vlraiectenses illi: &
 apud utramque gentem utriusque fa-
 milia grauißima patrum adhuc extat
 memoria. Horum pietatem, eximias-
 que virtutes tantum abest, ut tu ob-
 scures, quod etiam ob singulares ani-
 mi dotes, ingenijque dexteritatem, in-
 dies magis magisque illustres: & ma-
 ximam maximarum rerum spem (si

hæc

EPISTOLA

hæc ætas ad senilem grauitatem, atque prudentiam peruenerit) Christiana Reipublic. de te præbeas: ea enim in te iacta sunt fundamenta, quæ nobilem & absolutam nobis structuram promittunt: eas diuitias opum largitor Deus tibi contulit, illud dedit ingenium, eamque generis inter Gelros auctoritatem, ut possis: illam etiam pietatem ac bonitatem, ut velis quàm plurimis, atque adeò toti patriæ prodesse. Tantùm id caue, ne in tam sublimi positus felicitatis fastigio, quæ ad virtutes sectandas data sunt adiumenta, vitiorum (quod in multis vidimus) fiant instrumenta: ætas enim illa multis periculis est exposita, quæ occasionibus sæpe fiunt maiora: & nauis vento secundo, si vehementius flauerit, faciliè subuertitur. Sed his malis medebitur optima disciplina, quam generosa Nobilitas tua vnà cum litteris ab optimis præceptoribus traditam imbibit: quæ si impietate conditur, omnia pericula fient leuiora: ea enim, Apostolo teste, Vtilis est ad omnia. Per illam reges regnant, & legum conditores iusta de-

Tim 4
ou. 8.

cer-

DEDICATORIA.

cernunt. Per illam principes imperant,
& potentes decernunt iustitiam. Cum
ea sunt diuitie & gloria, opes super-
be & iustitia. Sine ea non modò flo-
rentissimæ familie, sed integra regna
non rarò pereunt, & euertuntur. Mag-
num ad pietatem adfert adiumentum
oratio, qua pietas impetratur, impe-
trata augetur, & aucta quasi in na-
turam transit. Oratio igitur ab ore tuo
non recedat, sed illam fac tibi fami-
liarem, & in ea iuuenilem, sed ge-
nerosam, mentem tuam quotidie exer-
cere ne pigeat. Cuius rei perficienda vt
N. T. maiorem habeat commoditatem,
has nostras Preces, omnibus rebus ac-
commodatas, sub tuo nomine prodire
volui: nec tu dedicationem hanc ali-
ter accipies, quàm amoris inter nos
mutui pignus. Deus Opt. Ter. Maxi-
mus Nobilitatem Tuam nobis quàm
diutissimè seruet incolumem. Nouio-
magi Gelrorum, ipsis Nonis Septem-
bris, Anno post Christum
natum 1589.

AD LECTOREM
De Collectoris consilio, & usu
harum precationum.

Prodit iam tandem,
candide Lector, Para-
ditus precum, Lucio-
cici Granatensis. &
multis diu desideratus.
Eum ad maiorem tuam vtili-
tatem in 17. capita primaria distin-
ximus: vt semper sine vlla difficul-
tate inuenias, quod orare velis. Hoc
enim vnice curauimus, vt orare
volenti nulla, quę in preces nostras
venit, desit materia. Et quia Gra-
natenfis de omnibus his peculiare
preces non habebat, multas ex alijs
probatissimis auctoribus seligere
debuimus. Auctorum nomina ad
marginem adiecimus, ex quibus
singulę desumptę sunt. Sed & si
apud auctores illos etiam oratio-
nes materię congruentes non in-
uenerimus, eas ipsi nouas fecimus,
& sub nomine Collectoris posui-
mus. Hoc autem saepe obseruabis

Lector,

AD LECTOREM.

Lector, non semper integras, aut verbotenus orationes vel Grana-
tenſis, vel aliorum auctorum à no-
bis poni, ſed ſubinde ijs aliquid vel
detrahi, vel addi, aut in ijs aliquid
mutari, prout temporì aut rei pro-
poſitę expedire videbatur. Quibuſ-
dam etiam capitibus præfationes,
rectum iſtarum precum uſum ex-
plicant, præmiſimus: & ſubinde
pias admonitiones inter ipſas pre-
ces inferuimus.

Porro omnium capitum uſus
cuique facile manifeſtus erit: cum
vnumquodque ſuis rebus, perſo-
nis, aut temporibus ſit accommo-
datum: exceptis meditationibus
Orationis Dominicę, capitibus et-
iam 7. 9. 10. quorum ſingula in ſep-
tem meditationes, orationes, aut
gratiarum actiones diſtribuimus.
Ne autem tædium eadem ſemper
orandi tibi ſubrepat, ex omnibus
hiſ capitibus ſingulis diebus vnam
orationem aut meditationem de-
ſumere poteſ. Hoc modo ſingulis
ſeptimanis ſemel orationē Domi-
nicam,

AD LECTOREM.

nicam, & totam Christi vitam per-
cures: semel Deo pro omnibus
eius beneficijs gratias ages, & quo-
tidie (vt oportet) pro amore Dei
(in quo nostra consistit perfectio)
Deum precaberis. Obseruandum
etiam in capite secundo, nostram
fuisse intentionem, vt istud suffi-
ceret solenni Missæ, quæ canitur.
Quòd si prolixius sit pro priuata
Missâ, quædam orationes possunt
omitti. Illustrauimus nunc Ludo-
uicum Granatensem quantum po-
tuimus: tu Lector eo nunc vttere, &
pro laboribus meis id quæso à te
præmij feram, vt pro me infeli-
ci peccatore Deum ores, meque
precibus tuis illi com-
mendes.

V A L E.



PRAE-

PRAEFATIO IN ORATIONEM DOMINICAM.

In quid petendum, aut quomodo orandum sit, ex nobis ipsis nesciamus, Servator noster, pro sua bonitate, nobis formulam orandi tradidit, quam si servemus, non est periculum, ne ab ipso audiamus; Nescitis quid petatis. Brevis autem hac est formula; sed absoluta, & mysterijs referta. Cum enim omnibus velut regula exhibeatur, oportebat esse brevem, ut capi & retineri posset à pueris, à senibus, ab aegrotis, à mulierculis, ab occupatis, à rudibus, ab obliuiosis, ab ignavis. Nihilominus absoluta est; cum nihil peti possit aut debeat à Deo, quod paucis istis verbis non contineatur.


Rom. 8.

Matt. 20.

Petimus hic bona omnia tam spiritua-
lia, quàm corporalia: deprecamur etiam
mala omnia: illa quatuor petitionibus
prioribus, haec tribus posterioribus. Porro
cum qui rogat bona cum spe & fiducia,
quod exoraturus sit, rogare debeat, nec
quod illam in nobis generat omissum est.
Nascitur enim fiducia ex consideratione
duarum rerum; quod is à quo aliquid ex-
petamus & potest facere, & volet. Vo-

luntas in paternitate declaratur; potentia in sede caelesti. Magnam igitur fiduciam concipiamus necesse est, cum dicimus; Pater noster, qui es in caelis. Singula itaque particulae, singula sunt expendenda verba, atque adeo litterula ipsa & apices. Reserta sunt mysteriorum omnia, sicuti & ipse, & vita eius, omnesque eius actiones qui discavit.

Plurima sunt de explicatione orationis huius à sanctis viris, à magnis ingenijs perscripta, nec tamen varietatem & multitudinem sensorum poterunt exhaustire. Pulcherrimam, & pijs affectibus plenam explicationem in hanc orationem ante paucos annos scripsit Ludovicus Granatensis, quam ex suo Memoriali vita Christiana, mutatis paucis, additis & detractis quod nonnullis, prout nostro instituto conuenire videbatur, desumptam huic libello prefiximus; rati omnino nullas in lucem preces prodire debere, quae non ab hac salutari & planè diuina, utpote ab ipsa Dei sapientia praescripta oratione felix, faustumque sumerent auspiciū.



DEVOTISSIMA,
PIISQUE AFFECTI-
BUS PLENA ORATIONIS

Dominicæ expositio, in septem
Meditationes, seu orationes
distributa.

MEDITATIO I.

Pater noster, qui es in calis.

DOMINE quis in nubibus
æquabitur tibi, similis erit
Deo in filiis Dei? Confiten-
tur namque cæli mirabilia
tua, & terra videns opera

manuum tuarum obstupescit. Quia facis
magna, & incomprehensibilia & mirabi-
lia, quorum non est numerus. Ea namque
facis opera, quibus omnis humana laus
est inferior, quæ nullius hominis elo-
quentia potest eantare, nullius intel-
lectus comprehendere. Nec mirum. Ere-
nim par erat, ut opera tua natura quan-
dam haberent proportionem. Cum igi-
tur natura tua sis omnipotens, immen-
sus, incircumscriptus, incomprehensi-
bilis, infinitus: quid mirum, si illa fa-
cias opera, quæ si quis curiosus scrutari
velit, stet attonitus, & a mentis sue statu
dimoveatur?

Mirentur alij, ó Domine, quo tpu-
gillo aquas metiris; quod cælos palma

Ex libro
septimo
Memor-
ialis Or-
ationis
Psal. 88.

Iob 9.

Esa. 40.

sal. 144.

ponderas, quod tribus digitis molem terræ appendis, librasque in pondere montes, & colles in statera. Mirentur inquam, alij opera creationis, quorum non est apud homines aut numerus aut ratio, aut intellectus: ego misericordiæ tuæ opera contemplantor, & admirabor: misericordia namque tua super omnia opera tua.

lat. 4.

lat. 6.
an. 20.

eb. 2.

Horum operum primum & principale, est mysterium incarnationis vnigeniti filij tui, quem ante constitutionem mundi prædestinatum, cum temporis plenitudo venisset, e summo cælo, atque adeo è sinu tuo in hoc mundi exilium demisisti, vt ex carne nostra, & ossibus nostris corpus sibi formaret; nostram naturam assumeret, frater noster secundum humanitatem fieret, atque nos suos fratres, non quidem natura, sed adoptione faceret. Mysterium igitur incarnationis semper ego venerabor, semper prædico, semper adorabo: per illud enim mihi beneficium collatum est, quo magnificentius nec in cælo, nec in terra posset à te postulari: vt ego scilicet filius tuus, & tu meus pater esses. Huius rei fidem mihi fecit filius tuus Christus IESVS Dominus noster, qui in vniuerso Euangelij sui contextu te patrem nostrum appellauit. Quam ob causam nec filius tuus confunditur fratres nos appellare, dicens; Nuntiabo nomen tuum fratribus meis.

Mirabatur Dauid bonitatem tuam, qua

in eum

ORAT. DOMINICAM. 5

in eum utebaris, & dignitatem ad quam illum euexeras, stuporeque plenus exclamabat; Quis ego sum Domine Deus, & quæ domus mea, quia adduxisti me huc vsque? exiguum tamē erat, quod ille mirabatur, si cum eo, quod mihi in hac adoptione donasti, conferatur Regem illum vnus prouinciæ in mundo feceras, & filios eius hæredes regni fore promiseras: me autem filium Regis Regum, & Domini Dominantium, cui cælum & terra parent, effecisti, nec filium tantum, sed etiam hæredem omnium regnorum tuorum instituisti.

2. Reg 7

Cæterum cum in hoc mundo multi sint tituli bonorum potius, quam rei, quorum nomini effectus non respondet, tuque Dominus tam excelsus sis & potens, ego tam vilis & infirmus, dubitare merito possem, anne Patris illud & filij nomen, quibus te & nos dignatus es, honoris potius tituli sint, quam rei nisi filius tuus addidisset; Patrem nolite vobis vocare super terram: vnus est enim pater vester, qui in cælis est, significans tantam esse prouidentiam & curam tuam erga nos tantum esse amorem, quo nos complecteris, tot & tanta beneficia, quibus nos oneras, vt si cum ijs conferatur, quidquid filijs à parentibus terrenis fieri potest, ipsi ne parentum quidem nomine digni sint: Quis enim pater filijs suis tot tantaque bona præparauit? quis filios suos ad tantos ho-

Matt. 23

nones vnquam euexit? quis vnquam
 tantos thesauros, tot laboribus & dolo-
 ribus filiis suis cumulauit, quantos tu
 nobis vnigeniti filij tui pretioso san-
 guine mercatus es? tu nos captiuos re-
 demisti, & ad supremam cæli gloriam
 prædestinasti, ad quam morte vnigeni-
 ti tui nobis aditum patefecisti. Dicam
 igitur Domine cum Dauide; Pater meus
 & mater mea dereliquerunt me: Domi-
 nus autem assumpsit me. Non vocabo
 mihi patrem super terram, sed dicam
 cum Esaia; Tu Domine pater noster es,
 & Abraham nesciuit nos, & Israel non
 cognouit nos. Certus enim sum, quòd
 non derelinques me: tu enim dixisti;
 Nunquid obliuisci potest mulier infan-
 tem suum, vt non misereatur filio vteri
 sui? sed & si illa oblita fuerit, ego tamen
 non obliuiscar tui. Ecce in manibus meis
 descripsi te, & muri tui coram oculis
 meis semper.

Cum igitur tanta, tamque ineffabilis
 sit hæc tua misericordia Domine, non
 dubitauit filius tuus fiduciam in nobis
 duplicare, & licentiam dare, imò præci-
 pere nobis, vt in posterum orantes dica-
 mus apud te, *Pater noster, qui es in cælis*. O
 Regale verbum, o verbum dulce, verbum
 plenum deuotionis & consolationis in-
 æstinabilis. Quis vnquam, o Domine
 mi, ausus fuisset te Patrem appellare,
 nisi vnigenitus Filius tuus, qui est in si-
 nu tuo, hanc nobis licentiam, & hoc pri-
 uile-

sal 26.

sa. 63.

sa. 49.

in. i.

uile-

quilegium dedisset? Quis enim es tu Deus meus, & quis sum ego, ut te patrem audeam nuncupare: Tu es quies, & ego motus sum qui non sum: imo vniuersa hæc mundi machina in tuo conspectu quasi stilla stillæ, & quasi momentum stateræ est reputata.

Dica Quid igitur magis admirandum, & mirum quæ copiosior esse potest misericordia, quam quod tu Deus infinite Maiestatis, vocas Rex Regum, Dominus Dominantium, dicis Sanctus Sanctorum, Deus Deorum: tu alter Deus Angelorum gloria, & Sanctorum melius gaudium meus Pater esse voluisti, & qui me in filium tuum adoptare, qui nihil dixi sum aliud, quam unum mundum quoddam sterquilinum, vilis & contemptus vermiculus, creatura fœtore & horrore plena? O admirabilem pietatem, o longitudinem, latitudinem, altitudinem & profunditatem diuinæ charitatis & bonitatis.

Pater noster. Ecquod melius vnquam inuentum est tam dulce, tam suauis nectar, tam odoriferum balsamum, quam verbum hoc? Quid? ergo ne te Creator mihi Patrem meum appellabo? Tantane in me erit fiducia, ut audeam te hoc nomine interpellare? O inestimabile gaudium, o dulcedo ineffabilis. Quid amplius facere potuisti tu Domine, & ego quid amplius optare? quid pretiosius desiderare potuissem, quam te Deum meum habere Patrem? Euge quam bene intellexit

8 MEDITATIONES IN

Ioan. 3.

huius gratiæ magnitudinem Euangelista cum diceret; Videtis qualem charitatem nobis dedit Pater, vt filij Dei nominemur & simus: quasi diceret; non fuit tibi satis dedisse nobis nomen & titulum filij, nisi etiam dares nos esse veros filios, & filiorum nobis dignitatem atque prærogatiuam donares, vt essemus certi, te Patrem nostrum esse: cum non inueniatur pater sine filio, nec filius sine patre: ita vt nos deinceps tu Deus Pater habeas pro tuis filiis, & filius tuus pro suis fratribus, & Spiritus S pro suis templis atque viujs sacrarijs Quæ gloria magnificentior? quæ dignitas esse potest angustior?

Vetus est prouerbiū, Dulcis odor lucri de re qualibet, & sanè, non est quicquam in mundo gratius aut suauius utilitate: solet enim omne opus fieri tolerabile, cum præmium eius cogitatur, & spes præmij solatium est laboris. Sed omne lucrum, omnem utilitatem, omne præmium longè superat, Deum habere patrem, non tantum nomine, sed effectū etiam & re. Quid igitur in mundo dulcius? quid suauius: quid delectabilius hoc nomine Patris potest excogitari? Vox illa vulnerat cor, commouet interiora viscera, confortat spiritum, exhilarat animam, aperit clausos lachrymarum fontes.

Pater noster: O verbum compendiosum, ô verbum abbreviatum quod fecit

Domi-

Dominus super terram. Clamat Aposto-
 lus, se nihil scire, præter Christum, &
 hunc crucifixum: nec malè; in eo nam-
 que mysterio comprehenduntur omnes
 scientiæ ad salutem necessariæ. Et ego
 Domine aliud nil scire cupio, quàm te
 Patrem meum; discere nil aliud volo,
 quàm quæ sit vis gratissimæ illius vo-
 culæ, *Pater noster*. In hac sententia stu-
 dere, in ea philosophari, in ea die ac
 nocte volo meditari. huius enim vnius
 vocis scientia ad omnia mihi sufficit.
 Vt enim homo propterea microcosmus,
 hoc est, mundus minor appellatur, quia
 in illo solo inuenitur, quidquid in vni-
 uersa mundi machina spectatur à te cre-
 atum: sic & scientia horum verborum fe-
 rax, & compendiosa dici potest, cum in
 ea breuiter comprehendatur, quidquid
 per vniuersum scripturæ corpus diffu-
 sum est. Tota namque scriptura com-
 modè in duas partes diuidi potest, sub
 quarum vna petitiones, altera promif-
 siones continentur: in hoc enim tota
 occupatur, vt petat ab homine reddi,
 quod Deo debetur, & facien: i hoc, omne
 bonum vicissim p. llicetur. Vna igitur
 parte scriptura docet quid tibi. Domi-
 ne, debemus; & altera, quid à te ex-
 pectamus Sed quæ promissio dari potest,
 quæ non comprehenditur sub nomine
 Patris; & quæ obedientia, quæ sub vo-
 ce filij non continetur? Quæ igitur bo-
 na, quam sollicitudinem, curam, pro-

uidentiam & gratiam non sperabo ab illo, qui verè pater meus est?

Si enim Pater meus sis, omnino naturæ & rationi conueniens est, vt me ames, mihi necessaria tribuas, me dirigas, me iuues, me defendas, me in pretio habeas, mihi consulas, me doceas, me heredem instituas, me (cùm opus erit) vt pater castiges. Quis enim filius quem pater non castigat? Vivere igitur sub tali patris tutela & prouidentia, conditio est suavis, seruitus libera, custodia secunda, timor lætus, castigatio mollis, paupertas opulenta, possessio diues. Patris enim est omnes sollicitudines, curas & labores in se suscipere, & fructum eorum cum filio diuidere.

Porro si tu Pater Deus sis omnipotens, omniumque rerum creatarum Dominus, quid mihi deesse poterit, si talem patrem habeam? scio enim quòd filij partem habent in patris possessione. Quæ tribulatio, quæ angustia, quæ fames, quæ nuditas, quod periculum animum meum turbare poterit, si te Deum meum Patrem habeam? Si inimici me persequantur, tu me defendes; si bonis me temporalibus exuant, tu mihi vitæ red-des necessaria; si aliquo in dubio verfer, tu me docebis; si ambulauero in tenebris & in vmbra mortis, tu mihi dux eris; si contra me testimonium falsum dicatur, tu pro me respondebis; si insurgant aduersum me castra, non timebo,

quia

quia tu pater mecum es. Quæ itaque gloria maior? quis honos sublimior? quæ misericordia esse poterit vberior? Prima dignitas quæ in rerum natura inuenitur, est, esse filium Dei per naturam; secunda verò, eiusdem filium esse per gratiam, & quia impossibile erat alios præter vnum esse filium Dei naturalem, ad secundam nos dignitatem euexisti, faciens nos filios tuos per gratiam; cui beneficentiæ quid amplius addi posset ignoro.

Videmus igitur, ô benignissime Domine, promissiones tuas omnes simul iunctas in hac vna voce Patris reperiri: imo plura eadem significari, quàm vniuerso scripturæ contextu comprehenditur. Multo enim maius est, quod tu Deus Pater noster esse dignatus es, quam reliqua omnia, quæ abique hoc vno promittere nobis potuisti. Cum enim tu sis Pater noster, & nos tui filij, omnium bonorum tuorum sumus participes, omniumque diuitiarum tuarum simul cum vnigenito & naturali filio tuo sumus coheredes.

Præterea vox illa Patris non tantum docet, quid mihi sperandum, sed etiam quid mihi faciendum est. Si tu enim Pater meus verè sis, ego vicissim ero verè tuus filius, & quid hinc sequitur, nisi me obstrictum esse ad opera filij faciendâ: nam si a te officium boni patris expectem, æquum est, vt ego vicissim boni

filij officium faciam. Quid igitur mihi incumbit ô pie Pater? vt te tanquam patrem diligam. tanquam patrem colam, tanquam patrem timeam, tanquam patri obediam: vt ad te tanquam ad benignissimum patrem in omni mea tribulatione recurram: in te, vt in patre fidelissimo spem omnem meam collocem. Muneris adhæc mei est honorem tuum zelare, vbicunque & quandocunque potero: eundem promouere, puro amore, puraque intentione tibi velut patri seruire, me totum in manus tuas, tanquam in manus optimi patris, commendare: omnes castigaciones & correcciones tuas, quasi à carissimo patre missas patienter, & cum gaudio sustinere.

Denique omnes meas sollicitudines & curas in te. vt in charissimum patrem conijcere. Omnia hæc nomen filij à me requirit, & quoties te patrem appello, toties horum omnium me debitorem agnosco. Quidquid igitur præcipis, quidquid in vniuersa scriptura promittis, in vna voce Patris concluditur. Valeat igitur Plato, valeat Aristoteles, valeat omnis humana Philosophia, valeat denique infinita librorum multitudo, in hoc vno vocabulo Patris verbum habeo abbreviatum, & doctrinam compendiosam, in qua vna toto vitæ tempore studere & meditari est animus.

Noster.

Erunt autem hæc manifestiora, si secundum verbum primo iungamus, dicentes, *Pater noster*. Non enim voluit vnigenitus filius tuus, vt diceremus; *Pater mi*, neque in tota hac oratione meum aut tuum inuenitur, sed *noster*, *nostrum*, nobis, & nos. Voluit enim omnibus hominibus dignitatis huius gloriam esse communem, vt omnes essemus per gratiam, quod ille est per naturam. Cum itaque dicimus *Pater noster*, disertis verbis fatemur omnes nos esse fratres, tanquam vnus, eiusdemque Patris filios: debemus igitur singulos vt fratres, & te, vt vniuersalem omnium patrem, diligere. In his itaque duobus verbis monemur amoris Dei & proximi, quo duplici amore lex & Prophetæ consistunt. Quæ igitur doctrina posset esse sublimior, vtilior, vberior, & tamen compendiosior, cum duobus vocabulis apertissimè doceat, quidquid scire ad salutem esse necessarium?

Denique non tantum me docent hæc verba, quid scire, quid facere, quid sperare debeat: sed viam mihi quoque ad poenitentiam sternunt, portamque spei, peccatis meis mihi oclusam, aperiunt. Non enim desperabo. non despondebo animum, fiduciam & spem non abijciam, etiam si grauissime peccauero, si te Deum habeam Patrem, quem Aposto-

..Cor.1.

Luc.15.

lus tuus Patrem misericordiarum, & Deum totius consolationis appellauit: sed potius exemplum filij prodigi imitabor, reuertar ad te Patrem meum eadem cum verecundia, eodemque cum animi affectu, quo ille reuersus est, & dicam; Pater mi, peccaui in te, & in cælū ipsum, non sum iam dignus vocari filius tuus: fac me sicut vnum de mercenarijs tuis. Licet enim ego dignitatem filij amiserim; tu tamen, ô Domine, pietatem & beneuolentiam Patris non amisisti. Hæc ex intimo corde si dixerō, antequam orationem meam absoluerō, spero quod aderis, occurrēs mihi, cadensque super collum meum, me osculo pacis osculaberis. Hæc de visceribus Patris mei mihi spes est, id omni studio ager, ne pereat filius suus: & si perierit, reuocabit illum; imò si opus fuerit, ad se trahet. Si auis pullum suum nido excidisse & periclitari viderit, non quiescit priusquam in nidum reduxerit: sed & si bestiam accedere conspiciat, circumuolitat, rostro tuetur, alis defendit, donec pullum suum liberauerit: sic & tu Pater cælestis de salute mea sollicitus es; mederis meis infirmitatibus, sanas mea vulnera, & feras bestias, hoc est, cacodæmones persequeris, filiosque tuos ad nidum, & ad gremium tuum reducis: etsi offensus sis, iniuriarum tamen obliuisceris, nec quiescis, priusquam filij tui ad pœnitentiam reuertantur. Huc accedit, quod non

cessas

& cessas eos iugiter admonere, ijs tanquam
 ipius pater consulere, & si errauerint, in
 viam salutis reducere. Si quis lucem diei
 videre cupiat, non accendit lucernam, vt
 quærat eam: ipsa enim lux quærenti se
 offert, & in oculos eius influit: sic qui-
 cunque vult oculos suos in cælum leua-
 re, & te Patrem intueri, non est quòd ex-
 ternum lumen adferat, sed in lumine tuo
 te lumen videbit, nec deerit cuiquam pe-
 tenti serena lux tua, quæ se communicat
 omnibus.

Psal. 35.

Qui es in calis.

O cæli terræque Conditor, diffusa est
 gratia in labijs tuis; ideo dulciora sunt e-
 loquia tua super mel & fauim: nectare &
 ambrosia dulciora sunt verba, quæ præce-
 dunt, nec minus dulcia sunt, quæ imme-
 diatè sequuntur: copiosa sunt illa, & ta-
 men succincta; sed nec minus copiosa
 sunt hæc, nec minus succincta. Si enim
 tu Domine, qui Deus meus, pater meus,
 hæreditas mea es, in cælis habites, quid
 mihi cum terra? si thesaurus meus sit in
 calis, quid quero super terram? Si tu pa-
 ter meus sis in cælis, ego filius tuus quid
 hic in mundo sum, nisi hospes & pere-
 grinus? manentem ciuitatem in terris
 non habeo, sed quasi extorris solum ver-
 tens veram patriam meam quæro, ad pa-
 triam meam gemens aspiro.

Psal. 18.

Sicut peregrinus qui ad patriam festi-
 nat, nullis grauatur sarcinis, sed solum

corpus secum fert: omnes eius curę & sollicitudines de patria sunt, vbi domicilium & habitatio eius est: sic ego Domine qui peregrinus sum, cur non excussis omnibus huius vitę curis & sollicitudinibus, cor & omnes cogitationes meas ad te dirigo, quamdiu à te disiungor? cur nõ festinus ad te propero?

Qui es in cælis. Verbum hoc spem meam corroborat, & securiorem meam reddit absentiam. Etenim si tu Pater meus in cælis sis, ius in eisdem cælos habeo: pedem iam alterum in isto diuersorio iam dudum collocaui, cum tu in illo habites, & verus illius sis paterfamilias. Vbi habitabunt filij, nisi vbi Pater eorum habitat: vbi erunt membra, nisi vbi caput est: vbi congregabuntur aquilę, nisi vbi corpus reperitur? An tu Pater vnquam denegabis ei domum, cui titulum filij & hæredis non denegasti?

Qui es in cælis. Verbum hoc magnificat animam meam, & super omnia quę creata sunt extollit. Quę namque maior animi satietas, quę dignitas sublimior, quę gloria possit optari magnificentior, quam habitare in terris, & Patrem habere in cælis, qui Rex est cæli & terrę, cuius beneficio nos etiam cęlorum Reges constituimur? O vos omnes qui gloriam & honores ambitis, quid quæritis hæc in fumo qui subito euanesceat, & in puluere quem proijcit ventus à facie terrę: Cur contemnitis honorem qui

vltro vobis offertur, vt sitis filij Regis
 cælestis, & gloriam huius seculi, quæ fu-
 git insequentes, tam multo sudore quæ-
 ritis? Aut igitur Christianos esse vos
 ostendite, & diuinos honores vltro ob-
 latos suscipite: aut si hos negligatis, &
 vanos huius seculi honores tantis cum
 difficultatibus quærere pergatis, profe-
 ctò Christiani non estis. Lætamini in Psal. 31.
 Domino & exultate iusti, & gloriamini
 omnes recti corde, quia pretiosissimum
 pignus vobis in cælo repositum est, &
 cæli Deum Patrem habetis Assumam, ô
 Domine mi, pennas vt aquila, derelin-
 quam ima hæc, terrenarum opum sor-
 des deseram, & in cælum ad te subuo-
 labo: qui namque possem magni face-
 re quæ sunt in terris, cum institutus sim
 hæres omnium eorum, quæ sunt in cæ-
 lis? quomodo potero me conuertere ad
 brutas & immundas huius mundi volu-
 ptates, terrenasque & momentaneas
 mundi diuitias, qui beneficio patris mei
 omnium cælestium opum atque regno-
 rum possessor effectus sum? Id profectò
 gloriæ meæ non leuem aspergeret ma-
 culam; sed & turpius atque ignominio-
 sum magis mihi esset, quam si Regis ali-
 cuius filius equilia purgaret, aut strigil-
 lando victum mendicaret.

Sed miser adhuc sum, & in calamita-
 tibus multis adhuc viuo. differtur hæc
 spes, & nondum apparet quid ero. an
 igitur inanis sit hæc mea gloriatio? ne-

qua-

quaquam. Si primogenitus Regis, licet possessionem regni nondum adeptus est, propter ius tamen quod in regnum paternum habet, haut aliter quam Rex ipse habeatur: ego qui simile ius ex adoptione & promissione Dei viui, non ad perituum & mundanum, sed ad aeternum & caeleste regnum habeo, cur me diuitem & felicem non dicam? cur de Regis nomine non gloriabor? Etsi enim hæc spe differatur, tu tamen Deus verus es in promissionibus tuis; & fœdus tuum quod pepigisti nobiscum non facies irritum: sed

Apoca 5. absterges omnem lachrymam ab oculis
7. & 22. nostris, & sedere nos tecum facies in throno tuo, regnabimusque tecum in secula seculorum, Amen.

MEDITATIO II.

Sanctificetur nomen tuum.

Igitur, ô benignissime Pater noster, cum omnia quæ sub cælo sunt, in vsum nostrum creaueris, nos autem in vsum (etsi bonorum nostrorum non egeas) tuum, ut scilicet tibi seruiamus, te laudemus, sic viuamus, ut nomen tuum ubique glorificetur; pulcherrimo quodam ordine quod summum est, id primò petendum esse, nos tuus docuit Filius: ut scilicet orantes dicamus; *Sanctificetur nomen tuum.* Etenim si iam in filium tuum adoptatus sim, quid mihi magis faciendum incumbit, quam ut

sancti

sancti nominis tui gloriam vbique & semper promoueam : victoriam regni tui optem ? & obseruantiam tuæ voluntatis omnibus rebus anteponam ? Accepta namque filii noua dignitate, quid restat, nisi vt ad possessionem illius procedam, quæque filio conueniunt, ea cum amore & timore, quantum datur, exequar?

Quemadmodum enim homo nuper Rex, Antistes, aut alterius dignitatis Prælatu electione creatus, mox dignitatis illius possessionem capit, & ea quæ ad officium suum pertinere videntur, incipit cogitare : sic ego, Domine, gratia, nouæ huius dignitatis accepta, ad ipsius possessionem aspiro : quæ officij illius sunt meditor, paratus omnia facere, omniaque velle, quæ tanti Patris filium decet : hoc est, vt nomen tuum sanctificetur, & gloria regni tui in omni tribu, & lingua, & populo fiat manifesta; vt Maiestas tua ab vniuerso mundo adoretur & glorificetur. Dum enim, vt hæc fiant, quantum in me est, laboro atque desidero, quid aliud ago, quam quod propriæ studeo laudi atque vilitati ? Gloria namque patris est & gloria filij, vt quidam tuorum amicorum ait.

Prou 17.

Porro cum natura sic comparatum sit, vt bonus filius amet patrem; amoris vero proprium sit, amantem in rem amatam transformare, adeo vt qui amat, iam quasi sui oblitus non minus quærat, ap-

petat.

petat, & concupiscat ea, quæ illius sunt, quem amat; quàm quæ propria sunt: quid ego Domine totus in te per amorem transfusus aliud velle, aut desiderare possem, aut debeam, quàm quod tu ipse vis & desideras? Et quid tu maiorem desiderio quæris, quàm nominis tui gloriam? non enim est quidquam aut in cælo, aut in terra maiori dignum appetitu. æquum igitur, vt & ego ex totis viribus meis eandem gloriam tuam apud omnes prædicem, vbique magnificem, & totum per orbem vt celebris habeatur exoptem.

Scio mi Pater, scio te bonorum meorum non egerè, nec meis tibi laudibus opus esse: nam si mortalium lingua taceat, omnes creaturæ veciferabuntur, gloriam tuam prædicabunt, & se mutuo ad laudem tui nominis exhortabuntur. Si namque Spiritus Angelicos intueamur, quid aliud agunt in cælis, quàm quòd sine requie, sine vlla intermissione te laudant, nomen tuum sanctificant, diuinoque te Treishagio concelebrant? Si vertamus nos ad admirabilem illam cælorum compositionem, motuum concordiam. & miracula quæ in ijs conspiciuntur, vtique Domine; Cæli enarrant gloriam tuam, & opera manuum tuarum annuntiat firmamentum. Si consideremus pugnantes inter sese elementorum concordiam, fluxum & refluxum maris, fontium scaturigines, perpetuos

Psal. 18.

flumi-

fluminum decursus, tantam arborum diuersitatem, herbarum varietatem, tot animalium species, & tot naturæ miracula, quæ modum & numerum non habent, singula secundum propriam virtutem naturalem, prout tibi dare placuit, quid aliud prædicant, quid aliud toti mundo annuntiant, quam nominis tui magnificentiam? omnia hæc quasi viua voce clamant te solum Deum verum, Deum viuum, Deum omnipotentem: te solum Deum sapientem, bonum & misericordem; te solum Deum iustum, terribilem & admirabilem; te denique solum dignum, qui sine intermissione lauderis, atque sanctificeris.

Inter omnes creaturas alias homo maximè obstrictus est ad sanctificandum nomen tuum, teque magnificandum. Cum enim ipse solus inter omnes creaturas visibiles à te acceperit aptitudines, facultatesque & perfectiones omnium rerum creatarum (vnde & microcosmus, hoc est, paruus mundus appellatur) illarum autem singulæ suo modo nomen tuum sanctificare teneantur; quid non debebit ille, qui omnia simul accepit, & in cuius gratiam atque vsum omnia creata sunt, quæ in hoc visibili mundo conspiciuntur.

Ex toto igitur corde meo, ex totis viribus meis, o Pater oro, opto, atque desidero, vt nomen tuum per vniuersum mundum sanctificetur: vt non sit lin-

gua,

gua, tribus, populus, sexus, ætas & conditio hominum, quæ non conuocet ceterum & conuentus faciat ad laudandum & glorificandum sanctum nomen tuum. O Domine mi, non peto vt des mihi diuitias terræ, honores mundi, aut illecebras huius carnis; sed tantum oro, *Sanctificetur nomen tuum* in vniuerso terrarum orbe. Sit hæc prima, sit & ardentissima petitio mea; hæc principalis sit mea cogitatio, hic assuetus denique sit & impetus meorum desideriorum. Amor enim in te omnium amorum oportet vt sit fortissimus. Cumque hanc gloriam & honorem tuum optem in hoc seculo, da ne in meum commodum, sed in tuam optem gloriam; vtque beatos iudicem omnes regni tui ciues & incolas: ipsi enim te laudant, te glorificent, tibi benedicunt per omnia secula seculorum, Amen,

MEDITATIO III.

Adueniat regnum tuum.

Vides, ô Pater, vides multos Tyrannos & Dominos inter nos regnare, nobisque Dominari: Hic Diabolus premit cum sua superbia, illic mundus cum sua pompa infestat: caro cum suis blanditijs & delitijs nos sollicitat, propria voluntas cum suis appetitibus nos oppugnat. Omnes isti crudelissimi Tyranni suam in nobis tyrannidem exercent, tuo regno vim inferre, & iurisdictionem

tuam

in vbiq; inuere conantur; id vnice
orantes, vt sua voluntas in nobis fiat,
tua: yt secundum leges & præscri-
regni sui, non tui viuamus.

Exurge igitur o cælestis Rex, & hanc
xian corrige: inuersum hunc orbi
conuerte, & ne patiaris, vt crudelis
& tyrannis in tuo regno præualeat,
nobis dominetur. Eijciantur isti Ty-
ni, dissipentur inimici tui, & a tua
sentia fugiant omnes, qui te oderunt.
pera tu nobis Domine, tu rege nos,
ptum tuum & regnum tuum inter
s tantum agnoscat. Voluntas tua sit
stra lux, & verbum tuum lumen pe-
ni nostrorum; præceptum tuum no-
sit exultatio, iustificationes tuæ
græ sint diuitiæ, atque asperrima quæ-
pro nomine tuo pati nostra sit glo-

Rege nos Domine tua prouidentia, de-
de nos tua dextera, duc nos tuo Spi-
t, doce nos tuo verbo: tuis nos legi-
moderare, tuis nos beneficijs dita,
ericordi nos manu tua castiga. Fac
mine mi, ne post hac caro, mundus,
solus aut propria voluntas vllum in
his locum inueniat. Longè fac Princi-
m mundi huius à nobis: tu solus in
his Dominare, tu solus nobis impera,
solus habita in anima nostra, & re-
m tuum totum cor nostrum occupet
solus esto lumen intellectus nostri,
fectio voluntatis nostræ: te solum

quæ-

quærat, te solum petat, te solum desideret anima nostra. Et quid plura commemo-
 ro? cur singula percurro? *Adueniat regnum tuum*, & sufficit nobis.

Da mihi, ô Pater, tuam gratiam, ne post-
 erum aliquid cogitem, quæram, desiderem,
 præter regnum tuum. id solum mihi sufficiat,
 id nocte dieque sollicito. Tu Pater solus
 bonus es, tu solus pulcher, tu solus amabilis,
 tu solus animarum nostrarum sponsus es: ideoque
 solus regna, tu solus impera, tu solus domina-
 re, tu solus voluntatem meam dirigere, tu
 solus Rex meus esto, & ego fidelis tuus subditus.
 Pectus meum in te solo recreetur, cor meum
 in te solo quiescat, anima mea te solo repleatur:
 Concede Pater, ut ad te solum curram, qui
 ultimus finis meus, centrum & regnum meum,
 in quo animæ puræ & sanctæ sine fine suauiter
 requiescunt.

Adueniat regnum tuum, quod finis &
 complementum nostræ spei, communisque
 omnium nostrorum desideriorum portus: in
 quo videbimus te Regem & Patrem nostrum
 in tua pulchritudine, in quo conspectu tuo
 sine terminum fruemur. Ecquod enim magis
 proprium, magisque naturale potest esse
 nostrorum desiderium, quam velle videre
 patrem suum in regno & Maiestate sua?
 Mi Deus, quando veniet ille dies? & hora
 illa, quando tandem aderit? quando

lucem tuam videbo? quando veniam & apparebo ante conspectum tuum? Aureum illud palatium quando videbo? quando, inquam, videbo hortos tuos æternis floribus confitos? fontes salientes in vitam æternam? portas & muros ex gemmis lapidibusque pretiosis extructos? choros illos Angelorum & Virginum quæ sequuntur Agnum immaculatum quocunque ierit? Cantores, phonascos & psaltrias, quæ perpetuis carminibus & hymnis celebrant, laudantque summum Regem atque communem omnium Patrem, quando præsens audiam?

O Hierusalem mater nostra, quando ab hoc exilio reuersus in te totus recipiar? quando erit illa dies, in qua ad tua limina vocabor? quando videbo muros tuos ex iaspide & hyacintho elaboratos? quando audiam voces & concentus canentium & laudantium te in te? Psal. 81.

Quàm dilecta tabernacula tua Domine virtutum, concupiscit & deficit anima mea in atria Domini. Quemadmodum Psal. 41.

desiderat ceruus ad fontes aquarum, ita desiderat anima mea ad te Deus. Hoc naturale filiorum est desiderium, & proprietas aquarum salientium in vitam æternam, eleuantium corda hominum è terris in cælum: Hæc est aqua illa, de qua singularis amator tuus, o Pater, Beatus Ignatius, cum ad martyrium duceretur, ait; Amor meus crucifixus est, nec in

Ignatius
Epist. 12.
ad Rom.

me ignis est, qui quippiam amet: sed aqua viua, quæ exilit in me, mihi quæ intrinsecus ait; Veni ad Patrem.

Hic est ille communis Pater omnium; quem desideramus, & ad quem aspiramus in hoc exilio, clamantes & dicentes, *Adueniat regnum tuum*: quem cognoscere est vita æterna, quem videre est ipsa beatitudo, quam vt nobis pro tua ineffabili misericordia largiri digneris, ô Pater, supplices precamur omnes, per filium tuum super omnia benedictum, Iesum Christum Dominum nostrum, Amen.

MEDITATIO IV.

*Fiat voluntas tua, sicut in cælo
& in terra.*

Rom. 8
Psal. 113.

VOLUNTATI tuæ quis resistet, ô Pater? Omnia enim fecisti quæ voluisti, & tamen in nobis voluntatem deprehendimus tam peruersam, vt tuæ voluntati sæpe reluctetur. Sol, Luna, & stellæ; mare & omnia elementa, quicquid creatum est, tuæ paret voluntati: soli nos homines rationis participes non obtemperamus. *Fiat igitur, ô Domine, voluntas tua in terra, in nobis, inquam, qui nihil nisi cinis & terra sumus, sicut ea sit in cælo, & Spiritibus illis cælestibus, qui ad nutum tuum dicto sunt audientes. Et quæ voluntas tua est ô Pater?*

Hæc

Hæc est voluntas Patris, inquit gloriosus ille tuus martyr, quam Christus Unigenitus filius tuus & docuit & fecit: Humilitas in conuersatione, stabilitas in fide, verecundia in verbis, in factis iustitia, in operibus misericordia, in moribus disciplina; iniuriam facere non nosse, & factam tolerare posse; cum fratribus pacem tenere, Deum toto corde diligere, amare in illo quod Pater est. timere in illo quod Deus est; Christo nihil præponere, quia nec nobis ille quicquam præposuit; charitati eius inseparabiliter adhærere, cruci eius fortiter & viriliter assistere: quando de eius nomine & honore certamen est, exhibere in sermone constantiam, qua confitemur; in quæstione fiduciam, qua congregimur: in morte patientiam, qua coronamur.

Vnam in te agnoscimus voluntatem tantum, sed duos habet illa respectus: aut enim refertur ad illa, quæ tu ab æterno infallibiliter fieri disposuisti; aut ad illa, quæ monuisti, præcepisti, consuluisti, & prohibuisti. illam beneplaciti, hanc signi appellamus: illi resistere potest nemo in hac libertatem arbitrij reliquisti. Hinc est quod voluntas tua sæpe in nobis non fit, & tu de nobis conquereris, dicens: Quoties volui, & noluisti?

Hoc igitur, ô Domine, peto, hoc desidero, hoc solum quæro; vt in me, & per me, vtraque tua voluntas fiat: illa, vt ni-

Cyprian.
in Orat.
Domi-
nic.
Quæ sit
voluntas
Dei.

Duplex
voluntas
Dei.

Matt. 13.

hil mihi displiceat eorum quæ ab æterno mecum facere decreuisti, siue læta sint, siue tristitia: hæc, vt ego nihil faciam præceptis & monitis cōtrarium tuis, sed quæ tibi placent, in ea vbique incumbam, licet voluntati meæ sæpe contraria. Non enim cupio, vt posthac aliquid fiat secundum optionem vel appetitum meum, neque ea quæ mihi iucunda sunt & grata volo quærere. Nolo, inquam, agere quod suadet affectus erga cognatos & amicos, nolo aures præbere mudo, non quid caro & sanguis hortetur audiam. Da vt non discutiam posthac, quid honorabile, quid ignominiosum, quid facile, quid difficile, quid dulce est, quid amarum: sed in eo solo omnis mea sit voluntas, tuam voluntatem vt faciam. Illud opus me tantum lætificet, illud solum suaue sit mihi, in eo solo sit omnis animæ meæ consolatio. In omni cogitatione, verbo & opere non alius mihi prefixus sit scopus nisi tua voluntas. Da me solum id velle & posse facere, quod tua conueniens est Maiestatì.

Verè Domine, si etiam in minutissimas partes totus essem discrepandus, idque pro gloria & amore, qui tibi debetur, id mihi iucundius esse deberet, quam si cunctis mundi fruerer voluptatibus nisi fortè voluptates illæ in maiorem tui nominis gloriam redundarent. Non enim voluptates propter voluptates, sed propter obsequium & cultum tuum, si

ita volueris. appetam quoniam non vt mea, sed vt tua voluntas fiat petere me præcepisti. Nihil mihi sit dulcius, nihil amabilius, nihil iucundius, quam vt totus amore tui liquefiam. Hæc mihi sit summa delectatio, aliquid durum & asperum pro honore tuo tolerare. Illud enim est gaudium Angelorum, desiderium Sanctorum, exultatio iustorum, tibi scilicet perfectè seruire, tuæ voluntati in omnibus conformes fieri, & quid agunt ad tuum semper honorem dirigere.

Scio Domine mi, scio Angelos & Sanctorum animas in cælis magis ob gloriam & magnificentiam nominis tui, quàm ob propriam exultare: magis ob excellentiam honoris tui, quam ob suam tripudiare: & sic voluntatem eorum tuæ voluntati commixtam esse, vt in omnibus; & per omnia tuæ voluntati satisfiat. Vt igitur in cælo, Pater, sic & in terra voluntas tua fiat: eam cum maximo cordis feruore & iubilo sequamur per gloriam, & ignobilitatem, & infamiam & bonam famam, per aduersa & prospera, aliorum omnium voluntates, blanditias, minas, & promissiones contemnentes. Et si enim voluntas nostra mala sit & peruersa, tamen vt virgultum minus frugiferum & arbor fertilis cum conferuntur, vna arbor fructuosa fieri consuevit, sic & nos, si voluntatem nostram sterilem & longè à tua diuersam tuæ frugi-

Hier.3.

feræ inferamus, vna fiet voluntas, eaque bona, & bonorum operum ferax. Ad institutionem autem hanc, ô Pater tui Spiritus gratia requiritur: contraria namque contrarijs misceri, non nisi vi quadam supernaturali accedente possunt. Da mihi ergo Pater Spiritum sanctum tuum, qui doceat me facere voluntatem tuam, qui deducam legem tuam in visceribus meis, & scribam eam in corde meo; qui cæcam voluntatem meam dirigat, intellectum eius ducem illuminet, cor durum emolliat, appetituum ardores cælesti rore aspergat, & naturam infirmam sanet atque corroboret, ne posthac difficile mihi sit aut arduum abnegare meipsum, tollere crucem meam, & sequi te. Tu enim solus es noster Deus, tu solus noster Pater, tu solus Rex Regum, & Dominus Dominantium: tibi debetur omnis obedientia, reuerentia, honos & gloria in secula seculorum, Amen.

MEDITATIO V.

Panem nostrum quotidianum da nobis hodie.

QVis vel mediocriter à te doctus, Pater, quis styli tui non ignarus te non facillimè videt huius tam cōcinnæ atque perfectæ orationis magistrum & doctorem esse? Vt enim cætera præteream, solus petitionum pulcherriimus ordo id manifestissimum facit. Quid enim

fer-

feruentiori cum desiderio filij possent optare, quam ante omnia honorem & nomen bonum patris: denique prosperitatem eius regni vel possessionis: tertio loco paternæ voluntatis obseruantiam? Porro quid magis proprium & quid vſitatus est filijs adhuc paruulis, quam à patre panem petere: Verbum hoc toties ab illis repetitur, quoties esuriunt: tum enim obsecrant eum voce lachrymabili, tunc ploratu & fletu paterna viscera mouent; & panem ipsis distribuat.

Igitur, ó Pater cælestis, ego filius tuus ætate quidem prouectior, sed meritis adhuc paruulus, famelicus, & multis necessitatibus circumuentus, ea cum libertate atque fiducia, qua pueri solent a suis parentibus, à te panem, hoc est, ad vitæ huius sustentationem quæ necessaria sunt, flagito.

Cæterum quia in me duas substantias deprehendo, corporalem vnā, alteram spiritualem, panem peto pro vtraque: pro corporali terrenum, pro spiritali cælestem: panem, inquam, Angelorum, qui tanquam creaturæ spirituales nō alio viuunt nutrimento, quam te ipso; qui cibus es spirituum substantiarum. Quare & ego, ó Pater cælestis, qui hætenus sedi in Aegypto, inter putridas carnitum ollas; in medijs mundi voluptatibus, omne iam despiciens pabulum bestiarum, ad te suspiro; à te panem Angelorum, qui de cælo venit, sup-

plex peto. Hunc quæro, hunc volo, ac
illum totus famelicus anhelō. O amor
inæstimabilis, ô misericordia inaudita:
Deus Deorum, Dominus Dominan-
tium, præmium Sanctorum, gaudium
Angelorum, Verbum Patris, Sapi entia
æterna, lux mundi, Sol cæli, & conditor
vniuersorum factus est cibus viatorum
factus est cibus hominum. Quid amplius
optare, quid magnificentius possemus
desiderare?

Cant. 5.
Gen. 14.
Gen. 47.
Zach. 9.

Valete igitur porcorum siliquæ, vale-
te mundi voluptates, cibus non homi-
num, sed bestiarum; aliud mihi resera-
tum est promptuarium: introduxit me
Rex in cellaria sua: Verus Melchisedech
protulit mihi panem & vinum, panem
Asar præbens delicias Regibus, & vinum
germinans virgines: cibum prætiosum,
delectabilem, & salutiferum: quem ego
non semper audeam sumere sacra-
mentaliter, spiritualiter tamen sumere sem-
per debeo. Cum itaque, ô bone Iesu, tu
mihi datus sis in edulium, nauseat ani-
ma mea cum delicias mundi cogitat: te
namque solum manducare cupio, nul-
lius rei præter te me appetitus incessat. Si
namque solus odor tuus mundum vni-
uersum refacillet, quid non faciet gu-
stus: quid non refectio qua te comeden-
tes exhilaras? Sed, ô Domine, qui fit vt
manducantium te corda non liquefiant
à tua præsentia? quî fit, vt quoties ad te
accedo, anima mea nimio amore tui in-

te to-

te tota non transferatur? à te absorbeat-
 ur adeò, vt omnium rerum, imò mei-
 ipſius obliuiſcar? Si res terrenæ, quid res
 ipſas dico? ſi earum imagines & figuræ
 tantum adeò nonnunquam cor meum
 ad ſe rapiant, vt planè me tui faciant im-
 memorem: cur non eandem in me vim
 habet realis tua præſentia, vt quoties ad
 eam accedo, ſic alteretur cor meum, &
 amore tui incaleſcat, vt mundi, & quæ in
 eo ſunt obliuiſcar?

Da igitur nobis hodie, ó cæleſtis Pa-
 ter, panem iſtum, vt comedamus eum
 nunc ſub ſpeciebus velatum, & in futu-
 ro ſæculo nudum omni detracta ſpecie &
 enigmate. Memento Pater, Filium tuum
 Vnigenitum panem hunc vocare quo-
 tidianum & præcepiſſe, vt hodie petere-
 mus. Dic mihi; o bone Ieſu, ó coheres
 & frater noſter, cur tam anxie & ſolicite
 voluiſti nobis adeſſe, vt præceperis nos
 hodie te petere, & non vſque in craſti-
 num expectare; Quid boni in nobis re-
 periſti, quæ cauſa amoris tam flagran-
 tis, vt vnum diem non velis expectare?
 Si amor ille quo nos complecteris ſic vr-
 geat, vt hanc morulam non feras, & ad-
 uentum noſtrum ne tantillo temporis
 differri velis, ſed conſeſtum, & iugiter
 nobiſcum eſſe cupias, cum tibi nullum
 in eo poſitum ſit commodum; quanto
 magis ſolicitos oportet eſſe nos, qui
 miſerrimi ſumus vermiculi, qui ſine te
 nec eſſe, nec ſpirare poſſumus, vt tibi

iungamur semper, tibi adhæreamus iugiter, ad te veniamus quolibet momento vt qui summum bonum es, speculum sine macula, & gaudium Angelorum.

Sed optime inter nos, o bone Iesu conuenit: Tu conuentum hunc differre non vis, & nos prorogare non cupimus, tu vis, vt panem hunc petamus hodie, & non cras: ecce venimus, ecce hodie petamus, hodie nos gratiam illam accepturos confidimus. Nam si hodie petamus & non obtinuerimus, inutilis esset tua doctrina, nec sibi constaret. Cum igitur nos hodie te possidere cupiamus, & tu a nos hodie venire petas, veni o Domine & in animas nostras illabere.

Da o cælestis Pater, vt sicut tu totus inflammatus es amore nostri, sic nos vicissim amore tuo ardeamus, & idem pondus quod te deprimit ad nos, vicissim nos eleuet ad te. Concede vt sublati omnibus impedimentis te anima mea tam tenerè diligat, vt in amplexibus tuis deficiat, & nimia dulcedine tua inescata quasi deliquium patiatur: Et quia vis vt te petamus quotidie, da nos semper tecum esse, nec patere, vt à te, qui cibuse delicatissimus, & animarum nostrarum Sponsus amantissimus, ynquam diuellamur, Amen.

MEDITATIO VI.

Et dimitte nobis debita nostra, sicut & nos dimittimus debitoribus nostris.

O Bone IESV, tu licet benignè me
 admodum & liberaliter cumque
 magna instantia ad mensam tuam
 inuites, panemque illum quotidianum
 offeras, vèreor tamen ad te accedere.
 Timeo venire ad conuiuium Hester, Hest 7.
 ne mihi accidat, quod Aman euenit,
 qui inuitatus ab illa, paulò pòst suspen-
 dio necatus est, delicto id eius exigen-
 te. Scio, Domine, hanc non esse tuam
 intentionem, conscientia tamen me
 reprehendit, facitque vt malam in me
 dispositionem metuam: idque propter
 multitudinem peccatorum meorum,
 quæ super numerum arenæ maris mul-
 tiplicata sunt. Quis enim vnquam sub-
 ducere poterit calculum vanarum mea-
 rum cogitationum? mala opera mea
 & otiosa verba mea quis numerabit?
 Vix enim iusti suam, vt decet, linguam
 nòrunt refrenare: sed nec criminum
 transgressionis & omissionis vllus est
 numerus. Quid igitur faciam Domine.
 positus in hoc certamine? Tu quidem
 ad mensam tuam me inuitas, & fames
 suadet, imò vrget vt accedam, sed
 sentio tantam meorum peccatorum
 multitudinem, vt me retrahant, ani-
 mumque despondere faciant. Quia ve-
 rò mihi licentiam tribuisti, te patrem
 vt appellem, venio ad te corde contri-
 to, & dolore pleno: venio cum pudore
 & affectu filij, petens peccatorum
 remissionem, quæ meritò debitorum

nomine veniunt appellanda. Debemus enim celsitudini tuæ venerationem, debemus paternitati obedientiam & obsequium, bonitati benevolentiam, vt amantem redamemus; debemus pro beneficijs atque amplissimis muneribus gratitudinem; debemus veraci fidem, optimo atque potentissimo fiduciam. Hæc quoties non præstamus quum res poscit (& poscit quam creberrimè, debitum non dissoluimus, sed alienum detinemus.

Præterea qui vsurpat aut detinet sibi, quod alterius est, inuito domino, is debitor illius est: cum autem nos tui simus, omniaque nostra in cultum & obsequium tuum expendere debeamus, id non tantum non facimus; sed eadem in omnibus, & cum omnibus te offendimus: & facultates nobis datas à te, vt earum opera tibi seruiamus, in arma, quibus te oppugnamus sæpe conuertimus; ideoque honoris tui, quem tibi denegauimus, nos debitores agnoscimus.

Sed, ô Domine, *dimitte nobis debita nostra*: tu namque præcipis nobis, vt eorum remissionem petamus: O admirandam Domini clementiam: nos peccamus, tu peccantes vocas; nos te despiciamus, & tu oculis benignis aspicias; nos tuam Maiestatem ad iram prouocauimus, eam vilibus huius seculi rebus postponentes; tu tantum non castigas, sed vltro vt indulgentiam petamus iubes, &

cum

cum tu læsus sis, pacem tamen offers & reconciliationem. Hanc misericordiam, ô Pater, peccantibus Angelicis Spiritibus non exhibuisti: illi enim in suis iniquitatibus remanent, & remanebunt semper, quamdiu tu Deus eris Deus.

Sed, ô Pater, siccine dimittes nobis debita nostra gratis, & sine vlla commutatione. Gratis vtiq; & non gratis: Non gratis; quia etsi misericordia prompta sit ad remittendum, iustitia tamen sibi vult satisfieri: gratis verò, quia id ipsum quo iustitiæ satisfacimus, tu nobis gratis propinasti: thesaurum scilicet immensum & incomparabilem, quem Unigenitus tuus filius triginta tribus annis nobis thesaurizauit, & ad quem sanguine suo nobis aditum patefecit. Hunc thesaurum offerimus tibi Pater, inde tibi sume quantum placet. hauritur, non exhauritur; erogatur, non minuitur: eius merita nostra sunt, eius satisfactio nostra est, & eius sanguis nostrum est pretium. Oramus igitur Domine, vt sanguine & meritis filij tui placatus ad delicta nostra conuiueas, quæ si ad examen volueris reuocare, nullus vel iustitiæ tuæ mansuetudinem, nedum seueritatem sustinebit. Subueniat nobis tua misericordia, quos multorum esse iam à iustitia scelerum damnatos agnoscimus. Purga nos igne fauoris tui, repone nos in gratiam, reconciliare nobis, *dimitte nobis debita nostra.*

Sicut & nos dimittimus debitoribus nostris. O felix offensa, o beatum debitum, quod postquam à nobis dimissum est, in iudicium pro nobis adducere possumus, & quasi causam allegare, cur iudex nos debeat absolvere. Cum lædimur ab alijs cogitatione, verbo, consilio, opere, exemplo; in fortunis; in corpore, in animo, in amicis, in existimatione, non contristemur: sed gaudeamus potius, & lætemur; dum enim nos istas iniurias dimittimus, Deus vicissim dimittit nobis iniurias nostras, quibus illum læcessimus. Et quæ hæc est commutatio? Quantulum est quod à me poscitur, & quantum ego posco: quantulum quod ego do, & quantum quod recipio? Accipio thesauros immensos, do nummulum. Ego peccavi in te summum Deum; frater meus peccavit in me, lutum, & pulverem platearum. Ego à te Deo meo veniam peto, tu vt fratri veniam dei iubes. Accipe igitur, o Pater, lutum pro auro, stipulam pro margarita. *Dimitte nobis debita nostra, sicut & nos dimittimus debitoribus nostris.* O summe Iudex, & Aduocate noster Iesu Christe, da mihi mitem animum, vt debitores meos non ad reposcendum debitum agnoscam, sed ad remittendum, vt cum veneris ad iudicandum, mitius mecum, quàm cum illo, qui conseruo suo debitum dimittere volebat, sed in carcerem detrusit, agatur, Amen.

Matt. 18.

MEDITATIO VII.

*Et ne nos inducas in tentatio-**nem.*

Sed quid proderit mihi Domine, si dimittantur mihi debita antiqua; & denudò noua contraxero? quid proderit me lauare à mortuis, si mortuum denudò tetigero? Igitur, ô Domine, si permiseris nos tentari, vt humiliemur, vt exerceamur, ne fides in nobis languescat, & emoriatur, vt patientia nostra manifestetur, vt corona nostra augeatur, denique vt in medijs tentationibus constituti, varijsque tribulationibus & casibus attriti ad te Patrem nostrum recurramus saltem ne sinas nos à tentationibus vinci, vt vel faciamus malum, vel, quod proximum est, non faciamus bonum. Tanta est nostra fragilitas, vt non possimus non cadere sine tua gratia: non possimus perseuerare, sine singulari tuo auxilio: datur enim multis gratia, sed non omnibus perseuerantia.

Magnum, atrox & horrendum prælium instructum est contra nos: Caro inimica domestica, assidua, & familiaris pellicit nos suauitate, terret asperitate, non titillationes & voluptates, nunc cruciatus & dolores parturit. Mundus illusor & impostor, mendax & proditor scenam suam sensibus nostris subinde ostentat, commodis & incommodis permixtam. Dæmon crudelis, fortis, astu-

tus, & in impugnando exercitissimus ruditati ac fragilitati nostræ innumeris dolis atque artibus tendit infidias. Pandit latissimè quoque versum suam retia, & indagine nos circumcludit, in hoc totus, vt abs te abscedamus, à bono ad malum, à salute ad perniciem, à vita ad mortem.

In medio igitur tot hostium constitutus, inter tot carnis appetitus, tot spiritus infestationes, solus & inermis relictus quid faciam Domine, si tu me deferas? Quid faciet innocens ouicula inter tot lupos derelicta: quid creatura infirma inter tot potentissimorum hostium agmina? quid faciam, Domine? non inuenio effugium, non remedium aliud, quàm vt te inuocem, ad te sicut pullus hirundinis clamem, gemam sicut columba? Quid faciam, nisi vt oculos meos leuem in montes, vnde veniet auxilium mihi?

sal. 120.

Ad te igitur oculos meos tollo, qui habitas in cælis; ad te leuo animam meam. Deus meus, in te spero, ne confundar in æternum. intende in adiutorium meum, veni, & noli tardare, Vsquequo Domine obliuisceris me in finem? vsquequo auertes faciem tuam à me? Vsquequo exaltabitur inimicus meus super me? Quot sunt dies serui tui, quando facies de persequentibus me iudicium? Ne finas nos deuenire in tentationem, aut si omnino vt manum

sal. 12.

sal. 118.

conferamus stet sententia, ne discedas
 lumen à nobis pilum: accende in nostris
 mentibus lumen tuum, vt inimici quò
 pertineant insidiæ cernamus. Suggere vi-
 ces, ne nos robore suo prosterнат. Auge
 in rebus lætis constantiam, in tristibus
 fortitudinem.

Infelix ego homo, quis me liberabit
 à tot insidijs, laqueis, dolis, & artibus
 inimicorum? quando liber ero, Domi-
 ne, ab omni tentatione? quando per-
 ueniam ad te, vbi nullus premit hostis,
 nulla sollicitat tentatio? Quando erit,
 vt nemo amplius me poterit a te sepa-
 rare? Quando rebus omnibus huius se-
 culi, imò mihi ipsi mortuus ero, vt ex-
 peditius curram ad te? Quando erit, vt
 omnium rerum oblitus, te, & quæ
 tua sunt tantum recogitem? Quando
 tandem omnia, quæ tu non es, mihi
 sordebunt? Quando tuus ero ex animo
 & voluntate, qui tuus sum ex iure &
 iustitia.

O Pater misericordiarum & Deus to-
 tius consolationis, da mihi gratiam, vt
 mortuis omnibus meis passionibus, mor-
 tiar etiam mihi, & inimicis meis; tibi
 autem soli viuam. O pater, ô Rex, ô Do-
 mine, ô summum bonum meum, & cen-
 trum animæ meæ, da vt habitem in te,
 quiescam in te, latitem in foraminibus
 petræ, & in cauernis maceriæ, ne miluus
 me comprehendat, aut accipiter Diabo-
 lus me deuoret.

2. Cor. 1.

Cant. 2.

Sed libera nos à malo.

Mala, ô Pater, in hoc æui decursû multa sunt; sed ea hoc præcipuè nominatim consignanda sunt, quæ adeò vrgent corpus; ac præmunt, vt à recordatione tua nos abripiant. Huiuscæ generis sunt necessitates quotidianæ, fames, sitis, nuditas, æstus, albor: tum morbi & cruciatus corporis, vel in nobis, vel in rebus voluntatis nexu nobiscum coniunctis. Ad hæc animi motus concitati & perturbati, & diuersæ passiones, quæ regnant in membris nostris: tenebræ quoque & cæcitates mentis. Sed & is, qui tibi perpetuò aduersatur Dæmon malis est. qui & robustissimus est, & callidissimus. Sed si nec aperta vi, nec dolis aliquid proficiat, vniuersam suam officinam terroris explicat: infert fortunis, amicis, corporibus nostris damna, agit, rapit, trahit, diuexat. Libera nos Pater à prauis huius sæculi dominatu, & tyrannide, quam propter peccatum nostrum incurrimus: auerte immanem illius truculentiam à capitibus nostris, & oppugnationem, cui tantoperè sumus impares Libera nos Pater ab omnibus malis animi & corporis, quæ violentia sui vel contrahunt animum, vel auertunt, vel opprimunt; vt tua benignitate liberi hæreditatem cælestis regni, sanguine filij tui nobis etiam filiis tuis partam perpetuò possideamus, & inter Angelicos choros, beatosque

Spiritus cælestibus delitijs semper fruamur; patrocinate nobis benignitate atque gratia Iesu Christi, Seruatoris nostri, cui & tibi Patri nostro, cum Spiritu sancto imperium, gloria, & honor nunc & in omnia secula, Amen.

CONCLUSIO, VEL

*Precatio Dominica orationi
subijcienda.*

EN Pater amantiſſime, ſuncta eſt inſans noſtra ratio ſuo munere, quoad eius facere potuit, exprimendo verba, quæ Unigenitus filius tuus nos docuit: nunc vniuerſum ad te deſiderium ſemel & ſimul ſine verbis effundimus, vt tuo nutu approbes, quæ ab te nobis euenire petimus. Omnia iſta beneficia, gratias iſtas omnes, ó Pater haſtenus commemoratas vt nobis benignus largiaris ſupplices oramus, non indignitatem noſtram, ſed dignitatem Ieſu Chriſti filij tui vniſeniti intuitus: ille enim noſter eſt Aduocatus, Sacerdos, Sacrificium & Patronus coram te. Non enim in iuſtificationibus noſtris proſternimus preces ante faciẽ tuã, vt ait Propheta, ſed in miſerationibus tuis multis, & in meritis filij tui Domini noſtri. Quicquid enim ille fecit & paſſus eſt, id totum nobis donauit, id totum nobis fecit & paſſus eſt. Per illũ itaque oramus te, vt his precibus noſtris annuas. Per eũ creaſti omnia, & per eum reſtituiſti, quæ iam erant perdita. Per eum

Dan. 9.

creaſti.

44 MEDITATIONES IN

creasti hominem ad imaginem & similitudinem tuam, & ad eandem imaginem hominem per illum reformasti. Ille fundamentum est nostræ essentiae, ille fundamentum nostræ iustitiæ, nostrorumque meritorum causa. Ille apud nos noster est Intercessor, ille Aduocatus, & robur nostræ spei

Quicquid ergo hactenus à nobis petatum est, ô cælestis Pater, id omne per Filium tuum petimus; quod enim non debetur nostræ iustitiæ, id debetur illius meritis. Si in nobis nihil boni inuenis, ecce in illo nihil inuenies mali. Si in nobis nulla sunt merita, ecce in illo meritorum nec pretium est, nec numerus. Per eum igitur te oramus, per eum tibi supplicamus; honora illum in nobis: quod enim nobis tribuis, hoc ipsum tribuis illi: quidquid enim datur membris, id omne redundat in caput cuius membra sunt.

Fatemur quidem, ô Pater, fatemur, inquam, paupertatem nostram, ut qui nihil habemus ex nobis, quod tibi offeramus: ne tamen vacui in conspectum tuum veniamus (id enim in lege tua prohibes) ecce immolamus tibi Unigenitum filium tuum, cum omnibus eius laboribus & doloribus, plagis & liuoribus: quidquid fecit, & quidquid pertulit ex illo momento, quo primum in lucem effusus est, usque ad extremum spiritum, quem in cruce moriens emi-

Exod. 23.

fit,

it, id omne tibi offerimus: nos enim hominum omnium sumus participes, nostra hæc omnia sunt, nobis hæc ille fecit, nobis pertulit.

Hac oblatione, hoc sacrificio & his meritis freti ad te venimus, & misericordiam à te per modum iustitiæ petimus: nam si filium tuum respexeris, iustitia est: si nos intuearis, misericordia.

Sed & aliud est quod fiduciam nobis auget, spem erigit, animum addit; quia scilicet non ex humana præsumptione, aut perfictæ frontis audacia venimus ad te, & petimus hæctam magna: sed venimus missi à proprio filio tuo: ille enim iubet nos ad thronum tuum accedere, & in nomine suo petere, quicquid ad vitamque vitam nobis est necessarium: nec tantum hoc iubet, sed ipse misit in os nostrum verba ad hoc conuenientia; ipse tradidit nobis phrasas tibi cognitæ, & familiares, quas usque huc recitauimus. Agnosce illas Domine; est enim stylus filij tui, sunt verba, quæ ille nobis reliquit ad nostram salutem promerendam. Recordare Pater mulieris illius Thecuitæ, quæ a Dauide veniam delicti filio illius Absaloni impetrauit mox, ut intellexit Rex, quod veniret ab exercitûs Principe Ioab emissa: quam gratiam Ioab interpretatus est sibi, non mulieri factam esse. Sic ego Domine mittor ab Unigenito filio tuo; ille est

Matth. 6.

2. Reg. 14

qui

qui posuit mihi hæc verba in ore meo, le est qui te orat per me, & pro me: qui mihi tribuis, hoc illi tribuis, ille tibi gratiarum referet actionem.

Luc. 16.

Memento Domine quòd non damnum fti, sed commendasti iniquum bonorum tuorum dispensatorem, qui de tuis bonis sibi fecerat amicos: & inuidere mihi non quod ego omnium hominum pauper sumus, qui opes tuas malè expendi, eas dilapidaui, accedo ad filium tuum, & me reconcilio, eius patrocinio me summitto, vt in hac necessitatis tempore in sua tabernacula recipiat, eius misericordia protegant. Scio enim periculo sum

Gen. 44.

esse in conspectum tuum venire, sine spiritali fratre nostro Benjamin; hoc ei Vnigenito Filio tuo; Ecce igitur illum ecce adducimus eum nobiscum, & offerimus eum tibi, vt eius intercessione benigne à te audiamur.

Et tu Vnigenite Fili Dei, qui etiam filius hominis es, extende super nos brachium tuum: tu enim es noster, protector & tuo pallio nostram tege nuditatem, & ne repellas à tua gratia, quos natura tuæ fecisti fratres & socios: Qui

uis & regnas cum Patre & sancto Spiritu in secula seculorum, Amen.

CAPVT PRIMVM,
CONTINENS PRECA-
TIONES QVOTIDIANAS
certis horis diei & noctis
fere adaptatas.

ADMONITIO
matutina.

Non est eò fabricata nox, inquit Hom. 26.
Chrysostomus, vt eā totā dor. in Acta
miendo trāfigere debeamus, & Apost.
vt eā otiosam degamus: præ-
sertim cū multi propter humana cōmoda
laudabiliter laborent. In Ecclesia quoque
consueuerunt eius ministri media nocte cō-
surgere ad Deū laudādum Ita & tute ge-
rere debes, & contemplari stellarū choros,
laudantes factorem suū. Cū ceteri somno
vacant, tu interdū vigilabis, flebis & ora-
bis, tibiq; propones illud; Laboravi in ge- Psalm. 6.
mitu meo, laudabo per singulas noctes
lectum meum. Quemadmodū enim uti- Simile.
lissimus & nocturnus ros ad temperan-
dum diei aestum; ita lachryma nocturna
utilissima sunt ad emendandas diurnas
concupiscentias, & vt nox ea componat,
qua interdū perturbata sunt, & malè
acta. Christus in die predicabat, & doce Lucæ 6.
bat, per noctem uerò in somnis in oratione
erat, in monte; inter feras, & in solitudine.

Vide Gra
nat. lib. 2
de orat.
& medi-
tat. ca. 14.
Sap. 16.
Exod. 16.
Eccli. 30.

Consule
Granat.
lib. 4. de
Orat. &
Meditat.
in pro-
oemio.

*Qui media nocte surgere non possunt
operam dent. ut paululum ante ortum So-
lis surgant, uti monet Sapiens; Quoniam
inquit, oportet praeuenire Solem ad be-
nedictionem tuam, & ad orientem lucis
te odorare. Mane collegerunt filij Isra-
el delicatum illud manna, habens in se omni-
saporis suauitatem. Et de iusto dicitur,
quod cor suum tradit ad vigilandum
diluculo ad Dominum, qui fecit eum
& in conspectu Altissimi deprecabitur.*

*Ad surgendum maturius multum prode-
rit brevis coena, durus lectus, & subinde in
uestibus dormire: hac enim somnium facium
breuiore, & tempus orationis longius. Eco-
trario cum coena est longa, Lectusq; mollis,
difficile somnus relinquit nos: cum enim
multum est digerendum, multum est dormien-
dum, & lectus mollior difficilius relinquitur.*

*Statim vero ubi expergiseris, occludi
portam omnibus cogitationibus prophane-
nis; & ante omnia Dominus noster ad-
mittatur: offer ei primitias diei, & cum il-
lo colloquens, haec tria obseruabis:*

*Primo gratias ages illi p̄ quietam noctem il-
la tibi concessa, & p̄ liberauit te ab omni-
bus illusionibus, laqueisq; inimici: p̄ alijs
etiam omnibus beneficijs creationis, cōserua-
tionis, vocationis, & redēptionis: quod bo-
nas inspirationes tibi instillauit, & libera-*

uit te ab omni malo ; quòd tanto tempore
tanta cum patientia & misericordia te ad
pœnitentiam expectauit.

Deinde offer illi temetipsũ & omnia tua;
quidquid eo die facies, quidquid patieris ; ut
ipse omnia pro bona volũtate sua disponat.

Tertiò pete gratiam, ne quid illo die cõ
mittas diuina voluntati contrarium : ora
ut det tibi auxilium, quo peccatis magis
tibi familiaribus, & ad qua natura pro
pendens, queas resistere, firmoq; & immo
bili proposito te corroboret.

CVM EXPERGISSIMVR.

Pater Deus, qui dixisti in principio,
Fiat lux: & facta est; illumina oculos
meos, ne vnquam obdormiam in
morte: ne quando dicat inimicus meus,
Præualui aduersus eam.

Fili Deus, lumen de lumine, lux ma
xima & verissima, vnde lux ista nascitur
solis diei; lux lucens in tenebris, illu
minansque omnem hominem venien
tem in hunc mundum, pelle a me omnes
tenebras ignorantie, & da mihi intelle
ctum, vt in te, & per te videam atque co
gnoscam Patrem, quem nosce viuere, &
cui seruire regnare est.

Spiritus sancte Deus, ignis illumi
nans pariter & calefaciens; accende in
me lumen tuum, vt fallaces huius mun
di delitias & vera cœlorum gaudia co
gnoscam: Illustra mentem meam, vt cer

1.
Collector.
Psal. 12.

Ioan. 1.

nam quantum bonum inimicus noster sollicitet nos leuissima umbra commutare. Da vt quæ tua sunt tantum videam, cæcus ad reliqua. Infunde quoque in mentem meam charitatis tuæ donum, vt spretis his transitorijs iugi desiderio ad ea quæ sempiterna sunt anhelem.

Sancta Trinitas, vnus Deus, ✱ defende me hodie ab omni impetu Diaboli: ✱ Custodi me hodie ab omni peccato: ✱ & à subitanea & improuisa morte hodie me protege. Esto mihi in tribulatione solatium, in tentatione præsidium, in morte iucundum animæ meæ receptaculum.

Excitasti ô Deus corpus somno conpositum, oro te, vt animum quoque meum à somno peccatorum & tenebris mundi huius liberares; quodque ex somno ad vigiliam reuocasti, post mortem reddas vitæ: est enim somnus tibi, quæ nobis mors est. Tibi benedictio, & claritas, & sapientia, & gratiarum actio, honor, virtus, & fortitudo in secula seculorum, Amen.

CVM SVRGIMVS.

^{2.}
Ephes. 5.

Esa. 52.

Ex precibus diurnis

Surge, ô anima mea, quæ dormis, exsurge à mortuis, & illucescet tibi Christus. Surge ô filia Sion, ô anima mea Christi sanguine redempta, excute te de puluere peccatorum, & sede in pace Christi meritis tibi conciliata.

Christe generis humani patrone in-

dul-

dulgentissime, vt graue hoc onus corporis mei tuo beneficio erigis, ita & animos nostros ad cognitionem amoremque euehe tuæ sublimitatis, sit & corpus socium atque administrum pietatis animæ in hac vita, quo sit & in altera illa vita particeps beatitudinis sempiternæ; vbi tu viuīs & regnas cum Deo Patre & Spiritu sancto in secula seculorum, Amen.

nis Ludouici Viuis.

GRATIARVM ACTIO PRO 3.

*custodia precedentis noctis, unâ cum
oratione qua petimus vt nos
Deus simili cura eo
die tueatur.*

Omnipotens æterne Domine, Pater Domini nostri Iesu Christi, te laudo, tibi benedico, & ex toto pectore gratias ago, quod pro immensa tua bonitate me hac nocte paterna tua prouidentia custo. diuisti: quod mihi adesse voluisti, vt te præsentē Diabolus propius accedere non auderet; quod ab omni malo tam animæ, quam corporis me protexisti; quod me profundo sopitum somno sanctorum Angelorum præsidio quasi muro inexpugnabili; aduersus omnes insidias & machinationes antiquissimi Sathanæ, qui nullis nocendi nobis opportunitatibus indormiit, circumuallasti: quod denique me a somno, vera mortis imagine, ne in peccatorum meorum tenebris præfo-

Collector.

caret, suauiter excitasti, vt spatium & tempus vel tandem seriò poenitendi mihi suppeteret.

1. Cor. I.

Sed & nunc tibi, ô Pater misericordiarum, & Deus totius consolationis, supplico, quin & ex toto corde precor, vt me etiam hoc die in paternam tuam tutelam assumas, oculis tuæ misericordiæ me obserues, in viam mandatorum tuorum me dirigas, atque ijs me sancti Spiritus charismatibus dones, quorum præsidio hunc itidem diem ad laudem & gloriam diuini tui nominis, ad proximorum vtilitatem, & animæ meæ salutem auspicari, traducere & finire possim; vbique & in omnibus satagens, ne vsquam desim officio meo, sed vocationi meæ, in qua vocatus sum, per omnia satisfaciam.

Custodi me Domine ab omni peccato, carnem meam & sanguinem meum ad omnem iniquitatem propensum, veteris illius Adami amicum & ministrum refrena: ardorem cupiditatis, quæ in membris meis dominatur, rore tui Spiritus refrigera, ne hodie vsquam impingam in vllum peccatum, tuamque in me iram & indignationem prouocem. Da, pie pater, da benigne Deus, vt quod reliquum est vitæ meæ in timore & amore tui transigam.

Dirige hodie cor & corpus meum, sensus, sermones & actus meos in lege tua, & in operibus mandatorum tuorum.

Auer-

Auerte cor meum ab omnibus rebus
transitorijs, & ad aternas conuerte, vt
spretis huius seculi diuitijs atque delitijs
ad regnum tuum semper aspirem. Con-
stringe & cohibe potentiam Diaboli, ve-
teris & iurati hostis nostri, vt licet quasi
Leo rugiens circumbeat, quærens quem
deuoret, me tamen lædere, aut mihi ob-
esse non possit. Sed quia nulla mea sunt
merita, ob quæ dignus sum exaudiri: ecce
adduco mecum vnigenitum filium tu-
um, qui est propitiatio pro peccatis meis.
In huius faciem respice, o piè Pater, &
propter iustitiam filij, parce peccatis fa-
muli: concede mihi ex misericordia,
quod non debetur ex iustitia. Qui viuis &
regnas Deus per omnia secula seculo-
rum, Amen.

EXERCITIUM

matutinum.

Ex Granatensis libro VI. Memorialis de
sumptum, & in quatuor partes diuisum.
Quarum prima est beneficiorum Dei
commemoratio. Secunda, gratiarum
actio. Tertia, sui ipsius oblatio. Quarta,
nouorum beneficiorum petitio.

PRÆFATIO.

Matutinū vel nocturnū tempus pra-
candi officio maximè accommodatum
est. Quare Propheta, Consurge, inquit, Thren.:
in nocte in principio vigiliarum, & ef-
funde sicut aquam cor tuū ante Domi-

nū. tūc enim oēs anima nostra potētia sunt
 alacriores & ad officiū hoc magis prepara-
 ta. Visus est magis collectus, stomachus le-
 uis, caput somno refocillatū, cor ab omnib⁹
 imaginationibus liberū, tēpus quietū, locus
 solus, & à salutationibus amicorum magis
 imperturbatus. Manē inde scensuroris ca-
 lestis decidit etiā gratia Spiritus sancti in
 corda eorū, qui de Deo meditantur: Manē
 igitur diutius, quā alijs diei temporibus
 cum Deo colloquēdum est: manē potissimū
 salutis nostra tractanda sunt negotia.

Subiecimus igitur oratioē sequentē pro-
 lixam per se, sed quā extendere, vel cōtra-
 here pro voto licebit. Eius partes sunt qua-
 tuor. Cōmemoratio scilicet beneficiorū Dei,
 Gratiarū actio, Oblatio, & Petitio In gra-
 tiarū actione si longior esse velis, poteris to-
 tum Canticū triumphatorū, & eo absolu-
 to cōs choros Angelorum, Sanctorūq; or-
 dines percurrere, in singulis versibus repe-
 tēs; Laudate & superexaltate eum in se-
 cula. Mirā enim habent ista verba ener-
 giam, in cordibus eorū, qui Deum diligunt.
 In petitione omnia postulare potes, qua ad
 vitamque vitam corporalem & spiritua-
 lem sunt necessaria. Primam & tertiam
 partem cuiusque arbitrio relinquimus.

4.

BENEFICIORVM COM-
 memoratio.

Deus

DEus, Deus meus ad te de luce vigi-
lo, dicit sanctus ille tuus Propheta;
& paulo post addit: Sic memor fui
tui super stratum meum, in matutinis
meditabor in te, quia summi adiutor
meus. Et ego, Domine mi, cum eodem
hoc Rege sancto vigilare cupio. Hoc ini-
tium sit mearum occupationum: hanc
meam cogitationem exordium dici ex-
cipiat: Huc enim adigunt me debita
quibus tibi obligatus sum, hic finis est
meae creationis. ut enim te laudem, glo-
rificem, magnificem, & nomen tuum
sanctificem conditus sum. Tu enim prin-
cipium es & finis omnium rerum, prin-
cipium dico sine principio, & sine fine
fins. Quemadmodum enim nemo vn-
quam potuit aliquid creare sine te, ita
creari non potuit aliquid per alium,
quam per te: ut omnia tibi seruirent,
te laudarent, & gloriam tuam prae dica-
rent.

Tu es vniuersalis omnium bonorum
largitor, cum nullum bonum inuenia-
tur naturae vel gratiae, corporis vel ani-
mae, quod a te, qui fons es omnium bo-
norum, non trahit originem: tu es pe-
lagus omnium perfectionum, omnis
magnitudinis abyssus; infinitae miseri-
cordiae atque bonitatis Oceanus, in-
comparabilis pulchritudinis **imago**. Tu
es Deus Deorum, Sanctus Sanctorum,
Rex Regum, Dominus Dominantium,
causa causarum, ens entium, vita vi-

uentium, ordo Vniuersi, pulchritudo mundi, gloria cæli.

Tu es Creator meus, qui me de nihilo creasti ad imaginem & similitudinem tuam. Tu es meus Conseruator, qui me tua prouidentia conseruas, ne in nihilum recidam. Tu es meus Sanctificator, qui me per gratiam tuam ad ea, quæ diuina sunt, extollis. Tu es meus glorificator, qui me ut tua gloria sine fine fruar condidisti. Tu meus es defensor, adiutor, pastor, benefactor. Tu meus es Rex, meus Dominus, meus Pater, meus Sponsus; Tu es centrum animæ meæ, ultimus finis meus, in quo vno consistit omnis mea felicitas, beatitudo, vitæ quæ meæ vltima perfectio. Quid multis? tu mihi omnia in omnibus es, quatenus Deus es.

Cor. 3.

Quatenus verò homo es, tu meus Redemptor es, Saluator & liberator. Tu es, Apostolo teste, mea sapientia, mea iustitia, mea iustificatio, mea redemptio, meum sacrificium, meus agnus, meus sacerdos, meus aduocatus, meus intercessor, meus doctor, meum exemplum, mea fortitudo, mea consolatio. Tu es vniuersalis omnium vulnerum & infirmitatum mearum medicus: tu sanasti meam superbiam tua humilitate; meam auaritiam tua paupertate; meas voluptates tuis doloribus; meam iram tua mansuetudine; meam inuidiam tua charitate; meam gulam tuo

fel-

elle & aceto, quod amore mei bibisti; pigritiam meam tua diligentia, & im-
mensis pro me exantlatis laboribus.

Tu pro me ieiunasti, huc illuc discur-
risti, sudasti, vigilasti, orasti, lachrymatus
es, in exilium eiectus, persecutiones pas-
sus, derisus, subsannatus, consputus, fla-
gellatus, spinis coronatus, crucifixus, plus
ceteris hominibus huius mundi affli-
ctus, & tamen mortuus es.

GRATIARVM ACTIO.

OMnia hæc Domine beneficia tua
sunt, pro quibus omnibus tibi gra-
tias agere debeo: imò cause sunt
iustissimæ, ob quas me ipsum tibi debeo,
& vincula quibus me comprehensum
& ligatum tenes. Quid retribuam tibi
Domine pro omnibus quæ retribuisti
mihî: quo munere, aut quibus obse-
quijs tantas gratias mihî exhibitas com-
pensabo? Credo equidem quod etsi
omnia corda hominum solus haberem,
& ex iis omnibus te solum amarem, non
possem ne minimum tibi debitum, red-
dere: quomodo igitur pro tot, & tantis
tibi satisficiam? quomodo negare tibi
potero illud cor unum, quod habeo pro
omnibus, cum tantumdem tibi debeam
pro singulis tuis in me beneficijs? Quid
dicam Domine mi? Quid faciam? Non
enim ego solus sufficiens sum, pro tan-
ta beneficiorum multitudine dignas ti-
bi gratias agere. Sed scio quid faciam. In-

Psalmus

Dan. 3.

uocabo omnes creaturas, quæ sunt in cælo, & in terra; petamque vt mihi assistant, tuasque mecum laudes decantare non grauentur, communemque me glorificare Dominum adiuuent. Cantemus igitur canticum quod cecinerunt tres pueri in ardenti fornace Babylonis, dicentes; Benedicite omnia opera Domini Domino, laudate & superexaltate eum in secula. Benedicite angeli Domini Domino, laudate & superexaltate eum in secula. Benedicite cæli Domino, laudate & superexaltate eum in secula. Benedicite aquæ omnes, quæ super cælos sunt Domino, laudate & superexaltate eum in secula, &c.

SVI IPSIYS OBLATIO.

HAs omnes laudes atque benedictiones tibi debeo, Pater, sed & maiora multo tibi debentur. Nam si rem propius inspexero, non tantum mea, sed & me ipsum tibi debebo. Si enim in India homo hominem rubro emat pileo, emptusque tam vili pretio eum in modum totus transeat in ius & potestatem emptoris, vt nec temporis momenti, nec teruntij maneat dominus, sed & sæpe a domino suo in vincula coniiciatur, flagelletur, fustibus cædatur, & pro libidine emptoris tractetur: quid de me fiet Domine? Ego tuus sum, & quidem totus, nec vno titulo vel nomine, sed infinitis. Tu me creasti, tu

me

me non rubro pileo, sed pretioso tuo sanguine mercatus es; tunc me in omnibus & singulis vitæ meæ momenti conseruasti; sine te namque vel manum, vel pedem mouere non possum; spirare nec respirare absque te mihi datum est, nec quidquam aliud agere. qua igitur fronte tuum in me dominium recutabo? quomodo potero tibi negare quod tuum est? quo iure potero libertatem mihi arrogare, aut qua impudentia velle secundum proprium beneplacitum, iugo Domini mei abiecto, viuere, cum ex tot causis tuus sim atque me totum tibi debeam?

Humiliter igitur agnoscens tuum in me dominum, ecce me totum tibi offero, me totum tibi in perpetuum seruum & mancipium trado: nec tantum me tibi offero, sed & omnia mea; quidquid hodie aut in reliqua vita mea cogitabo, dicam, aut faciam; cum omnibus ijs, quæ mihi propter te quocunque tempore venient perferenda: adeo ut in posterum nec comedam, nec bibam, nec dormiam, nec quicquam simile faciam, cuius finis non erit honor & sanctissimi tui nominis gloria.

Iterum dico, Domine immolo tibi memetipsum, ne posthac sim meus, sed tuus: non viam amplius secundum meam voluntatem, non laborabo mihi, non quæram me: sed in omnibus, & per omnia quæram te, tuæ parebo

60 PARADISI PRECVM

voluntati, atque in tuo assiduus ero obsequio. Quod si quandoque contrarium fecero, furem me dicam, & alieni raptorem: obsequium namq; & obedientiam, quæ tibi tot titulis, & tam multiplici iure debetur, tibi denegatam & suffuratam mihi vsurpabo.

NOVORVM BENEFICIORVM PETITIO.

Sed quia tale debitum reddere non possum sine tua gratia, oro te Domine, vt in hoc me iuues, & crees in me cor nouum, quod ne momentum temporis suum esse iudicet; sed perijisse putet, quidquid tuo non impenditur obsequio atque cultui. Da mihi voluntatem, cui nihil æquè in desiderio sit, atque obseruare diuina mandata tua, tuæque voluntati obtemperare: largire intellectum, qui in lege tua meditetur die ac nocte, cum memoria, quæ tui nunquam obliuiscatur.

Præterea Domine, tribue frænum linguæ meæ, & custodiam oculis meis: Concede mihi puritatem cordis, asperitatem carnis, mortificationem omnium appetituum, animæque perturbationum Da mihi denique profundam humilitatem cordis, & cum ea patientiam, obedientiam, mansuetudinem, castitatem, veram discretionem: adde paupertatem spiritûs, feruentem honoris tui zelum, amorem proximi, & sinceram

ceram in tribulationibus illius compas-
sionem. Qui viuus & regnas in secula se-
culorum, Amen.

FINIS ISTIVS EXERCITII.

AD ANGELVM

custodem.

5.

Quantum, ô fidelissimè custos cor-
poris & animæ meæ, debeo com-
muni nostro Domino & parenti,
qui te mihi dedit, vt duceres videns cæ-
cum, sapiens stultum, fortis imbecillem,
gnarus viæ ignarum, & quidem inter tot
pericula & præcipitia? O quoties me
discriminibus exemisti, quoties in per-
nitentem ruentem seruasti? tu præcedis
me, tu custodis me a via, tu introdu-
ces me in locum quem præparauit mi-
hi Dominus: tu in manibus tuis por-
tas me, sicut frater natu maior infan-
tulum fratrem in vlnis gestat, vt ab om-
ni me peccatorum offendiculo eripias.
Pro his omnibus hætenus mihi præsti-
tis beneficijs maximas ago tibi gra-
tias, & vehementer peto atque obtestor,
vt seruare me pergas, ac perseueres: ab-
ducas à malo, retrahas ad bonum. Co-
ge nolentem, adiuua volentem, impelle
euntem Denique sic ducito, vt tandem
ad beatitudinem perducas, qua tu sem-
per iam frueris; vt quemadmodum hic
vel pupillus fui tuus, vel cliens, sim il-
lic conciuis & socius, gaudeasque cre-

Ex Iudeo
uico V
uc.

Exod. 2

ditum, commissumque tuæ curæ tant felici portui appulisse.

6. *COMMENDATIO MATVTI
na, qua post nos omnes Christi fideles
Deo commendamus.*

Granatē-
sis lib. 5.
Memo-
ialis.

A Doro, benedico, & glorifico te, o sancta Trinitas, omnipotens Deus, Pater, Fili, & Spiritus sancte. Ecce me tuæ diuinæ Maiestati offero, & me tuæ sanctissimæ atq; irreuocabili voluntati trado. Oro te, Domine, tolle à me, & ab omnibus fidelibus Christianis, quicquid tibi displicet: redde quod gratum est in oculis tuis, & fac vt tales efficiamur, quales nos esse præcipis.

Commendo tibi patrem, matrem, fratres, sorores, filios, cognatos, benefactores, amicos, familiares & vicinos, omnesque illos qui se meis orationibus commendârunt, aut pro quibus orare debto. Commendo tibi Sanctam tuam Ecclesiam Catholicam, fac, Domine, vt omnes & singuli te cognoscant, omnes te colant, omnes te diligant, & vicissim à te diligant. Reduc errantes in viam, hæreses destrue; omnes ad veram & sinceram fidem conuertantur, qui non habent sancti tui nominis cognitionem. Dona nobis pacem, & nos in illa conserua. In omnibus tamen tua, non nostra voluntas fiat. Consolare & iuuua omnes qui sunt in tribulatione, quique in miserijs, tentationibus, per-

turba-

turbationibus, & afflictionibus tam spiritualibus, quam carnalibus vitam ducunt. Denique omnes creaturas tuæ protectioni commendo, & viuis tribuas gratiam, & defunctis requiem sempiternam, Amen.

AD OMNES SANCTOS.

7.

Salue candidum & pulcherrimum formosi veris lilium sanctissima Virgo Maria. Salue rosa diuinæ suauitatis odorifera. Salue noua viola plena cælesti gratia, plena venustate, de qua nasci voluit & lactari paruulus Iesus Christus Dei filius, Rex cælorum inclytus, splendor paternæ gloriæ, & figura eius substantiæ. Impetra, o Domina mea, mihi ab vnigenito Filio tuo omne quod noveris animæ meæ necessarium. Adiuvante Mater fragilitatem meam; adesto mihi hodie in omnibus calamitatibus, tentationibus & periculis meis: præcipue vero in hora mortis mihi assiste, opem fer, a me discede; ut per auxilium & patrocinium tuum securus esse merear in ultimo illo & periculoso certamine.

O BEATI Spiritus Angelici, qui suavissima melodia communem glorificatis Dominum, & de eius præsentia semper gaudetis, miseremini mei. Et tu præsertim sanctissime Angele, Custos animæ meæ, & corporis mei, cui speciali mandato Dei commendatus sum, oro te, fideliter & diligenter

Granatæ
sis ibidē.
Ad B. Virginem.

Ad omnes Angelos.

Ad Angelum custodē

offi.

officium tuum fac, meque hodie ab omni malo visibili & inuisibili custodi, tue re, protege.

Ad omnes Sanctos.

O omnes Sancti & Sanctæ Dei, qui iam transistis turbulentum huius mortalitatis pelagus, & peruenistis ad portum perpetuæ tranquillitatis, securitatis & pacis; quique iam meruistis cælestium gaudiorum consortes fieri: securi estis de vobis, solliciti estote de nobis; procuratores & aduocati mei esse ne dedignemini. Orate Dominum pro me, vt vestris orationibus & meritis nunc gratiam impetrem, & in hora mortis salua naue, & integris mercibus securo perpetuæ gloriæ portui detur appellere: vbi vos cum Deo sine fine regnatis, Amen.

ANTEQVAM DOMO EGREDIARIS, admonitio.

IN publicum processurus memento te in mundum esse venturum. Et quid est mundus, nisi silua periculis mille obnoxia, & saltus spiritualium venatorum indagine cinctus, tot habens tendicula, quot vias; tot retia, quot homines; tot casses, quot sensuum obiecta; tot plagas, quot studia; tot sagenas, quot negotia. Vis esse tutus ab istis laqueis? vis, si non melior & sanctior saltem non deterior domum reuerti, quam exieras, pijs orationibus pectus tuum muniatur. Oratio sit tibi galea, ora-

tio sit

*tio, sit tibi clypeus, in oratione tuum inue-
nies praesidium. Vtere itaque hac aut simili
precatione.*

ORATIO EXEVN-

tis domo.

8.

OMnipotens æterne Deus, qui es via,
vita & veritas, ecce inter tot la-
queos à Dæmone, & mundo eius
ministro extensos mihi gradiendum est;
sed & stimulos lubricæ carnis meæ cir-
cumfero, fieri non potest vt illæsus vel
anima vel corpore inter tot voragines &
præcipitia, quæ malus ille hostis fabri-
catus est nobis per peccatum exocula-
tis, ambulem, nisi tu manum porrigas.
Duc igitur me certissime & fidelissime
dux, aperi oculos meos, & deduc me per
regiam viam, vt nèque ad sinistram,
neque ad dextram declinem. Vias tuas
demonstra mihi, & semitas tuas edoce
me. Rectos fac cursus meos, & itinera
mea dirige in pace: Domine in tua ius-
titia deduc me: propter inimicos me-
os dirige in conspectu tuo viam meam.
Qui sanctis hominibus mittis Ange-
los custodes, à quibus tanquam imbe-
cilliores filij à filiis natu grandioribus
& magis validis ducantur: qui Tobie
probi patris filio modestissimo iter in-
gressuro Raphaelem ministrum tuum
misti viæ comitem; mihi virtute qui-
dem Tobie longè inferiori, sed boni-
tate tua confiso mitte sanctum Ange-

Collector

Psal. 24.

Prou. 4.

Psal. 5.

lum

lum tuum, qui me nunc per vias tibi
gratas deducat, & tandem ad æternæ
vitæ portum perducatur. In nomine Pa-
tris ✱ & Filij ✱ & Spiritus ✱ sancti,
Amen.

9.

INGREDIENS ALI.

quot iter.

Ex Breui-
ario Ro-
mano.

DEus qui Abraham puerum tuum de
Vr Chaldæorum eductum per om-
nes suæ peregrinationis vias illæ-
sum custodisti, quæsumus vt nos famulos
tuos custodire digneris. Estō nobis Do-
mine in procinctu suffragium, in via so-
latium, in æstu vmbraculum, in pluuia &
frigore indumentum, in lassitudine ve-
hiculum, in aduersitate præsidium, in lu-
brico baculus, in naufragio portus; vt te
duce, quo tendimus, prospere peruenia-
mus, & demum incolumes ad propria re-
deamus: Per Christum Dominum no-
strum, Amen

10.

ORATIO ANTE

concionem.

Domine Iesu Christe, qui è sinu Pa-
tris in hunc mundum doctor veni-
sti, vt miseris mortalibus volunta-
tem Patris annuntiares, & viam salutis
eos doceres; ecce ad verbum tuum au-
diendum accedo, & iam antea tot annis
accesi, sed (heu) exiguo cum fructu ani-
mæ meæ Accessi ad lumen, & non sum
illuminatus; ad panem vitæ, & ecce fa-
me morior; ad ignem, & frigore conta-

besco;

desco; ad medicamentum, & variorum
vitiolorum morbis opprimor. Imber diui-
norum eloquiorum tuorum in terram
meam sine intermissione cadit, & tamen
nil nisi spinas & tribulos hactenus pro-
tulit. Quid multis? dies, menses & anni
prætereunt, & ego in eodem statu pecca-
torum permaneo.

Magnum beneficium est, ô Domine,
quod semen diuini verbi nobis reliqui-
sti, alioquin sicut Sodoma, & sicut Go-
morra effemus: magnum quoque be-
neficium, quod mittis operarios in vi-
neam tuam; quod doctores & concio-
natores nobis catholicos relinquis, sed
fustra docent illi foris, nisi tu moueas
intus. Obsecro itaque, ô pie Iesu, aperi-
aures cordis mei, vt quod per aures car-
nis instillatur, ad medullas vsque spiri-
tus penetret, ibique salutare effectus o-
peretur, ne verbum tuum vacuum ad te
reuertatur.

Da inquam, Domine, ne quod in me
hac hora incidet semen præfocetur sen-
tibus curarum huius seculi; ne exare-
seat siti & defectu roris sancti Spiri-
tus in tempore tribulationis; ne diri-
piatur ab auiibus cæli: sed sancti Spiri-
tus calore & operatione confotum ger-
minet in terra bona, & æternæ vitæ
fructum proferat, vt te cognoscam, di-
ligam, & laudem laude perpetua, qui
es laudabilis & gloriosus in secula,
Amen.

Orige-

Audiant
hæc qui
in conci-
onibus
fabulan-
tur, dor-
miunt, a-
nimo
tractant
quæ fo-
ris sunt.

Origenes in Exodum.

*Videte fratres ne fortè effluant quæ dicū-
tur, & pereant. Volo vos admonere religio-
nis vestræ exemplis. Nostis qui diuinis my-
sterijs interesse consueuistis, quomodo cum
suscipitis corpus Domini, cū omni cautela
& ueneratione seruatis, ne ex eo parū al-
quid decidat, ne cōsecrati muneris aliquid
dilabatur. Reos enim vos creditis (& rectè
credit) si quid inde per negligētiam deci-
dat Quod si circa corpus eius conseruandū
tanta utimini cautela (& meritò utimi-
ni) quomodo putatis minoris esse piaculi
verbum Dei neglexisse quàm corpus eius?*

II.

ORATIO POST
Concionem.

Ioannes
Faber.

Domine Iesu Christe, æternæ Salua-
tor, gratias tibi ago, quod cibo ver-
bi tui me patuisti, & abundè refeci-
sti: oro te, vt apud me sit efficax & saluta-
ris tui verbi perceptio, ne sine fructu de-
pereat sementis illa cælestis. Custo-
di cor meum, & circunda sepimento
gratiæ tuæ, & per sanctos Angelos
tuos prohibe, ne auis infernalis ex cor-
de meo auellat: sed pectus meum tibi
præpara, vt verbum tuum conseruet, &
veluti recens memoriæ inhæreat meæ.
Tu es qui dixisti per Prophetam tuum:
Verbum quod egreditur de ore meo,
non reuertetur ad me vacuum: sed pro-

Esa. 55.

spera-

Gerabitur in his, ad quæ nisi illud. Eia Domine prosperetur verbum ex ore ministri tui iam auditum in me; da vires, vt vita mea doctrinæ iam perceptæ respondeat: da incrementum verbo tuo, ô cælestis Agricola, vt in me augeatur & crescat, vt sancto tuo elogio non tantum ad cognitionem tuæ voluntatis perducatur; sed etiam impleam & exequar quod iubet & vis; & sic perseuerem vsque in finem, donec perueniam ad regnum tuum cæleste & sempiternum, Amen.

CVM QVOD OPVS
aggredimur.

12.

Collector.

NOs in obscurissimam caliginem Protoplastorum nostrorum præuaricatione deturbati, ô fons æternæ Sapientiæ, ignoramus quid tibi placeat, quid non; & quid nobis expediat, quid consistat. Ego nihilominus, ô benigne & misericors Deus, hoc opus arduum, si vires meas; leue & facile, si ad opem tuam aspexero, nunc aggredior, nescius an hoc à me fieri velis, an item mihi profuturum, an vero obfuturum sit. O splendor diuinæ maiestatis, ô candor paternæ gloriæ, ô dator munerum, descendant quæso cælitus in me tuæ gratiæ stillicidia, vt hic voluntatem tuam cognoscam.

Ad te igitur, ô in altissimis habitans, Deus, & Pater omnipotens, corde hu-

mili,

mili, affectu pio, oratione deuota confugio; tuum in hoc opere inchoando suffragium flagito. Intelligis enim tu profunditatem ignorantiae meae, virtutum inopiam, bene agendi inertiam, morumque meorum deformitatem maximam, quæ vniuersa ad huiusmodi peragendum opus efficiunt me indignum. Da mihi ergo sapientiam sedium tuarum assistentem: mitte illam de cælis sanctis tuis, ut mecum sit, & mecum laboret. Confirma me Domine Deus Israel, & respice in hac hora ad opera manuum mearum; tribue mihi robar, fer opem, da auxilium, ne in hoc opere perficiendo malignus me Spiritus impediat; peruersorum hominum oblocutiones ab eo me reuocent; ipse alibi peccem, aut ante operis finem deficiam: sed de tanto moderatore & rectore omnia ritè iustituam & peragam. Iesu Christo mediatore, qui est Deus in secula benedictus, Amen.

REGVLÆ QVÆDAM PRVDENTIA IN RERVM AGENDARVM DELIBERATIONIBVS OBSERVANDA.

Granatensis lib. 2.
Ducis
peccat.
parte 2.
Eccl. 37.

I. *Negotia nostra Domino Deo commendemus. Deprecare Deum, inquit Sapiens, ut dirigat in veritate viam tuam; Ante omnia opera tua præcedat verbum verax, & ante omnem actum tuum consilium stabile.*

II. *Perpendamus summa cum diligentia*

non tantum substantiam operis, sed singulas etiam eius circumstantias: una enim circumstantia, si inconueniens sit, bonitatem totius operis nonnunquam evertit.

III. Consulamus alios & cum alijs conferamus, qua sunt agenda. Sint autem huiusmodi consiliarij numero quidem pauci, fide verò probatissimi Et si plures cōsulantur, determinatio tamen penes paucos sit.

IV. Deliberationi iustum temporis spatium detur, ut temporis diuturnitate, & conuersationis longitudine haec, quorum consilijs utimur, in boni sint, an mali, cognoscantur: sed & eorum sententia propius examinentur & probentur.

V. Quatuor nouerca vera prudentia diligenter euitentur; qua sunt precipitatio, affectus, pertinacia, vana ineptia. Precipitatio namq; non deliberat, affectus excacat, pertinacia bonis consilijs portam occludit, & vana ineptia quamcumq; deliberationem ingreditur, eam sine fructu dissoluit.

VI. Extrema fugiamus: Virtus enim & veritas medium tenet. Nunquam igitur omnia simul sunt reprehedenda, nunquam omnia simul probanda nunquam omnia negare, nunquam omnia credere, nunquam omnia non credere debemus: nunquam ob delictum paucorum damnandi multi, nunquam ob sanctitatem aliquorum omnes iustificandi sunt.

Valet
hæc re-
gula in
Ethicis,
non in
dogma-
ticis.

VII. In æstimandis rebus non semper ad antiquitatem est respiciendum: multa namque longo iam tempore pessimè usurpata sunt, & multa quæ optima, non ita pridem inuenta sunt.

VIII. Figuris & rerum apparentijs ne decipiamur cauendum est: non enim omne, quod fulget aurum est, nec bonum omne, quod bonitatis habet speciem.

13.

GRATIARVM ACTIO opere iam perfecto.

Collector.

Apoc. I.
Ioan. I.

HVmani generis Redemptor, ô dulcissime Domine Iesu Christe, qui es α & ω , principium & finis, per quem facta sunt omnia, & sine quo factum est nihil, qui pensas vota, coronas merita, & confers præmia; tibi gratias ago, quod opus te præueniente inceptum tandem te cooperante absolui. Tuum nunc est, ô bone Iesu, valorum eius ponderare: si quid in eo peccatum, id omne meum est: si quid oculis tuæ Maiestatis gratum, id omne tibi acceptum fero. In peccatis namque concepti, in peccatis nati, & in peccatis enutriti, quid aliud nisi peccare possumus? & bonum quomodo operabimur, nisi tu dederis Domine? Reliquum nunc est, Domine, ut qua misericordia opus hoc mecum operatus es, eadem nunc ad optatum scopum & finem dirigas, ne fructus illius mihi vel proximo pereat.

Quod

Quod si pro singulis tuis erga nos beneficijs gratias tibi essemus acturi, beneficentissime Iesu, toto esset in eo vno vita nostra consumenda, vt nulla alia de te conueniret nos cogitare: nunc autem alio subinde nos vocat nostrum officium, aliud exigit nostra vocatio, noua tamen tua beneficia noua semper gratiarum actione sunt excipienda. Quare & ego pro eo quod tam fideliter in me, & per me, licet vile & indignum instrumentum tuum, hoc opus operatus es, tibi benedico, te laudo, te glorifico.

Sed & da mihi, Domine, non tam gratias tibi agere, quam habere: hoc est, benignitatis & munificentiae tuae erga me continenter recordari, vt cum me experire non ingratum, pergas dona tua in me augere, quousque per hanc tuam perueniam ad te fontem bonorum omnium perennem & totius beatitudinis, Amen.

CUM NOS AD STV.

dium paramus.

14.

NOs quotquot sumus, naturae quodam occulto instinctu scire desideramus? sed adeo densis in tenebris versamur, vt nedum quae oportet, sed & quomodo scire oportet, ignoremus. Primi namque peccati poena est, quod lux ista naturalis, qua in statu innocentiae nostrae intellectus illuminabatur,

Collector

D

nunc

nunc extincta sit, & nos quasi cæci palpe-
mus parietem & quasi absque oculis at-
tractemus.

Ad te igitur ô in altissimis habitans, &
in paterno gremio residens Sapiencia
recurso, illumina quæso mentem me-
am, & cor docile tribue, vt veritatem,
quæ tu ipse es, cognoscam, sequar & re-
neam. Scire quidem appeto, quia legi,
te repellere eos qui scientiam repellunt:
legi, quod qui docti sunt fulgebunt qua-
si splendor firmamenti, & quid ad iusti-
tiam eruduit multos quasi stellæ in
perpetuas æternitates: sed quia nescio
quomodo scire oportet, tu quæso mo-
dam & ordinem monstra, da vt id prius
discam quod maturius est ad salutem,
id ardentius quod vehementius est ad
amorem. Da ne scire cupiam ad inanem
gloriam, non ad curiositatem, non tur-
pis quæstus gratia, sed tantum ad ædifi-
cationem cum propriam, tum etiam
proximi.

Tu ô Creator omnium, ô meridiana
lux, ô electorum merces, tu scis profun-
ditatem ignorantie mee; sermonis mei
imperitia, virtutum inopia, bonaque
& salutaria discendi inertia à te non est
abscondita. Veruntamen ô increata Sa-
piencia, quæ ad libitum tuum de impio-
iustum, & de ignaro repente & sine mo-
ra doctum facis, emitte de sede Maie-
statis tuæ lucem & veritatem tuam, vt
illuminet tenebras meas, tribuatque

mihi licet indigno castorum tuorum eloquiorum intelligentiam. Fac me sapientiore & meliore, vt in alios quoque de isto tuo lumine transfundam quod mihi impartiris. Nihil industriæ, nihil solertię, nihil ingenio meo tribuo, (scio enim omnes qui recte sapiunt, te docente sapere) sed abs te expecto, vt aperias mihi thesauros sapientiæ tuæ.

Adesto, adesto igitur o splendor diuinæ Maiestatis, o candor paternæ gloriæ, o dator munerum, adesto precor mihi, & de altitudine sedium tuarum illabere micanti lumine gratiæ tuæ in cor seruui tui, reuela mihi incerta & occulta sapientiæ tuæ, vt te solo intus docente intelligam non quæ carnis suadet prudentia, sed quæ cælestis probat sapientiæ: intelligam autem ad sobrietatem, & ne dum alios bonos reddam, memetipsum arrogantem & malum faciam, sed primum ad meam utilitatem, quidquid mihi à te datum fuerit, conuertam, deinde à me in proximum dimanet: vt beneficio huius imperfectæ scientiæ, tandem perueniam ad contemplationem perfectissimæ Sapientiæ, quæ tu ipse es, qui vis & regnas Deus per omnia secula seculorum, Amen.

CVM HORÆ SIGNVM
auditur.

15.

Benedicta sit hora, in qua Dominus meus Iesus Christus natus & mor-

Granat.
in prafa.
lib. 4. de

tuus est pro nobis. O Domine in hora
mortis memento mei, Amen.

Orat. &
Meditat.

*Deinde cogita, quomodo vita tua iam
hora breuior est, quam ante fuit; & sic te-
lam tuam paulatim abrumpi.*

16.

ORATIO ANTE QVAM
cibum sumamus.

Ludouic
Viues in
precibus
diuinis.

Psal. 144.

Admirandum mysterium operis tui
est, o fabricator & rector mundi,
vt cibus istis hominum & animan-
tium vitas sustentens. Profecto non est in
pane atque obsonijs ea potentia; sed in
voluptate & verbo tuo; quo vno viuunt
& consistunt omnia. Tum & illud quan-
tum est, te in annos singulos sufficere
vnde tot animantibus alendis sit satis.
Quod sanctus Propheta tuus in enarrati-
one laudum tuarum dixit; Spectare ad te
omnia, vt tu des illis escam in tempore
opportuno. Aperis tu manum tuam, &
imples omne animal benedictione. Hæc
sunt mirabilia omnipotentiae tuae opera.
Rogamus te Princeps & Pater munificen-
tissime, vt qui vitam nostris corporibus
subministras cibus per verbum tuum; ani-
mos quoque nostros gratia per idem ver-
bum tuum viuifices.

Fac nobis adsit auxilium tuum, ne
prauè abutamur ijs, quæ tu ad nostros
rectos vsus condidisti: non te amemus,
quia tu illa das; sed illa diligamus, quia
veniunt abs te, & ad tempus nobis sunt.

necef-

necessaria reuerrentibus ad te Sobriè, pu-
rè, moderatè, sanctè versemur inter tua
dona, qui es talis, ne quæ tu largiris nobis
tanquam medicinam vitæ corporeæ, nos
in venenum conuertamus mortis ani-
mæ. Quin potius rectè ea sumendo & ani-
mo grato, fiant nobis corpori atque ani-
mæ salutaria; vt digni simus, quos meritò
tanquam Pater charissimos filios salu-
berimis alimentis enutrias, donec ad
perfectionem illam ventum sit filij tui
Iesu Christi, in quo mortale hoc induct
immortalitatem, nec amplius alimonia
indigebimus, facti vnum cum te ipso,
qui es benedictus in secula, Amen.

PRÆCEPTA INTER
edendam seruanda.

Ecclesiastici 31. capite.

Vtere quasi homo frugi quæ apponuntur,
vt non cum manducas odio habearis. Ces-
sa prior causa disciplina, & noli nimius esse,
ne fortè offendas Et si in medio multorum
sedisti, prior illis ne extēdas manum tuam,
ne prior possas bibere.

Ex Gra-
natenf.
Ducis
peccat. li-
bro 2.
parte 2.

Bernardus in Epistolis.

Observandus est cibi modus & tempus,
quantitas & qualitas; fugienda quoque
sunt superflua & adulterina condimenta.
Observandus est modus, vt non effundat,
qui comedit animam suam super omnem
cibum. Tempus, ne ante heram: Qualitas,

quibus utitur communitas fraternitatis;
excepta causa manifesta infirmitatis.

Gregorius libro 5. *Moralium*.

Abſtinentia eſt qua edendi horam non præuenit, ut fecit Ionathas in fauo mellis: non lautiora quarit edere, ut Iſraëlitæ in deserto: non accuratiùs parare, ut filij Heli in Silo: non ad ſuperfluitatem, ut Sodomitæ: non vile quodlibet, ut Eſau edulium in fame concupinit.

Epiſtetes Philoſophus.

In conuiuijs memento duos tibi hoſpites nutriendos, corpus & animam: & quid quid in corpus contuleris, id ſtatim effundis; quòd autem in animã, perpetuò ſeruari.

Anacharſis Philoſophus.

Primum poculum quod inſunditur ſanctiſſimis eſt; alterum voluptatis; tertium iniuriæ; quartum inſaniæ.

Hieronymus in Epiſt ad Furiam.

Parcus cibus & venter ſemper eſuriens triduanis ieiunijs præfertur; & melius eſt quotidie parum, quàm ſemel ſatis ſuperfluum. Pluuia illa optima eſt, qua ſenſim deſcendit in terram. Subitus & nimius imber in præceps arua ſubuertit. Plura vide apud Græcos ſem loco citato & lib. 3. de Oratione & Meditatione parte 2.

Duplicem edacitatem, o beneficentissime & liberalissime Pater in membris nostris sentimus: hinc calor naturalis quotidie consumit aliquid de corporis nostri substantia; illinc non naturalis, sed noxia concupiscentia aliquid absumit eius, quæ in animabus nostris te largiente nobis est, instituit. Si corpus, Domine, corporeis cibis non reparet, & quotidie fulcias, moritur, & quæ in eo est, vita naturalis extinguatur: Animam autem nisi quotidie noua gratia reficias, infirmatur primo, & moritur tandem, non morte huius temporis, sed æterni. Vt enim duplex est nostra substantia, ita duplex nobis alimentum est necessarium. Oramus itaque Domine, ut panem des corpori quotidianum; oramus etiam, ut animæ des gratiam quotidianam: illo corroboratur corpus, hac impinguatur anima: illo viuimus, hac beate viuimus.

Corporalem vitam filiorum tuorum, o pie Pater, corporalibus cibis nunc refecisti; rogamus ut eadem beneficentia spirituales in nobis vitam, micis de tuæ misericordiæ mensa cadentibus etiam nunc reficias, & gratia tua mortem animarum nostrarum arceas. Multam quidem pro æuo hoc debemus tibi, & quoniam id muneribus tuis pro rogas, habemus atque agimus tibi gratias. Sed hæc modo via est ad æternam

illam, quam obsecramus te per mortem Vnigeniti Filij tui, vt beneficio quoque tuo immortalī beatitudine dones. Hic pro re temporali quidem gratias agimus, sed temporarias, videlicet vt possumus; illic pro æterna agemus æternas. Tunc enim verè satiabimur, cum apparuerit gloria tua, quam dabis nobis per Iesum Christum filium tuum, qui tecum & cum Spiritu sancto viuit & regnat in secula seculorum, Amen.

Psal. 16.

18.

IN OCCASV SOLIS MENTIS
ad Deum eleuatio.

Prou. 8.

Psal. 8.

Domine, iustorum semita quasi lux splendens procedit, & crescit vsque ad perfectum diem æternitatis: Impij autem nescierunt, neque intellexerunt; in tenebris ambulant; de tenebris interioribus mentis ad exteriores inferni tenebras ibunt. O miseros igitur, & ter quaterque miseros, quibus sol ille tuus occidit: ille, inquam, sol, qui sanctis tuis nunquam est occiduus, meridianus semper, serenus ac fulgens. Grauis nox etiam in meridie incubat illorum mentibus qui abste discedunt. Expectant lucem, & ecce tenebræ; splendorem, & in tenebris ambulant. Palpant sicut cæci parietem, & quasi absque oculis attrahunt: impingunt meridie quasi in tenebris, in caliginosis quasi mortui. At ijs qui tecum versantur, nunquam

Esa. 59.

non dies est lucidissima. habet hic sol æthereus vices suas, oritur, occidit, accedit ad nos, & recedit: sed tu, Domine, si te vere diligamus, vices nullas habes, oriris semper, occidis nunquam: accedis ad nos, & manes nobiscum vsque ad consummationem seculi. O Oriens ex alto, illuminare mihi qui in tenebris sedeo, & in vmbra mortis O splendor Patris, o Sol ætheræ, illumina tenebras meas interiores ne post hanc vitam rapiar ad exteriores. O pijsime, o dulcissime Iesu, mane mecum, quoniam ad æsperscit, & inclinata est iam dies. Quamdiu enim præsentia tua fruimur, in luce & claritate versamur: si verò à nobis recesseris, quid lætum, quid non triste nobis atque funestum esse queat? Cum te præsentem habemus, tua dulcedine pascimur, tua familiaritate fruimur, inter humeros tuos requiescimus, internis tecum colloquijs oblectamur, à terrenis curis & cupiditatibus liberi, te summum bonum nostrum ducimus; tecum habitamus, tecum viuimus. Omnia hæc bona pereunt nobis, si tu, o æterna lux, nobis occidas. Mane igitur nobiscum Domine, obicemque peccatorum a nobis remoue, quo sit semper in nostris pectoribus dies. Mane nobiscum Domine.

Matt. 28

Lucæ I

Luc. 24.

AD PRECES VESPERTINAS
ADMONITIO.

Granatē
fis lib. 2.
de Orat.
& Medit.
cap. 9.

Memento sapissimè cōmendari in legē
duo sacrificia quotidiana, matuti-
nū & vespertinū, q̄ etiam omnis Christia-
nus debet spiritualiter offerre, ijs tēporibus
abstrahens sese ab externis occupationibus
ut vacet internis & diuinis Quēadmodū
enim bis vacam⁹ in die corporis refectiōni,
in prandio scilicet, atq; in cœna: sic etiā bis
ut minimū animæ refectiōni vacandū est,
cūm hac non minoris imò multo maioris sit
dignitatis, quā corpus nec min⁹ ei suū
cibus est ne cessarius, quā corpori suū.

Orationi matutina mul' ū proderit, si ho-
mo antequam sese ad somnū componat ali-
quamdiu orauerit; manē namq; inueniet
in corde suo fructum eius sementis, quam
vesper: fecerat: quemadmodum is qui ve-
speri carbonē igne tegit, ut tanto facili⁹
postridie focū struat, & rogam accendat.

Antequam igitur lectum intras, hac præ-
mittantur: Examen conscientia, Gratiarū
actio, Petitiō, seu commendatio.

1. Homo prius q̄ somne se tradat, cōsciētiam
suam diligenti scrutinio discutiāt, videatq;
quid opere, quid verbo, qd cogitatione vel
alio quocunq; modo illo die pescauit. Primò
an lingua lapsus sit, an mentitus, an creatu-
ras Dei Demonio vouerit, an blasphemias,
diras, calūnias, & detractiones locut⁹ fue-
rit: an inhonestā, an otiosa verba ptulerit.

Secundo qua cū diligentia malis cogitationibus restiteris; an in ijs aliquādiu haeseris, an ijs sese oblectaueris, an eas serio & instar ignis infernalis scintillas à se reieceris. Tercio ppenat quomodo illo die sensus exteriores custodieris; percipue visum & auditū. Quarto, recogitet quibuscū eo die cōuersatus sit quid cū ijs tractauerit, quid apud illos locutus sit, & nū eos destruxerit seu offenderit potius q̄ adificauit. Vltimò, examinet opera sua tā cōmissa, quā omīssa, cōsideret quomodo tēpus & horas illius diei collocauerit, an vocationi seu satisfecerit; an qua dom⁹ & familia sunt rectē curauerit, &c. Probat̃ur hoc consiliū à multis Sāctis. Vide Eusebiū Emīsseniū homilia 9. ad Monachos. Et à Philosophis Ethnicis. vide Senecam lib 3. de ira ad Nouatum, cap 36.

Pythagoræ dictum.

Neque summum in mollibus oculis suscipe, antequam diurnorum operum ter vnū quodque percurras. Quo transgressus sum? quid feci? quò tibi decens perfectum non est? incipiens à primo, percurrere, & qui mala operatus es, dole; qui bona, latare. Hac labora, hac meditare.

Quomodo examinanda est conscientia: vide apud Bernardū lib. Meditat cap 5.

Postquā conscientia hoc modo examinasti, statue ante oculos tuos omnia peccata

*qua die illo commisisti, eaquē Domino cum
amaritudine cordis confitere, veniamquē
postula hac vel simili oratione.*

C
n
d
S

c. 19.

C O N F E S S I O

*vespertina.*Ex diuer
is.

Confiteor tibi peccata mea æterno
Pontifex, sanctorum minister, &
veri tabernaculi sacerdos, qui semel
in anno huius seculi in mystica sancta
intraſti, & sanctum atque immaculatum
agnum proprii corporis tui ad hostiam
dedisti, pro peccatis nostris: Tibi confi-
teor, quia debitor tibi sum. Non solum
decem millia talenta delictorum meo-
rum, sed totius vitæ meæ rationem red-
dere debeo: quia in omni vita mea nul-
lum mandatum tuum perfectè à me cu-
stoditum ſcio, in quo ego sermone, vi-
ſu, auditu, gustu, opere, cogitatione,
ſuaſione, aut conſenſu non deliqui. Sed
nunc, Domine, præuenio faciem tuam
in confessione, & in conſpectu Angelo-
rum & Sanctorum tuorum omnium
confiteor tibi omnia peccata, quibus hoc
die Maieſtatem tuam offendi, præſer-
tim hæc; *Hic recitentur, ſi quæ ſint, graui-
ora.* Nectantum hæc, ſed & omnia alia
confiteor, quæcunque ab infantia mea
uſque in hanc horam commiſi, ſcien-
ter vel ignoranter, in factis, in verbis,
in cogitationibus & omiſſionibus. Qui
& ſummam tibi malam arborem cor-
dis mei expono, cum omnibus ſuis radi-

cum

eum fibris, folijs, fructibus; & cum omnibus suis deformitatibus, tuberibus & carie, cuiusmodi omnia tibi nota sunt. Nam perspicis non minus interiores cupiditates, dubitationes prouidentiae negationes, quam crassa hæc externa, quæ in sermone & factis perperam admittimus.

Proinde, ô clementissime Pater, pro modulo imbecillitatis meæ te oro (quāquam admodum inidoneus sim ad orandum) da veniam ergatis, ignosce delinquenti, & obliuiscere omnium peccatorum meorum, cum quæ hoc die commisi, tum etiam quorumcunque me ab infantia mea rerum nosti. Cor quoque meum planè lapideum benignè circuncide, pro vetere hoc aliud nouum crea, nouoque spiritu affice, succo celestis gratiæ ac fontibus spiritualium aquarum irriga, quo internum venenum, & succus carnis noxius exsicceatur, veteris hominis consuetudo vertatur, & cor meum non semper tribulos & spinas ad materiam ignis, sed fructus spirituales in iustitia ac sanctitate ad vitam æternam posthac profectat, Amen.

ADMONITIO.

Hic examini Conscientia addatur specialis aliqua pœnitentia, secundum peccati qualitatem, ut in posterum tanto diligentius te à peccato simili abstineas.

Granat.
lib.2.de
Orat. &
Meditat.

Firmum quoque propositum fiat, singulis septimanis velle te vt minimum vnum peccatum superare, & ab illo dissiscere.

Si subinde per diem cadas, cane desperes: sed si millies vno die cecideris, millies eodem resurge, sperans in ineffabili misericordia Dei.

Si qua passiones adeò dura sint, & familiares, vt insuperabiles videantur, noli animū abijcere: saepe enim post aliquot annos citò vincitur, quod lēgo tēpore vinci nō potuit, vt constet homini, vnde sit victoria.

Deinde age Deo gratias, quòd illo die te custodiuit ab omni malo, tam corporis, quam animæ. & dic:

20.

GRATIARVM ACTIO Vespertina.

Collector.

ECce, Domine, tot & tanta sunt delicta mea, quibus tuam hodie Maiestatem offendi; & tempus quod mihi ad agendam pœnitentiam dederas, tam inutiliter consumpsi; immemor diem hunc vitæ meæ postremum effectu potuisse; noua veteribus peccata commulans, & in conspectu tuo, qui vides omnia, absque vllō timore, haud aliter, quam in conspectu idoli alicuius ambulans: Quapropter dignus eram quem terra dehisceret, & quem infernus absorberet. Sed quod funestum hoc supplicium me non inuoluit, infinitæ misericordiæ

tuae labijs & corde, & omni qua possum
virtute gratias ago.

Tu namque, o Domine, me hodie ab
omni infortunio corporis & animæ
clementer conseruasti; nullum enim
in orbe malum est, corporale vel spiri-
tuale, quod hodie mihi accidere non
potuisset. Nam quod in alium hominem
cadere potest, in me cur cadere non pos-
set? Si enim ille filius Adæ sit, & ego
sum: si ille in originali peccato con-
ceptus, & ego sum: si ille peccatis actua-
libus obnoxius, & ego: si eius corpus
ex humoribus atque elementis pugnan-
tibus formatum sit, & meum est. Si er-
go ille hodie cæcus factus sit, cur non
& ego excæcari potuissem? si contra-
ctus, si syntecticus, si phthisicus, lym-
phaticus, dysentericus, lienosus, para-
lyticus factus hodie sit alter, cur & ego
factus non sum? si hic aqua perierit, il-
le igne, iste morte inopinata & subita-
nea extinctus sit, cur non sum & ego,
qui in eadem eram cum illo damna-
tione? cur Domine? cur, inquam, nisi
quia tua, o clementissime Domine, gra-
tia me conseruauit, tua me protexit
misericordia? Quod igitur incolumis,
quod sano & robusto sum corpore, tibi
acceptum fero, & immensas tibi gratias
ago.

Pares, imò etiam maiores tibi gra-
tias ago, mi Pater, quod non minus ani-
mam meam a vitijs, quam corpus a mor-

Augusti.
n Soli-
oq. cap.
5.

bis & infortunijs hodie conseruasti:
quòd cæcam illuminasti, & per viam
mandatorum tuorum deduxisti; caden-
tem erexisti; stantem, ne caderet, susti-
nuisti. Quod misericordia tua præuenit
me, liberans me ab omnibus malis, sal-
uans à præteritis, suscitans à presentibus,
& muniens à futuris: præcidenas etiam
ante me laqueos peccatorum, tollens
occasiones & causas; qui nisi tu hoc &
illud mihi fecisses, ego omnia peccata
mundi fecissem: quoniam scio Domi-
ne, quòd nullum peccatum est, quod vn-
quam fecerit homo, quod non facere
possit alter homo, si Creator desit, quo
factus est homo. Sed quòd non facerem,
tu fecisti: quòd abstinerem, tu iussisti:
& quòd tibi crederem, gratiam tu infudi-
sti. Tu namque, Domine, regebas me ti-
bi, seruabas me tibi, & mihi: vt adulteri-
um & omne aliud peccatum non com-
mitterem, gratiam & lumen per Iesum
Christum filium tuum donasti; tibi laus,
tibi gratia, tibi gloria in secula seculo-
rum, Amen.

Tandem Deo te commenda.

21.

NOCTVRNA PRECATIO,
*qua iturus cubitum Deo te com-
mendabis.*

Ioannes
aber.

Domine IESV Christe Deus & Re-
demptor meus: Quandoquidem
miseris mortalibus placidum no-
ctis tempus ad quietem & refectionem

afir-

infirmi corporis condidisti, atque ordinasti; Te oro, vt in hac nocte animam meam peccatis grauata, in te, ô Deus, quies vera & æterna requies, munitam vera pace custodias, & serues ab omnibus inimici Diaboli insidijs, & ab omnibus noxijs eius incurfionibus; defendas sensus & cogitationes meas, & omnia quæ facio, in quibus cesso, secundum tuam voluntatem ordines ac dirigas, ne in tenebris deprauati huius mundi, à Principe eiusdem Diabolo superatus in anxietatem, tentationem & perniciosos laqueos inducar: sed perface in me veram tranquillitatem, & constantem puritatem in mea conscientia. Da etiam, miserrime Iesu, corpori meo, multis delictis contaminato, per noctem hanc, & alio quouis tempore talem quietem, vt nunquam à te, æterna tranquillitate, discedam, neque te deseram; aut ex te porre & desidia inertis meæ carnis tui obliuiscar, & si in perpetuam irrequietæ molestiæ agitationem & damnationem detrudar.

Quapropter, ô æterne ac clementissime Domine, spiritum tuum in manus tuas commendo. Tu enim, piissime noster liberator, in ligno crucis nos redemisti. Ne finas, ô Deus, spiritum meum in peccatis obdormire, & languescere, ne in mortem sempiternam sepeliar. Sed euigila super me, pro custodia mea excuba Pastor fidelissime, ne permittas vt

Psal. 16.

auxilio tuo destitutus in peccatorum voraginem dilabar. Sub vmbra alarum tuarum me protege, ne patiaris me vltra iustum & necessarium tempus somno opprimi; sed tempestiuè me suscita; vt sic experges factus ad tuam laudem & seruitutia tua alacris accedam, vt de te cogitem, & tuo præsenti excitatus numine, opera iustitiæ perficiam, regnum tuum cæleste toto ex corde queram, vt tandem per te, & tecum, & in te ad æternam lucem & requiem cælestem possim peruenire, Amen.

22.

ALIA ORATIO ANTE
somnum D. Ephram.

Seuerus
Patriar-
cha Ale-
xand. in
precibus
Syrorum

TRibue mihi Domine, vt ego vigilans vigilanter in conspectu tuo consistam; & quoties dormire mihi contingat, sit sine peccato somnus meus: si vero in excitatione mei quiequam iniqui admiserò, per gratiam tuam Domine mi veniam tribue; & in dormitione mea si peccauero, sit clementia tua condonatrix, & per depressionis tuæ Crucifixum quietis somnum mihi dato, meque a malis somnijs, fœdisque imaginationibus liberato, & in somnum tranquillitate plenum tota nocte me inducito; ne dominantur in me mala, & cogitationes peruersitate plenæ. Angelum lucis da mihi, qui omnia membra mea custodiat, & ab execranda concupiscentia libera me, per corpus illud viuum,

quod

* quod pro me traditum est. Cubitum
 leam, & in quiete dormiam, sanguisque
 tuus sit custos meus, animeque meae, quae
 tua imago est. Confer libertatem fig-
 mento tuo, & corpus quod efflexerunt
 manus tuae protegat dextera tua, & cir-
 cunda me muro misericordiarum, tan-
 quam acceptabili praesidio, & clausione:
 ut cum quieuerit ac dormierit corpus à
 virtute tua custodiarur, & veluti suffusus
 aromatum sit somnus coram Maiestate
 tua: nec accedat Malus ad cubile meum,
 intercessione illius, quae te peperit. Au-
 diam & exequar voluntatem tuam Do-
 mine mi, qui noctem quoque cumulas
 tranquillitate iustitiae IESV Christi re-
 demptoris nostri; quia tu es lux vera, &
 in luce habitat gloria tua, & filij lucis te
 adorant in luce commorantem. IESVS
 Verbum Deus ad vitam, defunctos per
 Crucem tuam conserua, parce propter
 misericordiam tuam: atque tibi Patrique
 tuo, qui te misit, & Spiritu sancto laus de-
 tur in tempore, Amen.

* quod
 comedi,
 habet
 textus.

ADMONITIO.

Ingredies lectū signa te signaculo S. Cru-
 cis, & cōpone te ad modū. quo iacebis in
 sepulchro, lectum tumulo cōparans & me
 ditare paululum quis erit situs & figura, q̃
 corpus tuū in tumulo cōputrescens habebit.
 recita quoddam reſpōſorium, aut orationē
 Dominicā, cū salutatione Angelica. quem

nat.

ra fa

lib. 4. de

Orat &

Meditat.

admodum ad sepulchra mortuorum fieri consuevit.

Idem lib.
2. de O-
ration. &
Medit.
cap. 14.

Optimè factur⁹ est homo, si quotidie cubitū ierit cum sancta cogitatione: quemadmodū enim is qui vesperi carbones cinerib⁹ tegit, ut ignis manē in promptu sit: sic manē facile inuenit affectū orādi, qui vespere cū oratione, aut pia cogitatione indormit.

Quotiescunque nocte expergisceris, cor ad Deum eleua, dicendo; Gloria Patri & Filio, &c. aut alium pium versiculum. Multum enim hoc prodest ad fugandas illusiones Damonis, malasque cogitationes: solet enim Damon nocte hominem magis quàm alio tempore infestare. In sanctum Davidis lectulum, ait Hieronymus, quem ille per singulas noctes lachrymis suis rigabat, Diabolus cum omni voluptatum suarum pompa accessum habuit.

ORATIONES IACVLATO- RIÆ SEMPER IN promptu habendæ.

Semper orandum esse monet Christus, monet Apostolus, monent & sancti Patres. Sed cum id ore simul & corde ab homine tot, tantisque necessitatibus circumuento difficulter fieri queat, eum semper orare dicunt nonnulli, qui cor semper ad Dominum habet eleuatum. Vtilissimum igitur est interdum noctuque cor sape succin-

Et oratiunculis, quas iaculatorias vocāt,
ad diuinā Maieſtatis memoriam excitare.

Hoc olim Patres feciſſe, ait D. Auguſtinus; Epist ad
Fratres, inquit, in Ægypto crebras quidem Probam.

orationes habent, ſed eas breuiſſimas & ra-
ptim quodammodo iaculatas, ne illa vigi-
lantia erecta (qua oranti plurimum neces-
ſaria eſt, per productiores moras euaneſcat.

De uſu atque utilitate harum orationum
conſule Lod Granat. lib. 2 de Orat. & Me-
ditat. cap. 8. Nos in gratiam piorum aliquot
huiusmodi oratiunculas ex diuerſis colle-
ctis, hoc loco poſuimus.

Quando ſurgendum eſt, preparandus
eſt animus ad deuotionem, ita vt ſeruen-
ter exiliſas de lecto, & corpore diſcuſſo, gra-
tias diuinæ miſericordiæ agas, pro quiete
indulta, pro cuſtodia & protectione Ange-
lica: deinde veniens ad Eccleſiam, pone
manum tuam ſuper oſtium, & dic; Expe-
ctate hic cogitationes malæ, intention-
es & effectus cordis, & appetitus carnis:

Tu autem anima mea intra in gaudium
Domini Dei tui, vt videas voluntatem
Domini, & viſites templum eius. Sicquæ Pſal. 26.
veniens ad crucem dic: Adoramus te
Chriſte & benedicimus tibi.

Cum aliquod opus aggredieris.

Deus in adiutorium meum intende, Pſal. 69.
Domine ad adiuuandum me feſtina. Hic
verſus in collationibus Patrum frequēs eſt.

EX THOMAE A CAMPIS

*Hospitali pauperum Cap. 18.**Cum repentinus timor irruit.*

Pfal 60. Esto nobis Domine turris fortitudinis
à facie inimici.

Si caro putrida stimulet.

Pfal. 118. Confige timore tuo carnes meas; à iu-
dicijs enim tuis timui

Si prava suspicio influat.

Pfal. 50. Cor mundum crea in me Deus, &
spiritum rectum innoua in visceribus
meis.

Si mala tristitia te premat.

Pfal. 50. Redde mihi lætitiā salutaris tui, &
spiritu principali confirma me.

Si vana gloria inflat.

Pfal. 113. Non nobis Domine non nobis, sed
mini tuo da gloriam.

Si desperatio molestat.

Pfal. 70. Spes mea Dominus à iuuentute mea,
de ventre matris meæ tu es protector
meus.

Si tadium mentem occupet.

Pfal 118. Adiua me & saluus ero, & meditabor
in iustificationibus tuis semper.

Si acedia impugnet.

Pfal 79. Excita Domine potentiam tuam & ve-
ni; confirma me in verbis tuis, ne defici-
am in via.

Si labor aggrauet.

Pfal. 24. Vide humilitatem meam, & laborem
meum, & dimitte vniuersa delicta mea.

Si ira

Si iracundia perturbet.

Da patientiā Domine, & pacem seruo tuo, ne perdam coronam animæ meæ in celo: Tu enim dixisti: In patientia vestra possidebitis animas vestras.

Luc. 21.

Si appetitus honoris & altior status te alliceat.

Inclina cor meum Deus in testimonia tua, & non in auaritiam. Auerte oculos meos ne videant vanitatem, in via tua visitifica me.

Psal. 118.

Si gula te sollicitet.

Regnum Dei non est esca & potus, sed pax & gaudium in Spiritu sancto: Spiritus est qui viuificat, caro non prodest quicquam.

Rom. 14.

Ioan. 6.

Si maligna cogitatio obrepet.

Cujus est imago hæc & superscriptio: Et audiens, quia Cæsaris est, hoc est, principis huius mundi Diaboli, dic; Pecunia tua tecum sit in perditionem: Iam osium clausum est, & Dominus hic Pascha manducat, non vacat mihi aperire tibi.

Bernardus ioco citato.

Matt. 22.

Act. 8.

Si aliquod beneficium Dei occurrat.

Quid retribuam Domino pro omnibus quæ retribuit mihi: quantum debes anima mea & conuersus ad Angelos dic: Venite audite & narrabo omnes qui timeatis Deum, quanta fecit animæ meæ. Et ad ipsum Deum deflectens oculis; Verè, inquires, Domine misericordia tua magna est super me.

Psal. 115.

Psal. 85.

Pfal 34.

In graui aliqua persecutione.

Iudica Domine nocentes me , expugna impugnantes me. Apprehende arma & scutum , & exurge in adiutorium mihi.

Cum videris à Deo derelictus.

Pfal 9.

Vt quid Domine recessisti longè : despicere in opportunitatibus , in tribulatione ? Mane nobiscum Domine, quoniam aduersperascit.

Luc. 24.

Contra detractores.

Psal. 11.

Saluum me fac Domine, quoniam dereliquit fecit sanctus : quoniam diminutæ sunt veritates à filiis hominum : Disperda Domine vniuersa labia dolosa, & linguam magniloquam.

Pro inimicis.

Act. 7.

Domine ne statuas illis hoc peccatum quia nesciunt quid faciunt.

Cum ad studium nos paramus.

Pfal. 118.

Benedictus es Domine, doce me facere voluntatem tuam ; Reuela oculos meos , & considerabo mirabilia de legem tuam.

Lib. 2. de

Ex Granatensi,

Orat. &

Medit.

cap 8.

Pfal 50.

Poterit homo nonnunquam cor eleuare per affectum pœnitentia , his verbis.
Auerte faciem tuam à peccatis meis, Domine, & omnes iniquitates meas dele. Crea mundum in me crea Deus , & spiritum rectum in noua in visceribus meis.

Aliquando cum affectu gratitudinis.

Bena

Benedic anima mea Domino, & noli
obliuisci omnes retributiones eius.

Psal. 102.

Nonnunquam cum affectu amoris.

Diligam te Domine fortitudo mea,
Dominus firmamentum meum, & re-
fugium meum, & liberator meus. Deus

Psal. 17.

meus, adiutor meus, & sperabo in eum.
Quemadmodum desiderat ceruus ad
fontes aquarum, ita desiderat anima

Psal. 41.

mea ad te Deus. Sitiuit anima mea ad
Deum fontem viuum, quando veniam
& apparebo ante faciem Dei mei: Fue-
runt mihi lachrymæ meæ panes die ac
nocte, dum dicitur mihi quotidie: Vbi
est Deus tuus?

*Subinde amore beatitudinis aterna in-
flammatuſ dicat;*

Quàm dilecta tabernacula tua Domi-
ne Deus virtutum? concipiscit & deficit
anima mea in atria Domini.

Psal. 83.

**Patribus in Aegypto familiare
erat quod sequitur.**

Hieron.
in Epist.

Quis mihi dabit pennas sicut colum-
bæ, & volabo & requiescam?

Psal. 5.

*Plures huiusmodi oratiunculas, & ad
pietatem stimulos passim obseruabis ora-
tionis studiosus per semetipsum in Psalmis,
ceterisque sacrarum scripturarum li-
bris. Sufficit ex plurimis pau-
ca posuisse*

CAPVT SECVNDVM
CONTINENS ORATIO-
NES LITVRGICAS, QVAE
sub sacrificio Missæ legen-
dæ sunt.

QVANTA CVM REVEREN-
tia in templo versari debeamus, ex con-
suetudine Alphonsi Villegæ de dedi-
catione templi S Saluato-
ris Romæ.

In templū Salomonis tanto in ho-
nore & reuerētia habebatur
in quo erat Arca Domini
quāto in honore habēdum ē
templū, ubi est ipse Domin⁹, videlicet in sa-
ctissimo Sacramento Eucharistia, verē
realiter & substācialiter? ubi iā nō immo-
latur sāguis hircorū & taurorū sed preti-
sissimus Christi sanguis, q̄ effusus est in ara
Crucis? ubi Christus sese obtulit hostiā
uā aeterno Patri pro redēptione humani
generis? Quod etiā representat Sacerdos qui
Missā celebrat. Hic etiā sunt in ecclesia
nostra sanctissima Sacramenta, à Christo
instituta, quib⁹ curātur anima nostra infir-
mitates. Siquidem vt aliquis robustus sit
Christi miles, & intrepidē atque impavidē
eius sanctissimū nomē ubique profiteatur
datur illi sanctissimū Cōfirmationis sacra-

mentū. Insuper ad locupletādam animam,
 & insigniendam pretiosissimis ornamentis
 & donis spiritualibus, ministratur sacra-
 tissimum Eucharistia sacramentum. Alijs
 etiā ut copulētur sanctē inter se, ministra-
 tur sacramentū Matrimonij: illis autē qui
 vulnerati veniunt ex militia spirituali, &
 varijs sauciati vulneribus, ministratur
 sanctissimum Pœnitentia sacramentum.
 Vnde constat esse ecclesiam sanctissimam
 apothecam quādam, & pharmacopœium
 medicine spiritualis, & salubrium reme-
 diorum ad languores varios sanandos

Est insuper ecclesia, in qua continentur
 pretiosissimi Christi thesauri: in ea enim
 condonantur delicta: in ea dantur Spiritus
 sancti dona; in ea sunt magis meritoria o-
 rationes fidelium, atq; facilius impetrant,
 quod petunt: in ea siquidē est scala illa la-
 cob, per quam ascendunt Angeli & descen-
 dunt, offerentes preces nostras Domino, &
 perferentes ad nos celestes consolationes in
 hac etiam ecclesia sanctissima predicatur
 Christi Euangelium, docetur observatio
 mandatorum Dei, laudantur virtutes, re-
 prehenduntur vitia. Vnde fit ut alij com-
 pungantur, alij timeant, alij ad virtutem
 & Dei amorem vehementius incitentur.

In ecclesia fidelis anima cum Deo con-
 versatur, Deum laudat, Deum orat, à Deo

Matt 28.

beneficia multa accipit. In Ecclesia assistūt
S. Angeli; ibi reperitur celestis curia, ibi
Deus adest, ibi pollicitus est se ad futurum
vsque ad consummationem seculi

Quare sacra tēpla summo prosequamur
honore, salutareq; illud Propheta cōsiliū
diligenter obseruemus, qui Psal. 92. inquit
Et monet admirabili, maximoq; honore
afficiendum esse templum Domini in uni
uersa terra. Dedecet igitur in eo omnis stre
pitus, omnis murmuratio, omnis impura
actio, Et denique qualibet etiam inanis
vana cogitatio: sed quacūq; in eo tra
ctabimus sint ad honorē Dei: unde fiet, ut
amplissima à Domino beneficia consequa
mur, Et eius misericordiam impetremus.

I. MEDITATIO, QVA MEN
tem ad deuotionem Et reuerentiam erga
tremendum Missæ sacrificiū
preparamus.

Ex diuer
sis.

Quid agis anima mea? quò vadis
solue calceamentum de pedibus
tuis: locus enim in quo stas sanctus
est, expecta modicum & videbis hic visio
nem magnam: expecta modicum & fa
ciet hic Deus magna & inscrutabilia &
mirabilia absque numero: expecta mo
dicum & aperientur cæli, mirabuntur
Angeli, sancti laudabunt, iusti exalta
bunt, captiui visitabuntur, compediti sol
uen.

uentur, infernus vltabit, sanctaque in spiritu mater ecclesia latabitur

Immolabitur enim hic sacrificium, quo nullum maius, nullum vtilius, nullum amabilius, nullum oculis diuinæ Maiestatis gratius: oblatio quæ honorem Deo, Angelis contubernium, exilibus cælum, religioni cultum, iustitiæ debitum, normam sanctitati, obedientiam legi, gentibus fidem, letitiam mundo, credentibus gaudium, vnitatem populis, sacramentis legalibus finem, initium gratiæ, virtuti robur, hominibus pacem, lucem mentibus, spem laborantibus, peruenientibus tribuit speciem. Nempe dolores mediatoris nostri, irrogata conuicia, excepta flagella, aceti & fellis pocula, clauorum & lanceæ vulnera ex redimna sacrificij huius celebratione memorantur.

Offeritur æterno Patri nati assumpta humanitas, quatenus agnoscat ipse quæ genuit, quemque pro hominum salute misit in terras, vt interventione ipsius delinquentibus veniam, lapsis manum, & iustificatis præroget vitam. Clamat idem Redemptor ad Patrem, corporales suas cicatrices offendens, quatenus ab æternis supplicijs sua homines interpellatione custodiat.

Hæc omnia, o anima mea, hoc loco, & quidem hæc hora fient, quorum omnium spectatrix esse poteris, si fide vera & sincera hic assisteris. Qua igitur venera-

tionē, qua reuerentia, qua humanitate tantis interesse debebis mysterijs? Quid enim mirabilius, quàm videre Dominum tantæ Maiestatis, cuius sedes cælum est, & cuius scabellum terra; cui astant omnes Seraphin, cui ministrant Angeli, & omnes creaturæ famulantur, hunc iterum de cælo descendere in hanc vallem lachrymarum? habitare nobiscum? in templis præsentem esse, ut sua præsentia nostram adiunget deuotionem, nostris addet lachrymis, nostras audiat orationes.

Reg. 8.

Non erat aliud quod datum erat Iudæis in arca fœderis, quàm vmbra huius beneficii: & tamen adeò miratus est illud Salomon, ut dixerit: Ergone putandum est quod verè Deus habitet cum hominibus super terram? si enim cælum & cæli cælorum te capere non possunt, quantò magis domus hæc quam ædificauit: O magnæ venerationis mysterium, ô beneficium inæstimabili gratitudine recolendum. O Domine mi, si homo nosset pretium & dignitatem tuorum beneficiorum ponderare, quantas tibi gratias redderet? quam prompto tibi animo seruiret? Sed nescio qui fiat Domine, ut adeò cæcutiamus te stantem in medio nostrum quod non cognouimus.

Si namque nos domum tuam, & quis est, qui inter nos stat, cognosceremus, ô quanta cum reuerentia in conspectum tuum veniremus? quanta cum fiducia

preces tibi nostras offerremus? quanta cum alacritate loca sacra visitaremus? quanta denique cum deuotione templa tua Domine frequentaremus? Si templum eminus conspiceremus, inclinare capita nostra, ei que reuerentiam exhibere deberemus: non enim minoris dignitatis est templum materiale, quam cælum empyreum; cum utrumque eundem habeat in se præsentem Dominum.

Quis mihi dabit lachrymas, ut desileam eorum impietatem, religionisque contemptum, qui sub augusto hoc, & stupendo Missæ sacrificio, aut in templis deambulant, aut fabulantur, aut negotia tractant externa, aut dormitant, aut foris mente vagantur. Qui sit Domine, ut cum bos agnoscat possessorem suum, & alius præsepe domini sui, homo te non agnoscat, nec vnquã recte cognouit? Venisti in mundum, & mundus te non cognouit; nunc iterum in mundo es, & necdum mundus te agnoscit. Nos miseri ludæos condemnamus, quod te in medio illorum stantem non cognouerunt, eo quod formam hominis habebas, & nobis ignoscimus, quod idem facimus, eo quod sub panis forma latitas.

At tu, o anima mea, non quod alij faciunt, sed quod tui muneris est facito. Eleuare, eleuare, consurge anima mea: solue vincla colli tui captiua filia Sion; sanctificare & esto parata, modo enim veniet Dominator Dominus, &

Esa. i.

Ioan. i.

Emanuel nomen illi. stillabunt montes
 confestim dulcedinem, & colles fluent
 lac & mel. Videbis mox carlos aperiri, &
 Sponsum procedere de thalamo suo: vi-
 debis Verbum fieri carnem, & habitare in
 te. Occurre illi cum reuerentia magna,
 humilitate profunda, & puritate perfe-
 cta: præfolare aduentum eius in spe &
 silentio, in precibus & desiderijs, donec
 hæc omnia perficiantur in te, & in omni-
 bus Christi fidelibus.

2.

*Generalis ante Missam peccatorum
 Confessio.*

Iohannes
 aber.

INter miseros peccatores ego longè
 miserrimus confiteor Deo Patri meo
 cælesti, & Iesu Christo Domino Re-
 demptori & Saluatori meo; Mariæ Dei-
 paræ Virgini, & omnibus Sanctis, quod
 sæpe & multum peccaui, & heu mihi
 grauiter deliqui contra Dominum Deum
 meum incredulitate & diffidentia; nec di-
 uinam Maiestatem, vt debui, supra om-
 nia amaui. Deinde & proximum meum
 non ex animo vt me ipsum; sed multa ad-
 uersus eum iniqua machinatus sum, &
 perpetraui. Denique ex diuinis præceptis
 ne vnum quidem vt par fuit obseruaui,
 sed voluntati & mandatis illius relucta-
 tus sum. Agnosco me reum, & culpam
 meam ipse profero, quod plurimum de-
 liqui prauis cogitationibus, verbis in-
 quinis, & impijs operibus: siue ea cri-
 mina sint mortalia, quotidiana, occul-

ta, si-

ta, siue manifesta; scienter & ignoranter commissa, contra Dei cultum atque amorem, & contra proximi dilectionem: quemadmodum tu, o Deus omnipotens, in misero me peccatore agnoscis: ego autem vitijis excecatus nec videre, nec agnoscere possum.

Hac omnia summam colligo, & singulis excussis omnium me dico reum, nec aliud possum, quam deprecari. Te igitur oro æterne & misericors Deus, sis propitius mihi deplorato peccatori propter diuinam tuam gratiam & perennem misericordiam, per filium tuum dilectum Iesum Christum Dominum & Saluatorem nostrum, Amen.

Ad Missæ Introitum.

Non discedimus a te Domine, viuificabis nos, & nomen tuum inuocabimus. Memento nostri Domine, in beneplacito populi tui, visita nos in salutari tuo. Ex desiderio magno clamamus & vociferamur cum patribus nostris; Rorate cæli desuper, & nubes pluant iustum: aperiatur terra, & geminet Saluatorem. Emitte agnum Domine Dominatorem terræ: ostende nobis Domine misericordiam tuam, & salutare tuum da nobis. Sedenti super throno & Agno benedictio, & honor, & gloria, & potestas in secula seculorum, Amen. Non discedimus a te Domine, viuificabis nos, & nomen tuum inuocabimus

3.

Psal. 79.

Psal. 105.

Esa. 45.

Psal. 16.

Psal. 84.

Apoc. 5.

4.

*Ad Kyrie eleison, & Gloria in
excelsis.*

Ex Gra-
natenf.
lib. 3.
Memori-
alis.

Benigne Pater, pie Pater, & misericors Pater, miserere mei. In remissionem omnium meorum, totiusque mundi peccatorum, offero tibi vitam, passionem & mortem vnigeniti Filij tui. Offero tibi quidquid in hoc mundo fecit & passus est, pro nostra salute. Offero tibi omnia merita dulcissimæ Matris illius, omniumque Sanctorum, vt illorum amore mihi ignoscas, miserearis mei, & æternam vitam mihi largiaris.

Pie Iesu, Redemptor mi, miserere mei. Gratias tibi ago pro infinita miserationum tuarum multitudine, proque gratijs tuis, quæ numerum non habent, quas contulisti, & confers quotidie in me miserum peccatorem. Oro te clementissime Domine, fac me omnium merituum tuorum participem, vt tibi incorporatus, & virtute huius sacrificij vnum quid tecum effectus, tibi per amorem & imitationem sanctissimæ viæ tuæ ubique conformis viuam, teque, vt palmes in vite, frui merear, quies vera vitis, & ornium fidelium vita.

Spiritus sancte, Consolator optime adiuue me Domine mi, commendo tibi animam meam, corpus meum, & omnia quæ mea sunt. In manus tuas commendo progressum & finem vitæ meæ. Da mihi vt illam in tuo cultu & obsequio

transigam, veram agens meorum peccatorum poenitentiam: priusquam anima mea ex hoc corporis migret ergastulo. Cacus & infirmus ego facile in laqueos affectionum mearum incido; erro facile, facile decipior: ideo me tibi commendo, & tuæ protectioni me submitto. Ah Domine pauperem hunc & nudum famulum tuum defenda, custodi illum ab omni malo. Illumina intellectum meum, rege corpus, moderare animum, conforta spiritum, vt vincat omnes affectus cordis inordinatos. Da fidem certam, spem firmam, & puram perfectamque charitatem. Fac vt cum dulcedine te diligam, & in omni loco atque tempore tuæ voluntati satisfaciam, Amen.

Ad Collectam

6.

Domine Deus omnipotens, Pater Ex lib. 5.
 misericordiarum, & Deus totius Memo-
 consolationis: gratias tibi ago infinitas, rialis
 quia nobis animum addidisti, vt iam au- Grana-
 si simus a te misericordiam flagitare: Di- tensis.
 xisti enim per vnigenitum tuum; Petite, Math 7
 & accipietis; querite, & inuenietis; pulsa-
 te, & aperietur vobis

Age igitur Domine, si tu is sis, qui me
 vocas, qui me inuitas, qui expandis bra-
 chia tua vt ad te curramus, cur non spe-
 temus te nos recepturos? Longè alio lo-
 cores apud te sunt, quam apud homines,
 qui eum dant, depauperantur, & ideo se-
 te semper inuini rogantur. Non sic apud

te Domine, non sic, quia quemadmodum tibi nihil decedit, cum omnia largiris; sic etiam iniquo non fers animo, cum rogaris: ideoque petere à te misericordiam, non est importunitas, sed obedientia. Tu enim, ut te petamus, præcipis orare namque te, honorare est, & te glorificare. Cum aliquid à te petimus, profitemur te Deum, te vniuersalem Dominum, te donatorem omnium, à quo peti debent omnia, cum nemo præter te det omnia. Imò tu ipse hoc sacrificij genus tibi offerri præcepisti, dicens; Immolabo tibi sacrificium laudis; & redde Altissimo vota tuo. & Inuoca me in die tribulationis, eruiam te, & honorificabis me.

Psalm 49

Hac fiducia fretus ad thronum tuæ misericordiae venio, orans ut mihi tribuas peccatorum meorum remissionem, veram contritionem & poenitentiam. Deinde ut tua gratia mihi denuo iustificato des gratiam, ne te in posterum rursus offendam, siue ijs peccatis quæ mihi hactenus familiaria fuerunt, siue alijs quibuscunque. Ante omnia verò gratiam & auxilium tuum peto, quo possim carnem meam in seruitutem redigere, linguam refrænare, appetitus mortificare, dispersas imaginationis cogitationes colligere. ut sic totus reformatus & renouatus, merear esse viuum tibi templum, & gratum in quo moreris habitaculum.

Largire quoque virtutes illas, quibus habitaculum istud non solum purgetur;

sed

fed etiam ornetur; vt sunt nominis tui sanctissimi timor, inuicta spes, profunda humilitas, insuperabilis patientia, prudens discretio, paupertas spiritus, perfecta obedientia, immota fortitudo, & diligentia in omnibus, quæ ad tuum obsequium & cultum pertinent: ante omnia verò ardentissima charitas, tam erga te, quam erga proximum. Da denique, ô Domine, vt in his omnibus in finem usque perseuerem, vt te auctore, promotore & consummatore salutis meæ, tandem perueniam, vbi tu viuis cum Filio & Spiritu sancto per omnia secula seculorum, Amen.

Ad Epistolam.

6.

Domine Deus Pater cælestis, qui nō videris nisi a mundis cordibus, inuestigari legendo, meditando quesui quomodo haberi possit cordis munditia, vt ea mediante vel media ex parte possem te cognoscere. Quærebam vultum tuum Domine, & diu meditatus sum in corde meo, & in meditatione mea exardescit ignis, & desiderium amplius cognoscendi te crescit, dum panem sacræ scripturæ frangis mihi, & in fractione panis, in qua cognitus es, quanto plus te cognosco, tanto plus te cognoscere desidero: non iam in cortice literæ, sed in sensu experientiæ. Nec hoc peto propter merita mea, sed pro tua misericordia. Fateor enim quod indignus &

Augusti
in libro
de scala
Paradisi

peccator sum, sed & catelli edant de micis, quæ cadunt de mensa dominorum suorum. Da mihi Domine arrham hereditatis tuæ futuræ, saltem guttam celestis pluuiæ, qua refrigerem sitim meam, quia amore ardeo, Amen.

7.

3. Martyr
Cyprianus.

Ad Graduale, & Tractum, si legatur.

Deus Pater Domini nostri Iesu Christi filij tui, Deus Patriarcharum, Deus Prophetarum, Deus Apostolorum, Deus Martyrum, Deus Virginum, Deus omnium credentium. Te deprecor Pater Maiestatis, qui in fine temporis misertus es nostri, mittens nobis Iesum Christum filium tuum, Dominum Deum Salvatorem nostrum, natum ex Maria virgine de Spiritu sancto, annuntiante Gabriele Angelo; per quem nos liberaisti de periculo mortis imminantis.

Te rogo, Domine, subueni mihi, noli me secundum actus meos iudicare: non enim parui præceptis tuis, sed exomologesi facientis ante conspectum tuum pro vniuersis peccatis meis, qui es amator poenitentiarum, miserere mei. Et ut David orat. Domine, propter nomen tuum dele peccata mea: Ita & ego deprecor Maiestatem tuam, dele vniuersa peccata mea.

Fac ut fide illibata, mente incorrupta, deuotione robusta, dilectione & operatione continua in ecclesia tua sancta persistam, & libera me ab igne & poena per-

enni, & ab omni tormento, quod parasti iniquis, per bonum & benedictum Iesum Saluatorem nostrum, per quem tibi laus, honor, virtus, & gloria, in secula seculorum, Amen.

Ad Alleluia, si legatur.

8.

Gratias agimus tibi Domine Deus Apoc. 11.
Gnoscer omnipotens, qui es, & qui
eras, & qui venturus es: quia accepisti
virtutem tuam magnam, & regnasti.

Dignus es Domine Deus noster acci-
pere gloriam, & honorem, & virtutem: Apoc. 4.
quia tu creasti omnia, & propter volun-
tatem tuam erant & creata sunt.

Ad Prosam vel Sequentiam, si legatur.

9.

Omnipotens æterne Deus, tibi sancti Ex Aug.
& humiles corde, tibi spiritus & a- Meditat.
nimæ iustorum, tibi omnes superni ci- cap. 33.
ues, & cuncti beatorum Spirituum Ordines gloriam & honorem suppliciter adorantes concinunt sine fine. Laudant te Domine illi superni ciues magnificè & honorabiliter. Laudat te homo magna portio creaturæ tuæ. Sed & ego peccator homuncio desiderio magno cupio te laudare, amare te opto amore præcipuo Deus meus, vita mea, fortitudo mea, & laudatio mea, dignare me laudare te. Da mihi lumen in corde, verbum in ore, ut cor meum meditetur gloriam tuam, & lingua mea tota die cantet laudes tuas. Sed quia non est pulchra laus in ore

pecca-

peccatoris, & quia vir pollutis labijs ego sum, munda obsecro cor meum ab omni inquinamento: sanctifica me sanctificator omnipotens interius & exterius, & fac me dignum laudibus tuis. Suscipe benignè & laudabiliter de manu cordis, & de mentis amore, suscipe sacrificium labiorum meorum, fiatque acceptabile in conspectu tuo, & ascendat ad te in odorem suauitatis. Memoria tua sancta, & dulcedo tua beatissima possideat totam animam meam, atq; in inuisibilem amorem rapiat eam. Per Christum Dominum nostrum, Amen.

Ad Euangelium.

10.
Ioannes
aber in
recat.
Christi.

Mitissime Domine Iesu Christe, tu ex mera atque singulari gratia & misericordia voluntatem Patris tui nobis ostendisti & reuelasti: Apostolis etiam commendasti, ut Euangelium vulgo prædicarent ad consolationem & salutem hominum: est enim virtus Dei, quæ animas nostras conseruare potest in æterna patria; est viuus panis & confortatio nostri spiritûs, est gladius quo truculentum & infernalem hostem reprimeret superare possumus; & directio pedum nostrorum in via recta; est validissimus malleus, qui scopulos & rupes conterit; est ignis ardens, qui spiritum in amore Dei accendit.

Docet nos per fidem cognoscere, per charitatem tuam præcepta custodire, per

spem promissiones tuas gratiosas patienter expectare, per timorem sincerum ad cominationes tuas contremiscere. Est lex perfectorum, vera libertas spiritus & vitæ. Absque hac sumus veluti Sodoma & Gomorrhæ incolæ: hoc si destituamur, necesse est vt anima nostra fame moriatur.

Quapropter oro te ô mîtis Saluator, illumina cor meum, patefac & aperi aures meas internas gratia Spiritus sancti, vt verbum tuum humili corde audiam, in obedientia spiritus percipiam; & vt tandem fructus largos proferat in patientia; vt intellectus meus in veritate instruat ad facienda bona, & vitanda atque fugienda mala: vt per me honor tuus & gloria propagetur; anima mea salutem consequatur; hostis diabolus deuictus prosternatur; vt inculpatus ad tribunal iudicij tui veniam; æternaque felicitate per te potiar, Amen.

Ad Symbolum.

11.

Omnipotens æterne Deus, miser & infelix ego peccator ad te venio, vt hodie coram diuina tua Maiestate renouem pactum baptismale, repetamque fidem tibi in baptismo datam & promissam. Credo igitur corde & ore confiteor omnia, quæ Christus Iesus dilectissimus filius tuus, & sponsa illius Ecclesia, instructu Spiritus sancti edocta, mihi credenda proposuerunt, siue

Collector.

illa

illa expresse iam sciam & intelligam, siue adhuc ignota mihi sint.

Ore profiteor me credere omnes articulos Symboli Apostolici, & sanctum Christi Euangelium, quod in vniuerso terrarum orbe annuntiatum est: in quam fidem ex gratia vocatus, natus & baptizatus sum. Huic me hodie fidei obstringo, & fateor me ab ea ne vnguam latum discedere posse, etiam si totus mundus, cum omnibus suis tyrannis in me insurgant, priusquam tu Imperator meus, cui milito, me hoc sacramento soluas, à statione discedere iubeas, & in patriam, vbi nulla amplius fides, sed clara erit visio, me reuoces. Offero itaque mi Domine intellectum meum tibi in obsequium huius fidei.

Quod si ex tentatione diabolica, aut ex ignorantia mea aliquid in huius fidei præiudicium dixero, vel cogitauero; id nunc reuoco, & quasi non dictum, aut non cogitatum haberi volo; nunquam enim tali dicto aut cogitationi sciens & volens assensum præbebo, adiuvante me tua gratia; Qui viuis & regnas Deus in secula sæculorum, Amen.

12.

*Ad Offertorium oblatio suis ipsius, & ad
Collectam secretam.*

Ex quodā
Germanico li-
bello a-
nonymo

Deus Deus meus ac Pater celestis, supplico tibi miser ego peccator, in nomine Domini nostri Iesu Christi, gratia & auxilium tuum præueniant me, vt

memetipsum tibi offeram hostiam uiuentem, sanctam & beneplacentem: sine tua namque gratia oblatio sum immunda & peccatorum meorum sordibus cōtaminata. Sed in meritis sanctissimi sacrificij vnigeniti filij tui Domini nostri Iesu Christi, quod ille summus Sacerdos & sacrificium ipsum in altari sacratissimæ Crucis pro nobis immolauit, hostia mea mundabitur, & sanctificabitur.

In illo igitur, & per illud sacrificium ego hodie tibi cælestis Pater offero animam meam, cum omnibus suis potentijs, offero tibi memoriam, intellectum, & voluntatem meam; fidem quoque, spem, charitatem, quæ in me est: cor meum cum omnibus suis affectibus, corpus & vitam meam cum omnibus viribus internis & externis, cum sensibus & omni mea facultate naturali. Offero tibi sanitatem & robur corporis, fortunam, famam & diuitias meas: offero tibi parentes, filios, cognatos, amicos, & quicquid meum est: id omne tibi offero cum humili confessione, omnia hæc tua esse, & eorum vsum à te mihi concessum: omnia namque hæc ex tua bonitate, sine villo meo merito à te accepi.

O Domine Deus, fac tibi ex his sanctam & beneplacentem hostiam; da mihi, vt omnibus his à te præceptis bonis ac donis rectè, & secundum diuini verbi tui præscriptum vt assuescam, ne me illorum Dominum, sed œconomum &

dispen-

dispensatorem esse mihi persuadeam, cuius administrationis ratio suo tempore à me postulabitur.

Concede mihi omnia hæc cum debita gratitudine, animique libertate possidere; vt memetipsum iuge tibi holocaustum offeram in meipsum abnegatione, voluntatis mortificatione, crucisque meæ voluntaria tolerantia, & Christi vera imitatione. O Domine fac mecum quidquid vis; tu enim scis quid honori tuo & meæ saluti expediat. Quod si aliqua tentatio me inuadat, tædiumque atque molestia mihi oboriat, ex ijs quæ vel mihi, vel meis à te immituntur, oro te, mi Domine, misericordiam tuam à nobis ne auertas: cum ego hodie ex toto corde, totaque anima mea meipsum tuæ voluntati deuoueam: & dolet mihi, si ex infirmitate aliqua huic deuotioni in posterum egero quicquam contrarium.

Dispone igitur de me, Domine, quidquid tibi placet: fiat in me, & de me tanquam de proprio tuo voluntas. Secundum spiritum promptus sum & paratus durissima quæque pro peccatis meis tolerare, saltem tua me gratia atque misericordia non destituat, vt ea patienter feram ad tui nominis gloriam, & criminum meorum expiationem. Immo lo tibi quoque spiritum hilarem & promptum, vt tibi seruiat, te colat; tui namque obsequij debitor ego sum, & in

co vsque ad mortem cupio perseverare.

Defende me hodie & omni tempore ab omni infortunio animæ vel corporis: da mihi benedictionem tuam, tue & rege me nunc, & in perpetuum, Amen.

AD MONITIO ANTE PRAEFATIONEM.

Quando stamus ad orationem, fratres dilectissimi, vigilare & incumbere ad preces toto corde debemus. Cogitatio omnis carnalis & secularis abscedat, nec quicquam tunc animus, quàm id solum cogitet, quod precatur.

Cyprianus.

Ideo ut Sacerdos ante orationem praefatione premissa parat fratrum animos dicendo; Sursum corda: ut dum respondet plebs, Habemus ad Dominum; admoneatur nihil aliud se, quàm Dominum cogitare debere

Ad Praefationem.

Verè dignum & iustum est, te benedicere, tibi gratias agere, te adorare in omni loco dominationis tuæ: tu enim es Deus ineffabilis, inuisibilis, incomprehensibilis, semper es similiter existens tu, & vnigenitus Filius tuus, & Spiritus sanctus. Tu de non ente ad esse produxisti nos ad lapsos erexisti rursus, & non destitisti omnia faciens vsquequo in cælum reduxisti nos, & regnum futurum donasti. Pro his omnibus gra-

13.
Chrysol.
in Liturgia sua.

tias agimus tibi & vnigenito Filio tuo,
Spiritu sancto.

Gratias quoque agimus tibi & pro
sacramento isto, quod ex manibus Sacra-
dotis huius suscipere dignaris, quam
tibi assistant Archangelorum & Ang-
lorum millia millium; Cherubin quo-
que & Seraphin agmina sex alas habet-
tium, & oculos multos, eleuatorum
pennatorum, cantantium, clamantium
& sine fine hymnum pro victoria dico-
tium.

14.

S. Ger-
man. Ar-
chiepisc.
Cōstant.
in sua
Theoria.

Ad Hymnum Angelicum.

Sanctus es Rex seculorum, & omni-
sanctimonie dator; tu enim es omni-
um potens, qui sancta obsignas
na: Sanctus verò & vnigenitus tuus Fi-
lius, Dominus noster Iesus Christus, ante
secula ex te ineffabiliter genitus. Sanctus
autem & Spiritus tuus, totus sanctus, con-
tans omnia, etiam profunda tua, qui De-
us es; per quem vniuersa, quæ in cælo
super terram sunt, sanctificantur.

15.

Ex diuer-
sis.

Ad sacrum Canonem.

Domine viuificator & bonorum sup-
peditator, qui hominibus Domi-
num nostrum Iesum Christum, beatam
spem vitæ æternæ dedisti, dignos nos fa-
cito, qui in sanctitate, hoc quoque
diuinum sacrum perficiamus, vt futuram
beatitudine perfruamur. Vt sub tua pro-
tectura semper protecti, & in lucem ven-

tatis deducti, tibi gloriam & gratiarum actionem referamus

Oro te pijsſime Pater, per eum, qui & Sacerdos eſt, ſacrificium ſanctiſſimæ huius actionis, ſit mihi hæc oblatio contra omnium peccatorum meorum vulnera efficaciſſimum medicamentum; ſit virtutis & gratiæ victoriſſimum complementum; ſit mihi tam in vita, quàm in morte contraſomnia pericula valiſſimum tutamentum; ſit denique ad æternam fortitudinem ſolidiſſimum ſuſtinentum.

Nec mihi ſolum, ſed omnibus ſit in remiſſionem peccatorum, & in vitam æternam; in ſanctificationem animarum & corporum. ad fructus bonorum operum ferendos: Non enim hæc nobis ſolum, ſed charitatis memores omnibus fratribus noſtris petimus.

Memento igitur Domine ſanctæ Catholicæ & Apoſtolicæ Eccleſiæ, quæ eſt à finibus uſque ad fines orbis terrarum, & pacifica eam, quam tu ſeciſti honorifico ſanguine Chriſti tui.

In primis memento Domine (Papæ noſtri N. nec non &) Archiepiſcopi noſtri (vel Epicoſcopi) N. eos da ſanctis tuis eccleſijs ad pacem integros, honorificos, ſanos, longeuos, rectè tractantes verbum veritatis tuæ.

Piſſimi quoque & fideliffimi Regis noſtri N. quem decreuiſti regnare ſuper nos; Totus etiam palatii & exercitus

illius:

B. Iacobus in Liturgia.

Baſilius in Liturgia.

S. Marti-
nus Papa.

Illius : armis veritatis & bonæ voluntatis
corona eum. Da ei pacificum imperium,
vt nos in tranquillitate eius quietam &
tranquillam vitam ducamus.

Memento Domine omnium fidelium
& populo Christiano miserere. Clerum
defende, religiosos in seruitio tuo san-
cto conseruare dignare, omnesque la-
borantes conforta: tristes consolare, in-
firmis sanitatem corporis & animæ re-
stituere; pauperibus ac egentibus omnia ad
vtrumque hominem necessaria tribue;
peregrinis ac exulantibus cum salute
ad propria fac remeare, in periculis a-
quarum positis ad portum suæ volunta-
tis fac pertingere; prægnantibus partum
gaudij misericorditer largire. In vincu-
lis & carceribus detentos absolue; omni-
bus cum quibus peccauimus, vel quos ad
peccandum induximus, & nobis miseri-
cors Pater indulge; omnibus quos con-
turbauimus, læsimus, scandalizauimus,
vel defraudauimus, tu gratiose Pater re-
tribue.

Errantes corrige, incredulos ad fidem
conuerte, schismaticos ad vnitatem san-
ctæ Ecclesiæ fac redire, & ipsis lumen tue
veritatis ostēde: peccatoribus veram po-
nitentiam largire, iustos in bono propo-
sito fac perseuerare.

Omnibus meis parentibus, amicis &
inimicis, confratribus & consanguineis,
familiaribus & benefactoribus, omni-
busque pro nobis Deum exorantibus,

vel

orationibus nostris se commendantibus omnia bona tribue, & eos ab omni malo defende; in tuoque eos seruitio fac perseuerare, vsque in finem. & post huius cursum miseræ ad te, qui es vera patria, merces, premium æternum, & gloria, fac peruenire.

Ad memoriam Sanctorum.

Cumque omnes Sancti & Sanctæ cælestis patriæ ciues & incolæ, ò Deus, tuam misericordiam laudabilissimam, & amorem tuum erga genus humanum imitantes, assiduas preces atque obsecrationes pro nobis tibi offerant: nos etiam memoriam eorum celebremus; ut quando nobis ipsi parum fidimus, memoria & legatione eorum protecti, per eos audeamus ad te accedere. Per intercessionem igitur sanctissimæ, immaculatæ, gloriosissimæ, benedictæ Domine nostræ Mariæ Dei, & semper virginis Mariæ, & omnium qui inde a seculo placuerunt tibi Patrum, & Patriarcharum, Prophetarum, Apostolorum, ac omnium denique Sanctorum, esto expiator peccatorum nostrarum. Quia sanctus ipse es, & in Sanctis acquiescis, Amen.

Sub Consecratione.

Sileat omnis humana ac mortalis caro, stetque cum metu & tremore, ac nihil terrestris apud seipsam cogitet. Rex enim Regnantium, & Dominus Dominantium, Christus Deus noster progred-

F

ditur,

16.

Ex Liturgia D Basilij.

17.

Ex Liturgia Basiliani.

ditur, vt immoletur, & detur in cibum fidelibus. Ipsam autem antecedunt Angelorum chori, cum omni impetio & potentia; Cherubin multorum oculorum, ac Seraphin sex alarum, facieque velantia, & cum clamore canentia hymnum, Alleluia, Alleluia, Alleluia.

18.

D Thomas Aquinas.

AD ELEVATIONEM
Hostie sacra.

A Doro te deuotè latens Deitas, quæ sub hac figura verè latitas Tibi cor meum totum subijcit; quia te contemplans totum deficit. Visus, gustus, tactus, in te fallitur: sed auditu solò rectè creditur. Credo quicquid dixit Dei filius; Nihil veritatis hoc verbo verius. In cruce latebat sola Deitas; sed hic latet simul & humanitas. Ambo tamen credens atque confitens, peto quod petiuit Latio pœnitens: Plagas sicut Thomas non intueor, Deum tamen meum te confiteor. Fac me tibi semper magis credere; In te spem habere, te diligere. O memoriale mortis Domini: Panis verus vitam præstans homini; præsta meum mentis de te viuere, & te illi semper dulces sapere.

Ad elevationem Calicis.

19.
Collector.

S Alue ô sanguis Christi prænobilis, sub figura vini latens humilis; per te redemptus mundus, fracta tartara; apertum cælum, per tot clausum secula; cum

de Sal

de Saluatoris nostri pectore, salutari scaturires flumine. O ros celestis, o liquor purpuree : o calix praeclare salus mentis meae; tu me refrigera in peccati fomite; ab omni me peccantem munda crimine, & amore tui me inebria, vt pocula tua gustem quam dulcia, & quam iucunda sunt tua solatia.

O pie Pelicane Iesu Domine, me immundum munda tuo sanguine, cuius vna stilla saluum facere totum mundum posset omni scelere. Iesu, quem velatum nunc aspicio, quando fiet illud quod tam scio; vt te reuelatus cernens specie, visu sim beatus tuae gloriæ?

Post elevationem, filij pro peccatis nostris ad Patrem oblatio.

O Clementissime & supreme cæli, terræque Creator ac Domine, ecce ego licet omnium peccatorum primus, ac maximè detestabilis, vna cum Ecclesia offero tibi pretiosissimum, & quod non aliud tibi gratius est, sacrificium; Vnigenitum scilicet filium tuum, Dominum nostrum Iesum Christum, pro expiatione & satisfactione omnium meorum peccatorum, quæ ab infantia mea, vsque in hanc horam nequiter commisi; & pro omnibus hactenus a tua liberalitate perceptis beneficijs.

Aspice igitur, o pie Pater, piissimum hunc Dominum nostrum Iesum Christum, filium tuum, pro me tam impia

D. Tho.
mas.

20.

Granat.
lib. 3. Me-
morial.
ex cap. 5.
c. 7. & 8.
Medit. B.
August.

passum. Respice clementissime Rex quis patitur, & reminiscere benignus pro quo patitur. Nonne hic est, mi Domine, innocens ille, quem vt seruum redimeres, filium tradidisti? Nunquid auctor vitæ hic est; qui vt ouis ad occisionem ductus, tibi que vsque ad mortem obediens factus, atrocissimæ non timuit necis genus subire? Recole torius salutis dispensator, quia hic est ipse, quem etsi ex tua virtute genuisti, meæ tamen infirmitatis participem fieri voluisti. Verè hæc est tua Deitas, quæ meam induit naturam, crucis ascendit patibulum, quæ in assumpta carne triste tulit supplicium

Reduc Domine Deus meus oculos tuæ Maiestatis super opus ineffabilis pietatis. Intuere dulcem natum toto corpore extensum: cerne manus innoxias pio manantes sanguine, & remitte placatus scelera, quæ patrârunt manus meæ. Considera inerme latus crudeli perfosum cuspide, & renoua me sacro fonte, quem inde credo fluxisse. Vide immaculata vestigia, quæ non steterunt in via peccatorum, sed semper ambulauerunt in lege tua, diris confixa clauis, & perforce gressus meos in semitis tuis, & fac me odio habere benignus omnes iniquitates meas: viam iniquitatis amoue à me, & fac me propitius viam veritatis eligere.

Oro te Rex Sanctorum per hunc Sanctum Sanctorum, per hunc Redempto-

rem meum, fac me currere viam mandatorum tuorum, vt ei valeam spiritu vniui, qui mea non horruit carne vestiri. Nunquid non attendis pie Pater adolescentis filij charissimi caput niuea ceruice deflexa, pretiosissimam resolutum in mortem? Aspice mitissime Conditor dilectæ sobolis humanitatem, & misereri super infirmi plasmatis debilitatem. Candet nudatum pectus, rubet cruentum latus, tensa arent viscera, decora languent lumina, regia pallent ora, proceræ rigent brachia, crura pendent marmorea, rigat terebratos pedes beati sanguinis vnda.

Specula gloriose genitor gratissimæ prolis lacerata membra, memorare benignus quæ mea est substantia; conspicare Dei hominis poenam, & relaxare conditi hominis miseriam. Vide Redemptoris supplicium, & redempte dimitte delictum.

Ecce omnipotens Deus, Pater Domini mei, dispone benignus, quo miserearis mei: quoniam quidquid pretiosius inueni, deuotè obtuli: quidquid charius reperi, suppliciter præsentavi. Direxi tibi Aduocatum meum, dilectum filium tuum. amplectere serenus pastorem, & respice misericors allatam proprijs humeris ouem. Oro te pie Pater, da mihi, vt illum merear habere Aduocatum, quem nullo meo merito, sed ex pura tua gratia mihi dedisti Redemptorem, Amen.

21.

Seuerus
Patriar-
cha Ale-
xand in
prec. abe-
cedarijs
Syrorū.

Ad memoriam defunctorum.

Recordare Domine animarum no-
strarum, & animarum patrum &
fratrum nostrorum, & præceptorum no-
strorum, & defunctorum nostrorum,
omniumque defunctorum fidelium, fi-
liorum Ecclesiæ sanctæ & gloriosæ.

Tribue requiem Domine Deus, ani-
mabus eorum, & eorum spiritibus, co-
rumque corporibus, & asperge rorem
miserationum super ossa eorum: mise-
rator & misericors esto nobis & ipsis
Christe Rex noster, colloca eos, Domi-
ne mi, in mansionibus benedictis domus
patris tui cum Abraham, Isaac, & Iacob,
amicis tuis, & cum omnibus Sanctis, qui
executi sunt voluntatem tuam in fide
vera, & Patris tui, & Spiritus tui sancti in
secula seculorum, Amen.

22.

Collector.

Ad memoriam Sanctorum.

Nobis Domine quos vocasti, & quos
sanctificasti, portionem da in voca-
tione tua, & fortifica nos in amore tuo,
& custodi in sanctificatione tua. Largire
nobis vitam inculpatam, ut inueniamus
misericordiam & gratiam cum omni-
bus Sanctis tuis Patriarchis, Prophetis,
Apostolis, Martyribus, Confessoribus,
atque Virginibus, omnibusque ijs, qui
ab æterno tibi placuerunt: intra quorum
nos consortium, non æstimator meriti,
sed veniæ quæsumus largitor adnate:
ut te rectore, te duce inter Scyllam &

Chia.

Charybdim iter tenere per medium, & integra naue, saluisque mercibus ad te portum tutissimum peruenire valeamus. Da vt anima nostra terreno resoluta carcere libera cælum petat, beatissimis admixta spiritibus; Maieitati tuæ assistat, te in circumscriptum lumen cernat; qui vis Deus per omnia secula seculorum, Amen.

Ad Orationem Dominicam.

OMnipotens, æterne ac cælestis Pater, qui per filium tuum vngentium Dominum nostrum IESVM Christum precandi rationem discipulis præscripsisti tibi offerendam, & eandem post illos in nos deruisti, simulque docuisti, te requirere oratores, qui in spiritu & veritate tibi supplicent. Nos miseri peccatores, absorpti mendacio, vacuique spiritu te oramus Patrem cælestem, per eundem filium tuum, qui est veritas, vt propter illum in nos abunde effundas Spiritum sanctum, qui nos in numerum filiorum adoptet, quorum tu Pater es: vt nostræ infirmitati subsidio sit, nos doceat, quid, & quomodo iuxta sanctam voluntatem tuam orandum. Adeoque inter nos exclamet. Abba pater, animo meo dilectissime genitor; & sic desiderium & votum nostrum in conspectum tuum producat, in quo clementer exaudiamur. Per eundem IESVM Christum Dominum nostrum, Amen.

23.

Timānus
Borken-
sis in En-
cuidio.

*Deinde Orationem Dominicam, si vo-
lueris, subiunge.*

24.
Ex Missa
li Gotti-
co MS.

Ad Agnus Dei.

Agnus Dei, qui tollis peccata mundi,
respice in nos, & miserere nobis; fac-
tus nobis ipse hostia, qui Sacerdos;
ipse præmium, qui Redemptor: à malis
omnibus, quos redemisti, custodi.

25.
Ex eodē
Missali.

Ad osculum Pacis.

Comple Domine vota supplicum, ex-
audi gemitus peccatorum: osculetur
nos osculo oris sui pacis Magister, & con-
ditor; vt in nobis hoc (spiritualiter) reci-
pientibus holocaustum, pacem, quam
speramus, habeamus, Amen.

26.
Ex Missa
Æthio-
pum.

Oratio pro pace.

Ecclēsiā, quæ fuit à principio, &
erit vsque in finem seculi: omnes
populos, & omnes greges benedic
Domine. Pacem de cælo mitte super o-
mnes animas nostras: pacem vitæ nostræ
da nobis, per ipsam Ecclesiā. Da Do-
mine pacem Regi nostro N. & Principi-
bus eius, ac Iudicibus eius, & subditis eius
& circa nos cōgregatis, tam extra, quàm
intra Ecclesiā. Orna eos omni genere
pacis, Rex pacis: pacem da nobis, quia
omnia dedisti nobis. Conserua nos Do-
mine, quia præter te neminem cogno-
scimus; nomen sanctum tuum nomi-
namus, & inuocamus, vt viuat anima
nostra in Spiritu sancto, nec inualescat

mors peccati super nos seruos tuos, & super omnem populum tuum, per Christum Dominum nostram, Amen.

OBSERVATIO ANTE Communione.

A Postolorum tempore, & in primitiua Ecclesia mādātum erat, ne quis tremendo Missæ sacrificio interesset, qui non etiam sacramentaliter communicaret. In de Anacletus; Peracta, inquit, consecratione omnes communicent; qui noluerint ecclesiasticis chære liminibus. Sic enim statuerunt Apostoli, & sancta Romana tenet Ecclesia. Sed si qui initio Missæ quæ Catechumenorum dicebatur, interesset, is post Euangelicā lectionē. si praparatius ad communicandum non erat, eiciebatur: ut patet ex verbis Dionysij Areopagita, de Hierarc. Eccles cap 3 Illud autem conueniebat paruo isti Christianorum numero ad plantanda nouella idius Ecclesiæ germina.

Crescente postea Christianorum plebe, & deuotione decreſcere, quod antea mandat erat, consilij esse cæpit, & quod singulis diebus antea fiebat, id Dominicis tantum in usu habitum est. Inde sub Fabiano Pontifice statutum, ut saltem ter in anno communicarent; cui præcepto cum postea nondum satisfieret, eò quòd charitas in Deum magis, magisque refrigerasset, sub Innocentio

De Con-
sec. dist.
2. c. Per
acta.

Vide Io-
annē de
Turre
Cremata
& Extrā
de Paroc.
cap 2.

II. in Consilio Lateranensi decretum est, ut omnes utriusque sexus homines, mox ubi sapere iam inceperint, reuerenter ad minus semel singulis annis, in Paschate Eucharistiam suscipiant, nisi quis uiuens ab ingressu Ecclesia arceri, & moriens Christiana carere sepultura voluerit.

Nihilominus quouis tempore Christiani ad sacramentaliter communicandum non preparati, in Ecclesiam admittebantur, ut orarent, pacem haberent, benedictionem cum ceteris acciperent, & spiritualiter communicarent.

Illi autem spiritualiter communicant, qui audientes Missam, orantes & adorantes Christum in sanctissimo hoc Sacramento, cogitant sine intermissione de illo, animo flamma deuotionis accenso, intentoq; desiderio illum percipiendi; & sancta quadam emulatione Sacerdoti, alijsq; sacramentaliter Christum sumentibus, inuident.

ORATIO.

Ante Communionem spirituaalem.

27.
Collector.

Domine Iesu Christe, qui in his sacrosanctis & augustissimis mysterijs ad nos venire, & in incruenti huius sacrificij mensa omnibus te manducare volentibus apponi dignatus es, nosque omnes ad tremendam hoc epulum inuitas; ecce ego infelix peccator, hircus inter agnos tuos, etiam hic assisto, si for-

tè mi-

tē mihi misero catello, vel micula quādam decidat, quo esurientem & desiderio tui latrantem ventriculum satiem.

Cupio, o melliflue Iesu, & quidem ex toto corde appeto, te panem caelestem, omnem dulcedinem habentem, hoc est, te verum Deum cum Zacharo in domum pectoris mei reuerenter excipere, ut coenes mecum, & habites mecum; sed propter vilitatem atque nimiam meam indignitatem id facere vereor & erubescō.

Caterum, o piissime Iesu, qui non semper actiones ipsas, sed & interdum desideria hominum intueris, & accipis; ecce quod sacramentaliter non audeo, id spiritualiter facere desidero. Ecce dilato os animæ meæ, & brachia desideriorum meorum latē ad te expando, veni o bone Iesu, veni cum omnibus meritis & gratijs tuis, ut anima mea te impatienter esuriens bonis tuis impleatur.

O gratiosissime Iesu, qui Sacerdotem hunc publicum Ecclesiæ tuæ ministrum nobis dedisti; ut sit nobis in ijs quæ sunt ad Deum, ut offerat dona & sacrificia pro peccatis, quodque oblatum est pro se, pro viuis omnibus & defunctis sumat; ut per eum, quasi per canalem sanctæ viuificatricis huius immolationis fructus ad nos dirigantur; tolle quæso, si quod in me sit obstaculum; ut & ego horum donorum particeps fiam; portio quædam ad me dilabatur, mens mea hoc quotidiano & supersubstantia-

Heb. 5.

li pane spiritualiter saltem recreetur, & præclaro salutaris calice anima suauiter inebrietur.

Sub Communione & deinceps.

28.
Ex libel-
lo, cui ti-
tulus Hy-
anni &
Collecte
Lucæ 18.
Chryso-
stomus.

Augusti.
lib. 3. de
doctrin.
Christ.

Augusti.
in 6 cap.
Ioan.

Domine, non sum dignus vt intres sub tectum meum: dic tantum verbum, & sanabitur anima mea. Respice me à longè stantem cum Publicationo, tundentem pectus, & dicentem tibi: Deus, propitius esto mihi peccatori.

Da trementi & adoranti tam horrenda mysteria spiritualiter saltem manducare carnem, & bibere sanguinem tuum. Da mihi per viam in te fidem inuisibiliter saginari de te, dulciter videlicet recolenti & credenti, benedicam carnem tuam pro me in cruce fractam & immolatam, & sanguinem tuum de latere tuo effusum, in remissionem peccatorum meorum. Da spiritu participare, vt tu in me, & ego in te manens, spiritu tuo veges & incendar ad currendam viam mandatorum tuorum.

Reple me spiritu vnitatis & charitatis, & constabili me in societate omnium Sanctorum tuorum; quæ etiam hoc diuinissimo Sacramento signatur, quod ex his conficitur, quæ ex multis in vnum rediguntur. Da denique vt esuriam & sitiam, & toto corde desiderem hunc panem vitæ, qui de cælo descendit, nō modò spiritu per fidem, sed & in Sacramento de mensa tua, pura & secunda mente, &

casto

casto corpore frequenter accipere ; vt hinc non solum animæ meæ , sed & carnis substantia fulciatur & custodiatur in vitam æternam, Amen.

Ad ultimam Collectam.

Inuoco te clementissime Deus in animam meam , quam præparas ad capiendum te, & desiderio quod inspiras ei. Intra rogo in eam, & coapta eam tibi, vt possideas illam quam fecisti, & sacris mysterijs tuis refecisti, vt habeam te velut signaculum super cor meum. Quæso piissime inuocantem te non deseras, quia priusquam te inuocarem me vocasti, & quæsiuisti, vt ego seruus tuus te quærerem, quærendo inuenirem, & inuentum amarem.

Quæsiui & inueni te, Domine, & amare desidero. Auge desiderium meum, & da quod peto, quoniam sicuncta, quæ fecisti, mihi dederis, non sufficit seruo tuo, nisi te ipsum dederis. Da ergo te ipsum mihi Deus meus, redde te mihi. En amo te, & si parum est, validius amem. Tuo ergo amore tencor, tuo desiderio flagro, tua dulci memoria delector. Ecce dum tibi mens mea suspirat, & tuam ineffabilem pietatem meditatur, ipsa carnis sarcina minus grauat, cogitationum tumultus magis cessat, pondus mortalitatis & miseriarum, more solito, non hebetat.

Assumat igitur spiritus meus pennas

29.
Augusti.
lib. de cō-
temp. di-
uina.

vt aquilæ, volet & non deficiat, volet & perueniat vsque ad decorem domus tuæ, & thronum gloriæ tuæ: vt ibi super mensam ciuium supernorum pascatur de oculis tuis, in loco pascuæ, iuxta fluenta plenissima. Tu esto exultatio nostra, qui es spes nostra, salus & redemptio. Tu esto nostrum gaudium, qui es futurus premium. Te semper querat anima mea, & tu præsta, vt quærendo non deficiat, Amen.

Ad Benedictionem.

30.
D. Thomas Aquinas.

Anima Christi sanctifica me. Corpus Christi salua me; sanguis Christi inebria me; aqua lateris Christi laua me; passio Christi conforta me.

O bone Iesu exaudi me, intra vulnera tua absconde me, & ne permittas me separari a te; ab hoste maligno defende me, in hora mortis meæ voca me, & iube me venire ad te, vt cum Sanctis tuis laudem te in secula seculorum, Amen.

Hymnus SS. Ambrosij & Augustini.

TE Deum laudamus, te Dominum confitemur.

Te æternum Patrem, omnis terra veneratur.

Tibi omnes Angeli: tibi cæli & vniuersæ potestates.

Tibi Cherubim & Seraphim incessabili voce proclamant.

San-

Sanctus, Sanctus, Sanctus: Dominus
Deus Sabaoth.

Pleni sunt cæli & terra: maiestatis gloria tuæ.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum sancta confitetur Ecclesia.

Patrem immensæ maiestatis.

Venerandum tuum verum: & vnicum filium.

Sanctum quoque paraclitum Spiritum.

Tu Rex gloriæ Christe.

Tu patris sempiternus es filius.

Tu ad liberandum suscepturus hominem: non horruisti virginis uterum.

Tu deuicto mortis aculeo, aperuisti credentibus regna cælorum.

Tu ad dexteram Dei sedes: in gloria patris

Iudex crederis esse venturus.

Te ergo quæsumus, tuis famulis subueni quos pretioso sanguine redemisti

Aeterna fac cum sanctis tuis gloria munerari.

Saluum fac populum tuum Domine; & benedic hæreditati tuæ.

Et rege eos, & extolle illos usque in æternum.

Per singulos dies benedicimus te.

Et laudamus nomen tuum in seculum: & in seculum seculi.

Digna-

Dignare Domine die isto sine peccato nos custodire.

Miserere nostri Domine: miserere nostri.

Fiat misericordia tua Domine super nos: quemadmodum sperauimus in te.

In te Domine speraui: non confundar in aeternum.

32.

Ex libello
cui titulus
Hymni &
Collecte.

Ad ultimam Benedictionem.

Benedicat nos Deus Pater ✱: Custodiat nos Iesus Christus ✱: Illuminet nos Spiritus sanctus ✱ omnibus diebus vitæ nostræ: Confirmet nos virtus Christi, intercedētib⁹ Sanctis suis indulgeat nobis vniuersa delicta nostra, Amē.

**CAPVT TERTIVM,
CONTINENS ORATIONES
POENITENTIVM, PRO
impetranda remissione peccatorum.**

PRAEFATIO.

Lib. 2.
Constit.
Apost.
cap. 39.



Deus cū misericordia Deus sit, inquit D. Clemens, à principio singulas generationes ad poenitentiam vocauit per iustos & Prophetas: Atque illos quidem, qui ante diluuium fuerunt, per Abel, Sem & Seth: praterea per Enos & Enoch, qui fuit translatus. Qui in diluuiio reperti sunt, per Noë: qui erant Sodomis,

Genes 5.

Genes. 7.

per

per hospitalitatem Loth. Eos qui post diluuiū nati sunt, per Melchisedech, per Patriarchas per S. Iob. Qui in Ægypto fuere, per Moysen: Israëlitas per eundē, & per Iesum, Caleb, Phinees, & reliquos. Eos qui post legem fuere, per Angelos & Prophetas; eosdē per propriam incarnationē ex Virgine factam. Eos qui fuerunt paulo ante corporale eius manifestationem, per praeursorem Ioannem dicentem; "œnitentiam agite, &c. Qui post eius passionem fuerūt, per duodecim Apostolos, per vas electiōis Paulū, & nunc per Apostolorum successores. Ad quod igitur Deus omni ætate tā sollicitē suos adhortatus est, id nequaquam à nobis surda aure debet prateriri. Est enim pœnitentia secunda post naufragium tabula. Vt naufragus igitur alicuius tabula fidem, sic nos pœnitentiam amplexeremur. Hac enim nos peccatorum fluctibus mersos proleuabit, & in portum diuina clementia protelabit.

Huius pœnitentia si habitū inspiciamus, efficiens causa De^o est, à quo immediatē infunditur, sine nobis principaliter operantib^o, est. n. hac mutatio dextera excelsi, si verò actus cōsiderem^o, nos Deo operanti coopera-

Gene. 19
Gen. 14.

Terrull.
lib. de
pœnit.

Vide Pro
speru ad
obiectio.
Vincen-
tianam

15.

que

que impellit. Deinde fidē charitate destitutā, & peccati sordib⁹ inquinatā Spiritu suo sancto suggerente redintegrat, & fiduciam sperādā pietatis indulget; nō in operū merito, q̄ impius ipse in impietate sua fecit; sed in sanguine Iesu Christi repositā. Hac fiducia erectū ad se, & cōuertum (dū homo firmum proposi. ū ampliū nō peccandi concipit) p̄ Sacramentū pœnitētiæ in verbo absolutionis à peccatis omnib⁹ misericorditer absoluit, & liberat. Simulq; Spiritū suū sanctū, quē homo peccādo cōtristārat, ac repulerat, in visceribus eius innouat, ac restituit: q̄ deinceps cōcupiscētiā, quæ ante cōuersionē peccatorem violēter post se rapiebat, reprimit, & mortificare incipit; ut modo nō regnet peccatū in mortali corpore, nec obediatur cōcupiscētiæ, sed Deo: & moueantur membra ad seruiendū deinceps, nō immūditia & iniquitati ad iniquitatē: sed iustitiæ ad sanctificationē. Sic Deus relapsū post baptismū restituit, & ex iniusto iustū facit. Sine igitur initium siue medium, siue finē pœnitentiæ consideremus, ubiq; gratia & auxilio Dei nobis opus est, quæ nullare facilius nobis, quàm oratione demeremur.

Partes autē pœnitētiæ quatenus Sacramentū est, tres sunt cuius notissima; Cōfessio. Cōfessio & Satisfactio: & in his singulis oratio nobis est necessaria. Quātū enim

ad contritionem, non est in potestate peccatoris, ut ipse sibi largiatur hunc affectum: sed Dei donum est gratuitum, ab illo tamē lachrymis, precibus, alijsq; pijs studijs am-
biendum. In Confessione ad eō diuina nobis opus est gratia, ut cū densissimis in tenebris versemur, sine hac inter peccatum & non peccatum diiudicare nequeamus: sed nec obscuros conscientia nostra angulos sine diuini luminis ope scrutari, nec quod corde concepimus, ore (nisi aperiat illud Deus) proferre cōmodē valeamus. Hac omnia precibus impetrantur. In Satisfactione ad eō nobis oratio est necessaria, ut ipsa oratio satisfactionis nequaquam minima pars sit.

Cū itaque in singulis hīs partibus ad nationis subsidium nobis recurrendum sit: nos singulis etiam suas peculiāres orationes dedimus: ut habeat deuotus orator in promptu, quidquid in singulis penitentiā actionibus sibi erit necessarium.

PRO CONTRITIONE.
TRES ORATIONES AD EX-
citandam in anima contritionem &
dolorem peccatorum.

ORATIO I.

OVnigenite fili Dei, magna & inef-
fabilia sunt, Domine mi, tua be-
neficia, quæ à te percepi: tu me de pulue-

I.

Iud. Gra-
nat. lib. 2.
Memor.
cap. 11.

re &

re & limo terræ assumpsisti, & animam meam de nihilo ad imaginem & similitudinem tuam creasti, gloriæque tuæ capæcem fecisti. Tu mihi intellectum, memoriam, voluntatem, liberum arbitrium, cum omnibus membris meis & sensibus dedisti, vt cum ijs te & cognoscerem, & amarem. Tu me custodisti in angustijs vteri matris meæ, ne in illis sine Baptismo præfocarer. Tu me post tot peccata, vsque in præsentem diem, patienter sustinuisti: cum interim multi alij sint, qui minus peccauerint, quam ego; & tamen quia illos hucusque expectare noluisti, nunc forsitan in Inferno torquentur. Super hæc omnia verò placuit tibi incarnari, & inter homines pro me conuersari, pro me affligi & tribulari, sudore sanguineo perfundi, capi, ligari, palmis cædi, conspui, illudi, blasphemari, candida & purpurea veste vt morior vestiri, flagellis lacerari, spinis coronari, arundine percuti, oculis velari, ad mortem damnari, & ad locum supplicij duci; habens in humeris crucem cui duris clauis affixus es, interque latrones duos suspensus, & pro malefactore iudicatus, fel bibisti, & acetum; denique morte crudelissima extinctus es. Tot me, Domine, laboribus & doloribus redemisti, & tamen ego vilissimus & peruersissimus peccator; tot beneficijs ingratus, toties nunc denuò te percussi, & peccatis meis in cracem egi. Quare dignus sum,

vt omnes creaturæ insurgant in me, & vindictam sumant de hac mea iniuria.

Quid dicam de abusu tuorum Sacramentorum, & medicamentorum, quæ mihi pretioso tuo sanguine, & institutisti, & comparasti: Tu me pro tuo suscepisti in Sacramento Baptismatis, ibi me in filium adoptasti, & quasi templum tuum consecrasti: ibi me tanquam Sacerdotem, Regem, & athletam, cui cum inimico luctandum esset, vinxisti; ibi animam meam tibi desponsasti; & contulisti mihi omnem nobilitatem, quæ ad hanc dignitatem requirebatur. Sed quomodo his omnibus beneficijs & ornamentis à te acceptis vsus sum? Quas cogitationes habui de istis diuinitis conseruandis: Tu me suscepisti pro tuo filio, & ego factus sum seruus peccati. Tu me in templum tuum sanctificasti, & ego me feci habitationem Dæmonum. Tu me armasti, vt generosum militem, & ego defeci, & ad inimicos tuos transfugi: Tu me Regem fecisti, & ego in Regno, quod mihi dedisti, superbiui: spondisti animam meam tibi & perpetua charitate, & ego magis amaui vanitatem, quàm veritatem, plus creaturas, quàm Creatorem. AEquum sanè, imò æquissimum esset, ó Domine, vt vel tandem flere, plangere, & lamentari inciperem, cum tot & tam enormia facinora commiserim.

Hoc est, quod tanto tempore à me ex-

pecta-

pectasti, quanto mihi vitam dedisti: toties enim me vocasti, & tamdiu me sustinui; percussisti me, & iterum mihi blanditus es: omnes vias modosque tentasti, vt me ad te retraheres. Me expectasti, & ego tua patientia sum abusus; me vocasti, & ego ad tuas voces obfurui: tu mihi dedisti tempus poenitentiae, & ego illud in mea superbia consumpsi: tu percussisti me, & ego non sensi; tu afflixisti me, & ego nolui suscipere correctionem: tu sudasti, vt me mundares, & ego lotus non sum: tu igne me probasti, & rubigo vitiorum meorum non est extersa: flagellis tuis æquè vt tuis blanditijs induratus sum, ingratus his rebellis istis.

Nihilominus Domine, cum tot & tanta pro me passus sis, præcepisti mihi ne desperarem, nec tibi desiderem. Conuerto igitur me totum ad tuam misericordiam, & supplico tibi, da mihi gratiam, vt possim meipsum emendare: quo sciam posterum tibi placeam, tibi que seruiam, ne vnquam me rursum à te auertam: sed tibi semper adhæream, per omnia secula seculorum, Amen.

PRO CONTRITIONE ORATIO II.

2.
Idem ibi-
dem cap.
12.

O Supreme Factor omnium rerum creatarum, cum mecum cogito quam grauiter infinitam tuam Maiestatem meis peccatis offendi, horreo, & in

saniam meā detestor; considerans quam benignum & venerabilem Patrem reliqui: **execror ingratitudinem meam;** cum video de quam nobili libertate in seruitutem tam miseram prolapsus sum; maledico inconstantiae meae, & nescio, quid mihi ante oculos statuam, nisi iudicium & infernum: iustitia enim tua, quam fugere non possum, terret meam conscientiam.

Econtrario cū intueor immensam tuam misericordiam, quæ secundum Prophetæ tui testimonium superat omnia opera tua, mox aura iucundissima spei me rufocillat, animamque meam nimis debilem corroborat: quemadmodum enim antea desperabam, sic inuenio hic remissionem peccatorum in eo, qui per Prophetarum suorum scripta toties inuitat peccatores ad poenitentiam, dicens; **Nolo mortem peccatoris, sed magis vt conuertatur & viuat** Sed & filius tuus vnigenitus multis similitudinibus ostendit, quā paratus es ad ignoscendum his, qui poenitentiam agunt. Illud significauit per denarium amissum, per ouem perditam, & in humeris pastoris ad ouile relatum: potissimum autem per filium prodigum, cuius imaginem in me agnosco: ego enim ille sum, qui verè patrem meum amantissimum deserui, omnem substantiam meam dissipau; qui obediens appetitibus carnis meæ mandatorum tuorum obedientiam fugi,

Psal. 142.

Ezech. 18.

Lucæ 15.

& in

& in turpissimam peccati captiuitatem cecidi nunc in extrema necessitate constitutus sum, ex qua quis me eruet plane ignoro, nisi is quem deserui.

Recipe igitur, Domine, per tuam misericordiam me humilem seruum tuum, à te remissionem suppliciter petentem. Sed cum in hanc vsque horam me tam benigniter (frustra tamen) expectasti, fateor non sum dignus qui oculos meos in cælum tollam, vel te patrem meum appellem: tamen quia verè Pater meus es, dignare me paternis oculis intueri: solus enim aspectus tuus mortuos viuificat, & omnes errantes ad sese retrahit: hanc enim qualemcumq; poenitentiam, quam nunc habeo, habere non potuissim, nisi tu me respexisses.

Quando vagans a te aberraueram, de cælo tuo altissimo eminus me despectisti, oculosque mihi aperuisti, vt me ipse intuerer, conscientiam meam sentarer, & me tantis malis exundantem conspicerem. Veni ergo Domine, ad recipiendum me, da mihi cognitionem & memoriam innocentiae perditæ. Non peto amplexus tuos, non oscula tua; non oro vt des splēdidam illam vestem, qua indui soleo; non antiquæ meæ dignitatis annulum: non precor, vt me recipias in statum & dignitatem tuorum filiorum: sed gratulabor mihi, si me inter mercenarios domus tuæ, stigmatate tuo notatos, & vinculis tuis li-

gatos numeraueris, ne vnquam in posterum te fugiam: non erit mihi molestum, etiamsi in hac vita vnus sim ex contemptissimis domus tuæ famulis, saltem ne me in perpetuum à te separe.

Exaudi me itaque pie Pater, & da mihi gratiam vniuersi Filij tui, & mortis illius merita mihi communica. Da mihi Spiritum tuum, vt purificet cor meum, & corroboret illud in gratia tua, ne denovo per ignorantiam meam reuertar ad illud exilium, vnde tua me gratia reuocauit. Qui viuis & regnas per omnia secula seculorum, Amen.

PRO CONTRITIONE.

ORATIO III.

Hæc oratio, Christiane Lector, per aliquot dies continuos recitari debet, cum omni attentione & deuotione, ab his qui anhelant ad veram contritionem, & peccatorum remissionem: in ea namque videbit, quàm iustis nominibus Deo est obligatus, & quàm serio poenitere debet, qui talem Dominum offendit.

Quis dabit capiti meo aquam, & oculis meis fontem lachrymarum; vt desiccam noctes atque dies peccata mea, meamque ingratitude in Deum Creatorem meum? Multa inueniuntur, omnipotens Domine mi, quæ compungunt animos hominum, eosque ad cognitionem suorum peccatorum ad-

Idem ibi-
dem.

Hier. 9.

G ducunt.

ducunt; sed nihil tam efficax est, quam consideratio magnitudinis tuæ bonitatis, & multitudinis tuorum beneficiorum, etiam erga ipsos peccatores. Vt igitur anima mea miserrima vel sic confundatur & erubescat, incipiam, Domine, bonorum tuorum, meorum vero malorum nonnulla commemorare, vt vel hinc manifestius intelligam, quis tu sis, & quis ego; qualis tu erga me fuisti, & qualis ego in te.

Fuit aliquando, mi Domine, quando non eram, & tu mihi esse dedisti, & me ex limo terræ assumpisti, creans me ad imaginem & similitudinem tuam: deinde ab utero matris meæ tu factus es Deus meus; à primo namque momento, quo esse cœpi, vsque in præsentem diem, tu es Pater meus, tu Redemptor, tu defensor, & omne bonum meum. Tu creasti corpus meum cum omnibus membris & sensibus meis: tu creasti animam meam cum omnibus suis potentijs, & vsque huc vitam meam tuæ prouidentie beneficijs conseruasti.

Omnia hæc (licet per se magna sint, imò penè omnia) exigua tamen sunt pro tua magnitudine. Ceterum quia gratias hæc habebas, nullo magno empto pretio, aliud mihi dare voluisti, quod constat tibi pretio maximo, vt magis me tibi obligares. Descendisti de cælo in terram, vt inuenires me, quærens me in omnibus vijs, in quibus ego me amise-

ram. Humanitate tua naturam meam
nobilitasti, tua captiuitate a viciis
meis me liberaſti; a potenti Demonio
me vindicaſti, nudans te in manu pec-
catorum, & peccatum meum deſtruendi,
formam peccatoris aſſumens. Voluisti
me tibi obſtringere tanta gratia, vo-
luisti me allicere hoc beneficio; ſpem
meam corroborare tantis meritis; Se-
derestationem peccati in me generate,
oſtendens mihi, quanta feciſti, quanta
tulisti, vt regnum peccati euerteres. Vi-
uas prunas mortuis carbonibus cordis
mei ſuperimpoſuiſti, vt tanta multitu-
dine beneficiorum, quæ in hoc vno con-
tinentur, obrutus, cum amarem, quæ tan-
ta pro me fecit, & tantum mihi amorem
exhibuit.

Ecce Domine, redemiſti me, ſed illud
quid mihi prodeſſet, niſi baptizatus fuiſ-
ſem? In tanta infidelium multitudine,
qui per totum orbem diſſuſi ſunt, vo-
luisti me eſſe in numero fidelium, & eo-
rum quibus tam felix ſors obigit, vt ſint
nimirum tui filij, aqua ſancti baptisma-
tis regenerati: illic pro tuo aſſumptis
ſum; illic celebris & ad mirabilis ille
contractus; ſed ſædus inuicem eſt, vt tu
ſcilicet meus eſſes, & ego tuus: tu meus
Dominus, & ego tuus ſeruus: tu meus
pater, & ego tuus filius: vbi ſimul conue-
nimus, tu vt mihi facias opus patris &
ego vt ſeruiam tibi ſeruitute filij. Quid
nam de alijs Sacramentis, quæ in re-

medium meorum malorum instituisſi,
faciens medicamentum plagis meis ex
tuo pretioſiſſimo ſanguine?

Habens hæc ſubſidia & auxilia non-
dum in bono perſiti, ſed tanta fuit mea
malitia, vt non obſtantibus his primam
adhuc innocentiam amiſerim; & tua
viciffim tanta fuit miſericordia, vt vſ-
que huc patienter peccantem me ſuſti-
nueris. O ſpes mea, & remedium meum,
quomodo potero ſine lachrymis memi-
niſſe, quoties potuiſti me occidere, & ni-
hil mihi mali accidit? Quot animarum
millia forte nunc ardent in inferno, quæ
minus peccârunt, quàm ego peccaui, &
non ardeo? Quid factum eſſet de me, ſi
quo tempore illos abſtulſti, etiam me
abſtulſſes? quàm ſtrictum fuiſſet mihi
preparatum iudicium, ſi iuſtitia me tot
delictis grauatum deprehendiſſet. Quis
tunc, o Domine, ligauit manus tuæ iu-
ſtitia? quis cùm ego dormiebam pro me
deprecatus eſt? quis continuit flagellum
indignationis tuæ, quando ego illam
meis peccatis prouocabam? quid tibi pla-
cuit in me, cur mitius mecum ageres,
quam cum illis, qui in medijs periculis,
atque adeò in ſeruore iuuentutis, è me-
dio ſublati ſunt? Peccata mea clama-
bant ad te, & tu obturabas aures tuas
ne audires: malitia mea contra te cre-
ſcebat quotidie. & tua viciffim quotidie
erga me creſcebat miſericordia: ego pec-
cabam, tu me expectabas: ego fugiebam,

tu me insequeris : ego defatigabar te offendendo, tu non defatigabaris me expectando : non aliter, atque si peccata mea fuissent beneficia, non offensa. In medio peccatorum meorum multas à te bonas inspirationes, multasque pias reprehensiones accipiebam, quæ reprehendebant arguebantque vitæ meæ dissolutionem. Quoties me vocasti, & intus me inuitasti, dicens : Tu fornicata es cum amatoribus multis : tamen reuertere ad me & ego recipiam te. Quoties me hac & simili voce amoris vocasti ? quoties etiam me timore, & minis terruisti, reducens mihi ad memoriam periculum mortis, & rigorem diuinæ iustitiæ ? Quot conuocationum & confessionum ordines instituisti, ut tuis verbis & consilijs me excitaret, & in via tua, Domine, ambularem iuuarent. Quoties me verbis tuis subsecutus es, inuitans me tuis beneficijs, & castigans me tuis flagellis, intercludens mihi vias omnes venatorum more, ne qua fugere, aut me arte possem subducere ? Quid igitur nunc retribuam tibi, Domine, pro omnibus his, quæ retribuisti mihi ? Quia me creasti, debeo tibi omne quod sum : fecisti enim omnia : quia me conseruasti, debeo tibi omne quod sum, & uiuo : omnia enim conseruas : & quia mihi remensum dedisti in præmium, quid reddam tibi ? Si omnium Angelorum vitæ & hominum essent meæ, & tibi eas in sacrificium of-

Hier.3.

ferrem, quid esset hæc oblatio, si vni sanguinis, quem pro me tam copiosè sudasti, guttulæ comparetur?

Quis igitur dabit lachrymas oculis meis, & plangam ingratitude meam, iniquamque meam pro tot beneficijs tuis retributionem? Da mihi ergo, Domine, auxilium, da mihi gratiam, vt debito modo meas in te queam iniquitates confiteri. Ego sum infelix ille, ego (licet talem me non gesserò) sum creatura tua, ad tuam imaginem & similitudinem facta: agnosce hanc figuram; tua enim est; aufer id quod ego feci, & inuenies id quod tu pia manu tua fecisti. Ego vires omnes meas intendi, vt tibi iniuriam facerem, & te offendi ipsis operibus manuum tuarum. Pedes mei veloces fuerunt ad malum, manus meæ fuerunt ad auaritiam extensæ; oculi mei dissoluti ad omnem vanitatem, & aures meæ semper nugis & mendacijs patuerunt. Nobilissimam partem animæ meæ, quæ oculos habebat ad contemplandum te, à pulchritudine tua auerti, & ad flores miserabilis huius vitæ conuerti: quæ noctes atque dies meditari debuisset tua mandata, iam noctes atque dies meditata est, quibus modis illam tran gredetur. Deprauato sic intellectu, quid faceret voluntas? Tu Deus meus illam ad delicias cælestes inuita-ueras, at illa terram cælo prætulit, expandens brachia tibi, Domine, consecra-

ta turpi creaturarum amon. Hoc est Do-
mine, paruum, hic ille finis, quem
sensus, quo tu creasti, produxerunt. Ah
quid poterio mihi respondere, si mecum
in iudicium intraueris, & dixeris mihi:
Ego plantavi te vineam electam omne
femen verum: quomodo ergo conuersa
es mihi in paruum vinea aliena?

Hicr.1.

Quod si ad primam interrogationem
hanc respondere non poterio, quā ad re-
cundam de beneficio conseruationis re-
spondebo: tu, Domine mi, tuā prou-
identia conseruasti hunc, qui nihil aliud
meditabatur, quam quomodo mandata
tua transgrediretur, quomodo seruos tuos
persequeretur, quomodo eos, qui tuam
offenderet, & quomodo totam pecca-
ti contra te minaret. Mortalia erga nū,
quae te blasphemabant; rexi in membra,
quae te offendebant: & dedi in mendu-
care his qui seruis tuis medabantur:
adeo vt non tantum ingratus fuero
tuis beneficiis, sed etiam ipsa beneficia
in arma, quibus te oppugnavi, conuer-
terem. Omnes creaturas in usum meum
condideras, vt illo beneficio illectus,
amarem te; & ego illas ad alterum, cum
toties te per illas offenderem. Malui do-
num, quam donantem. & vnde sumen-
da erat occasio tae pulchritudinis co-
gnoscentiae, inde excecatus sum, & non
leuavi oculos meos, vt viderem, quan-
to pulchrior est Creator ipse creatura.
Omnia dedi mihi, vt meubi redde-

rem, & omnia mihi seruiuerunt; sed ego nunquam tibi aut gloriam, aut tributum debitum reddidi. Creaturæ tuæ semper ad meum obsequium paratæ fuerunt, (id enim illis præcepisti) at ego semper in hoc fui, vt te offenderem, & hoc omnibus rebus abusus sum: tu dedisti mihi sanitatem, & Diabolus fructus illius collegit: tu dedisti mihi fortitudinem, & ego illam in inimici tui obsequio impendi. Quid dicam? quare tot genera calamitatum & miseriarum, quas passim in alijs hominibus vidi, non suffecere mihi, vt vel ex ijs cognoscerem, omnia mala aliorum mea esse beneficia; ob omnibus enim illis liberaisti me? An igitur licitum cuiquam sit pro beneficio accepto vt ingratum se exhibeat? & quis ille, qui non debet gratiarum actionem pro beneficio accepto? Si feritas leonum & serpentum beneficijs leniatur, quare non erunt o Domine, tu sufficientia, vt doment & lineant me? vt vel aliquando possim dicere; Metuamus Dominum Deum nostrum, qui dat nobis pluuiam temporaneam & serotinam in tempore suo; plenitudinem animæ messis custodientem nobis.

Hier. 5.

Sufficiebat verè mihi, Domine, vt cognoscerem tuum esse, quòd tanto tempore Esse meum sustinastis, etiam si aliam demonstrationem, vel aliud testimonium tuæ bonitatis non haberem. Quòd sit tam stricta futura sit ratio, quæ

pro.

pro rebus istis, quæ magno tibi non constant, postulabitis: qualis erit illa, quam cæges pro his, quæ pretioso tuo sanguine tibi comparasti: quomodo consilia tua perueni: quomodo violauit mysterium incarnationis tuæ: tu factus es homo, vt me faceres Deum? & ego vilitatis meæ amator, me feci bestiam, & filium Diaboli: descendisti in terram, vt me adduces in caelum: & ego indignus tali vocatione, quasi qui non merebar, non cognoui illam, & in cenâ meæ vilitatis perueni: tu me eliberaisti, & ego me denuò in veterem captiuitatem precipitavi: tu me resuscitasti, & ego denuò mortem amplexus sum: tu me tecum concorporaueras, & ego me denuò cum Demone coniunxi. Tot & tanta beneficia non hoc apud me potuerunt, vt te agnoscerem: nec tot amoris argumenta, vt redamarem: nec tot merita, vt in te sperarem: nec his iustitia, quæ in tua passione refulsit, vt te timerem. Tu te humiliasti vsque ad puluerem terræ, & ego effero me superbas: tu nudus pendes in cruce, & aurum meæ toruæ radus: non sufficiunt tibi, qui Deus es: alas in faciem dederunt: meam sciem si quis tangat, irascor, qui tantum vermis quidam sum vilissimus. Quid dicam Seruator mihi: ecce quam magna est misericordia & charitas tua erga me: non voluisti, vt mea peccata occideres: & ego confidens in eadem

misericordia, bonitate, & amore, peccare in te non sum veritus: Heu quæ maior esse posset blasphemia? Ego ex tua bonitate occasionem sumpsi meæ malitiæ, ex illo eodem medio, quo tu vsus es, vt peccatum occideres, ego occasionem captaui peccatum in me resuscitandi. Sic, sic, Domine, tua consilia perueriti, & inueni inuentiones meæ malignitati ex tua misericordia. Quia tu eras tam bonus, ego arbitrabar mihi impunè licere, si malus essem: & quia mihi tot contuleras beneficia, existimaui licere mihi totidem offensiones & iniurias tibi reddere: adeo vt medicamenta ipsa, quæ tu insinueras contra peccatum, ego in occasiones peccandi conuerterim; & gladium, quod mihi dedisti, vt me defendere n., & contra inimicos meos dimicarem, hunc in me acuerim, vt vitam mihi ipsi enperem. Denique tu vt dominareris viuis & mortuis; mori voluisti, (vt Apostolo teste) qui viuunt iam non viuunt tibi, sed tibi, qui mori signatus es pro illis: & ego vt filius Iezabel, sumpsi eandem mortem, quasi me lium, quo me tuis bonis priuarem, fugiens à tuo seruitio, & faciens me tuorum inimicorum mancipium. Heu quid meritæ est, qui talia fecit? Si canes comederint carnis illius Iezabel pro peccato hoc; quomodo meæ poterunt integræ permanere, qui idem omnino feci? Quod si Apostolus adeò exaggeret cor-

1. Cor. 5.

4. Reg. 9.

Rom. 9.

inhumani malitiam, eo quod ex ipsa lege sumpsit occasionem violandi legem: quanto maior erit malitia ex gratia, si quis accipiat ex ea occasionem ipsam gratiam offendendi?

O patientissime Domine, qui alapas pro peccatoribus totam misisti: sed multo patientior, qui ipsos suffers peccatores: ceterum durabit semper illa tua patientia: me namque quid dixeris per Prophetam: Tacui, semper enim patiens sufficit parturie is loquar. Video terram quæ non dat fructum, postquam pluviam accepit, reprobatam & maledictam vineam, quæ postquam bene culta est vinum tamen non producit, sed labrutescas, nullum ex ea & daturam direptionem. Igitur o sanctissimum iustissime & instructissimum, ut qui in ore tuo es vocem potentis illius agricolæ, seu viticulis, qui tollit palmes non facientes fructum, & in

Esa 42.

Ioan 3.

G 6 con-

conscientia mea vermibus mordebat, & omnia hæc libertatem & solatium existimabam esse: tot tantaque mala pacem nominabam. O quam ignarus eram & rudis in cognitione meiipsum, & quam durus atque intractabilis in tuo cultu atque obsequio?

Quid faciam, mi Domine, quid faciam? fateor me indignum non esse, qui veniam in conspectum tuum, nec mereri, ut oculos tollam ad aspiciendum te. Quò ibo? & à facie tua quò fugiam? Nonne tu es pater meus, & quidem Pater misericordiarum, quæ nec terminum habent, nec mensuram? etsi enim ego iam dudum filius esse desiero; tu tamen usque huc Pater esse non desinis: etsi ego multa fecerim digna, cur me condempnes, tu tamen modum non attulisti, quò me salues. Quid igitur faciam, nisi ut me ante pedes tuos prosternam, & misericordiam petam? quem inuocabo? quis mihi succurrer, nisi tu? Nonne tu Creator meus? Plasmator meus? Gubernator meus? Redemptor meus? Liberatores meus? Rex meus? Pastor meus? Sacerdos meus, & meum Sacrificium? Quò igitur ibo, quò fugiam nisi ad te? si tu me repellas, quis me suscipiet? si tu me reijcias, ad quem confugiam? Agnosce Domine errantem hanc ouiculam: ecce venio totus vulneratus, tu potes me sanare; totus cæcus, tu me potes illuminare; totus mortuus, tu me potes susci-

suscitare; totus leprosus, tu me potes mundare. Asperges me Domine hyssopo, & mundabor: lauabis me, & super niuem dealbabor. Maior est misericordia tua, quam mea iniquitas; maior tua clementia, quam mea malitia: & tu potes plus remittere quam ego peccare. Noli me igitur Domine, noli me repellere; ne respicias multitudinem peccatorum meorum, sed infinitam misericordiam tuam, qui uiuis & regnas in secula seculorum, Amen.

Psal. 50

PRO CONFESSIOE.
ORATIO AD IESVM ANTE

*Confessionem Sacramentalem
dicenda.*

Domine Iesu Christe, nouæ legis noue Sacerdos, qui non offers sanguinem hircorum aut vitulorum, pro peccatis hominum? sed proprium in ara crucis pro nobis effusum Patri continenter immolas, cuius uirtutem nobis in septem mysticis illis ac sanctificantibus Sacramentis reliquisti, eaque cum tremore ac reuerentia frequentare præcepisti: ecce ego miser & infelix, à vertice capitis ad plantas pedum lepra pessima respersus, a te mundari flagitans; ad te venio, tibi peccata mea, quæ supernumerum arenæ maris multiplicata sunt, humili confessione detegens. At tu Domine me sanare & ex-

Collector

piare paratus es, & quidem non longinqua peregrinatione, non magnis sumptibus, non longa inedia, non denique sectionibus aut cauterijs; sed me ad ministrum tuum remittis. Sacerdoti me ostendere, eique peccatorum meorum lepram reuelare & confiteri præcipis, vt ille clauē sibi à te tradita officinam poenitentię mihi aperiat, remedium sanguinis tui in hoc Sacramento repositum inde promat, illud mihi applicet, & me a peccatis omnibus, te in illo operante, absoluat.

4. Reg. 5. Quid agam hic Domine? Præceptum hoc tuum, non aliter atque Syrus ille verbum Helisei, contempnam, tanquam vile nimis & tantę meę infirmitati minus sufficiens? (Quis enim facile credat tot, tamque enormia peccata ab homine dimitti, nisi diuinę tuę voluntati sic fieri placuisset?) Nequaquam: dicam potius cum seruis illius: O anima mea, si rem grandem dixisset tibi Saluator tuus, certe facere debuisses quanto magis, quia nunc dixit tibi Vade ad sacerdotem, & confitere illi peccata tua, & mundaberis:

Sed, o bone Iesu, viam modumque huic tuo mandato satisfaciendi non inuenio, nisi me adiuues. Oro itaque te mi Domine, vt in hac hora consueant meę tenebras lumine tuę gratię sic illustres, vt qui trabes grauíssimorum peccatorum nunc in ea non video, le-

uissimorum criminum festucas manifeste conspiciam; & per confessionem oris inde eijciam.

Verecundiam mentis meæ sic, ô dulcissime Iesu, moderare, ne nimius pudor os confitentis obstruat, neve impudentia reuerentiam, veræque contritionis sensum auferat.

Da quæso, vt hæc, quam paro, confessio sit pura, vt omissis ambagibus, quibus peccata mea regi, vel inuolui possent, aperte, quæ palam agere non puduit, confiteri non erubescam. sed & ne declines cor meum in verba malitiæ, ad excusandas in peccatis excusationes. Sit vera; ne scienter vel ignorant, etiam sub humilitatis specie, aliquid falsi inferatur, nec certa pro dubijs, nec dubia pro certis proferantur. Sit integra; ne ex pudore quodam subrustico ac pernicioso aliquod lethale crimen ex industria omittatur. Da denique vt sit humilis; quia scio te cor Psal. 140.
contritum & humiliatum non despicere. Psal. 50.

Sed & ne quid, ô Domine, huic tanti ponderis operi, in quo salus & interitus meus versatur, desit, tuam obtestor bonitatem, vt Sacerdotem mihi concedas bonum, prudentem, taciturnum, scientia præditum, & potestate munitum: ne pro sincero doctore, impostorem; pro vero medico circumfortancum; pro pastore tyrannum inueniam;

ne de-

Matth. 15. ne denique cæcus cæco ducatum præstet, donec ambo in foueam infernalem incidamus: sed qui me ab omni peccatorum meorum reatu legitimè absolutum, consilijs etiam suis salutaribus doceat pœnam dignis operibus pœnitentiæ redimere, & regia deinceps via ad cælestem aulam contendere; Vbi tu Domine iesu viuis & regnas cum Patre & Spiritu sancto Deus, per omnia secula seculorum, Amen.

CONSILIVM GRANATEN-
SIS TEMPORIS CON-
fessionis.

STatim post generalem confessionem, hæc quæ sequuntur, peccatorum enumerationi præmittantur.

Dicat pœnitens, se non cum eo dolore, contritione, & proposito emendandæ vitæ ad Confessionem accedere, quæ tantum Sacramentum, & peccatorum gravitas atque multitudo requirunt.

Quod conscientiam suam non satis diligenter examinavit.

Quod pœnitentiam sibi à confessorio in prædicta confessione iniunctam non debita deuotione & alacritate perfecit.

Quod Confessarij præceptis accuratè non satis fecerit, & hic exprimat, si aliquid iusserit restitui, votum reddi, peccatum aliquod singulare relinquere, vel pericu-

loſam occaſionem fugere, quod non fecit. Horum omnium ſeruum dicat. Deinde peccata ſua reliqua commemorare incipiat.

GRATIARVM ACTIO 5.
poſt Confessionem.

Domine IESV Chriſte Saluator *Collector.*
& Redemptor mundi, tibi data eſt
omnis poteſtas in celo & in terra, cuius
quidem Apoſtolos & omnes ſucceſſores
eorum participes eſſe voluiſti, dans eis
auctoritatem ligandi & ſoluendi ſicut in
terra, & in celo; remittendi quoque &
retinendi peccata, ſub ijs verbis mag-
num, & certantibus in hoc ſpiritali &
inuifiſibili ſtadio militantis Eccleſiæ ne-
ceſſarium Sacramentum inſtituens, ad
quod milites tui confugiant, & curatis
vulneribus iterum in campum redeant
acrius bellaturi.

Pro qua paterna in nos cura & ſoli-
tudine tua diuinæ tuæ bonitati in-
menſas ago gratias; cum ſine hoc ſala-
tari remedio planè de nobis eſſet con-
clamatum: & vix aliquis ad optatam
gloriæ coronam peruenire poſſet. Et
enim ea eſt naturæ noſtræ imbecillitas,
vt in tam diuturno cum aeris poteſta-
tibus certamine non raro vulneremur
& concidamus; cui malo niſi ſuccur-
riſſes, nobiſque hoc emplaſtrum ſpiri-
tuale ad animæ vulnera ſananda reli-

quissēs, quotusquisque nostrum Domine coronandus, quotusquisque saluandus esset?

Tu quidem in veteri testamento remissionem peccatorum poenitentiam agentibus promissisti, sed quis de sua poenitentia certus, quis de remissione securus esse posset, nisi in noua lege hoc Sacramentum instituisēs, in quo sacerdote efficaciter absolutionis verba proferente, homo iustificatur, & sit noua creatura.

Quid itaque retribuam tibi, ô suauissime Iesu, pro omnibus quæ retribuisti mihi? formatus eram ex massa perditionis, natus perditionis filius, & tu me ab illa massa segregasti, & filium æternæ salutis regenerasti: tu, cum infirmus, imbecillis & timidus eram, me tuo sancto Spiritu confirmasti; & oleo lætitiæ vnxiſti, vt tua castra sequerer, & pro tui nominis gloria, proque salute mea fortiter dimicarem: tu mihi multis opus habenti, & in hoc spiritali bello sæpe esurienti & sitienti cibum & potum dedisti, non qualemcunque, sed quo nobiliorem nec terra, nec calum habet: tu denique me misere vulneratum & semivivum iacentem, omnibus donis tantæ naturæ, quam gratiæ spoliatum in xenodochium Ecclesiæ tuæ reduxisti. Confessionis Sacramento sanasti, & iam sanatum nouis charismatibus & gratiarum donis exornabis.

Misericordias igitur tuas in æternum Psal. 88.
cantabo Domine, & in generationem &
generationem annuntiabo miserationes
tuas in ore meo. Quia tu propitius es Psal. 102.
omnibus iniquitatibus meis, tu sanasti
omnes infirmitates meas Tu redemisti
de interitu vitam meam, tu coronabis
me in misericordia & miserationibus: tu
replebis in bonis desiderium meum: re-
nouata est, vt aquila, iuuentus mea Non
secundum peccata mea fecisti mihi, ne
que secundum iniquitates meas retribu-
isti mihi. Quoniam secundum altitudi-
nem cæli à terra corroborasti misericor-
diam tuam super timentes te Quantum
distat ortus ab occidente, longe fecisti a
me iniquitates meas.

Benedicite igitur mecum Domino om-
nes Angeli eius, potentes virtute, fa-
cientes verbum eius. Benedicite mecum
Domino omnes virtutes eius, ministri
eius, qui facitis voluntatem eius. Benedi-
cite mecum Domino omnia opera eius,
in omni loco dominationis eius. Bene-
dic anima mea Domino.

SEQVVTVR ORATIONES 6.

SATISFACTORIAE,
quibus peccatorum remis-
sionem à Deo petimus.

OBLATIO OMNIVM LABO-
rum, atque pœnarum Christi pro
peccatis nostris.

Quid

Ex Me-
moriali
Granat.
lib. 5.

Quid retribuam tibi Domine, pro omnibus quæ retribuisti mihi? quia gratitudinis significatione tanta tua beneficia compensabo? quid tibi pro tam insigni tua misericordia reddam? heu quam iniquè meritis tam liberalis & pii benefactoris respondi? Semper ingratus fui tuis beneficijs, semper inobediens fui tuis mandatis, semper inspirationibus tuis animum clausi, culpam culpæ, & peccatum peccato addidi.

Confiteor Domine, quod non sum dignus vocari tuus filius: etsi ego te Patrem meum agnoscam: tu enim verè pater meus es, tu spes mea, tu fons misericordiæ, qui non repellis peccatores ad te confugientes: sed recipis, lauas, & reficis illos. Ecce igitur adiutor mi, vide quomodo ego omnium creaturarum pauperrimus ad te venio, nihil aliud adferens, quam ingentem meorum peccatorum sarcinam.

Ante pedes tuæ pietatis me proster-
no, humiliter misericordiam flagitans,
ignosce quæso mihi; o firma spes mea,
salua me pro tua infinita misericordia.

O dulcis Iesu, in remissionem meo-
rum peccatorum offero tibi immen-
sam charitatem tuam, qua tu Deus in-
finitæ Maiestatis motus, non dedigna-
tus es pro me incarnari, homo fieri, &
in hoc mundo triginta tribus annis in
multis tribulationibus, pressuris, an-

gustijs,

gustiis; persecutionibus & laboribus ver-
sari. Offero tibi lethalem illam angus-
tiam, sudorem illum sa guineum, &
agonem illum, qui cor tuum afflige-
bat, & lancinabat, cum in horto ia-
cens in terram prostratus, patrem depre-
cabaris: offero tibi adens illud desi-
derium, quo desiderabas pati pro nobis:
quando te sponte in manus inimico-
rum tuorum beneplacitum patri sacri-
ficium pro nobis tradidisti. Offero tibi
omnes iniurias, blasphemias, alapas,
verbera, sputa, aliasque omnia tormen-
ta, quæ in adibus Annæ & Caiphæ mi-
serissima illa nocte sustinuisti. Offero tibi,
o bone Iesu, omnia hæc, rogans iusti-
tam tuam bonitatem, ut per merita il-
lorum mihi condones omnia mea pec-
cata: poenam simul cum culpa remittas,
animam ab omnibus peccatorum reli-
quijs purifies, & tandem ad vitam æter-
nam perducas.

Offero tibi humilitatem, obedientiam & patientiam illam inassimabilem, quam exhibuisti, cum te ad columnam durissimam ligatum flagellabant, inde spiris coronabant, & purpurea te chlamyde ad maius ludibrium circumdabant satellites illi Satazæ, & perpetui gehennæ titiones: cum illudentes te salutabant, in faciem tuam expuebant, & arundine, quam in manu pro spectro gerebas, faucium, fractumque caput tuum percutiebant. Offero tibi afflicti-

corporis tui lassitudinem, cruentata vestigia, & onus graue crucis, quod delictis, & flagris misere conscissis humeris tuis portabas. **Offero** tibi sitim illam, qua crucifigendus æstuabas, omniaque alia tormenta, quæ pro nobis mansucto corde sustinuisti. Omnia hæc tibi cum gratiarum actione offero, tuam immensam obsecrans pietatem, vt per horum merita mea diluas peccata, poenam & culpam simul remittas, animam meam à peccatorum reliquijs purifices, eamque tandem ad vitam æternam perducas.

Dukis Iesu, in satisfactionem pro peccatis meis offero tibi crudelissimos dolores, quos passus es, cum milites vestem tuam carni & ossibus concreto sanguine adglutinatam crudeliter corpori tuo detraherent, omniaque vulnera in flagellatione accepta renouarent: quando in crucem proiectus, manus, pedesque sanctissimo ligno duris clauis compaginari passus es, tanta cum violentia, vt omnes articuli atque membrorum iuncturæ locis suis naturalibus emotæ sint. Cum pretiosus tuus sanguis ex omnibus tuis membris, haud aliter, quàm flumina è fontibus, frangebatur. Omnes & singulas pretiosi tui sanguinis guttulas tibi offero, tuæque pietati supplico, vt per illarum merita mea diluas peccata, poenam simul & culpam mihi remittas; animam

meam

meam a peccatorum reliquijs purifices, eamque tandem ad vitam æternam perducas

Clementissime Iesu, offero tibi illam benignitatem & mansuetudinem, qua cum sustinueris opprobria & impiorum conuicia, qui commouentes caput tua, subinnabant ac illudebant tibi, dum tu pro illis Patrem orabas. Offero tibi horrenda illa tormenta, quæ pertulisti, dum totus afflictionibus, cruciatibus & doloribus in prædā datus, omni consolatione interna & externa destitutus, atque a Deo & hominibus derelictus, miserrime cruci affixus inter calum & terram, medius inter duos nequissimos latrones, pendebas.

Offero tibi intolerabilem sitim, qua in cruce affligebaris, humilitatemque & reuerentiam illam, qua cum spiritum tuum inclinato capite Patri commendabas. offero tibi salutariter illum sanguinem de latere tuo, lancea miluis aperto, profluentem. Omnia hæc tibi offero, atque pro his, quantas possam tibi gratias ago, te suppliciter orans, ut peccata mea mihi condones: culpam simul & poenam tollas; animam meam ab omnibus criminum reliquijs purifices, eamque tandem ad vitam æternam perducas, ubi tu uiuis cum Patre & Spiritu sancto, per omnia secula seculorum. Amen.

ALIA, QVA PETITVR
remissio peccatorum.

Granat.
 lib. 5. Me-
 morialis.

O Pater omnipotens æterne Deus, totus pius, totus misericors; ecce ego peccator omnium miserrimus ante pedes tuos humi prostratus iacens confiteor maxima, plurimaque peccata mea, quibus te vniquam, benignissime Pater, offendi. Agnosco magnam ingratitudinem meam, quod tam parvipendi infinita, inæstiabiliæque beneficia tua mihi hæcenus collata; ut qui inter alia tantum mihi amorem, tantamque benignitatem exhibuisti, & tam longo me tempore expectasti, ut conuersus ad te pœnitentiam agerem, & in profundam Erebî abyssum non ruerem; prout peccata mea iam antea sæpe meruerent: imo qui me tot mecum ad iustitiam secundam mutasti, & ut sequi te possem gratiam tuam mihi obtulisti.

Mi suauissime Domine, quoties festisti ante ianuam cordis mei, & multifarijs tuis inspirationibus pulsasti, cupiens à me tibi aperiri: quoties tuis me beneficijs prouocasti: quoties blanditijs tuis me pellexisti: quoties me tribulationibus & calamitatibus impulisti: cilulon inus te semper a me repulsi, tibi resisti, tibi dorsum obuerti: tu tamen pro infinita tua misericordia atque patientia me sustinuisti. Face or

Domini

Domine, iuste, & pro meritis meis me in profundum inferni deturbare potuisses: sed pro tua clementia iræ tuæ impetum cohibuisti; quam tamen tot modis in me prouocaueram. Mirandum profectò Pater, & quidem vehementer mirandum est, cor meum dolore non disrumpi, quoties hæc omnia mecum propendo. Indignus sum, qui creatura tua dicar: indignus, quem terra diutius sustineat: indignus, cui terra fructus producat, quibus victitem.

Ad stuporem vsque mirari meritò quis posset, quòd elementa, & omnes simul creaturæ in me non infargunt, & iniuriam communi omnium Domino à me illatam non vindicant. Tu tamen clementissime Pater miserere mei, & aperi mihi infinitæ tuæ pietatis viscera, ignosce mihi quòd conuersionem meam ad te tam diu prorogavi. Aperi mihi benignum & paternum petus tuum, & da mihi nutrimentum, quod filiis tuis dare consueuisti. Supplex te oro Domine, vel nunc tandem operare in me, propter quod me hactenus expectasti.

Confiteor tibi Domine ex toto corde, & ex tota anima mea, peccatorum omnium, qui in mundo sunt, me maximum esse: nihilominus de tua bonitate confido. Etenim peccata mea licet plurima sint, tuæ tamen miserationes numerari non possunt. O Pater aman-

Matth. 3. tissime, si vis potes me mundare. Sana me Domine, & sanabor, quoniam me tibi peccasse confiteor. Memor esto verborum tuorum, quæ dulciora sunt super omne mel & fauim, quibus peccatori nullum esse potest maius solatium: ais enim per os propheta: Tu fornicata es cum amatoribus multis, tamen reuertere ad me, & ego suscipiam te.

Hier. 3.

Quare, o pie pater, huic tuæ promissioni inhaerens atque innixus, conuertor ad te, & quidem ex toto corde, non aliter atque me hoc verbo solum vocasse, meque solum ad tuam misericordiam inuitasse. Scio Domine, & fateor me omnium creaturarum creaturam esse miserimam: ego enim sum filius ille prodigus, qui recessit à te patre luminum, a quo omne mihi bonum proueniebat. ego tanquam ovis perditus longissime à tuo grege aberravi; gratiam, quam tu mihi liberaliter impartieras, turpiter dissipavi. Dereliqui te fontem aquæ viuæ, fodi mihi cisternas, & bibi aquas turbidas, plenas amaræ consolationibus, & quæ breui tempore exsiccantur. Omnes enim consolationes, omnesque huius mundi voluptates instar fumi euanescent.

Dereliqui te panem vitæ, glandesque ac filiquas a porcis conculcatas, & proritas comedi, passiones & affectus animi inordinatos, brutosque appetitus

meos securus. Recessi a te summo bono, securusque sum terrena & transitoria, quæ me perdidit. Nunc autem, Pater mi, tibi supplico, ne memineris iniuriarum, quibus ego tuam Maiestatem affeci. Illud autem non meorum supplico respectu mentorum, sed laborum atque dolorum vnigeniti filij tui intuitu, quos ille pro me sustinuit.

ET tu Vnigenite summi Patris Fili, Domine & Saluator mi, miserere mei. Omnes meas iniquitates, omnem iniuriam, ignominiam, iram, superbiam, auaritiam, inobedientiam, impudentiam, præsumptionem, cum omnibus alijs malis, quibus te iniuravi, in infinitam tuam bonitatem, clementiam, & sanctissimam vulnera tua, in meum refugium late patentia, profero. Innotatum tibi reddo, tuæque gratiæ commendando. Tu enim es spes mea, tuus est auxilium & fortitudo mea. Quæcumque me turbant & confundunt mea peccata, tantum me exaltant & confortant tua bonitas, infinitaque passio tuæ merita.

Peccata mea, licet per se ponderosa sint graua, & numero infinita, in clementia tamen tuarum miserationum leuia sunt, & pauca hac fieri possunt. Ad te venio, tibi committere peccata mea non perdes, quem ad te in similitudinem creasti, & in similitudinem re te nostræ naturæ, carnisque &...

guinis nost. is fecisti participem. Spero me a te condemnatum non iri, quæ tot laboribus & doloribus tanquam incomparabili pretio redemisti tu, qui vivis & regnas per omnia secula seculorum, Amen.

8.

*ALIA DEVOTISSIMA PRO
peccatorum remissione.*

Exhortu-
lo deu-
tionis.

O Iesu mi dilectissime, ego sum miser & infelix ille peccator, qui tibi tot vulnera infixi, teque rursus peccatis meis, heu nimis multis & magnis, crucifixi. Ecce ante te iudicem, patrem tamen meum, sto, tot criminum reus, tot peccatis obnoxius, obsecrans te per viscera misericordiæ tuæ, aperiuntur denudò vulnera tua omnia in conspectu patris tui, fluant in miseram, immundam, & criminibus multis deturpatam animam meam, neque obstruantur, priusquam me abluerint & perfectè mundauerint.

Luc 7.
Luc. 22.
Luc. 23.

O dulci Iesu, ne auertas faciem tuam à me; sed infinita misericordia tua me profunde, & respice me oculis tuæ pietatis, quibus respexisti Mariam Magdalenam in conuiuio, Petrum in pontificis atrio, & latronem in Crucis patibulo. Da mihi veram cognitionem meorum peccatorum, da iustum dolorem; me in paradysum tuæ gratiæ recipere, me tuo feruente sanguine laua, & pretiosa tua morte me viuifica. Igno-

ſce mihi, & aufer à me quicquid cor
meum in te poſſidet; quia tu ipſe dixiſti:
Si exaltatus fuerò a terrâ, omnia traham Ioan. 12.
ad meipſum

Quapropter oro te, ô Redemptor ani-
mæ meæ trahere me ad te, & ab oculis
meis munda me. O lux vera, illumina
tenebras mentis meæ. O ignis conſu-
mens, exure in me omnia peccata &
vitia meæ; veni & viſita infirmam ani-
mam meam, munda conſcientiam me-
am, & in ea gratiam tibi fac habitacu-
lum. O dilectiſſime Domine pro me
in arbore crucis extenſe, & peccatorum
meorum ſordibus me trahere, me am-
plectere, me ab omni peccatorum ma-
cula mundatum exoſculari. O nobilis
botre in torculari crucis expreſſe, nudis
& candidis, ſanguine tamen rubicundis
brachijs tuis animam meam preme: da
ut premaris viciffim ab ea, & tanquam
myrrhæ fasciculus inter vbera illius
commoreris. O conſixe & tranſfixe mi-
les, quàm crudeliter in bello pro me
ſuſcepto vulneratus es: quam fortiter,
ô mundi, Daemoniſque Triumphator,
pro me pugnaſti, qui morte tua mor-
tem deuiciſti, & pretioſo ſanguine tuo
omnia totius generis humani peccata
expiſti: Heu quid tibi retribuam pro
omnibus que retribuisti mihi: Mod-
icum illud quod habeo id totum tibi
offero, ſpiritus ſcilicet meum, ut in eo
quieſcas; animam meam, ut te dili-

Pſalm 18

Pſalmus.

gat corpus meum, vt tibi seruiat.

O nobilis Pellicane, qui pullos tuos proprio cordis tui nutris sanguine, animam meam fame ac sui spirituali deficientem eia refice, vt illi nihil aliud sapiat, nihil aliud cupiat, quam carnem tuam edere, & sanguinem tuum bibere. O mellifue cœlestium deliciarum torrens, perdue omnia interiora mea, inebria me, & da; vt omnibus creaturis mortuus tibi soli viuam. O præclarum incomprehensibilis Trinitatis speculum, in quod desiderant Angeli & Sancti omnes prospicere, heu quam misere propter me tractatus es; non est species neque decus in te, factus es opprobrium hominum, & abiectio plebis. Eia fac me participem incomparabilis illius thesauri lytri pretiosi, quo me redemisti: aperi mitorum tuorum ararium, & solue vniuersum debitum meum: fac me talem in hoc seculo, qualem habere vis in futuro,

vbi tu regnas cum Patre & Spiritu
sancto Deus per omnia
secula seculorum,
Amen.

Esa. 53.

Psal. 21.



CAPVT QVARTVM,
CONTINENS ORATIO-
NIS RESIPISCENTIVM,
quibus Deo pro nouitate
vitæ supplicamus.

PRÆFATIO.

*On minima pœnitentia virtu-
tis pars est in la vita nouita. &
sacrificium salutare, utende-
re mandatis. & discedere ab
omni iniquitate. Hoc autem facere abs-
que Dei auxilio nobis est impossibile. Velle
quidem nostrum est, pericere autem non
inuenimus, nisi voluntas ipsa & adinco-
neatur ut surgat, & faciat ut ualeat.
Ut autem auxilium hoc impetremus,
Deus feruenter orandus est. Recte ergo
Augustinus: Nullum, inquit, credimus ad
salutem nisi Deo inuitante venire, nullum
inuitatum salutem suam nisi auxiliante
Deo operari, nullum nisi orantem auxi-
lium promereri.*

Ecclesijs.

August.
De ag. p.
man. ec.
c. 12.

*Optimo igitur ordine post pœnitentiam
orationes resipiscientium, quibus auxilium
Dei in vita nouitate incipienda & perfi-
cienda implorare possimus, poni possit ex
istimauimus.*

ORATIO SEV OBLATIO

*pia, quæ se homo offert Deo, petens ut expul-
sionis vitiorum tyrannis, Deus post hæc in
anima sua regnet; ibique agat, quæ
ad nouitatem vitæ per-
tinent.*

Ex Gra-
natenf.
lib. j. Me-
morial.

O Deus meus, ô amor meus, ô spes mea, ô totum refugium & omne desiderium meum: ô Pater misericordiarum, & Deus totius consolationis, quoties mecum perpendo, qualis aliquando fui, quanta discrimina perditionis euasi, è quantis malis me eripuisti, cum in peccatis mortuus & sepultus in ueteratâ consuetudinis peccandi lapide mihi superimposito iacebam, tanta in me spes excitatur, vt non possim non omnia, quæ ad meam salutem sunt necessaria, in posticum ad te Domine flagitare

Plasma namque tuum sum, manus
tuæ Domine fecerunt me: opus igitur
manuum tuarum ne despicias; vt quid
enim dubitarem, quòd mihi dabis bona
tua, qui non dedignatus es suscipere ma-
la mea; Dicam igitur cum Propheta; Ego
in Domino sperabo, exultabo & lata-
bor in misericordia tua.

Sed quia non est secura spes sine obedientia, dicente quodam ex amicis tuis: Sanctificate sacrificium iustitiæ, & sperate in Domino: oro te ô delectissime Domine, concede mihi ut spes tuæ misericor-

Pfalz. 50

Palm. 4.

diæ mandatorum tuorum obedientia in me fulciatur : non enim minus tibi hæc obedientia, quam spes, quam amor, quam reliqua debentur omnia. Tu enim es Imperator, tu Rex, tu Dominus meus, cui cælum & terra, mare & omnia quæ in eis sunt, obtemperant: quæ nunquam legem tuam præuaricata sunt, nunquam non mandata tua obseruârunt

Tribue mihi Domine, vt & ego non minus, quam cæteræ creaturæ tuæ voluntati paream : vt qui pluribus, quam illæ, tibi vinculis obstrictus sum. Da mihi, o Rex Regum, vt tibi obediam: & à legum tuarum præscripto nusquam declinem. Regna tu in me Domine, & non regnet amplius in me mundus cum suo Principe : non regnet posthac in me caro, non propria voluntas mea ; sed tua. Fugiant a me, & dissipentur omnes isti Tyranni, domini tui inuasores, gloriæ tuæ fures, & iustitiæ tuæ euersores pessimi : Tu solus dominare in me Domine, vt & ego regnem tecum, cuius regni non erit finis. Veni o pie Pater, aufer scandala de regno tuo, aufer peccata de anima mea, vt regnes tu, qui debes in ea. Venit enim auaritia, & vendicat sibi in me sedem ; instantia cupit dominari mihi. Superbia vult esse mihi Rex ; luxuria dicit, Ego regnabo ; ambitio, detractio, inuidia, & iracundia certant in meipso, de meipso, cuius ego potissimum esse videar. Ego

autem quantum valeo resisto ; renito quantum iuuor ; te Dominum meum reclamo ; tibi me defendo, quia tui me iuris agnosco ; te mihi Deum, te mihi Dominum teneo, & dico. Non habeo regem, nisi Deum meum. Veni ergo Domine, desperge illos in virtute tua ; tu regnabis in me, quia tu es ipse Rex meus & Deus meus, qui mandas salutes Iacob. Non alia leges, non alia plebiscita, præter tua in me agnoscantur : non aliud nomen, non aliud sceptrum præter tuum in me adoretur : vt tua voluntas fiat in terra, sicut in cælo.

O Domine, quando erit dies illa, quando ab istis tyrannis ero liber & immunis : Quando non alia vox, quam tua in me audietur ? Quando erit defecatur cor meum ? Quando vires inimicorum meorum sic conterentur, vt nulla mihi occurrat in mandatorum tuorum obseruantia contradictio ? quando hostium meorum arma sic confringentur, vt nulla in me vis tuis legibus inueniatur contraria ? Quando tranquillum erit istud mare ? quando serenum illud cælum ? quando refrænati affectus & soporæ passionēs, adeo, quòd nulli fluctus, nullæ nubes, nullæ turbæ in me inueniantur, qui regnum tuum in me poterunt perturbare ? sed altam pacem, securam tranquillitatem, & mandatorum tuorum obseruantiam vbique deprehendam.

Da mihi Domine hanc obedientiam, aut (vt melius dicam) concede mihi illud in cor meum ius & imperium, vt ad nutum meum tibi nunquam obstreperum sit, sed in omnibus subijciatur.

Porro quemadmodum tibi obedire atque parere semper debeo, sic etiam me tibi offerre, me totam in holocaustum tibi immolare, & utilitas suadet, & equitas postulat: quantus, quantus enim sum, totus tuus sum. Tuus, inquam, sum iustissimas ob causas: tuus, quia creasti me, & esse, quod habeo, dedisti. mihi: tuus, quia in hoc esse me conseruasti, providentiaque tuae beneficijs & officijs me cumulasti: tuus, quia me ex seruitute in libertatem afferasti, non auro, non argento, sed pretiosissimo sanguinis tui litro redimens. Sane denique tuus, quia toties me tibi emisti, quoties ex aliquo peccato me eruisti.

Si itaque tot nominibus tuus sim, & tu vicissim meus sis Rex, meus Dominus, meus redemptor, & liberator ecce conuerto me, vt reddam tibi quod tuum est: hoc est, me ipsum trade tibi in perpetuum in alicuiam & seruam, ecce do tibi clauis meae libertatis, dominium meae voluntatis, vt possim nec meus sim, nec alienus ciuiumque sed totus tuus, vt non viam mihi, sed tibi: non seruiam mihi, sed tibi; adeo, vt siue comedam, siue bibam, siue quid aliud agam, omnia ad gloriam nomi-

nis tui referam. Me tibi sisto, me tibi trado, vt disponas de me, sicut de tuo; idque secundum voluntatis tuæ beneplacitum. Si volueris me viuere, aut mori; si sanum aut infirmum esse; si diuitem aut pauperem; si laudatum aut illaudatum, in omnibus me tibi offero; me tibi deuoueo; ad manus tuas me totum resigno; iuri & possessioni me ipsius renuncio, vt posthac non sim meus, sed tuus; donec id quod tuum est iure, tuum quoque fiat mea voluntate, idque non semel, non vno die, sed semper & vbique.

2. *SECUNDA RESIPISCENTIS Oratio.*

Collector.

Iacob. 1.

Domine tu qui creasti me solus Deus meus, solus Dominus meus, Creator meus & Redemptor meus es, in quo spero, cui confido, à quo omnia quæ ad salutem animæ meæ requiruntur expecto. Non deferis sperantes in te. Tu dulcissimus, tu benignissimus, tu liberalissimus Deus meus es, tu Pater luminum, à quo omne datum optimum, & omne donum perfectum desuper in me descendit. Tu me cum nihileram creasti, tu me creatum & perditum redemisti, tu amissam stolam innocentiae primam in baptismo restituiisti, tu me post acceptam notitiam veritatis denuò voluntariè peccantem, & in huius mundi pelago periclitantem,

per secundam naufragij tabulam, hoc est, per sacramentum poenitentiae seruasti. Et haec omnia quidem gratis, ex sola sua gratia. Nam si ego te bene operando praeueni; ubi est quod Prophetatus ait; Misericordia eius praeueniet me? Si quid ego operationis bonae dederim, ut gratiam tuam mererer, ubi est illud Apostoli tui; Gratia saluati estis per fidem, & hoc non ex vobis: donum enim Dei est? Si mea dilectio te praeuenierit, quomodo verum erit illud: Non quia nos dilexerimus eum, sed ipse prior dilexit nos? Si sine tuo munere nostra virtute sequamur te, ubi est quod vnigenitus Filius tuus dicit; Sine me nihil potestis facere? &: Nemo potest venire ad me, nisi Pater meus traxerit eum? Omne igitur quod habeo, totum id quod sum, gratuitam est, donum tuum est, liberalitas & misericordia tua est: adeo, ut ne cogitando quidem dona bonorum operum virtute mea praeuenire potuerim. Non enim sufficientes sumus cogitare aliquid ex nobis, quasi ex nobis: sed sufficientia omnis nostra ex te est.

Quid igitur faciam miser ego & miserabilis, nudus & pauper? Infirmus ego & claudus, sed donis ac beneficijs tuis diues atque opulentus, per mare nauigabam; oborta vero tempestas demersit nauem, omnes diuitias, omnes merces meas vno infortunio amisi. Tua bo-

Psal. 58.

Ephes. 4

1 Ioan. 4

Ioan. 15.
Ioan. 6.

2. Cor. 3.

nitate, etsi naufragium passus, ego tamen euasi: anima mea incolumis, ope vnus tabulæ ad terram enatauit: sed quid nunc agam? non habeo vnde viuam, & propter infirmitatem lucrari nil possum. Vnicum est remedium vt mendicem: sed quis tam liberalis vt velit, tam diues vt possit tam desperato pauperi subuenire, nisi tu solus Deus, benignus & misericors, diues & omnipotens? Ad te igitur clamabo, ad te vociferabor, ad ostium tuum sine intermissione clamabo.

Cæterum hic iterum me terret conscientia, reclamatione pudor & verecundia: quicquid enim antea possidebam, & nunc amisi, id totum tuum erat; id mihi credideras, id totum tibi adhuc debeo: insuper & te offendi, tibi iniurus fui, tuis bonis in tui ignominiam abusus sum. Noua igitur a te petero, quæ erit impudentia? Ergone desperabo? ergone dicam cum Cain; Maior est iniquitas mea, quam vt veniam merear? ergone vagus & profugus ero à terra viventium? Nequaquam; Scio enim quod Deus meus & Dominus meus misericors & clemens est, patiens & multæ miserationis. Scio, quia Dominus meus benignus est, & multæ misericordiæ, & præstabilis super malitiâ. Scio, quia seruo suo debenti millia talentorum decem, postquam supplicem vidit, omne debitum dimisit. Dicam

Genes. 4.

Exod. 34.

Ioel, 2.

igitur

igitur & ego cum seruo illo, Domine patientiam habe in me, & omnia reddam tibi. Matth. 23.

Sed vnde reddam ô Domine, nisi tu prior dederis; & cui dabis, nisi petenti te? quis autem petere non audeat, cum omnes tam liberaliter inuites, dicens: Venite ad me omnes qui laboratis, & onerati estis, & ego reficiam vos. Matth. 11. Esai. 55.

Venite omnes sitientes ad aquas: & qui non habetis argentum, properate, emite & comedite. Venite, emite absque argento, & absque vlla commutatione vinum & lac. Hac tam benigna prouocatione tua incitatus ego ecce venio ad te, & precor, vt des mihi vnde reddam omnia quæ tibi debeo? da scilicet vt te debite adorem; te timeam, te laudem, tibi reuerentiam & honorem exhibeam: tibi pro tuis beneficijs gratias agam, te ex toto corde diligam, in te spem omnem ponam, tuis mandatis obtemperem, me totum tibi offeram, tuis me manibus totum commendem; & has, similesque gratias a te petere discam, vt foris ante oculos meos, & intus in corde meo nominis tui gloria & animæ salus meæ veluti scopus mihi præfigatur.

Granat.
lib. 3. M.
moriali

Oro etiam te Domine, vt mihi tribuas peccatorum meorum remissionem, veram contritionem & poenitentiam: da gratiam ne in posterum offendam te denuò, vel ijs peccatis, quæ hactenus

mini

mihi familiaria fuerunt , vel alijs quibuscunque. Potissimum autem gratiam à te Domine peto , & vires , vt carnem meam castigare, linguam refrænare, cordis appetitus inordinatos mortificare, dispersas, vagasque imaginationis meæ cogitationes colligere valeam; vt sic totus foris & intus reformatus , nouaque crearura effectus , merear esse viuum templum , & gratum, in quo requiescas, habitaculum.

Largire mihi virtutes etiam illas, quibus illud tuum habitaculum non tantum purgetur, sed etiam ornetur; vt sunt nominis tui sanctus timor, firma spes, profunda humilitas, integra patientia, prudens discretio, paupertas spiritûs, perfecta obedientia, continua fortitudo, & diligens alacritas in omnibus ijs, quæ ad tuum cultum & obsequium pertinent: ante omnia verò ardentissima charitas, tam erga te, quàm erga proximum.

Cæterum quia scio me omnibus his indignum , nihilque horum promeruisse, memor esto precor, o Domine, miserationum tuarum antiquarum: memorare quòd non vis mortem peccatoris , & ipse testaris , sed vt conuertatur & viuat : recordare quia non venit vnigenitus tuus Filius in hunc mundum vocare iustos, sed peccatores : memento quanta fecit , quanta tulit à die natiuitatis suæ , vsque dum in cruce

zech. 18.

matth. 9.

more

moreretur. Quæ omnia tibi, o clementissime Pater, offero, vt sint pro peccatis meis sacrificium in odore suauitatis: nec pro peccatis tantum, sed & pro omnibus necessitatibus meis: quidquid enim oro, quidquid peto, id in illius, non in meo nomine postulo: de te namque dicitur, quod honoras patres in filiis & vni parcis propter alium, quemadmodum & Dauid olim Miphibosech propter Ionathan patrem eius honorauit. Honora igitur & tu vngenum filium tuum in me, benefaciens mihi propter illum: quia ipse pater meus, & secundus Adam meus est: ego autem filius illius, licet discolus atque immorigerus. Aspice Domine, quia ego ad te confugio, ad ostium misericordiae tuæ venio, tibi paupertatem meam expono, tibi vulnera mea detego; quia verus medicus meus es tu, animam meam coram te effundo, & Dauidico inflammatus spiritu ad te clamo, dicens;

2. Reg. 9.

Inclina Domine aurem tuam, & exaudime: quoniam inops & pauper sum ego. Custodi animam meam, quoniam sanctus sum: saluum fac seruum tuum Deus meus sperantem in te. Miserere mei Domine, quoniam ad te clamaui tota die: lætifica animam serui tui, quoniam ad te Domine animam meam leuaui Quoniam tu Domine suavis & mitis, & multæ misericordiae in-

Psal. 85.

uocan-

uocantibus te. Auribus percipe Domine orationem meam: & intende voci deprecationis meæ. In die tribulationis meæ clamaui ad te: quia exaudisti me. Deduc me Domine in vitam tuam, & ingrediar in veritate tua: lætetur cor meum ut timeat nomen tuum. Confitebor tibi Domine Deus meus in toto corde meo. & glorificabo nomen tuum in æternum, Amen.

3.

TERTIA ORATIO RESIPISCENTIS, ex Psalmis compilata.

Psal. 24.

AD te Domine leuaui animam meam: Deus meus in te confido, non erubescam.

Dirige me in veritate tua, & doceme: quia tu es Deus Saluator meus, & te sustinui tota die.

Psal. 26.

Vnam petij à Domino, hanc requiram, ut inhabitem in domo Domini omnibus diebus vitæ meæ. Ut videam voluntatem Domini, & visitem templum eius.

Psal. 61.

Ibi labia mea laudarent te, ibi benedicerem te in vita mea, & in nomine tuo leuarem manus meas. Sicut adipe & pinguedine repleretur anima mea, & labijs exultationis laudarer os meum.

Psal. 70.

Repleatur os meum laude, ut cantem gloriam tuam: tota die magnitudinem tuam. Os meum annuntiabit iustitiam tuam: tota die salutare tuum.

Psal. 72.

Quid enim mihi est in cælo? & à te

quid

quid volui super terram : Defecit caro mea, & cor meum : Deus cordis mei, & pars mea Deus in æternum.

Quia melior est dies vna in atriis tuis super millia. Elegi abiectus esse in domo Dei mei, magis quam habitare in tabernaculis peccatorum.

Custodi animam meam Domine, quia sanctus sum : saluum fac seruum tuum Deus meus sperantem in te : latifica animam serui tui, quoniam ad te Domine animam meam leuaui.

Reuela oculos meos, & considerabo mirabilia de lege tua

Aufer à me opprobrium & contemptum : viuifica me secundum verbum tuum. Viam iustificationum tuarum instrue me, & viam iniquitatis amoue à me, & de lege tua miserere mei.

Deduc me in semitam mandatorum tuorum, quia ipsam volui : & custodiam legem tuam semper, in seculum, & in seculum seculi.

Inclina cor meum in testimonia tua, & non in auaritiam : auerte oculos meos ne videant vanitatem, in via tua viuifica me. Statue seruo tuo eloquium tuum, in timore tuo.

Veniat super me misericordia tua Domine, salutare tuum secundum eloquium tuum : & ne auferas de ore meo verbum veritatis vsquequaque.

Paratus sum & non sum turbatus, vt custodiam mandata tua : fiat cor

meum

Psal. 23.

Psal. 85

Psal. 118.

neum immaculatum in iustificationibus tuis, vt non confundar

Confige timore tuo carnes meas: a iudicijs enim tuis timui. Gressus meos dirige secundum eloquium tuum, vt non dominetur mei omnis iniustitia.

Psal. 137.

In quacunque die inuocauero te, exaudi me: multiplicabis in anima mea virtutem. Pone custodiam ori meo, & osium circumstantiæ labijs meis.

Psal. 140.

Non declines cor meum in verba malitiæ, ad excusandas excusationes in peccatis.

Psal. 142.

Eripe me de inimicis meis Domine, ad te confugi: doce me facere voluntatem tuam, quia Deus meus es tu.

Psal. 141.

Educ de custodia animam meam ad confitendum nomini tuo: me expectant iusti donec tribuas mihi.



CAPVT QVINTVM,
CONTINENS ORATIO-
NES ANTE ET POST SA-
cram Communionem
vsurpandam.

PRÆFATIO DOCENS QVO-
modo dignè communicare
quis poterit.



Mnia nouæ legis Sacramenta
dispositionem & preparatio-
nem aliquam in suscipiētibus
ea requirunt: alia tamen alijs
maiores, & accuratiores, pro excellentia
& dignitate sua: quædam enim dolorem
peccatorum tantum requirunt, & Baptis-
mus; alia præter dolorem & contritionem,
etiam exigunt eorundem peccatorum con-
fessionem, ut Pœnitentia. Sacramentum
verò altaris, quoniã omnium est nobilissi-
mum, perfectissimam, exquisitissimamq;
postulat dispositionem, & preparationem.
Non enim sola contritione & confessione
peccatorum hæc preparatio perficitur, sed
alia multa requiruntur, ut quis non in-
dignè ad hoc Sacramentum accedat, esse
cuiusq; & gratiarum, quæ in Sacramento
distribuantur, particeps fiat.

Est enim hoc Sacramentum virtutis infi-
nita, habēs in se Christum, qui fons est om-

nium gratiarū; omniāq; merita Dominica
Passionis, quæ similiter nec modum habēt,
nec numerū in se cōtinent. Proinde quanto
maior est preparatio, qua cū ad hoc Sacra-
mentū accedimus, tātō maior erit & gra-
tia, quā in illo percipimus. Quemadmodū
enim is, qui ad puteū venit, ut aquā hau-
riat, tātum haurit, quantū eius vas capit:
quod autē plus nō haurit, id vasi, non puteo
imputādum est, qui plus daret, si vas am-
plius caperet: Sic qui ad diuinū hoc Sacra-
mentū veniūt, tantum gratiarū hauriūt,
quanta est deuotionis & preparationis ca-
pacitas: secundum namque subiecti disposi-
tionē causæ operantur. Requirit autem hu-
ius Sacramēti nobilitas atque excellentia.

Concil.
Trident.
Sess. 13.
cap. 7.

De pro-
cessu Re-
ligionis
cap. 22.

I. Puritatem conscientie ab omni peccato
mortali & quantum fieri potest etiam ve-
niali: quare Confessio Communioni sem-
per est præmittenda, si communicaturus se
alicuius criminis reum agnoscat.

II. Puritatē intētionis; ut scilicet bono fine
quis accedat, non priuato commodo prouo-
catus, nō timore pœna coactus, nō ex cōsue-
tudine, nō ut sensibilem aliquam deuotio-
nē & dulcedinem in eo percipiat: sed ex in-
tentione pura. Huiusmodi intētionēs varia
sūt, quas cōmemorat Bonauētura his ver-
bis: Aliquos trahit amor Dei, ut dilectū a
se sepius inuilit, eūq; in semetipsis delecta

biliter amplexentur. Aliquos propria infirmitatis intuitus, ut eū quasi medicū ad se vocet, per quē ab infirmitate curētur. Aliquos cōscientia delictorū suorū, ut per eam, quasi per hostiam placationis ab omnibus peccatis expiati purgentur. Alios pressura alicuius tribulationis ut per eū, qui omnia potest, ab omni aduersitate citius liberetur, & tutius protegantur. Aliquos desiderium alicuius gratia, vel beneficij impetrādi per eum, cui Pater nihil negare potest pro se intercedēti. Aliquos gratiarum actio pro beneficijs diuinis. Aliquos laus & honor Dei & Sanctorū: aliquos charitas & cōpassio proximorū; cū pro salute viuorū, & requie defunctorū nihil efficacius interpellat, quā sanguis Christi pro nobis effusus. Hac ille. Primarius autē, & propius finis huius Sacramēti est, ut mediante illo, in quo Christus realiter inest, in anima nostra Christi spiritū excipiamus, cuius beneficio trāsforemur in illū, viuamusq; sicut ille vixit, in omni charitate, obedientia, paupertate spiritūs, mortificatione corporis, contēptu mūdi, &c. hoc est, ut unū quid cū illo per imitationem vitæ illius efficiamur. Deinde ut memoriam quoque passionis eius renouemus, & pro inestimabili redemptionis nostræ beneficio Redemptori gratias agamus.

III. Requirit huius Sacramēti preparatio

actua.

In orati.
præpara.
ante Mis-
sam.

actuale deuotionem. Est autem hac deuotio affect⁹ quidā generalis spiritus, ex alijs affectib⁹ & desiderijs spiritualibus cōpositus: quib⁹ anima ad venerabile hoc Sacramētum accedētis plena esse debet. Rectē namq³ Ambrosius, Quāta, inquit, cordis cōtritio- ne & lachrymarū fonte, quāta reuerētia & tremore, quāta corporis castitate atque animi puritate illud diuinū & celeste mysteriū est celebrādū, Domine Deus, ubi caro tua in veritate sumitur? ubi sāguis tuus in veritate bibitur? ubi sūmis ima, humanis diuina iunguntur? ubi sanctorum ad sūt Angelorum praesentia? ubi tu es Sacerdos & sacrificium mirabiliter & ineffabiliter?

Vt igitur aqua quadam odorifera ex varijs boni odoris floribus & herbis distillatur: sic deuotio hac ex multis spiritualibus Deoque gratis affectibus componitur; ut sunt inter alios profunda humilitas, summa reuerentia, firma fiducia, ardens amor, impatiens fames, & intolerabile desiderium huius panis supercaelestis

Ad huiusmodi præparationē certum aliquod tēpus ante cōmunionem requiritur; ne, q³ multi faciunt, recenti adhuc peccatorū memoria foetente etiamnum eorū turpitudine, & fumigante nondū satis extincta peccandi libidine, ad tā tremendū mysteriū accedamus. Sex mensibus se preparabant

Hest. I.

puella

Exod. 19.

puella in cōspectum Regis Assueri ventura,
 & tribus diebus populus legē accepturus:
 multo igitur maiori iure saltē tridui prepa-
 ratione postulat huius Sacramēti sumptio.

Toto illo tēpore cōmunicaturus pijs stu-
 dijs vacet, conscientiam suā examinet, pec-
 cata confiteatur; & post confessionem ab
 omni peccato mortali, etiam veniali, quā-
 tum fieri potest, abstineat: peccādi occasio-
 nes fugiat, à mundi cōuersatione, humana-
 rumq; occupationū strepitu sese subducatur.
 Ante omnia cor diligenter custodiat, ne in
 lectulo caelestis sponsi, quem floridū requirit
 sponsa, spina & tribuli inueniantur. Ora-
 tionibus igitur, meditationibus, & pijs le-
 ctionibus toto illo triduo incumbēdum est.

Vesperis, cū posttridie communicandum
 erit, nihil, aut parum homo in cœna come-
 dat, post cœnam mox surgat, fabulis non
 indulgeat: sed in cubiculo solus cū Deo col-
 loquatur. Ante somnum Deum oret, ut ea
 nocte se custodiat ab omni Damonis illu-
 sione, omnique peccato, & noxio phantaf-
 mate. Mane cū expergissetur, persua-
 deat sibi, quod in brachijs Christizaret, in-
 cipiātq; passionem Dominicam meditari.

HÆC sunt quæ ex parte hominis ad pra-
 parationē, huic Sacramento pramittendā,
 requiruntur: quæ tamen non suffi-
 ciunt, nisi Deus ipse cor hominis prepararet: si enim ne

mo ad augmentum gratie poterit disponi, sine ope ipsius gratie; multò minùs poterit quis disponi ad dignè Deum percipiendum, sine ope ipsius Dei. Quamobrem necesse est, ut auxilium Dei humilibus orationibus & obsecrationibus inuocetur, quo cooperante purgetur & ornatur coenaculum, in quo Christus nobiscum Pascha suum manducabit. Ad hoc debito modo faciendum accommodatae sunt meditationes, & orationes, quae sequuntur.

MEDITATIO DEVOTISSIMA,
& ante Communionem utilisissima, quae
anima ad timorem & amo-
rem excitatur.

Granat.
lib. 3 Me-
morialis.

Q Vis es tu Domine mi, & quis sum ego, qui audeo tibi appropinquare? quid est homo, ut possit in se Deum recipere factorem & redemptorem suum? Quid est homo, natura sua, nisi quas corruptionis & putredinis? filius Dæmonis? heres inferni? operator peccatorum? contemptor Dei, & creatura ad omne bonum inepta, ad omne verò malum aptissima, promptissimaque?

Quid est homo, nisi animal omnibus in rebus miserabile? in concilijs cæcum, in operibus suis inconstans, in appetitibus immundum, in desiderijs lubricum? in omni opere suo paruum, & in proprijs oculis magnum? Vide Domine, vide quis sim ego.

At tu Domine mi, quis & qualis es? Tu magnus es sine quantitate, tu bonus sine qualitate, tu sapiens sine mensura, tu æternus sine tempore. Tu es omnipotens in virtute, immensus in sapientia, admirabilis in consiliis, terribilis in iudicijs, perfectus & absolutus in omni virtute.

Quomodo igitur tam vilis & immunda creatura audebit audire & contingere Deum tantæ Maiestatis? Ecce Luna Iob 21. etiam non splendet, & stellæ non sunt mundæ in conspectu eius. Columnæ cæli contremiscunt, & pauent ad nutum eius. Altissimi illi Seraphin contrahunt alas suas, & in conspectu tuo fatentur se papiliones, & vilissimos esse vermiculos. Quæ igitur audacia, quæ temeritas, vt homo vilissima, abiectissimaq; creatura audeat tantum Dominum in se recipere?

Sanctus ille Baptista Ioannes, in vtero matris suæ sanctificatus, non fuit ausus, cum baptizaret Dominum, verticem illius tangere: imò indignum se testatus est, qui solueret corrigiam calceamenti sui. Luc. 3. Ioan. 1.

Princeps Apostolorum exclamat dicens; Exi à me Domine, homo enim peccator sum, & ego peccatorum omnium facile princeps tibi appropinquare non formidabo? Si panibus propositionis, qui tantum vmbra erant profundissimi huius mysterij, nemini licuerit Lucæ 5. 1. Reg. 21.

vesci, nisi qui mundus erat & sanctificatus; qui potero securus esse ego, qui manduco panem Angelorum, cum interim tam procùl absum ab omni sanctitate?

Exod. 12.

Agnus ille paschalis, qui erat typus & figura huius Sacramenti, iuxta mandatum Dei comedi debebat cum panibus azymis & lactucis agrestibus: qui autem comedebant, renes accinctos, & calceamenta in pedibus habere inebantur. Ah quomodo audebo ego ad verum hunc agnum paschalem accedere, qui nullam harum preparationum habeo? Quid enim aliud panis azymus, quam puritas sine fermento malitiæ? quid lactucæ amaræ, nisi vehemens contritio? ubi est puritas renum? ubi pedum? id est, sanctorum desideriorum mundities?

Timeo Domine, & vehementer timeo, ne fortè malè excipiar in hac mensa, si quid horum mihi desit apparatus.

Matt. 22.

Hac mensa prohibitus, imò ab ea reiectus est ille, qui sine veste nuptiali, hoc est, sine charitate accesserat: ligatissimeque manibus & pedibus in tenebras exteriores deturbatus est: quid ego aliud nunc expecto, si me absque hac veste in conuiuium hoc ingesserò?

O diuini oculi, quibus aperti sunt & manifesti omnes animæ meæ sinus & anguli, quid fiet de me, si in conspe-

ctum

ctum tuum nudus & vacuus accessero?

Arcam, quæ figura tantum erat huius Sacramenti, attingeret tantum nefas fuit, vt Sacerdos Oza, qui ad eam casum minitantem manum extendit, & tenuit, subitanea morte percussus sit: qui possem ego non timere, & pœnam eandem metuere, si indignè percepero id, cuius arca illa figura tantum fuit? 2.Reg.6.

Bethsamitæ nihil aliud deliquerant, 1.Reg.6. quàm quòd Arcam fœderis curiosius erant intuii, cum ea per fines eorum defereretur: & tamen adeò indignatus est Dominus, vt ob eam solam causam septuaginta de populo viros, & quinquaginta millia plebis occiderit. Sed ó misericordissime Domine, quanto augustius est Sacramentum hoc Arca fœderis: quanto periculosius est recipere te, quam videre te?

Non immeritò igitur horrere, & contremiscere debeo, quoties venio ad sumendum Dominum tantæ Maiestatis & iustitiæ: Et si tot causæ sint, cur debeam timere tuam magnitudinem, quot erunt rationes metuendi, si perpendam peccatorum meorum multitudinem? memor enim sum Domine multorum, grauunq; criminum meorum, quibus diuinam tuam Maiestatem offendi in hoc mundo.

Fuit, fuit aliquando (gratia tibi Domine, quòd iam non est) tempus illud, quando infinitam illam tuam pulchri-

tudinem, summa obliuione apud me
sepultam, minimè amarem: quando
puluis creaturarum tuarum maiori apud
me in pretio fuit, quàm thesaurus gra-
tiarum tuarum, & spes gloriæ semper-
næ. Lex & regula vitæ meæ erant meæ
desideria & inordinati appetitus: nullam
tui rationem, nullam tui habebam re-
uerentiam, quoniam te non cognosce-
bam

Ego sum insipiens ille, qui dixi in cor-
de meo: Non est Deus; tam dissolutè si-
quidem aliquamdiu vixi, vt moribus
meis profiterer, quòd crederem te aut
non esse, aut nihil posse. Non dedi ope-
ram, vt in amorem tuum me insinua-
rem: non timui iustitiam tuam, non ve-
ritus sum legem tuam præuaricari: gra-
tias, quas debui, non reddidi tibi: etsi te
omnibus in locis præsentem sciebam,
non tamen in tuo conspectu peccare se-
cure, & quidem grauitè erubui.

Quicquid oculi mei desiderârunt, id
omne illis permisi, nec cordi meo vim
intuli, quòd ipsi delectationes eius sub-
traherem; & quod genus flagitij est, quo
anima mea sese non coinquinauit: Quid
aliud fuit vniuersa vita mea, quàm assi-
duum bellum contra te? quid aliud,
quam renouatio omnium tormento-
rum, totiusque vitæ tuæ passionum?
Quoties ego te pro momentanea vo-
luptate, aut minimo lucro, tanquam al-
ter ludas vendidi? Et nunc veniens, vt te

percipiam, quid aliud ago, quàm osculum tibi paro, cum ipso lada, quo te tradam, quem iam antea vendidi. Quid aliud feci, cum alias communicaui, quam quòd cum militibus te delusi, tibi que insultaui, hic genu flectens, & te adorans, illic arundine benedictum caput tuum percutiens?

Quomodo igitur audebo recipere te Domine in statu tam immundo & flagitioso? quomodo tam temerarius esse potero, vt sacratum corpus tuum reponam in speluncam draconum, & in nidum viperarum? quid aliud est anima peccatoris, quàm habitaculum Daemonum, nidus bestiarum, porcile, & cloaca omnis immunditiei?

Quomodo tu requiesces hic Domine, qui puritas es virginalis; & qui fons es omnis pulchritudinis, quomodo in loco tam abominabili poteris habitare? Quæ participatio iustitiæ cum iniquitate? aut quæ societas luci ad tenebras? quæ autem conuentio Christi ad Belial? O flos campi, o lilium conuallium, o panis Angelorum, quomodo pabulum nunc factus es bestiarum?

Quare diuinum hunc cibum das canibus, & pretiosas margaritas mittis ante porcos? O amator animarum purarum & mundarum, qui pasceris inter lilia donec aspiret dies, & inclinentur umbræ: quòd pabulum tibi dare poterò in hoc corde meo, vbi nihil crescit

2. Cor. 6.

Cant. 2.

Cant. 3.

præter tribulos & spinas? Lectulus tuus est de lignis Libani; columnæ eius aureæ, reclinatorium tuum aureum, & ascensus purpureus: in cubili cordis mei nihil horum reperitur, quam igitur sedem tibi illuc intranti ponam? quem lectulum sternam?

Sanctissimum corpus tuum de Cruce sublatum mundissimæ sindoni fuit inuolutum, atque in sepulchrum nouum positum, in quo nemo fuerat iam antea sepultus. Quæ verò pars animæ meæ munda est; quæ noua, in qua te potero sepelire? Quid os meum aliud, quàm sepulchrum patens, de quo nihil præter foetores & putredines meorum peccatorum procedit? Quid cor meum, nisi fons pessimorum appetituum & desideriorum? Quid voluntas mea, nisi domus & reclinatorium Dæmonis?

Quomodo itaque audebo appropinquare tibi? te recipere? te impuris labijs meis exosculari? nullus angulus est in anima mea mundus aut purus, quique non sepius diuersis peccatorum generibus est prophanatus. Non habeo sepulchrum mundum & nouum in quo recondam. O Redemptor & Seruator mi, pudore suffundor, quoties me in tali statu video: erubescor, perpendens qualis ad hoc augustum & regale tuum conuiuium accedo, qualis in amplexus Sponsi cælestis irruo, qui stat iterum paratus, vt me benigne recipiat.

Alicia

Altera pars huius Meditationis.

Agnosco Domine, agnosco magnam indignitatem meam: sed maxima quoque misericordia tua non est à me abscondita: hæc est, quæ mihi suggerit audaciam, & fiduciam ad te veniendi dat, qualis qualis etiam sum. Quò enim indignior ad te venio, cõ magis glorificaris tu, si non repellas me, aut odio prosequaris creaturam tam immundam.

Domine, tu non soles repellere peccatores, sed vocare, & ad te conuertere. Tu es qui dixisti; Venite ad me omnes, Matt. 11.
qui laboratis, & onerati estis, & ego reficiam vos: & alibi; Non opus est sanis Matth. 9.
medicò; sed his qui malè habent. Dete publicè dictum est, quod publicanos & peccatores recipiebas, & cum illis manducabas. Domine mi, tu non mutasti naturam, quam tunc habuisti: ideoque firmiter credo, quod etiamnum de cælo vocas illos, quos tunc in terra viuens vocasti.

Quapropter & ego pia illa vocatione illectus venio ad te, peccatorum pondere prægrauatus: & tu me exonerabis: venio laborans & oneratus, & tu me reficies. Venio tanquam infirmus ad medicum, & tu me sanabis: tanquam peccator ad fontem iustitiæ, & tu me iustificabis. Tu recipis peccatores, atque manducas cum illis; eibusque tuus est

conuersari cum illis, & delitiæ tuæ, esse cum hominibus.

Luc. 7.

Si tantopere delecteris, Domine, talibus conuiuiis, ecce habes hic insignem peccatorem, quo cum potes manducare panem tuum. & redo equidem Redemptor mi, multo plus te oblectasse lachrymas illius publice peccatricis, quam superbum illud epulum tumidi illius Pharisei: propterea nec despexisti illam, nec à te, vt peccatricem reiecasti: sed potius benignè recepisti, peccata illius dimisisti, contra calumniantium oblocutiones defendisti; propter paucas lachrymarum guttas multa illi peccata condonasti.

Ecce Domine, hic noua tibi maioris gloriæ offertur materia, datur occasio: ecce hic iacet peccator, qui multo quidem plura habet peccata, lachrymas verò multo pauciores. Illa nec prima, nec vltima fuit, quam tua misericordia suscepit, multa similia fecisti Domine, & multa similia tibi adhuc restant facienda. Intra Domine nunc numerum eorum, auspicare opus tuum, recipe in gratiam eum, qui te grauius offendit, & qui leuius propter offensionem plangit. Non habet hic tot lachrymas, vt pedes tuos queat lauare: sed tu tantum sanguinis effudisti, quantum sufficit ad ablutionem peccatorum, non tantum meorum, sed totius etiam mundi.

Ne

Ne indignè feras Domine mi, quod talis ex stens, qualem me vides, audeam venire in conspectum tuum. Memento quod non indignatus es, cum paupercula illa, quæ sanguinis fluxum patiebatur, clam ad te venit, quarens remedium suæ infirmitatis, & apprehendens sinubus vestimentorum tuorum: sed potius laudasti illam, & consolatus es, dicens; Confide filia, fides tua te saluam fecit. Ecce ego & maiorem & periculosiorem sanguinis fluxum patiens, quique minus est curabilis, quid agam? quò me vertam? ad quem ibo, nisi ad te Domine, vt beneficium sanitatis adipiscar?

Matth. 9

Domine mi, tu nec officium tuum, neque consuetudinem aut naturam tuam mutasti, quam habuisti, cum nobiscum in terris versaberis, etiamsi hunc in cælos abieris, & procul a nobis abesse videaris. Si enim mutatus esses, alia scriptura, & alio nobis opus esset Euangelio, quod doceret nos quid nunc de te credere, quid de te in cælo residente sperare debeamus.

Lego in sanctis tuis Euangelijs, quòd omnes qui male habebant, ad te confluxerunt, & quòd omnis turba quæsiuit te tangere, eò quòd virtus exibat de te, & sanabat omnes. Ad te venerant leprosi, Luc 6. & tu extendens benedictas manus tuas, mundasti illos. Ad te venerunt cæci, surdi, paralytici, dæmoniaci. Ad te deni-

que omnia monstra huius mundi prope-
rarunt, nullique eorum opem tuam de-
negasti. In te solo salus est, in te medi-
cina & remedium malorum omnium.
Promptior es tu ad dandam salutem,
quàm illi ad poscendam.

Quò itaque ibimus in necessitatibus
nostris Domine, nisi ad te? Scio enim
Domine, quòd diuinum hoc Sacramen-
tum non est tantum cibus eorum, qui
sani sunt; sed medicina quoque malè
habentium & infirmorum: non tantum
fortitudo est viuientium; sed & resurre-
ctio mortuorum: non tantum recreat &
oblectat iustos; sed sanat etiam & purifi-
cat peccatores.

Vnusquisque accedat huc, & accipiat
eam partem, quam sibi putat fore salu-
briorem. Veniant iusti & manducant &
lætentur in hac mensa: sonetque vox
confessionis eorum, & laudis in isto sa-
lutari calice.

Nusquam esse possum sine hoc my-
sterio, nusquam sine illo viuere: & ubi-
cunque sum, excusari non possum, si
non sumpsero: omni enim in loco,
omni in re istud est mihi necessarium.
Si infirmus sim, hic sanabor: si sanus,
hic conseruabor: si viuus, hic confor-
tabor: si mortuus, hic resuscitabor: si
amore diuino ardeam, hic magis accen-
dar: si tepidior sim, hic inflammabor.
Non timebo, etiam si Dominus cæcum
me inueniat: quoniam ille cecos illu-

minat.

minat: non metuam, licet me lapsum conspiciat; ipse enim labentes erigit. Non fugiam à facie eius, sicut quondam fecit Adam, quantumuis nudus sum; ille enim potest nuditatem meam tegere: non me abscondam, quamuis immundus & plenius peccatis videar; ille enim est fons misericordiæ: non erubescam licet pauper sim; ille enim Dominus est omnium rerum creaturarum.

Non magnopere sollicitus sum, quòd ille audaciam meam suam iniuriam interpretabitur: sed occasionem me illi gloriæ maioris daturum arbitror; vt dum ego cæteris omnibus sim miserior, dilucidius in me resplendeat diuinæ misericordiæ magnitudo, eo ipso, quòd mihi auxiliabitur.

Tenebræ illius, qui à natiuitate cæcus fuerat, gloriæ Domini famulabuntur: natus enim cæcus erat; vt manifestarentur opera Dei, sic & miseria meæ conditionis seruiet illi, quoniam in ea magnitudo bonitatis estis conspicietur; si nimirum ille, qui tam sublimis est, tam miseram atque inopem creaturam iuuare non dedignetur: idque potissimum cum hîc nulla ratio mei habeatur; sed tantum meritorum Domini nostri Iesu Christi, propter quæ Pater æternus nobis bene vult, & nos in filios suos adoptat, habetque benignè, vt tales haberi solent.

Ioan. 9.

2. Reg 9.

Oro itaque supplex, & obtestor te nunc Deus meus Pater Domini nostri IESV Christi, vt quemadmodum sanctissimus ille Rex David Miphiboseph debilem pedibus ad mensam suam admisit, quia erat filius magni & chari amici illius Ionathæ, volens hoc modo filium honorare, non propter filium ipsum, sed propter merita patris illius: sic & tibi Pater cælestis placeat me pauperem & immundum peccatorem ad regale tuum conuiuium admittere; non propter me, sed propter merita & honorem singularis amici tui IESV Christi, Domini & Patris nostri; qui cum tantis laboribus & doloribus ad gloriam & honorem tuum nos regenerauit in arbore crucis; qui & tecum viuunt ac regnat in secula seculorum, Amen.

ORATIO ANTE COMMUNIONEM.

Grana-
tenfis
ibidem.

TE laudo, tibi gratias ago dulcissime Domine IESV, Seruator & Redemptor mi, pro tantis tuis beneficijs, quæ in tam vilem & miserabilem creaturam conferre dignatus es. Tibi gratias ago Domine mi, pro omnibus miserationibus tuis, quibus erga genus humanum, in mysterio potissimum incarnationis vsus es; in natiuitate scilicet, circuncisione, in templo præsentatione, in Aegyptum fuga, in ieiunio & tentatione, in laboribus & itineribus multis, in prædi-

catio-

cationibus & persecutionibus mundi huius, in tormentis & doloribus acerbissimæ tuæ passionis, & in omnibus quæ in carne pro me passus es.

Ante omnia verò gratias tibi ago immensas, pro ineffabili tua charitate, quæ te pro me pati impulit: quæ profectò cunctis operibus tuis sine vlla cōparatione maior est. Insuper & quas possum gratias ago, quòd non dedignaris me ad sanctissimam tuam mensam admittere, participemque tui ipsius, & omnium meritorum, inæstimabilisque thesauri tuæ passionis facere. O Deus meus, & Seruator meus, quibus obsequijs hoc nouum & inauditum misericordiæ tuæ genus compensabo? Quis es tu, & quis sum ego, quòd tu Dominus supremæ Maiestatis dignaris venire in luteum, terrenumque habitaculum meum? Domum tuam, Domine, decet sanctitudo in secula seculorum. Cur itaq; venis in domum meam, quæ nunquam non malignitate abundat? Cælum hospitium, & sedes tua est, & terra scabellum pedum tuorum: quia & cælum & terram implet tuæ Maiestatis gloria; quomodo igitur non abhorres ad tam vile hospitium meum diuertere? Ergone putandum est, inquit Salomon, quòd verè Deus habitet super terram? si enim cælum & cæli cælorum capere te non possunt, quanto magis domus hæc quam ædificaui? O

Psal. 92.

3. Reg. 8.

res admiranda, qui sedet super Cherubin, & intuetur abyssos, nunc se ad abyssum vsque humiliat, & in infimo loco sedem suam collocat.

Parum tuæ bonitati visum est, quòd Angelos nostro ministerio destinasti, ipse ad nos venire voluisti, & in animas nostras intrare, vt proprijs manibus illic negotia nostræ salutis operareris. Ibi tu visitas infirmos, erigis lapsos, doces ignorantes, reducis in viam errantes. Quid multis? tu ipse es, qui curas ibi vulnera & languores nostros omnes, non alterius manibus, sed proprijs; non longè petita medicina, sed propria carne, proprioque sanguine tuo semper benedicto mederis.

Ezech. 34

O optime Pastor, quàm abundè satisfecisti tuæ promissioni, quàm olim per Prophetam enuntiasti, dicens; Ego pacem oues meas, & ego eas accubare faciam. Sed quis erit dignus hac gratia? quis erit dignus hoc beneficio? sola tua misericordia, Domine, bonis tam infinitis nos potest dignos facere. Et quoniam sine illa nemo dignus esse potest, illa Domine mihi sit propitia, illa me tantorum mysteriorum faciat participem, faciat & me gratum tam inæstimabili beneficio. Suppleat quæso quicquid mihi deest gratia tua, dimittat mihi omnia peccata mea misericordia tua, præparet animum meum Spiritus tuus, ditent paupertatem meam meri-

ta tua,

ta tua, & eluat omnes maculas animæ
meæ, totiusque vitæ meæ sordes san-
guis ille tuus pretiosus: vt dignè pos-
sim tremendum hoc Sacramentum su-
scipere.

Exultat & lætatur anima mea, ô Do-
mine, quoties recordor insignis illius
miraculi, quo mortuus mortuum olim
cadauer solo attactu corporis sui resu-
scitauit. Nam si tantum potuerit cor-
pus Prophetæ mortui, quid non po-
terit corpus viuum omnium Prophetarum
Domini? Certus sum Domine mi,
quòd tua potentia non est minor po-
tentia Prophetæ, & anima mea non mi-
nus mortua est, quàm corpus illius ho-
minis, nec minoris efficacix contactus
hic, quàm ille. Quare igitur simile be-
neficium in me non expectabo? qua-
re maiora miracula faciet corpus in pec-
catis conceptum, quàm corpus conce-
ptum à Spiritu sancto? quare maiorem
prærogatiuam habebit corpus serui,
quàm corpus Domini? quare corpus
tuum non resuscitabit animam meam
in tuo sanguine sanctificatam, quæ co-
hæret & coniungitur tibi per fidem,
cum resuscitet illud corpora quæ con-
tingit? Et quia corpus hoc resuscita-
tum fuit, vitam non petens, sed sola
virtute ossium beati Prophetæ tui; pla-
ceat quæso infinitæ misericordiæ tuæ
Domine mi, vitam mihi per medium
huius Sacramenti petenti & obsecran-

4. Reg. 13.

ti red-

ti reddere, vt iam non viuam ego, fed tu viuas in me.

O bone IESV, per illam inæſtimabilem charitatem, quæ te pro me tradidit, & ignominioſam mortem obire fecit, te ſupplex oro, vt me ab omni peccato mundes, omni virtutum genere, omnibusque meritis tuis me exornes, & gratiam concedas, vt ſacroſanctum hoc Sacramentum tanta cum humilitate & reuerentia, tanto cum timore & tremore, tanto cum dolore & peccatorum meorum pœnitentia, denique tanto cum amore & charitate excipiam, quãtam auguſtiſſimum hoc myſterium requirit.

Da mihi, benigniſſime Domine, illam intentionis puritatem, cum qua dignè ad menſam tuam myſticam accedere potero, ad gloriam nominis tui ſancti, & ad remedium omnium infirmitatum, neceſſitatumque mearum; vt virtute huius Sacramenti corroboratus, fortiter contra inimicos meos pugnare, illos vincere, meque viuificante hoc cibo in vita ſpirituale ſuſtentare valeam, ſed & huius Sacramenti beneficio fac, vt vnum quid tecum ſiam, tibiſque concorporatus inſeparabiliter inſigream, vnus tecum ſpiritus effectus.

Offeratur hoc ſacrificium pro ſalute omnium fidelium, viuentium & defunctorum. Omnes enim adiuuantur

virtute inæstimabilis huius Sacramen-
ti, quod pro salute omnium est insti-
tutum & Ecclesiæ tuæ relictum à te,
qui viuis & regnas in secula seculorum,
Amen.

ORATIO ANTE COM-
munionem secundam.

OMnipotens sempiterne Deus, ecce
ego indignissimus peccator acce-
do ad Sacramentum vnigeniti filij tui,
Domini nostri I E S V Christi. Acce-
do tanquam infirmus ad medicum vi-
tæ, immundus ad fontem misericordiæ,
cæcus ad lumen claritatis æternæ, pau-
per & egenus ad Dominum cæli & ter-
ræ, nudus ad Regem gloriæ. Rogo er-
go immensæ largitatis tuæ abundan-
tiam, quatenus meam curare digneris in-
firmitatem, lauare sceditatem, illumi-
nare cæcitatem, ditare paupertatem, ve-
stire nuditatem: vt panem Angelorum,
Regem Regum, Dominum Dominan-
tium tanta suscipiam reuerentia & hu-
militate, tanta contritione & deuotio-
ne, tanta puritate & fide, tali proposito
& intentione, sicut expedit salutis animæ
meæ.

Idem ibi-
dem ex
D Tho-
ma.

Da mihi Domine corporis & sangui-
nis Dominici non tantum suscipere Sa-
cramentum, sed etiam rem & virtutem
Sacramenti. O mitissime Deus, da mihi
corpus vnigeniti filij tui, Domini nostri
I E S V Christi, quod traxit de virgine

Ma-

Maria, sic suscipere, vt corpori tuo mystico merear incorporari, & inter eius membra connumerari. O amantissime Pater, concede mihi dilectum filium tuum, quem nunc velatum in via suscipere propono, reuelata tandem facie perpetuo contemplari. Qui tecum viuit & regnat in secula seculorum, Amen.

ORATIO ANTE COMMUNIONEM *tertia.*

Franciscus de Euia habetur in fine lib. 4. de Orat. & Medit. Granat.

PIE Domine Iesu Christe, confiteor me maximum esse peccatorem, & vermiculum immundum, qui non sum dignus in tuum prorepere conspectum. Inidoneum quoque & planè indignum me agnosco, qui recipiam te in domicilium animæ meæ, eo quòd non est munda ab omni macula & iniquitate, quodque ornata & præparata non est virtutibus atque operibus internis, quem tamen apparatus Maiestas tua requirit, antequam suscipiaris tu Deus meus, Creator meus, Redemptor meus: ideoque metuo & contremisco, nec appropinquare tibi nunc audeo. Magna tamen fulcit me fiducia, quòd tu Deus meus es vita viuens, quæ viuificat corpus & animam, omnibusque rebus, quæ vitales sunt, vitam largitur: neque desideras, aut vis mortem peccatoris, sed vt conuertatur & viuat. Tu enim expansis brachijs hærens in cruce, vt recipias nos, alta voce clamas, & nos vt ve-

niamus inuitas, dicens; Venite ad me omnes, qui laboratis in presenti vita, & onerati estis peccatis & tribulationibus, & ego reficiam vos. quietem vobis dabo, & consolabor vos. Et alio loco; Qui sitit, qui salutem appetit, veniat ad me, & bibat de fonte misericordiae, deque torrente poenitentiae.

Matt. II.

Ioan 7.

His aliisque verbis dulcissimis, quae passim in Euangelio tuo reperiuntur, & populo pro concionibus soles proponere, vehementer accendor; atque ex ijs fiduciam talem concipio, vt audeam propius ad te accedere.

Sed & memor infinitae illius bonitatis & misericordiae tuae, qua motus non despexisti Latronem in cruce tibi confitentem, & indulgentiam rogantem; nec Magdalenam, licet peccatricem tota Iudaea celebrem; nec reiecisti preces Chananæ, quamvis Ethnicæ: nec te puduit mulieris in adulterio deprehensæ, cuius in tua accusabatur praesentia. Non repulisti Matthæum sedentem in telonio, nec humilem Publicanum: non lachrymas Petri te negantis, nec ignorantiam Pauli te persequentis. Quid multis? non detestatus es malitiam & iniquitatem eorum, qui te crucifixerunt, posteaquam ipse pro ijs in cruce omnipotenti Patri tuo supplicaueris.

Hæc, aliaque exempla plurima animum mihi addunt, & fiduciam in me

excitant, vt iam cum audaci quadam humilitate veniam ad recipiendum te; omnino confidens fore, vt tu Domine Deus defectus, indignitatemque meam meritis sanctissimæ passionis & mortis tuæ suppleas: Qui cum Patre & Spiritu sancto viuis & regnas per omnia secula seculorum, Amen.

ORATIO ANTE COMMUNIONEM quarta.

Granat
lib. de
Orat. &
Meditat.

CVm tuam Maiestatem, Domine, meamque vilitatem considero, totus horreo, contremisco & in memetipso confundor. Tanta enim est iniquitatum mearum magnitudo, vt nec ego illas corrigere, nec pro illis queam tibi satisfacere. Quid ergo faciam Deus meus, auxiliator meus, & consolator in necessitatibus? Scio quid faciam: Vnigenitus filius tuus perfectissimum in ara crucis pro me tibi obtulit sacrificium. Idem & ego offeram tibi nunc pro peccatis meis, vt illud satisfaciat pro me. Scio enim nihil esse aut in caelo, aut in terra, quod tibi magis placet, aut quo facilius homo tibi reconciliatur. Nec tantum offeram hunc filium tuum tibi, sed & ore & corde meo, licet impuro, illum sumam, comedam, & in animæ meæ viscera transmittam: vt hoc modo magis tibi gratificer, eundemque filium tibi reddam pro omnibus donis, gratijs, & beneficijs, quibus

me adeo deuinctum tenes, vt aliter, nisi hoc modo, dignas tibi referre gratias nunquam potero.

Offero igitur tibi ô aterne Pater, amantissimum filium tuum, & lunam illum, vt per illius gratiam & potentiam vincam inimicos meos, Diabolum, Mundum, & Carnem, mihi insensibilissimos. Suscipiam filium tuum, vt illius diuitia succurrant meæ paupertati; infinita illius bonitas meam expellat malitiam; incomprehensibilis illius diuinitas restauret, perfectamque faciat meam humanitatem per peccata corruptam & debilitatam. Ore & corde, ô suauissime Pater, amantissimum filium tuum percipiam, vt illo Mediatore me tibi proximum facias asidere, ibique me immotum detineas, non aliter atque olim filius tuus pro me in cruce detentus est: de qua descendere noluit, priusquam me perfecte sibi comparasset, atque me tibi reconciliasset.

Per huius itaque filij tui charitatem tibi supplico Pater, vt digneris me adiuuare, meque tibi tam arctè astringere, vt nunquam te deferam, etiamsi totum terrarum orbem à te videro declinare. Quam gratiam non pro me tantum peto, sed & pro omnibus illis, quibus aliquo vinculo sum obstrictus: imò pro omnibus hominibus, viuis & defunctis.

Et tu

Et tu, ô benignissime Saluator, qui dedisti nobis corpus tuum in cibum, sanguinem in potum, & animam in redemptionem nostram, miserere, miserere famuli tui: da misericordiam poscenti, da gratiam indigenti, & fac me talem, vt dignè te in hoc Sacramento, ad quod nunc accedo, suscipiam: si enim indignus accessero, iudicium incurro: & nisi tu me dignum feceris, frustra laboro. Porrigere itaque dexteram, ô pie Iesu, miserrimo famulo tuo, de propriis viribus diffidenti: supple de tuo, quod deest de suo, & fac tibi in me cœnaculum grande, stratum, & ornatum, in quo requiescas dulciter, mirabiliumque tuorum, beneficiorum quoque & acerbissime passionis tuæ memoria habitet sine fine, nec vnquam inde excidat. Qui viuus & regnas Deus, per omnia secula seculorum, Amen

ADMONITIO SVB COMMUNIONE.

Granat.
lib.3. Memorial.
cap. 7.
Matt. 25

Tempore communionis accessurus ad altare Dominicum existens: te audire vocem illam Euangelicam; Ecce sponsus venit, exite obuiam illi. exite vt excipiat is illum: Non enim in alio aliquo Sacramento Deus tam manifestè se sponsum animarum nostrarum esse ostendit, quàm in Eucharistia Effectus siquidem huius Sacramenti est copula, & vnio anima cum Deo, vt fiat ex duobus

quid

quid unū, hoc nāque propriū est matrimo-
 nij spiritualis. Idcirco ut dignè hūc spōsum
 possis excipere, necesse est diligenter cōside-
 res, quomodo & qualis ad te venit: ut &
 tu talis illi obuiā pcedas. Venit enim plen⁹
 charitate, suauitate, bonitate, misericor-
 dia; dicens, q̄ desiderio magno desiderauit
 hoc Pascha māducare tecū Tu itaq; ex in-
 occursū illi, & excipe eū cū omni deuotio-
 ne, amore, timore, reuerētia & gaudio: &
 quicquid in te est, illi obuiam effunde. Exis-
 enim ad recipiēdū verū spōsum animā tuā,
 verū Deum tuū. Creatorē tuū, & summū
 bonū tuū Considera magnitudinē deuotio-
 nis & exultationis, qua cū senex ille Simeō Luc. 2.
 puerulū Iesū in brachia sua excepit, quan-
 go à matre Virgine offerebatur, ob cuius
 visionis desiderū tantummodo vitæ pro-
 gationē optārat. Tali cū desiderio & acuo-
 tione procedas oportet, q̄ venisti: ut in san-
 ctissimo hoc Sacramento eundē Dominum
 percipias. Perpende quoque deuotionem &
 gaudium, cum quo mater Ioannis Baptista
 Dominum hunc in ades suas excepit, cū
 in hac verba plena deuotionis erumperet;
 Vnde hoc mihi, ut veniat mater Domi-
 ni mei ad me? Dic igitur & tu; Luc. i.

EXCITATIO MENTIS

ad deuotionem tempore Com-
 munionis.

K

Vnde

Idem ibi-
dem.

VNde mihi tanta misericordia, vt Dominus Angelorum, & gloria cali ad me venire dignetur? O pater, ô pastor, ô Domine, ô Deus meus & omne bonum meum, cui non satis fuit me ad tuam similitudinem creasse, tuoque me sanguine redemisse; sed voluisti insuper venire ad me, & in me quiescere: voluisti me in te transformare, & facere me tecum vnum. Vnde hæc mihi Domine mi? an quia opera mea promeruerunt? an quia tu bonorum meorum eges? Nequaquam Domine, sed sola bonitas tua & misericordia tua te mouent vt tu delecteris amplius habitare mecum, quàm ego tecum. Ego ad te venio, quia ope tua indigeo: tu ad me venis, quia bonus es. Ego te desidero, quia miser & miserabilis sum; tu quæris me, quia misericors es: ego ad te, quia beneficia expecto à te; tu ad me, quia promptus es ad dandum: tu quia paratior ad dandum, quàm ego ad accipiendum: tu quia liberalior, quàm ego indigus ideoque tu magis oblectaris habitare mecum, quàm ego tecum, vt ipse confessus es, dicens: Delitiæ meæ esse cum filiis hominum.

Prou. 8.

ORATIO SVB IPSAM

Communionem.

QVIS ego sum Domine, & quæ est domus patris mei, vt tu venias ad me, quem Præcursor tuus præ reueren-

tia non ausus fuit tangere? cæli clauiger timuit accedere? omnesque gloriosi principes cælestis curiæ adorant & reuerentur? Fretus tamen ego immensa pietate & clementia tua accedo ad te fontem misericordiæ, medicum vitæ. Sed tu qui solus ex indignis dignos facis, ne me dimittas ieiunum, ne deficiam in via. parce mihi cum Magdalena ad genua tua prouoluto, mihi remitte peccata mea, quæcunque vel ex infirmitate, vel ignorantia, vel etiam voluntariè perperrui. Tribue cæco huic te inuocanti lumen mentis, paralytico robur & fortitudinem spiritus. Exeat virtus de te o bone IESV, fili Dauid, quæ sanet fluxum concupiscentiarum mearum, dum tango, non simbriam vestimentorum tuorum, sed te totum sumo, licet indignus Obluiscere peccatum meum, pro quo fudisti sanguinem tuum. Veni & visita domum istam nomini tuo dedicatam Venio ad te, non in meis meritis, sed in miserationibus tuis immensis: supple quæso de te, quod minus habeo in me. Serua domum istam nomini tuo dedicatam, ne inimicus reuertens faciat nouissima mea peiora prioribus, Amen.

CVM SALVTAREM HO
stiam vides in manu Sacerdo-
tis, dic tecum.

Chryf.
hom. 23.
in Matt.

HOC corpus in præsepi reueriti sunt Magi, & viri impij, & Barbari longo itinere confecto, cum timore & tremore plurimo adorauerunt. Propter hoc corpus non amplius terra & cinis ego sum, non amplius captiuus, sed liber: propter hoc cælum, & ea quæ in eo bona sunt, me accepturum spero. Hoc corpus cruci affixum, verberatum, morte victum non est, hoc corpus sol crucifixum videns radios suos auertit: propter hoc velum templi scissum est, & petrae & terra vniuersa tremuit. Hoc idem corpus cruciatum, lancea vulneratum fontes sanguinis & aquæ vniuerso orbi salutares scaturiunt.

E V C H A R I S T I A M O R E
extipiens, dic:

D. Tho.
Aquin.
Ioan. 6.

Domine non sum dignus, vt intres sub tectum meum: sed tu Domine, qui dixisti: Qui manducat meam carnem, & bibit meum sanguinem, in me manet, & ego in eo; propitius esto mihi peccatori per sumptionem corporis & sanguinis tui: & præsta, & non ad iudicium damnationis illud sumam; sed misericordia tua tribuente in salutem & remissionem omnium peccatorum meorum, Amen.

ADMONITIO POST COM-
M V N I O N E M.

Post.

Ex lib 3.
cap. 6.
Memo-
rialis
Granat.

Postquam salutarē hostiam sumpsisti, eam aliquādiu in ore tuo retine, donec paululum humectetur, ut possis facilius deglutiri. Fit enim nōnunquam, ut hac cautela non utentibus adhareat palato, tantumquē pariat in reuellendo molestiam, ut impediatur, ne cogitet aut meditetur homo, quæ sunt veltunc maximè meditanda.

II. Caue ne statim post Communionem expuas: si urgeat necessitas, fiat hoc in loco mundo, & à pedibus hominum remoto.

III. Sed nec statim post Cōmunionē comedendum est sed expectandum donec species sacramētales digestæ sunt, & resolutæ.

IV. Colloquia humana fabulas & otiosa verba hoc tempore deuota: magna namque inciuilitas est, mox ubi tantum hōspitem in domum tuam exceperis, illi dorsum obuertere, aduentum felicem non gratulari, nolle cum eo sermocinari; sed fugere & ad inanes fabulas conuerti.

V. Toto igitur illo die oportet te occupatum esse orationib⁹, diuinis laudib⁹, meditatio nibus de amore Dei, de passione Domini, de beneficijs diuinis, Deoq; p̄ illis gratia inde finenter agenda sunt. Quādiu enim species Sacramētales in pectore manent (ait Caietan⁹) tã diu mirabiles eff. cū hoc Sacramentū in animab⁹ nostris operatur: ita vbi hic dici possit illud, q̄ olim dixit de semet-

*ipſo Saluator; Quam diu ſum in mundo,
lux mundi ſum Et ſol non tantum illumi-
nat mundum cum ſupra horizontem coſpici-
tur, ſed ante ortum, & poſt occaſum hora
penè integra: ſic & Sol iuſtitia in hoc Sa-
cramēto latitās, nō tantum in ipſo cōmunio-
nis momento, ſed ante & poſt illud radios
ſuos exerit, ante illud per ſpē & deſideriū,
poſt illud verò percepti beneficij memoria.*

MEDITATIO IN SIGNIS

poſt Communionem prima.

Granat.
lib.3 Me-
morial.

O Deus meus, & miſericordia mea,
quomodo dignas potero tibi gra-
tias agere, quod tu Rex Regum, & Do-
minus Dominantium non dedignatus
eſ viſitare animam meam, & pauper-
culum miſeræ meæ domunculæ tectum
ſubire, ibique facere, vt tu & ego Vnum
ſimus, idque mediante inæſtimabili
virtute huius Sacramenti? Quo mune-
re tantum beneficium compenſabo?
quibus officijs tantam tuam bonitatem
remunerabo? quam gratiam poterit dare
creatura miſera, pauper & inops pro mu-
nere tam diuite & pretioſo? Non enim
ſatis tibi fuit nos in hoc myſterio par-
ticipes facere ſupremæ tuæ Deitatis;
ſed ſimul nobis communicare volui-
ſti ſanctiſſimam tuam humanitatem,
vnā cum omnibus meritis, quæ per il-
lam & cum illa pro nobis lucrificiſti:
dans enim nobis hūc carnem & ſangui-

nem

nem tuum, nos etiam participes facis
totius thesauri, omniumque merito-
rum, quæ eadem carne & sanguine com-
parasti. O admirabilem communionem.
O thesaurum nullo pretio comparan-
dum, & hominibus nondum satis co-
gnitum; dignum tamen cuius præco-
nia noctes atque dies in Ecclesia ma-
gna decantentur O clementissime Re-
parator animarum nostrarum, quibus-
cum maioribus diuitijs & pretiosiori-
bus mōilibus nos locupletare potui-
sti, quam hoc augustissimo Sacramen-
to? Merito dixisti Domine in oratione
tua; qua sub ipsam passionis horam Pa-
trem interpellasti; Ego me sanctifico
pro eis, vt sint & ipsi sanctificati in ve-
ritate. Nouo scilicet modo sanctifican-
di, Sanctificatori difficiliore, & sancti-
ficato faciliore Tua enim Domine est
sanctitas, mihi verò fructus sanctitatis:
tu laborasti, ego mercedem accipio: tu
impensas fecisti, ego lucrum colligo:
tu castigaris, & mihi peccatorum datur
venia: tu amaram potionem bibis, &
ego amissam sanitatem cum vita recu-
pero. Pro me satisfecerunt tui dolores,
tui clauī, tuæ alapæ, tuæ spinæ, & pre-
tiosus ille sanguis tuus, non per guttas,
sed per riuos effusus. Me lauauit tuæ la-
chrymæ, me sanant tua vulnera, & pro
me satisfaciunt tua flagella. O diues
communio. O fraternitas infinitorum
meritorum. O commercium inæsti-

Ioan. 17.

mabilis thesauri. Quod peculium, aut quam sortem nos in hanc societatem misimus? quid nos deposuimus, ut tam copiosum lucrum ad nos redeat? Non est profectò tantæ felicitatis alia causa, præter tuam bonitatem. Quare sol terras illuminat? quare ignis obiectum corpus calefacit? cur idem aqua refrigerat? res in propatulo est: sunt enim hæ naturales eorum proprietates, tales enim creaturæ tales producunt effectus. Et tibi Domine proprium est ignoscere, tibi misericordiam facere, idque alijs potius quàm tibi ipsi. Tua bonitas nostra est, eaque non qualiscunque, sed summa. Vt enim proprium boni est esse diffusivum seu communicativum, sanè summum bonum summè quoque erit diffusivum. Et hæc fecisti nobis, quia totum te nobis dedisti. Nascendo factus es noster frater, nutriendo cibus, moriendo pretium, & regnando præmium. Denique, o anima mea, si vnicò verbo complecti velis omnia illa bona, quæ secum adfert tam admirabile Sacramentum, considera illud quod Dominus iste in hunc mundum attulit, cum homo factus in mundum venit. Cum enim in mundum venit, dedit mundo vitam gratiæ, cum omnibus quæ gratiam subsequuntur: ita & cum per Sacramentum in animam venit, eandem vitam animæ largitur. O cibum divinum, per quem filij hominum

in filios Dei transformantur, & per quem humanitas omnis in nobis mortificatur, vt viuat in nobis Deitas Opacem dulcissimum, dignum qui adoretur, animam non ventrem nutriente; cor corroborantem, & corpus non grauantem; spiritum laticantem, & intellectum non conturbantem; cuius virtus appetitus nostros moderatur, voluntatem propriam interficit, vt efficax sit in nobis voluntas diuina.

Quas igitur gratiarum actiones referam, quas laudes tibi cantabo Domine, pro hoc beneficio? Si gratitudo debeat respondere dono, quod quaeso gratitudinis genus sufficiet tali dono? Tu dixisti aliquando famulo tuo Moyfi. Accipe vas aureum, & imple illud manna, & absconde illud in arca foederis, & conseruetur ibi in generationes futuras, vt videant cibum, quem comedere feci vos in deserto annos quadraginta. Si tanti fecisti, Domine, cibum illum corruptibilem, quem dedisti populo in deserto, vt volueris illum seruari ad perpetuam rei memoriam in veneratione; quanto apud nos in honore debet esse cibus incorruptibilis, qui dat vitam æternam his qui manducant. Manifestè video differentiam eandem, quæ est inter vnum cibum, & inter alium, etiam esse inter vnum beneficium, & inter aliud; & proinde debere eandem quoque esse inter vnam gratitudinem,

Exod. 16

Psal. 115.

& alteram. Ille cibus erat terrenus, hic cælestis: ille corporis erat, hic animæ: ille non dabat veram vitam manducantibus, hic vero dignè sumentibus est vita æterna. Sed quid comparisonem hanc vnus ad alterum instituo? quæ enim differentia est inter Creatorem & creaturam, eadem est inter hunc & illum cibum. Si itaque tu, Domine, talem memoriam & gratitudinem poposceris, eò quòd populum tuum cibo corporali & corruptibili nutriueris: quam requires à nobis, quos cibo nutris tanto meliori, quantum Creator præstat creaturæ? Non est laus, non est gratiarum actio, quæ digna est hoc beneficio. Cum itaque diffidam de viribus & facultatibus meis, nec viam, modumque inueniam illum soluendi, quod tibi debeo, non est mihi aliud remedium reliquum, quàm accipere cum Propheta Calicem salutarem, & inuocare nomen Domini; id est, non remunerare beneficia præterita, sed petere noua, & gratiam supra gratiam postulare. Oro itaque, Domine, vt concedas mihi hoc Sacramentum accipere in satisfactionem omnium peccatorum mæorum, & ad emendationem vitæ meæ prioris. Per illud reparetur in me quidquid collapsum est; quidquid mihi deest suppleatur, & paupertas mea diuitijs gratiarum tuarum ditetur. Virtute huius Sacramenti mortifica in me, quidquid diuinis

oculis tuis displicet, & fac me conformem tuæ voluntati. Largiri mihi Domine, vt per myſterium hoc ſemper in te perſeuerem, teque amem perfectè & perſeueranter; vtque ſemper tibi vnitus & coniunctus maneam, pro gloria & honore ſanctiſſimi nominis tui. Propitius eſto Domine omnibus peccatis meis; non meis tantum, ſed & aliorum. Fac Hæreticos & Schiſmaticos ad unitatem Eccleſiæ redire: illumina infideles, vt te agnoſcant. Adiua omnes, pro quibus orare ſum obligatus, & hos qui ſe meis precibus commendârunt. Conſolare patrem, matrem, fratres & ſores, amicos & inimicos meos, cum omnibus qui mihi vnquam benefecerunt. Fac miſericordiam cum omnibus illis, pro quibus pretioſum ſanguinem tuum fundere non dubitaſti. Da gratiam viuus, & requiem defunctis. Tibi autem ſit laus, honor, virtus & gloria, qui viuus & regnas in ſecula ſeculorum, Amen.

MEDITATIO POST COMMUNIONEM ſecunda

Eſt omnes creaturæ, quæ in cælo Granat. ſunt, Domine, & in terra, linguæ eſ- ibidem. ſent etiam diſertiſſimæ; omnesq; promptæ eſſent ad obſequium meum, mihi- que ad reddendam tibi gratiarum actionem operam ſuam offerrent, certum eſt, quòd ne pro minimo tuo benefi-

cio dignas tibi gratias agere possemus. Quòd sine pro minimo quidem beneficio gratias tibi sufficientes agere poterò, etiam tot creaturarum choris mihi assistentibus & auxiliantibus; quid poterò solus, pro tot beneficijs, iisque infinitis modis maioribus? O Deus meus, ô Domine, & Seruator mi, quas gratias tibi reddam? quas laudes dicam? quoniam hoc die voluisti me visitare, consolari & honorare tua præsentia. Sancta illa mater Pròdromi tui Ioannis, plena Spiritu sancto, quando per ostium domus suæ vidit intrantem Virginem, in cuius utero tu, tanquam sponsus in thalamo, requiescebas, expauescens tantæ rei admiratione exclamauit, dicens: Et vnde hoc mihi, vt veniat mater Domini mei ad me? Quid itaque faciam ego vilissimus vermiculus, omnium huius mundi peccatorum primus & maximus? Intrauit ad me hodie hostia consecrata, in qua ipse Deus continebatur, qui ad me venit: quanto itaque maiori cum ratione & ego exclamare poterò & dicere: Vnde mihi hoc, vt non mater Dei, sed Deus ipse, Dominus & creator omnium ad me veniat? Ad me, qui tanto tempore fui receptaculum & vas Sathanæ: ad me, qui toties hunc ipsum Dominum offendi: ad me, qui semper illum spreui, contumelia affeci, & crucifixi: ad me, qui toties illi fel pro suauis potu propi-

Luc. 1.

naui,

naui, quoties peccaui: cui toties ianuam cordis mei occlusi: quem toties à me repuli? Dignus itaque sum, qui nunquam in posterum hunc Dominum accipiam, eò quòd tam turpiter eum à mereieci; dignus sum, qui nunquam posthac ad cœnam eius admittar, quoniam venire nolui cùm me vocauit.

Sed quare ad me, ó Domine? Tu Rex Regum & Dominus Dominantium, qui non eges vllius rei creatæ? Cuius sedes est cælum, & cuius regale scabellum est terra? cuius ministri sunt exercitus Angelorum? quem laudant stellæ matutinae: in cuius manibus sunt omnes fines terrarum? Tu qui sedes super Cherubin, & intueris abyssos, id est, secretissima quæque, & mundo abscondita; penetrans tua sapientia altissima cum profundissimis? Tu Domine incomprehensibilis Maiestatis & magnitudinis venire voluisti hodie in locum tam humilem, abiectum, immundum? An fortè voluisti denuo ad Inferos descendere? an iterum manibus tradi nocentium decreuisti? aut iterum in stabulo bestiarum nasci, & in præsepio reclinari, fœnoque aut paleis quiescere? Idem sanè tibi animus, eadem voluntas ni fallor tibi nunc est, quæ fuit olim; quod enim semel fecisti pro peccatoribus, id quotidie facis pro eisdem. Et siue hoc, siue alio modo me visitaueris,

semper id tuæ debebitur misericordiæ. Nunc autem non solum visitaſti me, ſed ad me, & in me intraſti, in me manes, me in te transformas, & Vnum quid tecum facis, vnione quadam admirabili & ſupernaturali, quæ ſimilitudinem & comparationem quandam habet cum ea diuiniffima & altiffima communione, quæ eſt inter te & Patrem tuum. Quemadmodum enim Pater eſt in te, & tu in Patre; ſic qui manducat te, manet in te, & tu in illo: quæ res poteſt eſſe mirabilior? Admiratus eſt quondam Rex Dauid, quòd Deus tanti faceret hominem. Quid eſt, inquit, homo quòd memor es eius, aut filius hominis quia viſitas eum? Mirabatur Dauid, quòd Deus eſſet memor hominis. At ego miror, quòd ipſe homo pro homine factus eſt, ipſe cum homine commoratus eſt, ipſe pro homine mortuus eſt, ſeipſum homini manducandum dedit: Vnum quid cum homine factus eſt. Mirabatur Rex Salomon, quòd Deus voluit habitare in templo, quod ille tot annis, tot ſumptibus, tot laboribus ædificarat, dicens; Ergone putandum eſt, quòd verè Deus habitat ſuper terram? ſi enim cæli cælorum te capere non poſſunt, quanto magis domus hæc quam ego ædificaui? Cæterum multò magis admirandum eſt, quòd idem cælorum Deus & Dominus, alio excellentiori multò, & nobiliori modo in pau-

ſal. 8.

Reg. 8.

per-

perculam ac vilem animulam non exhorrescit venire, in eaque manere; quæ tamen vix vna die tota laborauit, vt sedem illi præpararet. Mirabatur olim totius mundi machina, & obstupesccebant omnes creaturæ, Deum videntes incarnatum, & hominem factum, descendentem de cælo, & nouem menses continuos in vtero Virginis recubantem. Nec iniuria. Erat enim hoc omnium mirabilium diuinorum maximum, optimum opus Dei, & beneficium cum nullo alio comparandum. Sed vterus ille virginalis plenus erat Spiritu sancto, splendidior stellis cæli, purior Angelis paradisi, virtutibus & gratijs magis adornatus, quàm cælum ipsum, quàm terra ipsa cum omni suo apparatu ornataque: & proinde habitaculum illud erat dignum Deo, à Spiritu sancto præparatum. Sed quòd idem Dominus vult habitare in me, qui impurior sum cœno aut quouis sterquilinio, qui obscurior sum nocte, & quauis cloaca immundior, quis hoc non ad stuporem vsque admirabitur? Esto, per infinitam bonitatem illius nunc lotus sim; aqua gratiarum illius mundatus sim; Sacramentis illius sanctificatus sim; an ne adhuc summa est misericordia, quòd Dominus omnis puritatis, fons candoris & munditiei non abhorret à loco, qui tanto tempore immundus, sordibus & stercorebus, quibus scatebat, pe-

nè computruerat? Quem Principum & Magnatum non præter modum offenderes, si ad mensam eius adferres vas seruitijs Nosocomij destinatum, in quo vomitus ægrotantium excipi consuevit, etiam si laueris & mundaueris illud læpius, vt intus & foris instar niuis candidum esse videatur? Memoria enim præteritarum sordium, fastidium confestim parit intuentibus. Quàm immensa itaque est, o Domine & Saluator mi, tua misericordia, qui non exhorrescis, etiam si inter alia vasa electionis ponatur in mensa tua vas corruptionis & putredinis, quo minus in eo & ex eo comedas. Etsi enim nunc tua gratia mundatum est, remanet tamen in eo recens peccatorum memoria, & pestilens odor, reliquiæ, fæces, & vestigia, quæ difficulter ex anima eluuntur. Quomodo itaque tam benignè pateris, vt tale vas in mensam tuam inferatur, sitque hierotheca, in qua consecrata illa hostia recondatur. O Domine, tibi Angeli benedicunt pro tam immensa gratia, & pro tam infinita misericordia; pro tam excellenti opere, & pro tanto bonitatis tuæ argumento. Nemo iam amplius dubitat, sed fatentur omnes, te tui ipsius nunc maximè esse diffusiuum vel communiciuum: cum vsque adeò temetipsum humiliaueris, atque omni iuri tuo lubens renuntiaueris, tantum vt nobis benefaceres. Nunc abundè satis li-

quet,

quet, quantus sit amor tuus erga genus humanum. Charitas enim, vt ait Apostolus, non est ambitiosa, nec quærit quæ sua sunt; quia tu non fastidis rem tam sordidam & immundam, qualis est cor hominis peccatoris.

Sed quid tandem erit, si prædictis omnibus adiunxerimus illud, quod admirabile hoc Sacramentum mihi prædicat, & in me operatur? O quantam lætitiā, & quā nouum gaudium parit mihi hoc mysterium? Confirmat me in nomine tuo, & contestatur mihi quod Pater meus es, & non solum Pater, sed etiam dulcissimus Sponsus animæ meæ. Scio enim, Domine, proprium huius Sacramenti effectum, ob quem instituisti illud, esse sustentare & delectare animam spiritali quadam voluptate, & vnum quid eam tecum facere. Quod si ita sit, & ex operibus iudicetur cor; quod quæso cor est, de quo talia bona procedunt? Vnio enim vel copula propriè coniugum est, nec dulci amplexuum obsequio domini fruitur seruus, nec filius patris, nisi paruulus is sit, tenellus, & vehementer a patre adamatus: sed sponsæ hæc propria sunt, cui oscula & amplexus sponsi debeantur. Patris est non tantum ea procurare filio, quæ ad vitam sustentandam pertinent; sed etiam quæ ad æstimationem eius & honorem, quæ ad viuendi commoditatem, & oblectandi se, recrean-

dique facilitatem faciunt. Talistantusque amoris effectus, quantus hic est, mundo erat detegendus; sed ad tuum aduentum, lætique Euangelij tempus referuabatur. Cum itaque in alijs Sacramentis & beneficijs tuis ostendas te Regem meum esse, te Saluatorem, Pastorem, Aduocatam, Medicum, Magistrum, Tutorem, Redemptorem, Defensorem, & vt simul omnia dicam, te Dominum meum & Deum meum esse, in hoc tamen solo Sacramento (in quo supernaturali quodam modo animæ meæ coniungeris, vniris, & admirabili quadam voluptate eandem consolaris) apertissimè demonstras, te Sponsum meum & patrem meum esse, nec qualemcunque Patrem, sed talem, qui tenerrimè filium diligit: quemadmodum Iacob dilexit Benjamin, super omnes fratres illius. Illud mihi Sacramenti huius effectus testatur, hæc noua bona mihi annuntiat. Non fallunt neque fucata sunt opera tua: sed quod foris pollicentur, intus habent & conferunt. Per hunc itaque effectum causæ bonitatem agnosco, per hoc opus cor tuum iudico, per humanam hanc tractationem tuam, perque benignam hanc tuam consolationem, in certissimam cognitionem amoris tui, quo me complecteris, deuenio Quod enim beneficium maius, quam maiorem gratiam, quam amoris maiorem hac significationem po-

tuisi mihi commonstrare? O materia
lætitiæ, ô fons voluptatis, ô vena vir-
tutis, mors vitiorum, panis vitæ, me-
dicina sanitatis, ignis amoris, resectio
spiritualis, regale conuiuium, præli-
batio totius felicitatis, satietasque cæ-
lestis. Quid itaque faciam Domine mi?
quas gratiarum actiones tibi reddam?
quo cum amore te diligam? Si enim tu
tantus Dominus me vilissimum abie-
ctissimumque vermiculum amare non
dedigneris, quomodo ego te altissimū,
ditissimum, nobilissimumque animæ
meæ sponsum, non redamabo? Amabo
itaque te Domine, desiderabo te, man-
ducabø te, & bibam te. O amoris dul-
cedo, ô inæstimabilis amor dulcedinis,
manducet te anima mea, & omnia in-
teriora mea dulcissimo suauitatis tuæ
liquore impleantur. O charitas immen-
sa Dei mei, ô dulcemel, suaue lac, pa-
nis delectabilis, cibus magnorum, fac
me crescere in te, vt dignè possim exul-
tare & gaudere de te. O satietas & dul-
cedo voluntatis meæ, ô amor & desi-
derium cordis mei, quare non totus ar-
deo amore tui inflammat? quare non
sum totus instar candentis ferri in amo-
rem transformatus, vt nihil aliud quæ-
ram, præter purum putum amorem?
O ignis cælestis. O flamma dulcis. O
suaue vulnus. O carcer voluptatis, qua-
re catenis istis nō sum compeditus?
quare sagitta ista confossus non sum?

qua-

quare igne isto non flagro, ita vt viscera mea in amore deficiant, & planè consumantur? Filij-Adam, generatio cæca & errore multiplici fluctuans, quid facitis? quò properatis? quid quæritis? Si quæratís amorem, ecce hic amor est nobilissimus, dulcissimus, & super omnia quæ in mundo sunt, venerandus. Si quæratís voluptates, ecce hîc voluptas suauissima, fortissima, & castissima. Si diuitias sectemini, ecce hîc thesaurus cæli, pretium mundi, pelagus omnium bonorum. Si honores ambiatis, ecce hîc est Deus, & cum illo maiestas totius diuinitatis, quæ venit vt te ad æternos honores euehat.

MEDITATIO POST CÔM-
munionem tertia.

Idem ibi-
dem.

AD sacratissimam hanc mensam admissus, & in amplexibus tuis, dulcissime Domine, requiescens, tanta voluptate perfusus, & tot beneficiorum vinculis constrictus, super omnia verò diuino amoris philtro correptus, in posterum renuntio omni delectationi, & amorì externo, propter amorem hunc. Mundus amplius meus non erit. Voluptatibus carnis posthac frui nolo, pompam seculi, eiusque vanitatem non sequar amplius: procùl faceffant à me omnia falsa illa & decipientia nos bona, solum verum illud & vnicum bonum apud me commorabitur. Qui enim

manducat panem Angelorum, indignum est vt ille pabulo bestiarum vescatur. Qui in sedem animæ suæ recipit Creatorem ipsum, quid necesse vt creaturas etiam recipiat? Si mulier tenuis fortunæ, & ex infima plebe nata; Regi vel Magnati cuidam nupserit, Simile. actutum vilis eius habitus excutitur, ipsa mores, incessum, & gestus omnes humiles immutat, eaque assumit, quæ conueniunt eius gloriæ, cuius nunc coniunx est. Eodem modo si anima mea admirabili quodam matrimonio iuncta sit tantæ Maiestati, diuino hoc Sacramento interueniente, quomodo sese ad pristinam vilitatem poterit abijcere, humilisque & plebeie vitæ vestigijs insistere? Quomodo poterit habere ianuas cordis mundo, & his quæ in eo sunt, apertas, qui ipsius mundi Creatorem in se habet commorantem? Quomodo locum dabit in anima sua rebus prophanis, qui nunc totus consecratus est & sanctificatus præsentia diuina? Non admisit Salomon, vt filia Regis Pharaonis vxor sua habitaret in ædibus suis, eo quod arca Domini in illis aliquamdiu seruata fuisset, licet iam aliò deducta, non esset amplius apud Salomonem. Si sapiens ille Rex noluit, vt propria coniunx, & coniunx tanti nominis, Regis Pharaonis filia, pedem in locum vbi arca steterat inferret; eò quod Ethnica esset, & veræ veri

3 Reg 7.

3.Reg.8.

Dei Religionis ignara: quomodo ego
 admittere potero, vt res prophanae &
 seculares cor meum subeant, in quo
 Deus ipse moratur; quomodo admittam
 cogitationes & desideria hominum Eth-
 nicorum ad lectum, in quo Deus ipse
 requiescit? Quæ temeritas esset, si ob-
 scœna & inhonesta profferret lingua,
 per quam Rex Regum paulò ante ad me
 intrauit? Si idem Rex Salomon atrium
 templi, eò quòd holocaustum & sacri-
 ficiu in illo fecisset, sanctificauerit,
 ne in posterum res in illo prophanae tra-
 ctarentur; quanto magis erit rationi
 consentaneum, vt & anima mea san-
 ctificetur, ad quam nunc intrauit ille,
 quem omnia sacrificia & sacramenta
 legis antiquæ significabant? Quia ve-
 rò hac benigna tua visitatione, Domi-
 ne, animam meam tam opulenter di-
 tasti, & honore tam celebri nobilitasti,
 tribue mihi quaso gratiam tuam con-
 comitantem, cuius virtute & diuitias
 illas, & honores potero conseruare. Tu
 neminem soles honoribus impartire,
 cui non etiam in auxilium addis gratiæ,
 quo cum honores illos tueri potest, &
 conseruare: proinde quoniam & me
 honore præsentiae tuæ dignatus es, ob-
 secro te, sanctifica etiam me tua virtu-
 te, ne fortè collatus mihi honor exci-
 dat. Sic enim soles facere in omni lo-
 co, ad quem ingrederis. Ingressus es vir-
 ginaleni vterum sanctissimæ Matris

tuæ,

tux, & quomodo inæstimabili gloria
illam exaltasti, sic etiam inæstimabi-
lem gratiam illi contulisti, quò glo-
riam istam tueretur & conseruaret. In-
trasti mundum hunc, vt cum homini-
bus conuersareis, & quemadmodum
mundum tuo aduentu nobilitasti, ita
& illum reparasti, atque illuminasti tua
gratia. Ingressus es Infernum, & Infer-
num in Paradisum conuertisti, beatos
faciens tua gloria, quos honoraueras
tua visitatione. Denique cum figura
Sacramenti huius, quæ fuit arca fœde-
ris, intrauit in domum Obededom, Ge-
thci, extemplo benedixisti Obededom, 2 Reg. 6.
& omnem domum eius, volens hospi-
talitatem istam diuite præmio remune-
rare. Quia verò tuæ bonitati placuit,
Domine, vile rectum animæ meæ sub-
ire, & ibidem diuersari, incipe quæso
benedicere domui serui tui, & da mihi
gratiam, vt honorem istum possim de-
fendere, te dignum me faciens habita-
culum. Placuit tibi Domine, vt ego es-
sem quasi sanctum illud sepulchrum,
in quo corpus tuum à morte fuit depo-
situm: da mihi etiam habere omnes il-
lius sepulchri proprietates, vt digno
præstem obsequio id, cuius officium re-
fero. Da mihi petreæ firmitatem; da su-
darium humilitatis, da myrrhæ mortifi-
cationem, qua cum appetitus meos pra-
uos, & voluntatem rebellem occidam,
vt tibi totus viuam. Placuit tibi vt ef-

sem quasi Arca fœderis, in qua tu habitasti: da mihi gratiam, vt quemadmodum pretiosissimum, quod in Arca fuit, monile Decalogi fuere tabulæ, ita & in corde meo nihil sit prius, nihil antiquius, quam sanctissimæ legis tuæ desiderium & meditatio. Tu voluisti mihi in hoc Sacramento ostendere, quod Pater meus es: vt filium enim me tractasti, & non filium qualemcunque, sed eum qui tenerrimè à patre suo diligitur. Da mihi gratiam precor, vt huic tanto Beneficio dignè queam respondere, amando te non solum fortiter, sed dilectione tam tenera, vt omnia viscera mea intus liquecant amore tui, & vt ad solam memoriam tui nominis animus & cor meum deficiant. Da mihi etiam spiritum & cor ergo te filiale, qui est spiritus obedientiæ, reuerentiæ, amoris & confidentiæ, vt in omnibus meis tribulationibus ad te confugiam tanta cum fiducia & securitate, quanta cum solet fidelis filius ad patrem recurrere, quem plurimum amat. Et super hæc omnia voluisti mihi palam in hoc Sacramento denuntiare amorem Sponsi ad Sponsam, & tanquam Sponsus animam meam contrectare. Da itaque mihi Domine tale cor erga te, quod amet te amore tam fideli, & forti, vt nihil sit sub sole, quod me possit à te segregare. Dulcissime Sponse anime meæ, extende brachia tua candida, & amore

casto plena, tam arcte me constringe, vt nunquam neque in vita neque in morte à te diuellar. Ad vñionem hanc formandam diuinum illud Sacramentum instituisti; sciebas enim multo securius tutiusque creaturam in te, quam in se ipsa manere: qui enim in te manet, manet in Deo; qui verò manet in se, manet in debili creatura. Aqua gutta, quæ sola est, & seorsim per se manet, brevi tempore siccatur, & ab aëre absumitur: in mare verò recidens, & manens iuncta suo principio, in suo statu manet, aut semper, aut diutissime. Abduc itaque me Domine à meipso, & recipeme in te, in te enim viuo, in me vero morior: in te sanus sum, in me vero infirmus: in te stabilis sum & constans, in me vacillo, & tanquam fumus euanesco. Ne Luc. 24. discedas à me, Domine, mane nobiscum, o bone IESV, quoniam aduersperascit: inclinata iam dies, & nox appropinquat, non vna nox, sed multæ noctes: appropereat enim nox mortis, nox mundi, nox peccati, nox tribulationis, nox temptationis, & nox solitudinis cum ab'entia diuinæ gratiæ. Omnes istæ noctes accelerant, vt irruant in nos; vt tenebris suis nos cooperiant; ne deferas neque derelinquas nos fidelis Custos hominum. Ab omni parte lux nos destituit, charitas refrigescit, crescit malitia, & quid nobis restat Domine, si etiam à te deferamur? Væ nobis, ait Propheta, Hier. 6.

L

quia,

Esa. 5.

Gen. 32.

quia declinavit dies, quia longiores factæ sunt vmbiæ vesperi. Quia cum vera lux, quæ est cognitio Dei & verorum bonorum, fugit, & nos deserit, succedit confectum vmbra falsarum & transitoriarum rerum, quæ magna videtur esse & digna, quam omnes meritò sectentur. Mane itaque nobiscum Domine, tu, qui es lux mundi, in qua singula qualia qualia sunt videntur, & cuiusque rei natura cognoscitur: ne fortè imitemur illos, qui malum dicunt bonum, & bonum malum: ponentes dulce in amarum, & amarum in dulce. Magna mihi profectò felicitas accedit hodie, qui te summum bonum in hospitium animæ meæ excepi, & in cubile cordis mei introduxi: nunc enim optima mihi est occasio tecum secretè de rebus salutis meæ agere, audire tua consilia, & tua sequi decreta. Sed non immeritò turpissima notabor ignominia, si tantam commoditatem frustra mihi excidere patiar, aut intercipi. Non te relinquam Domine, tecum ego rota nocte luctabor: nec dimittam te, nisi benedixeris mihi. Muta Domine nomen meum, & da mihi nomen novum, id est, spiritum novum, cor & modum viuendi novum; tangerum femoris mei, & obstupefeat pes vnus altero incolumi, & integro permanente. Claudicet in me amor huius mundi, sano autem & integro pede

stet amor tuus, vt extinctis & interfectis in me omnibus alijs amoribus, & desiderijs, te solum diligam, te solum desiderem, te solum cogitem, cum te solo permaneam, & in te solo habitem: tibi soli viuam, in te omnis voluntas & cogitatio mea firmetur, ad te in omni tribulatione mea confugiam, à te omne solatium & auxilium accipiam. Denique tu, Domine, temper esto meus, & ego semper sim tuus. Qui viuus & regnas Deus, per omnia secula seculorum, Amen.

ORATIONES ET GRATIARVM ACTIONES POST
Communionem.

ORATIO PRIMA.

Gratias tibi ago Domine sancte Pater, omnipotens æterne DEVS, qui me peccatorem indignum famulum tuum, nullis meis meritis, sed sola dignatione misericordiæ tuæ, satiare dignatus es pretioso corpore & sanguine filij tui, Domini nostri IESV Christi. Et precor, vt hæc sancta communio non sit mihi reatus ad pœnam, sed intercessio salutaris ad veniam: sit mihi armatura fidei, & scutum bonæ voluntatis: sit vitiorum meorum euacuatio, concupiscentiæ & libidinis exterminatio, charitatis & patientiæ, humilitatis & obedientiæ augmentatio: contra

Granat.
ibid. ex
D Tho-
ma

insidias inimicorum omnium tam visibilium, quàm invisibilium firma defensio: motuum meorum tam carnalium, quàm spiritualium perfecta quietatio in te vno ac vero Deo firma adhesio, atque finis mei felix consummatio. Et precor te, vt ad illud ineffabile conuiuium me peccatorem perducere digneris, vbi tu cum filio tuo, & Spiritu sancto, Sanctis tuis, es lux vera, satietas plena, gaudium sempiternum, iucunditas consummata, & felicitas perfecta, per Christum Dominum nostrum, Amen.

ORATIO SECVNDA

post communionem.

Borck in
suo En-
chirid. ex
D. Tho-
ma.

GRatias ago Domine IESV Christe, Rex Regum, & Dominus Dominantium, reuerendæ ac immensæ Maiestati tuæ, qui sacro corpore & pretioso sanguine tuo animam meam nimis aridam, dulciter reficere dignatus es. Rogo te, vt quicquid in me vitiosum, tuæque sanctissimæ voluntati contrarium inuenitur, communionem huius Sacramenti funditus euacuetur: vt cor meum dignum habitaculum Spiritûs sancti præparetur. Sitque mihi dulcissime IESV hoc sacrosanctum corporis & sanguinis tui Sacramentum impetratio veniæ, medicina vitæ, stabilimentum gratiæ, memoria sacratissimæ passionis tuæ, viaticum peregrinationis meæ,

suauitas & dulcedo animæ meæ, salus & sanctitas in tentatione, pax & gaudium in omni tribulatione, lumen & virtus in omni verbo & opere, solamen & tutela finalis in morte. Sic immutet palatum cordis mei, vt præter te nullam vnquam sentiat dulcedinem, nullam amet pulchritudinem, nullum quærat amorem, nullam desideret consolationem, nullam admittat vnquam delectationem, nullum curet honorem, nullamque timeat crudelitatem, Amen.

ORATIO POST SACRAM

Synaxin tertia.

TRansfige dulcissime Domine IESV, D Bonaventura.
medullas & viscera animæ meæ
suauissimo ac saluberrimo amoris tui
vulnere, vera, serenaque & apostolica
sanctissima charitate, vt langueat & li-
quefiat anima mea solo semper amore
& desiderio tui: ne concupiscat, & de-
ficiat in atria tua: cupiat dissolui, & ef-
se tecum Da vt anima mea te esuriat pa-
nem Angelorum, refectionem anima-
rum sanctarum, panem nostrum quo-
tidianum supersubstantialem, habentem
in se omnem dulcedinem & sa-
porem, & omne delectamentum suauitatis:
te in quem desiderant Angeli
prospicere semper esuriat & comedat
cor meum, & dulcedine saporis tui re-
pleantur viscera animæ meæ: te sem-

per fuitat fontem vitæ, fontem sapientie & scientie, fontem æterni luminis, torrentem voluptatis, vbertatem domus Dei: te semper ambiat, te quærat, te inueniat, ad te tendat, ad te perueniat: te meditetur, te loquatur, & omnia operetur in laudem & gloriam nominis tui cum humilitate & discretionem, cum dilectione & delectatione, cum facilitate & affectu, cum perseuerantia vsque in finem; & tu sis solus semper spes mea, tota fiducia mea, diuitiæ meæ, delectatio mea, iucunditas mea, gaudium meum, quies & tranquillitas mea, pax mea, suauitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea & possessio mea, thesaurus meus, in quo fixa & firma & immobiliter semper sit radicata mens mea, & cor meum, Amen.

ORATIO POST COMMUNIONEM quarta.

Francisc.
Euia. ha-
betur lib.
4. de Me-
ditat. &
Oration.
Granat.

Domine mi IESV Christe, qui verus es Deus, & homo verus, qui me hodie tot & tantis beneficijs cumulasti, vt qui mihi omnia mea peccata per merita sanctissimæ passionis tuæ, virtutemque Sacramenti Pœnitentiæ (hoc enim iminota fide & spe firmissima credo) condonasti, quin & participem me fecisti pretiosi corporis

& san-

& sanguinis tui in sacrata illa hostia, quam mox de manu Sacerdotis licet indignus, & absque ullis meritis accipit: te oro per infinitam tuam bonitatem & misericordiam tuam, perque omne id quod es, vt non respiciens ad peccata mea praterita, in tua me gratia, tuoque cultu & obsequio conserues. Da mihi Domine virtutem, vt possim obedire mandatis tuis, eaque obseruare non segnus, quam obseruari vis & praeicipis.

Tibi supplico Domine, vt gratiam mihi concedas, ne ad peccata mea antiqua tanquam canis ad vomitum reuertar: etsi credere & confidere non desinam, quin mihi tanquam verus Pater misericordiarum, & Deus totius consolationis toties per merita sanctissimae tuae passionis ignoscas peccata mea, quoties cum vera contritione ad te conuersus fuero.

Te glorifico, te laudo, tibi Domine quas possum gratias ago, etsi non eas possum quas debeo, & quas tua postulat magnificentia. Optarem igitur vt omnes huius mundi creaturae mecum tibi infinitas redderent gratias, pro beneficijs tuis praeiitis & praesentibus, quibus me onerasti, & pro ijs omnibus, quae adhuc de manibus tuis expecto, tam in hac vita, quam in illa futura. Sit Domine sanctissimum illud, quod suscepisti, Sacramentum mihi non ad sup-

plicium, aut maiorem damnationem, sed cedat in salutem & meritum. Sit mihi meorum peccatorum remissio, sit animæ meæ purificatio, sit mihi robur, sit virtus, sit remedium contra omnia vitæ huius pericula: sit infirmitatis meæ fortitudo, sit mihi contra tentationes omnes propugnaculum, ne mundus, ne caro, ne Diabolus se aduersum me præualluisse gloriatur: tua enim gratia, tuoque subsidio munitus eos facillimè superare potero.

O Deus meus, ô misericordia mea, & omne bonum meum: ô vita & satietas animæ meæ, me tibi commendo, me tuis manibus deuoueo; sub vmbra alarum tuarum volo nunc, & toto vitæ meæ tempore, vsque ad extremum mortis articulum suauiter quiescere: credens firmiter, quidquid credit mater Ecclesia, peccatorumque meorum iugiter à te petens remissionem Oro præterea & inuoco gratiam sacratissimæ Virginis Matris tuæ, omnium beatorum Angelorum, omniumque Sanctorum, & quæ sunt in illa cælesti curia Sanctorum, vt pro me orent, mihi patrocinentur, pro me intercedant: vt beneficium hoc ineffabile, quod tu mihi hodie Redemptor mi præstitisti, ad inæstimabilem, diuinumque hunc cibum me admittens, vtile mihi sit & salutare: Sed & robur conferat tale, quale olim contulit Helix panis ille subcineritius: vt in fortitudine

Reg. 19.

cibi

cibi illius ambulem, & sine periculo perueniam ad montem tuæ gloriæ, ibique cælesti & perenni tuo fruar conuiuio, quod tu Domine cum omnibus Sanctis tuis sine fine celebras in abundantia tuæ suauitatis, & in multitudine gloriosissimarum, dulcissimarumque dapum tuarum, quæ fastidium pariunt nullum. Vbi tu Domine fons es gratiarum cunctos inebrians, purissima sanctitas omnes sanctificans, lux serenissima omnes illuminans. Vbi tu es gaudium perfectum, felicitas vera, & gloria sempiterna, viuens & regnans per omnia secula seculorum, Amen.

CAPVT SEXTVM, QVO CONTINENTVR

ORATIONES PRO

impetrando amore Dei.

PROLOGVS.

Perfectionem vite Christianæ, ad quam p̃i omnes certatim (et si non paribus passibus) contendunt, in amore Dei consistere communis omnium est Theologorum sententia, quamobrem Paulus quodam loco Charitatem vocat, vinculum perfectionis; & alio in loco, finem legis. Tunc enim res est in sua perfectione, quando ad suum peruenit termi-

Colos. 3.
1. Tim. 1.

num, finemque vltimum, ad quem creata est. Cum verò vltimus finis, & quasi centrum rationalis creatura Deus sit, in quo solo inuenitur omne id quod vel intellectus humanus capere, vel voluntas potest amare, vel appetere: consequens est, in amore Dei, vel charitate, hominis perfectionem consistere: cuius officium est vnire hominem cum Deo per amorem, vnumque cum Deo efficere, vt testatur Euangelista, cum dicit: Deus charitas est, & qui manet in charitate, in Deo manet, & Deus in eo. Quò igitur quis in amore Dei perfectior, eo & sanctior est. De natura amoris diuini, de medijs acquirendi, de eius impedimentis latissimè scripsit Granatensis lib. 7. Memoriali, & in Appendice prima.

Sunt autem dua via, qua nos ad amorem diuinum adducunt: quarum prima vocatur scholastica, cum scilicet consideramus cuncta qua nos amore diuino possunt inflammare: qualia sunt beneficia, perfectionesque Dei: aliter dicitur mystica, cum scilicet orationibus ardentissimis, inflammatoque desiderio caleste hoc donū à Deo petimus. Ad priorem illam viam pertinent varia meditationes de beneficijs & perfectionibus Dei, quales plurima inueniuntur apud Granatensem lib. 1. de Oratione & Meditatione: lib. 6. Memorialis,

Et in Appendice posteriori. Inuare quoque hic possunt orationes duæ priores capituli harum precum sequentes: Et quæ toto cap. 10 traduntur gratiarum actiones. Ad posteriorem viam spectant orationes sequentes, ex eodem Auctore desumptæ.

ORATIO PRIMA PRO
amore Dei impetrando.

O Dulcissime, benignissime, amantissime, pulcherrime, charissime, altissime, ó admirabilis, ineffabilis, inæstimabilis, incomparabilis: ó potens, magnifice, liberalis, incomprehensibilis, infinite, immense Deus Tu totus bonus es, totus pius, totus amabilis; tu melle dulcior, niue candidior, omni voluptate delectabilior, omnibus delitiis suauior, auro & gemmis es pretiosior. Tu es Deus meus, vita mea, unica spes mea Da mihi Domine, vt te diligam: si non quantum mereris, saltem quantum in hac vita diligere potes ab homine peccatis subdito, & multis necessitatibus obnoxio.

Granar
lib. 7. &
morial
vite Ch
stianæ.

Cum leproso illo Euangelico Domine in conspectum tuum venio, clama-
mans, Domine, si vis, potes me munda-
re: potes inquam mundare animam me-
am ab omnibus peccatis illius, potes il-
lam tanquam aurum in amoris tui igne
purgare Si vis, potes pauperem hunc
confestim ditare: si vis, potes me læti-
simum facere, omniumque qui in mun-

Matth

do sunt beatissimæ. Quid oberit tibi Domine, si tantum bonum mihi præstiteris: quid ex eo tibi incommodi? quam rerum tuarum iacturam facies?

Agegitur Domine, cum tu sis pelagus infinitæ bonitatis, liberalitatis, & diuitiarum: quid misericordias tuas in ira tua aduersum me detines? Cur iniquitates meæ tua bonitate sunt potentiores? Cur potius me mea damnabunt peccata, quam tua me saluabit misericordia?

Si contritionem & dolorem meorum criminum à me exigas: ecce in tantum me delictorum meorum poenitet, vt mille mortis genera subijsse malim, quàm semel in te peccasse. Si postules satisfactionem, ecce tibi corpus hoc: effunde in illud iram tuam, exerce poenas indignationis tuæ in illo quas libet: saltem ne amorem tui mihi deneges.

Da itaque vt amem te Deus meus, fortitudo mea, refrigerium meum, liberator meus, adiutor meus & spes mea. Te solum quero, te solum desidero, ad te solum clamo, Domine mi. Tu enim es primum principium meum, tu finis vltimus. Res huius vitæ me non satiant, nullam habent suauitatem, stabilitatem & firmitudinem nullam. Quidquid præter te video paupertas est, sine te quidquid vsquam gentium est, aqua mihi turbida est. & falsa,

quæ

quæ sitim non restinguit, sed accendit. Te solum quero, te solum volo, tuam solummodò faciem Domine mi desidero: te oro, charitatem tuam ne elongaueris à me.

Tenebo te, nec dimittam, priusquam benedixeris mihi: adhærebo tibi, nec discedam à te, priusquam introduxeris me in cellam vinariam, & ordinaueris in me charitatem. clamabo post te, nec tacebo, dicam cum Propheta: diligam te Domine fortitudo mea Te mediter per dies sine cessatione, te sentiam per soporem in nocte, quia bene est mihi, cum tecum sum; malè, si tecum non fuero: quia tu solus beatam facere potes animam meam, tu Deus meus, & Dominus meus in secula seculorum, Amen.

Can. 2.
Psal. 17.

ORATIO SECUNDA PRO

amore Dei.

O Bone IESV, ô dulcedo cordis mei, Grana
ô vita & salus animæ meæ, quan- in pro
do tibi in omnibus & per omnia pla mio lu
cebo? quando mihi ipsi perfectè mo- 4. de C
riar? quando præferam te cæteris om- rat &
nibus creaturis? quando non viuet am- Medit
plius in me quicquam præter te? Mife-
rere mei Domine, & adiua me. Tua vui-
nera Domine, tanquam rosas vernan-
tes saluto, absconde me Domine in
illis, & laua me in illis, vt per omnia
mundus sim, & amore tui inflammatus

O Domine Deus, o principium admirabile: o pietas amabilis charitatis, o clarissima lux intellectus mei, o quies meae voluntatis, quando te ardentius amabo? Dignare Domine transfigere animam meam amoris tui iaculo: dignare me tibi consociari, ut unum quid tecum sim. O desiderium meum, o spes mea, o refrigerium meum. Ah si anima mea digna tuis esset amplexibus, ut omnis torpor, omnisque tepor meus ab igne tui amoris absumeretur. O anima animae meae, o vita vitae meae, te totum desidero, & me totum tibi offero, totum toti, unum uni, & unicum unico. O si locum haberet in me, quod tu Patri dixisti; Pater sancte sint unum, sicut & nos unum sumus. Ego in eis, & tu in me: & sint consummati in unum.

ian. 17.

Nihil aliud volo, nihil aliud desidero, nihil aliud a te peto: tu namque solus mihi sufficis. Tu meus es pater, tu mea mater, tu defensor, tu ductor, tu omne bonum meum. Tu es totus amabilis, totus delectabilis, totus fidelis. Quis unquam tam liberalis fuit, ut dederit semetipsum? quis unquam tam tenere dilexit, ut semetipsum pro vili creatura in mortem traderet? Quis tam humilis, qui adeo minuit & humiliavit suam Maiestatem? O Domine tu neminem despicias, neminem fastidis, neminem repellis, qui te quarit: imo

vocas & excitas, vt ad te veniant omnes:
tuæ namque delitiæ sunt esse cum filiis Prou. 8.
hominum.

Tibi Domine benedicunt Angeli, &
quid inuenisti in nobis aliud quam for- Matt. vi
des peccatorum? Quare voluisti nobis
cum esse vsque in consummationem se-
culi? An non sufficebat tibi, quod pro
nobis passus, etiam Sacramenta nobis
in medicinam, & Angelos in socios &
tutores reliqueras? Etsi nos quidem tan-
tis beneficijs simus ingrati, tamen inter
nos habitare voluisti: tam bonus enim
es, vt ne quidem temetipsum negare po-
tueris.

Ineamus itaque (si sic tibi placeat Do-
mine) pactum: tu curam habe mei, &
ego curam habebō tui: tu diliges me, &
ego diligam te: tu corpus & animam
meam protege & conserua, & ego legem
tuam te iuuante obseruabo. Fac mecum
Domine quod tibi placet: tu enim scis
quid desit mihi, & quid expediat mihi.
tuus esse volo, non alterius. Da mihi
gratiam Domine, ne quicquam præter
te quæram, aut desiderem; & vt totum
me tibi offeram.

O ignis qui me accendis; ô charitas
quæ me inflammas; ô lumen me illu-
minans: ô requies mea, ô vita mea, ô
amor meus qui semper ardes & nun-
quam extingueris, quando te perfecte
redamabo? quando te nudis animæ meæ
brachijs amplexabor? quando me &

mundum vniuersum amore tui contemnam? Quando anima mea cum omnibus potentijs & viribus eius tecum vnietur? quando in abyſſo amoris tui absorbebor?

Dulciſſime, amantiſſime, pulcherime, ſapientiſſime, diſtiſſime, nobiliſſime, pretioſiſſime, & digniſſime qui ameris & adoreris, quando ſic te amabo, vt in amore tui totus iaceam abſorptus? ô vita animæ meæ, quæ vt me viuificares, mortem ſubiſti, & moriens mortem occidiſti. occide etiam & me; hoc eſt, omnes meas peruerſas ad malum pronitates, voluntatem quoque propriam, & quicquid impedit, quo minus tu mecum viuas. Poſtquam autem me ſic occidiſti, fac me tecum viuere per amorem & bona opera, vt obſeruem fideliter omnia tua mandata, iuſſaque ſuperiorum meorum, & ea ſolum ſequar, quæ ſunt ſpiritus.

O benigniſſime IESV, da mihi perfectam renuntiationem atque odium peccati. Perfectam quoque cordis ad te conuerſionem, vt omnes meæ cogitationes, omniaque mea deſideria in te ſolo, & circa te ſolum verſentur. O vita ſine qua morior; ô veritas ſine qua falſor; ô via ſine qua deuior; ô ſalus ſine qua pereor; ô lumen ſine quo in tenebris ambulo. Noli Domine, noli permittere, vt vnquam à te diuellar: in te enim ſolo viuo, & ſine te morior: in

te saluus, & sine te perditus sum: in te aliquid sum, extra te nihil sum, quoniam omnino non essem, nisi tu esses in me: & nisi ego essem in te, non esses in me. Esto igitur in me o bone IESV, in memoria mea mane, ex ea te cognoscam, in ea te inueniam, cum reminiscor tui, & delector in te, & de te, ex quo omnia, per quem omnia, & in quo omnia, Amen.

ORATIO TERTIA

pro amore Dei.

SI debitum, quo benefactoribus nostris Ex lib. 5.
pro beneficijs acceptis obstricti sumus, tantum sit; si singula beneficia sint Memo-
quasi faces, & amoris incentiua; si iuxta rialis.
multitudinem lignorum ignis quoque sit magnitudo: quantus, o Domine, merito ignis amoris in praecordijs meis flagrare debebit, si ligna beneficiorum tot sint, quae succendant & nutrant illum? Si mundus vniuersus tam visibilis, quam inuisibilis, cum omnibus quae in eo reperiuntur, sint mera tua erga me beneficia, quam ingens erit amoris flamma, quae in me debebat utillare. Atque adeo amplius, quia non debeo te amare ob ista tantum beneficia, sed etiam quia in te reperiuntur omnes amandi causae & rationes, quae in cunctis sunt creaturis & singula quidem in summo perfectionis gradu.

Si namque bonitatem consideremus

quis

quis te melior inuenitur? Si respiciamus pulchritudinem, tu es pulcherrimus, in cuius faciem Angeli prospicere desiderant. Si quæramus benignitatem & suauitatem, quis te suauior aut benignior reperitur? Si appetamus diuitias & sapientiam, quis ditior aut sapientior quam tu? Si amicitiam, quis amabit aliquid amplius eo, qui pro nobis animam suam posuit?

[latt. 23.]

Si autem ad beneficia reuertamur Domine, à quo est omne id quod habemus, nisi à te? Quid de spe dicemus, cum à te solo, & à tua misericordia speremus & expectemus quidquid nobis deest? Si iure solius naturæ summus debeat amor patribus carnalibus, quis magis pater illo, de quo dicitur: Patrem nolite vocare vobis super terram: vnus enim est Pater vester, qui in cælis est.

Si sponsus tam tenerè à sponfa diligatur, qui alius est sponsus animæ meæ, quam tu Domine? quis replebit fiam cordis mei, & desideria mea, nisi tu? Si Philosophi dicant vltimum finem amore diligi infinito, quis est principium meum, quis vltimus finis meus, nisi tu Domine? Vnde enim originem traxi, & quò vadam vt perficiam, nisi à te, & in te? A quo est omne id quod habeo, & à quo spero me accepturum ea, quibus mihi adhuc opus est, nisi à te?

Denique si similitudo sit amoris cau-

sa, ad

sa, ad cuius imaginem & similitudinem creata est anima mea, si non ad tuam? Age si solus iste titulus, & singuli prædictorum sint amoris incentiua, quale debet esse id, quod ex omnibus istis simul iunctis deriuabitur? Sanè quanto abundantius est mare cunctis fluminibus, quæ intrant in illud, & quanto illud vincit magnitudine; tanto etiam abundantior, & tanto maior atque præstantior est amor tui, cæteris omnibus amoribus externis.

Tam iustas Domine causas, tam præguantes amandi te occasiones cum habeam, cur te non debeam ex toto corde, ex tota anima, ex totis viribus, & ex totis visceribus diligere? O spes mea, gloria mea, gaudium meum: ó amabile principium meum, ó satietas & sufficientia mea, quando erit ille dies cum te verè, & ex toto corde diligam? quando me tibi gratum in omnibus, & pro omnibus exhibebo? Quando mortuum in me sentiam omne id, quod tibi aduersatur? Quando ero totus tuus? quando desinam esse meus? quando veniet illa hora, in qua nihil præter te in me viuet? quando me totum amore tui inflammatum sentiam? quando rapies me cum impetu? quando inebriabis me vberum tuorum dulcedine? quando me totum in te transferes? Quando videbo felicem diem illum, quo tablati omnibus impedimentis, animique

perturbationibus facies vt vnus spiritus tecum sim, nec in posterum à te diuellar?

xi. Ap-
ndice.

Ah Domine, quanti constitit tibi quòd me redemisti? sed redempto semel quàm facillè potes benefacere? cum enim benefacis homini, quid ex tuis ædibus aufertur, quid ex tuis diuitijs perditur, quid ex infinitis thesauris tuis aufertur? cur, ô Domine, ira tua cum misericordia tua aduersum me pugnant, cum tu pelagus sis infinitæ liberalitatis & clementiæ? Memento igitur Domine, quòd ego tuus sum, & tu meus. Noli ergo me fugere Domine, sed sine vt inueniam te. Longum iter facio, sæpe fatigor, sæpe sto, sæpe regredior, ne pigreat te Domine me expectare, qui non possum paribus tecum passibus ambulare.

O Deus meus & salus mea, cur adeò desidiosus sum? cur non summa cum alacritate curro ad te summum bonum, in quo omnia simul bona reperiuntur? Diligam te Domine amore ardentissimo, fortissimoque. Extendam omnium affectuum & desideriorum meorum brachia, vt amplectar te sponse dulcissime animæ meæ, à quo bonum omne mihi polliceor. Hedera vicinam arborem tam fortiter apprehendit, vt singule fibre singula videantur esse brachia. hoc enim adminiculo suffulta in altum ascendit, & suam consequitur perfectionem Ego

autem Domine cui arbori adhærebo, nisi illi, quæ plantata in monte Caluarie, facta est mihi palus securissimus? Non tam largè crescit hedera, nec tam latè pulchritudinem ramorum suorum explicat ab arbore subleuata, quantum anima crescit in virtutibus & gratijs, quæ ab hac arbore fulcitur.

Cur igitur omnia membra mea non vertuntur in brachia, vt omni ex parte amplectar te? cur non amabo te? cur non omnem in te fiduciam collocabo? Adiua me Domine & Saluator mi, traheme in altum post te: pondus namque mortalitatis semper deprimat me. Tu Domine qui ascendisti arborem crucis, vt omnia traheres ad te, tu qui ex tam immensa charitate copulasti naturas duas, adeo inter se differentes, vnâque ex illis personam fecisti, vt vnum quid fieres nobiscum; dignare quæso corda nostra tecum vnire charitatis vinculo indissolubili & tam arcto, vt vnum quid tecum efficiamur. Da mihi vnum hoc Domine, & facies mihi. Operum enim mundi huius non faciunt me: te solum volo, te quero, faciem tuam videre cupio, ad gloriam tuam semper aspirabo, & cum Propheta cantabo, Diligam te Domine fortitudo mea. Dominus mentum meum, & refugium in eum, & liberator meus, Deus meus, sperabo in eum: Protector meus, & cornu salutis meæ, & susceptor meus.

Psalm.

Laudans inuocabo Dominum: & ab inimicis meis saluus ero, Amen.

ORATIO QVARTA PRO
amore Dei impetrando.

Ex prima
Appendice Me-
morialis
Lodou.
Granat.

Flexis genibus cordis mei, & absorptus in abyſſo vilitatis meæ, cum omni timore atque reuerentia venio in conſpectum tuum, ó Deus meus, vt qui ſum inſeliſſima, pauperrima atque viliffima huius mundi creatura Siſto me iuxta fluentia tuæ miſericordiæ, iuxta torrentem tuarum gratiarum: ante ſplendorem veri Solis iuſtitia, cuius radij diſfunduntur per vniuerſum orbem terrarum, & liberaliter ſeſe communicant omnibus, qui illis fenestram non occludunt.

Ecce datur híc in manibus artificis ſapientiſſimi cretæ maſſa, & truncus rudis atque impolitus ab arbore præciſus: fac clementiſſime Pater ex illo, quod facere decreuiſti. Magna eſt audacia, quod creatura tam vilis audet a te petere amorem tam preſoſum & excelſum. Vellem quidem, cum tanta mea ſit indignitas, minus quippiam à te petere: ſed qui ſi faciam miſer, cum uſque accipias vt amem te? Tu me creaviſti vt te diligere, & miſeris mihi niſi te diligam. Mortuus es, vt te amarem, & præcipis mihi, vt nihil feruentius a te petam amore: ſed & tanto opere à me diligitur, vt videns me abſque amore tui, in-

ſitue-

stitueris Sacramentum admirabilis virtutis, quo cor meum amare tu inflam-
maretur.

O Saluator mi, quis ego sum, vt tu amore meum expetas, & hunc in finem tot, tamque admirabiles vias modosque quaesieris: Quid ego tibi sum, nisi tormentum, crux, & quotidiana tribulatio? at tu quid mihi es, nisi salus, quies, & omne bonum? Si itaque tu ames me, qui tibi per omnia sum molestus, cur ego non redamabo te, qui mihi per omnia vtilis es & salutaris?

Fretus igitur, ô dulcissime Domine, his amoris tui pignoribus, pioque illo mandato, quo vsque ad finem vitae placuit tibi tam benignè me inuitare, & præcipere mihi, vt te diligam, per singularem hanc gratiam tuam, aliam similem oro, vt tu scilicet prior mihi tribuas, quod tibi à me retribuui vis: non enim hoc possum dare tibi, nisi tu prior dederis mihi. Non enim dignus sum ego qui diligam te: sed tu dignus es, qui a me diligaris: ideoque petere non audeo, vt tu me diligas, sed vt des mihi licentiam, vt ego diligam te. Noli timere Domine, noli fugere: ne respuas mari à tuis creaturis amore quo possunt maximo.

O DEVS, qui essentialiter amor es; amor increatus, amor infinitus, amor sine mensura; non tantum amator, sed totus amor, a quo procedit amor omnium

nium Seraphin, & cunctarum creaturarum, non aliter atque lux omnium stellarum à lumine Solis: cur non amabo te? quí potero non vri ab hoc amoris igne, qui totum mundum, & quicquid in illo est inflammat, & penè comburit?

O Deus qui essentialiter es ipsa bonitas, à quo bonum est, quidquid bonum dicitur: a quo omnium creaturarum bonitas (non aliter atque à mari omnia flumina) deriuatur; in comparatione cuius plus quàm excellentissimæ bonitatis non est aliquid in cælo, nec in terra, quod bonum dici potest. Cur igitur non amabo te, cum obiectum amoris sit bonitas?

Si amare non potero te, ó Domine mi, ob tuam excellentiam, quomodo potero te non amare, vel ob meam utilitatem? Filius amat patrem, qui ab illo accepit quod est; membra diligunt caput, & sese morti offerunt pro illo, quia per illud in sua essentia conseruantur. Omnes effectus amant in his causas: ab illis enim acceperunt quidquid sunt, & ab illis expectant quod nondum habent. At tu Domine & pater meus es, & caput meum, & causa mea: quod igitur filius patri, quod membrum capiti, quod effectus debet cause, id omne, & quidem multo plus, debeo tibi.

Tu mihi dedisti esse quod habeo, multo perfectius, quam ipsi parentes

mei Tu me conseruas in hoc esse quod dedisti, multò accuratiùs quam caput membra. Tu absolues in me quod deest mihi, donec ad vltimum punctum perfectionis me adduxeris. Tu es pater, qui me fecisti; tu caput, qui me regis; tu sponsus, qui das animæ meæ perfectam felicitatem Tu architectus es huius ædificij; tu pictor huius figuræ ad tuam imaginem & similitudinem facite, quam etiam perfectam efficies. Quidquid habet, à te accepit; quidquid deest ei, id abs te recipere sperat. Quemadmodum enim nemo potuit ei dare, quod est, nisi tu Domine: sic etiam nemo potest perficere, quod imperfectum adhuc est, nisi tu. Quidquid igitur habet, quidquid est, quidquid sperat, id omne tuum est. Quem igitur intuebitur nisi te? cui rationem reddet nisi tibi? in cuius oculis ambulabit, nisi in tuis? quò diriget omnem amorem suum nisi in te, qui es omne bonum illius?

Si tu igitur Domine sis ornamentum & pulchritudo animæ meæ, quomodo tui potero obliuisci? Quia nihil in celo, & a te quid volui super terram, caro mea deficit & cor meum, Deus cordis mei & hereditas mea in sempiternum. O amor increate qui semper ades, & nunquam extingueris: O amor qui semper viuus, & in pectore diuino astuas: O paterni cordis æternum sacculum, quod semper ferit vultum filij

vulnere amoris infiniti: cia vulneret me iaculum istud, inflammet me ignis iste, sequar te dilectum meum, psallam alta voce canticum nouum, deficiat anima mea in tuis laudibus amoris ineffabilis iubilo.

O sanctissime Pater, ô clementissime Fili, ô amantissime Spiritus sancte, quando tu dilectissime Pater habitabis in anima mea, & in secreto cordis mei moraberis, atque me totum possidebis? Quando ego ero totus tuus, & tu totus meus? Quando erit illud, ô mi Rex? Quando veniet dies ille? O quando? ô si adesset? Nunquâne illum videbo? ô quam integra mora, quam odiosa dilatio? Propera ô bone Iesu, propera, & noli tardare: reuertere, reuertere, & curre instar capreae hinnulique ceruorum, super montes Bethel.

O Deus meus, refrigerium vitæ meæ, lumen oculorum meorum, consolatio mea in tribulationibus, finis meorum desideriorum, paradysus cordis, centrum animæ, pignus gloriæ, socius peregrinationis, gaudium exilij, medicina vulnorum, clemens ultor meorum peccatorum, magister ignorantium, dux viæ, iudas in quo requiescit anima mea; portus in quo conseruatur, speculum in quo seipsam contempletur, baculus cui innititur, lapis super quem ædificatur, & thesaurus pretiosus in quo gloriatur.

Si tu igitur Domine mihi sis hæc omnia, quomodo vel ad momentum poteris tui obliuisci? Si oblitus fuero tui, o DEVS meus, obliuioni detur dextera mea: adhæreat lingua mea faucibus meis, si non recordatus fuero tui. Non dabo somnum oculis meis, o beata Trinitas, nec palpebris meis dormitationem, nec requiem temporibus meis, donec inueniam hunc amorem, donec inueniam locum Domino in corde meo, & tabernaculum Deo Iacob in anima mea, qui uiuit & regnat in secula seculorum, Amen.

Psal. 36.

Psal. 21.

ORATIO QVINTA PRO
amore Dei.

Diligam te Domine virtus mea, diligam te ineffabilis exultatio mea, & uiuat iam non mihi, sed tibi tota vita mea, quæ perierat in miseria mea, refusa est in misericordia tua. Sero Maiestatem tuam timui, sero te amavi pulchritudo tam antiqua, tam noua: sero te amavi. Ego te refrigerium meum quærebam, & non inueniebam: quia non rectè quærebam te. Quærebam te extra me, & tu habitabas intra me. Cur uicis & plateas ciuitatis huius intradi, quarens te, & non inueni: quia male quærebam foris, quod erat intus.

Ex appē-
dice pri-
ma.

Interrogauit terram si esset Deus meus, & dixit mihi, quod non: & omnia quæ in ea sunt, hoc idem contempsit.

Interrogavi mare & abyſſos, & reptilia quæ in iſſis ſunt, & reſponderunt; Non ſumus Deus tuus, quære ſuper nos eum. Interrogavi ſtabilem aërem, & inquit vniuerſus aër, cum omnibus incolis ſuis; Non ſum ego Deus tuus. Interrogavi cælum, Solem, Lunam & ſtellas; Neque nos ſumus Deus tuus, inquiunt. Interrogavi denique omnes creaturas, & clamauerunt ad me voce grandi; Ille qui nos fecit, verus Deus & Dominus tuus eſt. Et dixi; Vbi eſt ergo Deus meus? Vbi quæram illum? oſtendite mihi. Et audiui vocem dicentem mihi; In omni loco Deus eſt, quære illum in temetipſo. Ipſe implet cælum, implet terram, implet & cor tuum.

Et redij ad me, & intraui in me, & aio ad me: Quomodo huc intraſti Domine mi? quod oſtium ingreſſus es? Cœpi inquirere & examinare ſingulos ſenſus meos, ſi per quem eorum intraueris? Sed nec ipſi ſciebant, quomodo, & quâ intraueris. Nam oculi dicunt; Si coloratus non ſit, per nos non intrauit. Aures dicunt; Si ſonitum non fecit, per nos non tranſiuit. Naſus dicit; Si non oluit, per me non venit. Guſtus dicit; Si non ſapuit, per me non introiuit. Tactus etiam addit; Si corpulentus non eſt, nihil me de hac re interrogas.

Ingreſſus itaque ô amor meus quomodo eſ animam meam, & non ingreſ-

sus es per aliquod ostium? Lux quidem es in tenebris illuminans, sed quam non capit oculus: vox es super omnem vocem dulcis, sed quam non capit auris: odor es super omnem odorem fragrans, sed quem non capit naris: dulcedo es super omnem dulcedinem delicata, quam tamen non capit gustus: amplexus es super omnem amplexum iueundus, quem tamen non capit tactus.

Vbi eras igitur mi Deus, vbi eras mea lux, vbi eras spes mea? Interrogabam, & dictum est mihi; Ascende in superiores partes cordis tui, & illic Deum inuenies. Verè tu magnus es Deus, qui nostram sapientiam deuicisti. Tu solus potens & verè beatus. Tu es Rex Regum, & Dominus Dominantium. Tu es immortalis, & lucem habitas inaccessibilem, quem nemo mortalium vidit, aut videbit vnquam, & viuet. Multa sunt & magna quæ dicuntur de te Domine: minora tamen & pauciora, quam de te dici possent: & verba deficiunt, vbi tu non deficis. Excedis enim omne quod dicit, omne quod potest cogitari.

Tu dilexisti me amor vnice, Domine mi, antequam ego diligerem te, & ad imaginem tuam creasti me, omnibus creaturis tuis præposuisti me. Insuper facis Angelos tuos spiritus propter me, quibus mandasti vt custodiant me in omnibus vijs meis, ne forte offendam ad lapidem pedem meum. Noluisti me na-

Psal. 90

fei in terra infidelium, sed fidelium, in qua ex aqua & Spiritu sancto regeneratus & sanctificatus sum. Diuitias nimias, aut nimiam paupertatem non dedisti mihi, ne aut superbirem, aut nimium vilesce-rem: sed intellectum mihi & voluntatem dedisti, quibus te cognoscerem & amarem.

Vocasti me cum eram perditus, & pul-
sasti ostium meum: sed ego non respon-
debam. Ego pro meo arbitrio vivebam,
& fortitudini meae nimium tribuebam,
cum tamen non esset fortitudo, sed me-
ra imbecillitas. Volebam currere, & mox
delassabar, atque ubi securum me fore
arbitrabar, ibi inaximè periclitabar. Re-
cessi à te sicut filius prodigus, & abiui in
regionem longinquam, atque inhabita-
tam, ubi amans vanitatem vanus factus
sum. Cæcus eram, & cæcitatem deside-
rabam. Seruus eram, & seruitutem ama-
bam. Vinc-tus eram, & vincula non hor-
re-bam. Amarum dulce, & dulce amarum
credebam. Miser eram, nec cognosce-
bam.

In hoc perditissimo statu cum vive-
rem, oculos tuæ pietatis in me conie-
cisti, & licet ego sine intermissione pec-
cabam, tu tamen me a peccatis reuo-
care non desiste-bas. Quando erravi, in
viam reduxisti me: quando ignoravi,
docuisti me: quando peccaui, corri-
puisti me: quando tristis fui, consolatus
es me: quando desperavi, confor-

tasti me: quando cecidi, erexisti me:
quando fleti, tenuisti me.

Perieram, mortuus eram, ad mortuum descendisti, mortalitatem suscepisti; ad seruum Rex descendisti, vt seruum redimeres teipsum tradidisti. In tantum me dilexisti, vt sanguinem tuum in pretium dares pro me. Dilexisti me Domine, plus quam te, quia mori uoluisti pro me. Tali pacto, tam caro pretio reduxisti me de exilio: redemisti me de seruitute, retraxisti me de supplicio, vocasti me de nomine tuo; signasti me sanguine tuo, vt memoriale tuum semper esset apud me, & nunquam recederet à corde meo, qui pro me non recessit à cruce.

Cognoscam igitur te Domine cognitoꝝ mei, cognoscam te virtus animæ meæ, ambulem semper in lumine tuo. O Sol iustitiæ. Mihi enim adhærere Deo Psal. 7:
bonum est; ponere in Domino Deo spem meam. Mox enim ubi a te auertor, statim ad petituras res conuerto, vanisque cogitationibus distrahor.

O me miserum igitur & infelicem, quando tam inseparabiliter adhærebo tibi, vt nunquam diuellar à te? Quando cogitationes, verba & opera mea ab æquitatis & iustitiæ tuæ regula non amplius discrepabunt? Tu Domine solitudinem amas, & ego hominum commercia; tu silentium, & ego fabulas; tu veritatem, & ego vanitatem: tu

munditiem, & ego immunditiem sequor.

Oro igitur te Domine per te ipsum, oculos meos tua luce illumina, cor meum tuo amore vulnera, gressus meos in viam mandatorum tuorum dirige, ne vquam ab illa declinem Libera Domine captivum, vagum in vulnera tua introduce: lapsum erige, ab omni parte debilitatum refice. Da cor quod te semper cogitet, animum qui te semper diligat, mentem quæ te semper recolat, intellectum qui te intelligat, rationem quæ tibi semper summo delectabili fortiter adhæreat.

Ne fugias à corde meo; ab ore & operibus meis ne decesseris: sed semper adesto mihi; quia adiutor meus es in omni tribulatione. Sine te morior, & recolens te suscitor. Odor tuus me recreat, memoria tui me sanat, lux tua me illuminat, & ad vocem tuam reuiuisco: sed satiabor, cum apparuerit gloria tua, Amen.

ORATIO SEXTA

pro amore Dei.

appē.
e pri-

SI inter omnia quæ nos ad amorem prouocant, nil forma & pulchritudine repetiatur efficacius, cur non ego merito amabo te Domine mi, qui fons es omnis pulchritudinis & decoris? Tu es pulchritudo vniuersæ mundi huius machinæ: quidquid enim in

illa

illa pulchrum est, per te, & à te pulchrum est, quia tu creasti. Pulchritudinem tuam mirantur Sol & Luna: in faciem tuam Angeli prospicere desiderât: in eius namque visione consistit vltima felicitas, & omnium spirituum supernorum gloria

A te suam sortiuntur pulchritudinem volucres, flores, fontes, agri, flumina, maria, nemora, siluæ, arbores, terra, montes, valles, & quidquid in illis conspicitur. Tu ornasti cælum stellis, aërem auibus, aquam piscibus, præta floribus, & terram infinita plantarum atque animalium varietate. In omni loco mundi tu pulcher es, quia vbique tue pulchritudinis conspiciuntur indicia. In cælo es pulchritudo gloriæ, in inferno iustitiæ, in bonis hominibus gratiæ, in malis patientiæ.

Sed & amabo te Domine mi, qui omnium rerum es perfectio. Tu laus es Angelorum, præmium Sanctorum, spes Patriarcharum, lumen Prophetarum, gaudium Apostolorum, corona Martyrum, gloria Confessorum, pulchritudo Virginum, & salus omnium Electorum. Omnes beati Spiritus laudant te, & facie tua columnæ cæli contremiscunt, te honorant & reuerentur omnes mundi creaturæ.

Tu repleas omnia, nec dilataris: tu penetras omnia, nec moueris: tu in omnibus rebus es, nec vlia concluderis. Tu

creasti omnia absque necessitate, tu gubernas omnia absque vlllo labore: tu mutas omnia, & ipse non mutaris. Tu solus iudicas sine vlllo errore; tu solus castigas sine vlla perturbatione, tu solus dona distribuis, & nihil thesauro tuo de- cedit. Tu solus es tibi & omnibus rebus sufficientissimus Qui te igitur habet, is habet omnia: & qui te non habet, etiam si omnes habeat huius mundi thesauros, pauper est, nudus est, miser est & misera- bilis.

Vna sæpe res nos ad tam insanum creaturæ alicuius amorem impellit, vt pro ea mille mortes appetere non du- bitemus. In te autem Domine, cum tot, tantaque simul concurrant, cur te non diligam? cur non lubens acerbissima quæque pro nominis tui gloria per- feram? cur non lubens pro te sangui- nem meum fundam, qui tuum tam li- beraliter pro me effudisti? Si conside- rem beneficia, nulli plus quàm tibi de- beo: si amorem, nemo mihi melius vult quàm tu: si cognitionem, non habet anima mea te coniunctiorem. Magna profectò amoris causa est simi- litudo, & quæ maior similitudo, quàm quæ est inter te Domine, & animam meam, quæ creata est ad imaginem & similitudinem tuam? Tu es spiritus, & anima mea spiritus est: tu es inuisibi- lis, & anima mea inuisibilis est: tu im- mortalis, & anima mea immortalis:

tu in-

tu intellectum habes, memoriam & voluntatem, easdem habet & anima mea potentias.

Tu cum sis simplicissimus & inuisibilis, totus es in toto mundo, & totus in singulis eius partibus: & anima mea cum eiusdem sit conditionis, tota est in toto corpore, & tota in quolibet eius membro.

Cum itaque tanta sit inter me & te, ô amor mi, similitudo, cur non diligam te? An quia tu excelsus es, & ego humilis? an quia tu creator, & ego creatura? an quia tu essentia es perfectissima, & ego totus imperfectus? Non hoc impedire, sed augere debet nostram dilectionem: multo namque amabilior est similitudo cum inæqualitate proportionata, quam quæ omni ex parte est æqualis. Maior est amor patris in filios, & vxoris in maritum, quam fratrum inter se, qui sunt æquales. Suauius sonant voces inter se differentes, si ad proportionem reducantur, quam quæ consonæ sunt & uniformes. Et hæc igitur inæqualitas, quæ est inter te & animam meam, maioris sit, Domine, causa dilectionis.

In te igitur, ô dilectissime sponse animæ meæ, in te sunt omnes amoris causæ, quæ possunt excogitari, dignissimusque es qui amore diligaris infinito: sed voluntatem in me deprehen-
do eum in modum deprauatam, ut id

præstare nequeat, taceo quod subinde semetipsam plus, quàm te diligat.

Quare nisi tu Domine sanes naturam meam infirmam gratia tua, & nisi in cor meum virtutem charitatis per Spiritum sanctum infundas, nunquam potero te amore gratuito & supernaturali (quali cum amari dignus es, & vis) diligere. Da igitur mihi mihero gratiam, vt quod vis & iubes præstare possim. Da mihi vt te diligam, si non amore quo tu dignus es, saltem eo quem mea potest capere natura: hoc est, ex toto corde meo, tota anima mea, tota fortitudine mea, & totis viribus meis: ita vt omnia viscera mea intrinsecus ardeant, & amore tui liquefiant.

Da mihi vt te diligam amore simplici, & gratuito, non mercenario, vel vlla mihi proposita vtilitate: da vt amore puro, nulla peruersa intentione maculato; nihil vt cupiam, quàm te propter te. Da mihi Domine amorem fortem & inuictum, qui nulla pericula, nullos labores, nulla damna, nullas iniurias, nullos cruciatus pro te pati recuset, aut abhorreat. Da amorem alacrem & diligentem, qui semper occupetur in rebus ad cultum tuum pertinentibus. Da amorem vnitium, qui nunquam intermittat amare te, aut vnuquam reparetur à te. Da Domine amorem inextinguibilem, qui omnia contemnat propter te: da amorem discretum,

qui non excedat legem tuam zelo & feruore immodico.

Da denique, ô Deus meus, vt te diligam amore ordinato, qui omnia diligit iuxta dignitatis cuiusque proportionem: te autem super omnia, amore dulci & suauis, qui in nulla re dulcedinem aut oblectationem inueniat præterquam in te: amore zelo æstuante, qui nihil desideret magis, quàm tuam gloriam, nihil magis odio habeat, quàm ignominiam sancto nomini tuo irrogatam: denique amore tam violento, vt auellat cor meum ab omni re peritura, semperque ad te sursum rapiat, donec transcam ex hoc loco exilij in patriam illam cælestem, vbi facie ad faciem tuæ videns pulchritudinis magnitudinem, diligam te perpetuò, cum perfectis illis amatoribus, qui nunquam cessant amare & laudare te Regem Regum, Dominum Dominorum, & Deum Deorum in Sion, Amen.

ORATIO SEPTIMA PRO

amore Dei impetrando.

O Summe, optime, omnipotentissime, misericordissime, iustissime, fortissime, incomprehensibilis Deus, Domine mi: tu qui es omni melle dulcior, omni lacte candidior, omni luce clarior, omnibus margaritis pretiosior, infinita sunt quæ me in amorem tui rapiunt. Tu enim excelsiores cælo,

Ex
dic
ma

II.

profundior inferno: tua mensura longior terra & latior mari, vt inquit Prophetas tuus. Quis te perfectior? quis te melior? quis te pulchrior? quis te benignior? quis nobilior? quis potentior? quis sapientior? quis ditior? Omnia hæc in te sunt Domine, & propter singula meritò diligendus es, cum summum bonum sis.

t.2.

Cæterum cum omne quidem bonum amabile sit per se, magis tamen vnusquisque diligit bonum proprium. Diligam igitur te Domine Deus meus, non tantum quia summum bonum es: sed & quia bonum meum es. Cum enim considero, & mecum perpendo, quot titulis ac modis meus factus es, liquefunt interiora mea, & clamor cum sponsa, Dilectus meus mihi, & ego illi.

Tu enim Domine creator meus es, tu sanctificator & glorificator meus es; tu mihi dedisti esse naturæ, dedisti esse gratiæ, dabis & esse gloriæ. Tu meus es adiutor, meus gubernator, defensor, tutor, & custos: tu denique Deus meus, Dominus meus: tu salus, tu spes, tu gloria, tu omne bonum meum es.

Et quidem hæc omnia mihi es, quatenus Deus, quatenus Creator & conseruator es omnium. Quatenus autem homo nō; multi sunt alij tituli, officia alia, & alia vincula, quibus ego, tibi, &

tu mihi deuinctus es: propter quæ & ego te amore (si fieri posset) infinito diligere meritò deberem. Tu namque meus es restaurator: restituiſti enim integrum naturam humanam, quæ per peccatum erat debilitata. Tu meus es liberator: tua namque captiuitate me à tyrannide peccati, mortis, inferni, & Dæmonis, hostis mei capitalis vindicaſti. Tu meus es redemptor: pretio namque & incomparabilis sanguinis tui theſauro profuſo, me à ſeruitute, in quam per peccatum eram prolapſus, redemiſti.

Tu meus es Rex: regis namque me tuo ſpiritu; pro me pugnaſti, & me ex hoſtium manibus eruiſti. Tu meus es Sacerdos: oraſti enim, & oras indefinenter, tanquam æternus Sacerdos, pro me, in conſpectu Patris tui caeleſtis. Tu meum es ſacrificium: obtuſiſti namque temetipſum in ara crucis, vt mea crimina clemens expiares. Tu meus es aduocatus: cum enim Diabolus me accuſat, & libellum, in quo peccata mea deſcripta ſunt, Patri tuo porrigit, tu cauſæ meæ patrocinaris: tu deponis de tuo, & ſuppleſ omne id, quod meæ deeſt iuſtitie. Tu meus es mediator: es enim Deus ſimul & homo, amicus hominum & verus homo, amicus etiam potens Dei, & verus Dei filius, atque ita te medium inter me & Deum interponis.

Tu meus es pastor: pascis enim & regis animam meam, tanquam ouem gregis tui. Tu meus es cibus: tu enim ipse es quo nutrior in illo diuinissimo altaris Sacramento. Tu meus es Pater, & pater futuri seculi: regenerasti me namque grauissimis doloribus in arbo-
re crucis, & nouam essentiam mihi per Spiritum sanctum dedisti. Tu caput meum es, & quidem vniuersale caput Ecclesiæ: à te namque, tanquam à capite vero defluit in illam, omniaque illius membra virtus, vita & sensus spiritualis. Tu verus medicus meus es: sanguine namque tuo vulnera & liuores animæ meæ sanasti.

Tu meus es magister: doctrinæ namque tuæ luce viam ad cælestem patriam mihi demonstraisti. Tu meum es exemplum: non enim verbis tantum, sed multo magis operibus & vitæ tuæ sanctissimis exemplis in hanc me viam deduxisti. Tu mea es fortitudo & gaudium: non enim est tribulatio vel dolor tam ingens, quem memoria tuarum, quas pro me sustinuisti, passionum non faciat mihi dulcem & tolerabilem. Tu meus es honor & gloria: factus namque homo pro me, fecisti me fratrem tuum, tuæque naturæ consortem.

Tu denique meus Saluator es, & quidem talis Saluator, qui vbique, semper, & in omnia mihi sufficis: per-

festissimè namque omne id quod ad salutem meam requirebatur, in medio terræ operatus es. Ignorantiam meam tua doctrina illuminasti, debilitatem meam tuis exemplis corroborasti, temporem meum tuis beneficijs inflammasti, animam meam tuis mysterijs erudiisti, paupertatem meam tuis meritis ditasti, vulnera mea tuis Sacramentis curasti, tuis doloribus pro meis voluptatibus satisfecisti, & nunc in cælis ad dexteram Patris tui sedens, pro me intercedis. Quid multis? Tu factus es mihi sapientia & iustitia & sanctificatio & redemptio: ac proinde bonum omne.

1. Cor. 1.

Quæ igitur impudentia non amare Dominum, qui hæc omnia mihi factus est, & cui ratione tot titulorum ac beneficiorum deuinctus sum? Si homines eodem amore, quo diligunt semetipsos, etiam diligant omnia quæ sua sunt; cur ego non amabo te Domine, si te meum esse velim, idque tot officijs & beneficijs, tamque fragrantibus in rebus? Quod si pro singulis horum beneficiorum tibi totum cor meum debeam, nec vnum hoc tantum, sed plura si haberem; ecquid tibi debebo, si hæc omnia beneficia simul coniungamus? Quæ iniquitas igitur esset nolle dare cor vnum quod habeo, cui tot etiam alia meritò debentur? Et si singula horum beneficiorum incentiua sint atque

stimu-

stimuli dilectionis, quinetiam & sagittæ corda hominum transfigentes, quomodo ego inter tot incendia dilectione non ardeo? quæ sit vt totus frigidus permaneam? inter tot tela quomodo non vulneror? quomodo quasi carens sensa in duritie cordis mei perseuero?

Tibi Domine de stupore atque insensibilitate cordis mei conqueror: tibi infidelitatem illius confiteor: tu enim pluens in illud amoris causas innumerabiles, nihil ab illo refers dignum tot obligationibus. O cor ipsis feris ferius, saxo insensibilius, durius adamante, quod tot ictibus non molitur.

Te itaque, ô speciose præ filiis hominum, te oro, da mihi vt desiderem te, amem te quantum volo, & quantum debeo. Immensus es, & sine mensura debes amari, præsertim à nobis, quos sic amasti, sic saluasti, pro quibus tanta & talia fecisti. O amor qui semper ardes & nunquam extingueris, dulcis Christe, bone Iesu, charitas Deus meus; accende me totum igne tuo, amore tui, dulcedine tua, dilectione tui, desiderio tui, charitate tua, iocunditate & exultatione tua, quæ sancta est & bona, quæ casta est & munda, vt totus amoris tui dulcedine plenus, totus flamma charitatis tuæ incensus, diligam te Dominum meum dulcissimum ex toto corde meo, ex tota anima mea, ex totis vi-

ribus

ribus meis, ex tota intentione mea, & nihil in me sit, quod te non diligat. Si enim hæc omnia, & quidem tot nominibus ac titulis tua sint, quem diligam præter te?

Et quia diligere est bene velle huic quem diligimus, tuque Domine tot bonis abundes, vt plura tibi optare non possim, quam habes; id vnicum volo, vt etiam cor meum habeas, & omnia mea tua sint, proque infinita gloria tua summas tibi gratias ago. Similiter & hoc volo, vt omnes creaturæ tibi seruiant, te honorent, laudent, glorificent, atque vniuersa terra tuis laudibus repleatur. Hoc sit semper meum desiderium, hoc cibus, hoc delitiæ meæ, tibi omni tempore vt benedicam, & laus tua in ore meo sit semper. Sed quia non est laus pulchra in ore peccatoris, oro Sanctos & Sanctas omnes, omnesque cælestis aule Spiritus, vt semper te laudent: eorum enim est laudatio.

Benedicite igitur omnia opera Domini Domino, laudate & superexaltate eum in secula. Angeli & Archangeli benedicite Domino, laudate & superexaltate eum in secula. Virtutes & Dominationes benedicite Domino, laudate & superexaltate eum in secula. Principatus & Potestates benedicite Domino, laudate, &c. Beati Throni, in quibus sedet atque iudicat Dominus, benedicite Domino, laudate, &c. Che-

rubin & Seraphin, qui amore Creatoris vestri toti igniti exardescitis, benedicite Domino, laudate, &c. Apostoli & Euangelistæ fundatores Ecclesiæ Christianæ benedicite Domino, laudate, &c. Gloriosi exercitus Martyrum benedicite Domino, laudate, &c. Virgines inclytæ & continentes omnes benedicite Domino, laudate & superexaltate eum in secula. Benedictus es Domine patrum nostrorum, & benedictum nomen gloriæ tuæ, sanctum & laudabile, & superexaltatum in omnibus seculis, Amen.

CAPVT SEPTIMVM, VARIAS AD SANCTISSI-

MAM TRINITATEM

orationes continens.

PRIMA ORATIO AD SAN-

ctissimam Trinitatem, de magnitudine Maiestatis eius.

lib 5
mo-
dis vi-
Chri-
ana
ana-
mis.



Domine Deus expers principij, immortalis, incomprehensibilis, incircumscrip-
te, incorporeæ, indefinite, imperuestigabilis: vbique præ-
sens, sed latens, vbique totus, sed immen-
sus, qui sapientia tua nunquam satis lau-
danda immensum hunc mundum cre-

asti,

asti, in ipsoque hominem collocasti,
Sancta Trinitas, vnus Deus miserere
mei.

Si Publicanus ille Euangelicus non ausus fuerit oculos suos ad caelum attol-
re, sed à longe stans pectus suum percus-
serit, dicens; Deus propitius esto mihi

Luc. 18.

peccatori. Si peccatrix illa sancta timue-
rit in conspectum Domini venire, sed
stans retro secus pedes eius lachrymis ab
oculis suis defluentibus peccatorum suo-
rum remissionem impetrauerit: Si san-
ctus ille Patriarcha Abraham volens

Luc 7.

cum te Deo sermonem miscere, dicebat;
Loquar ad Dominum meum, cum sim
pulus & cinis. Si illi omnes tam humi-
les, tuique reuerentes fuerunt, in con-
spectum diuinæ Maiestatis tuæ venien-
tes, cum tamen essent sanctissimi; quid

Gen. 18.

faciet pauper & miserrimus peccator,
qualis ego sum? quid faciet puluis & ci-
nis? quid faciet abyssus omnium mise-
riarum & peccatorum? Sed quia, mi Do-
mine, non possum obtinere timorem il-
lum illamque reuerentiam, quæ tantæ
Maiestati debetur, nisi meos oculos in ea
imotos figam, da mihi licentiam ut
audeam oculos meos ad te tollere, nec
splendor gloriæ tuæ aspectus mei fra-
gilitatem impediat. Video quidem te es-
se magnum illum Deum, qui omni
intellectus nostri capum transcendit.
Scio nullum intellectum creatum te
posse comprehendere, & quamuis hoc

ita sit, non possum tamen facere quidquam vtilius, quam vt oculos in te figam meos.

Igitur, ó Summe, omnipotentissime, misericordissime, iustissime, pulcherrime, fortissime, stabilissime, simplicissime, perfectissime, incomprehensibilis, secretissime, & tamen omnibus præfens, inuisibilis & tamen videns omnia; immutabilis omnia mutans & renouans, quem spacia non dilatant, nec angustiae coarctant, nec varietas mutat, nec corruptio perdit, nec tristitia conturbant, nec lata mouent in sua essentia: cui nec obliuio tollit, nec memoria quicquam addit, nec præterita præterierunt, nec futura succedent: cui nihil dedit principium, nec tempus augmentum, nec finem quicquam daturum est: viuus enim & regnas in æternum. Tu es ille qui possides omnia à termino vsque ad terminum, & qui cuncta disponis suauiter. Tu es ille, qui creasti omnia sine vlla necessitate; & conseruas omnia sine labore; & regis omnia sine molestia; & moues omnia ipse immobilis. Tu totus es oculus, totus pes, totus manus; tu enim vides, sustines, & operaris omnia. Tu in omnibus es, nec tamen conclusus; tu extra omnia, nec tamen disunctus; tu sub omnibus, nec tamen subiectus; tu super omnia, nec tamen eleuatus. Tu es summus & verus Deus, summa & vera vita, à

qua & per quam vitam habent & viuunt omnia. Tu Domine es ipsa bonitas & pulchritudo, à qua, & per quam pulchrum & bonum est omne, quod pulchrum & bonum est. Tu es ille, qui iubes nos quærere, & das inuenire; iubes pulsare, & aperis, quando te inuocamus. Tu es ille, a quo recedere cadere est; & cui appropinquare est resurgere, & in quo stare est in æternum durare. Tu es ille quem nemo deserit nisi insipiens, nemo quærît nisi vocatus, nemo inuenit nisi purgatus. Tu es ille quem cognoscere est viuere; cui seruire regnare est; quem laudare salus est, & tu ipse gaudium es laudantium te. Quid ego itaque, Rex mi & Saluator mi, quid ego dicam? ego inquam miser vermiculus quid dicam de tanta laudum magnitudine? Dicam id quod Prophetæ tui Spiritus numine afflati dixerunt; Quis mensus est pugillo aquas, & cælos palmo ponderauit: Quis appendit tribus digitis molem terræ, & librauit in pondere montes, & colles in statera? Quis adiuuit Spiritum Domini, aut quis consiliarius eius fuit, & ostendit illi? Cum quo inijt consilium, & instruxit eum, & docuit eum semitam iustitiæ, & erudiuit eum scientiam, & viam prudentiæ ostendit illi? Ecce, Gentes quasi stilla situlæ, & quasi momentum stateræ reputatæ sunt: Ecce, Insulæ quasi puluis exiguus. Et li-

Esa. 40.

Sap. 11.

gna Libani non sufficient ad succendendum, & animalia eius non sufficient ad holocaustum. Omnes gentes quasi non sint, sic sunt coram eo, & quasi nihilum & inane reputatae sunt ei. Et enim si in praesentia Solis omnes stellae caeli non lucent, imò sunt tanquam non essent, cum tamen & ille, & hae creaturae sint; quid erunt omnia creata in conspectu tuo, qui Creator es totius Vniuersi?

Igitur, ô Domine, te principaliter adoro cum humilitate profunda, & reuerentia tibi debita, cum illa adoratione latræ, quæ tibi soli debetur, nulli autem creaturae: quo cultu adorant te Dominationes caelestes & omnes mundi creaturae: quarum licet multae non cognoscant te, non possunt tamen non adorare te illarum singulae in suo genere, & suo modo diuinitatis tuae sceptro homagium offerre, tuamque magnitudinem cognoscere: Tu enim solus es Deus Deorum, tu solus Rex Regum, tu solus Dominus Dominantium, & causarum causa. Tu es α & Ω , Principium & Finis omnium rerum. Tu principium es sine principio, & sine fine finis. Tu solus es ille qui es: omnia namque alia, quantumuis praestantia, habent esse ab alio mutuatum: esse autem tuum est summum, perfectum, vniuersale, & quod à nullo alio dependet. Ideoque merito diceris esse, qui es: quia

quid-

quidquid creatum est, non habet esse, si tecum conferatur.

Quare, Domine, agnoscens omnia hæc magna & mirabilia, prostratus ante pedes diuinæ tuæ præsentia, cum omni qua possum humilitate te adoro, quomodo adorant te beati illi Spiritus, qui procedentes ante sedentem in throno Maiestatis tuæ, & mittentes coronas tuas ante pedes tuos, adorant te, & confitentur omnia quæ habent à te procedere Sic & ego Domine, qui sum omnium creaturarum vilissimus, adoro te, & millies te veneror, confitens, quia tu es meus verus Deus, & Dominus, quodque omne id quod sum, & in me inuenio, vt esse, viuere, & spirare, totum tuum est, atque ideo omnes creaturas inuoco, vt simul mecum te laudent, te adorent, te glorificent, diuino illo cantico Prophetæ, dicentis; Veni te, exulemus Domino, iubilemus Deo salutari nostro. Præoccupeinus faciem eius in confessione, & in psalmis iubilemus ei. Quoniam Deus magnus Dominus, & Rex magnus super omnes Deos. Quia in manu eius sunt omnes fines terræ: & altitudines montium ipsius sunt. Quoniam ipse est mare, & ipse fecit illud: & siccam manus eius formauerunt. Venite, adoremus, & procidamus, & ploremus ante Dominum qui fecit nos: quia ipse est Dominus DEVS noster, & nos populus

Apoc. 3

Psal 94

pascuæ eius, & oues manus eius.

Quamobrem, Domine mi, cum tu ad-
eò dignus sis, qui adoreris & honoreris;
da mihi gratiam, vt sine intermissione
adorem te; non tantum verbis & lingua;
sed corde etiam, opere, & tota vita mea.
Tu qui viuis & regnas per omnia secula
seculorum, Amen.

ORATIO SECVNDA AD
*sanctissimam Trinitatem, de magnitu-
dine diuina Mâiestatis.*

dē ibi-
lem.

Psal. 64.

OMnipotens æterne Deus, trinus in
personis, vnus in substantia, æquum
omnino & rationi planè consentane-
um est, vt totam vitam meam exerci-
tio poenitentiae & timoris impendam,
cum tam iustas habeam & plangendi
& metuendi causas. Quemadmodum
igitur magnitudo gloriæ tuæ me im-
pellit ad colendum & adorandum te: sic
etiam iubet vt laudem & glorificem te.
Te enim decet hymnus in Syon, & tibi
reddetur votum in Ierusalem; eo quòd
pelagus es omnium perfectionum, &
mare sapientiæ, potentiæque, pulchri-
tudinis, magnitudinis, diuitiarum, su-
auitatis, maiestatisque abyssus; in qua
sunt omnes perfectiones, & pulchritu-
dines omnium creaturarum, quæ in cæ-
lo & in terra sunt, & singulæ perfectio-
nes istæ in summo gradu, & fastigio in
te inueniuntur. Tibi collata omnis pul-
chritudo deformitas est; omnes diui-

tia

tia paupertas, omnis fortitudo debilitas, omnis sapientia ignorantia, omnis dulcedo amaritudo, & ut paucis multa concludam, omnia quæ in cælo & in terra sunt, multo minus in tuo conspectu fulgent, quam exigua candela in splendore Solis.

Tu in omni re perfectus es, sine aliqua deformitate, magnus sine quantitate, bonus sine qualitate, fortis sine infirmitate, verus sine falsitate, sine loco vbiq̃ue præsens, sine diuisione in omni loco totus. In magnitudine es infinitus, in virtute omnipotens, in bonitate summus, in sapientia inæstimabilis, in consilijs terribilis, in iudicijs iustus, in cogitationibus secretus, in verbis verus, in operibus sanctus, in misericordia copiosus, erga peccatores patiens, erga pœnitentes pius.

Sed quid potissimùm de sapientia tua dicam, nisi id quod olim dixit Prophetæ: Domine intellexisti cogitationes meas de longe: semitam meam & funiculum meum inuestigasti Et omnes vias meas præuidisti: quia non est sermo in lingua mea. Ecce Domine tu cognouisti omnia nouissima & antiqua: tu formasti me, & posuisti super me manum tuam. Mirabilis facta est scientia tua ex me: confortata est, & non potero ad eam Quo ibo à spiritu tuo? & quò a facie tua fugiam? Si ascendero in cælum, tu illic es: si descendero in

Psal. 138.

infernum, ades. Si sumptero pennas meas diluculo, & habitauero in extremis maris: Etenim illuc manus tua deducet me, & tenebit me dextera tua. Et dixi, Forsitan tenebræ conculcabunt me: & nox illuminatio mea in delictis meis. Quia tenebræ non obscurabuntur à te, & nox sicut dies illuminabitur: sicut tenebræ eius, ita & lumen eius. Oculi enim eius (inquit alius) super vias hominum, & omnes gressus eorum considerat. Non sunt tenebræ, & non est umbra mortis, vt abscondantur ibi, qui operantur iniquitatem.

Iob 14.

Sed quid dicam de magnitudine tuæ potentie? dicam quod olim dixit Propheta me docens: Deus autem rex noster ante secula, operatus est salutem in medio terræ. Tu confirmasti in virtute tua mare: contribulasti capita draconum in aquis. Tu confregisti capita draconis: dedisti eum escam populis Aethiopum. Tu diripuisti fontes & torrentes: tu siccasti fluuios Echan. Tuus est dies & tua est nox: tu fabricatus es aurora & Solem. Tu fecisti omnes terminos terræ: astatem & ver tu plasmasti. Et in alio loco dicit idem Propheta: Domine Deus virtutum, quis similis tibi; potens es Domine, & veritas tua in circuitu tuo. Tu dominaris potestati maris: motum autem fluctuum eius tu mitigas. Tu humiliasti sicut vulneratum, superbum in brachio virtutis tuae

Psal 73.

Psal. 83.

disper

dispersisti inimicos tuos. Tui sunt cæli,
& tua est terra, orbem terræ & plenitudinem eius tu fundasti: aquilonem & mare tu creasti. Thabor & Hermon in homine tuo exultabant: tuum brachium cum potentia. Cognouit hanc tuam omnipotentiam beatus Iobas, cum ait: Apud ipsum est sapientia & fortitudo, Iob 12. Ipse habet consilium & intelligentiam. Si destruxerit, nemo est qui ædificet: si incluserit hominem, nullus est qui aperiat. Si continuerit aquas, omnia siccabuntur: & si emisit eas, subuertet terram. Apud ipsum est fortitudo & sapientia: ipse nouit & decipientem, & cum qui decipitur. Adducit consiliarios in stultum finem, & iudices in stuporem. Baltheum regum dissoluit, & præcingit fune reges eorum. Ducit sacerdotes inglorios, & optimates supplantat. Commutans labium veracium, & doctrinam senum auferens. Effundit depectionem super principes, & eos qui oppressi fuerant reuelans. Qui reuelat profunda de tenebris, & producit in lucem umbram mortis. Qui multiplicat gentes, & perdit eas, & subuersas in integrum restituit.

Iac. o Domine, sunt testimonia tuæ magnitudinis: & quid de diuitijs tuæ gloriæ, deque vena tuæ felicitatis dicam? Si peccaueris, inquit Scriptura, Iob 35. quid ei respondebis? & si multiplicata fuerint iniquitates tuæ, quid facies con-

tra cum: porro si iuste egeris, quid donabis ei: aut quid de manu tua accipiet? Homini qui similis tui est nocebit impietas tua, & filium hominis inuabit iustitia tua. Sed tu, Domine, talis es, & tam beatus, ut bonorum alterius non egeas: talem ego te confiteor, pro tali te laudo, & glorifico nomen sanctum tuum. Infunde lumen cordi meo, & da verba in ore meo, ut cor meum tuam magnitudinem semper cogitet, & laus tua in ore meo sit semper. Sed quia laus hæc non est pulchra in ore peccatoris, ideo rogo Angelos cæli omnes, omnesque mundi creaturas, ut te vnâ mecum laudent, meamque suppleant inopiam, inuitans illas ad id, glorioso illo cum cantico, quod cecinere pueri in medijs flammis fornacis illius Babylonice, dicentes: Benedictus es Domine Deus patrum nostrorum, & laudabilis, & superexaltatus in secula. Et benedictum nomen gloriæ tuæ, sanctum laudabile & superexaltatum in omnibus seculis. Benedictus es in throno regni tui, & superlaudabilis & superexaltatus in secula. Benedictus es qui intueris abyssos & sedes super Cherubin, & laudabilis & superexaltatus in secula. Benedictus es in firmamento cæli, & laudabilis & gloriosus per omnia secula seculorum, Amen.

ORATIO AD S. TRINITATEM III.

Deus

Theolo-
gialicu-
ius do-
ctissimi-
e Græco
in Lati-
nū versa

Deus Sancte Sanctorum, Deus om-
nipotens, Deus æterne, Deus fortis,
Deus spirituum, & omnis carnis, à cu-
ius vultu tremit & cælum & terra, cu-
iusque vultui cuncta obediunt elemen-
ta, in vnitæ trinitas, & in trinitate vni-
tas, Pater, Filius, & Spiritus sanctus: ef-
fentia mihi esse præstans, vita me viui-
ficans, lumen me illuminans, scientia
me scire faciens, omni tamen essentia,
vita & lumine, scientiaque superior: te
adorant, te celebrant omnes creaturæ.
Et ego mea erga te fide adductus, hodie
genua cordis mei flecto sub tuæ Maiesta-
tis pedes.

Gratias tibi ago, quòd me cùm nihil
essem, non solum finxisti, sed etiam ad
imaginem tuam, hoc est, optime fin-
xisti; quòd mihi nihil pro merito pie-
tatem indideris: quòd arcanis Ecclesiæ
tuæ Sacramentis sanctificaueris: quòd
me bonis tuis omnibus iam inde à pue-
ro educaueris. Atqui ô Conditor & cæ-
li & terræ & maris, cùm tibi vsui esse
non queam, cuiusnam gratia tuam in
me beneficentiam ostendis? Qui sit vt
me in tantum diligas? Nam tibi quid
dedi, cuius causa mihi referas gratias?
At vbi eram antequam fierem, vt po-
tuisssem prior in te benignitatem osten-
dere. Verum tuo beneficio & olim sum
factus, & innumerabilibus donis orna-
tus. Tuum beneficium, & tua benigni-
tas omnia hæc fecit Ipse vero cùm pro

horum vno gratias agere non sufficiam, quomodo pro tot millibus referre possem? Et quomodo tenebrę laudabunt lucem? quomodo vanitas veritatem? quomodo mortalis, cui est naturę fragilitas, tuam immortalitatem? quomodo materia crassa eum, qui ab omni materię pondere est immunis? quomodo immundities puritatem? Quis verò collaudabit opera tua? quis tuas annuntiabit laudes? Sed tu vt indulgentissimus Pater vota nostra suscipis, & liberorum tuorum gratiarum actiones qualescunque boni consulis.

Itaque dignum me fac Deus bone, vt tibi gratias agam, vt tuę charitati perpetuo adhæream, vt tibi pro beneficijs & multis & magnis, quibus me honoratum fecisti, gratias agam, vt periculorum nomine, quibus me sæpe liberaſti, gratias persoluam: pro omnibus denique tum iucundis, tum aduersis officium tibi rependam. Quandoquidem omnia in bono iudicio fecisti; quandoquidem tu Dominus existis animarum & corporum nostrorum, vitę & mortis, sanitatis & morbi, felicitatis & infelicitatis Breuiter omnium rerum momenta in tua sunt manu. Lætificas beneficia conferendo, contristas obuiurgando, differs corrigendo, & consolatoris nostram ignauiam ad te reuocando

Gloria varię tuę potentię, Laus in-

satia-

satiabili tuo in genus humanum amoris. Guberna & vitæ nostræ reliquum dux mitissimus & gubernator vigilantissimus. Eripe me Domine ab omnibus inimicis meis, visibilibus & inuisibilibus. Porrige benignam manum tuam, quæ nos ex profundis aquis frementium huius mundi fluctuum extrahat, eripiatque, quæ nostræ nauigationis discrimina alleuet. Guberna ipse mitissime Rex magistratum, quem nobis credidisti. Tu enim gubernator, nos clauus: dirigat igitur clauum tua manus inuisibiliter, quò ipsa voluerit, quò ipsa decreuerit. Neque enim ego in arcu meo sperabo, neque gladius me seruabit; sed dextera tua, sed brachium tuum, sed illuminatio clarissima vultus tui. Fiat optime Rex voluntas tua, vt in cælo, & in terra, sic & in nobis. Quòd si forè à tuæ voluntatis decretis declinauerimus, ne statim iram conceperis misericors Deus, quum non ignores, quam fragile sit nostræ creaturæ signum. Quin si tu vis seruare me, potes; fac idem te velle. Nisi enim tua potentia me firmauerit, ego quod volo, non possum.

Itaque consolare cor meum ineffabili tuæ benignitatis dulcedine; nimirum vt futuri gaudij æterni, quo in te freemur, tenuis quidem sensus nostram subleuet mentem. Postremò dignum me redde, qui post præsentem hanc vi-

tam percurram ad te Dominum & Deum, vt tui regni diuitias liceat inspicere, & claritatem tui vultus contemplari. Id quod ratum fac sancte Rex Deus verè & conditor meus, per tuum & matris Deipare, ac sanctissimæ Virginis filium, Dominum nostrum Iesum Christum, Amen.

ORATIO AD PATREM,
qua iustificationem petimus.

Ioannes
Faber.

Qui in æternum dominaris, & solus potes omnia, Deus cæli & terre moderator, ad cuius nutum omnes creaturæ conuiscunt, & cæli cardines nutant. O Domine cælestis, perfectus opifex, & figule, ego miser de limo effectus, vel potius limus sordidus, cum timore & trepidatione ad thronum tuæ Maiestatis venio; agnosco & confiteor meam imbecillitatem, scio quòd nihil sum, imò quòd abominatio mera & horror existam coram tuo aspectu, si tua gratia & misericordia destituar. Sine te nihil boni cogito, sine te nihil boni facio, sine te sum reptile quoddam deperditum.

Non possum saluari sine te, in tua manu est omnis mea salus: ago tibi gratias, ô Deus, vel propter hoc, quòd eam cognitionem mihi dederis, vt videam & agnoscam me nihil esse, vel posse absque te. Tu es figulus, ego limus; qualem me esse vis, talem potes

effingere & formare: si beatum me reddis, ostendis misericordiam tuam & gratiam: si conijcis in perditionem, demonstras iustitiam, & tuum exequeris iudicium, nec meum est contradicere, cur hoc, aut qua ratione facis? Etenim cui tu benevis, misereris. Hæc ego mecum reputo, ô Domine, & iudicia tua extimesco.

Cum igitur omnis mea incolumitas & salus ex te pendeat, & in manu tua atque potestate sita sit: cumque vniuerso mundo maximè placabilem & misericordem Deum te exhibueris, cumque te esse re declaraueris ipsa, per hoc quod filium tuum charissimum Iesum Christum innocentem pro nobis noxijs mori, & nostra peccata suo sanguine in cruce voluisti expiare: cum denique docueris nos in omni nostra perturbatione te inuocare, tuam gratiam & misericordiam efflagitare, quod daturus sis nobis omnia, quæ in nomine filij tui simus petaturi, venio ad te limus vel massa lutea, ô clemens & cælestis figule, à te peto suppliciter, vt misericordia tua vtaris, ex hac, licet indigna, materia facias vasculum ad æternam gloriam. Digneris etiam ex mera tua gratia ad fidem veram, ad spem solidam, ad castum & sanctum amorem voluntatem meam permouere, vt per hæc tua dona iustificatus integer, perfectus, bonus & sanctus, secundum tu-

um beneplacitum, in medio vitæ meæ,
& in fine, tum in extremo die iudicij in-
ueniar.

O mitis Pater, concede mihi veniam
omnium peccatorum meorum, per
mortem Filij tui amantissimi Iesu Chri-
sti Fac vt tibi vni placeam, tibi gratus
sim filius, & hæres: adauge in me cle-
menter iustitiam qualemcunque diuini-
tus mihi datam, & concessam, vt in ea
pergam viuere: auge in me fidem accep-
tam, confirma spem meam, accende &
illustriorem redde in me tui amorem,
vt auxilio tuo, tuæque gratiæ præsen-
tia, & ex operatione tuæ sanctissimæ vo-
luntatis vitam æternam, quam tu nobis
promissisti, impetrare queam, vt te lau-
dem, tibi que gratias agam in regno tuo
per æterna secula, Amen.

AD FILIVM ORATIO.

ominis
iusticiæ
peccati &
j.

Generis humani Conditor ac Re-
demptor I E S V Christe, qui dixisti;
Ego sum via, veritas, & vita: Via do-
ctrina, præceptis, & exemplis; veritas
in promissis; vita in præmio: oro te
per ineffabilem tuam charitatem, qua
te totum seruandis nobis impendere
dignatus es, ne patiaris me vnquam ab-
errare abs te, qui via es; nec vnquam
diffidere promissis tuis, qui veritas es,
& præstas quicquid polliceris; nec in
vlla alia re conuiuiscere, quoniam vi-
ta es æterna, vltra quam nihil est quod

desideretur, neque in cælo, neque in terra.

Per te didicimus certum & expeditum iter ad veram salutem, ne diutius in huius vitæ labyrinthis aberraremus. Tu nos exacte docuisti quid credere, quid agere, quid sperare, in quo conquirere debeamus. Per te didicimus, quàm ex primo illo Adam fuerimus infelicitèr nati; per te didicimus, non esse spem salutis, nisi per fidem in te.

Te vnicam esse lucem, quæ præluces omnibus per huius sæculi desertum, perque mentis nostræ noctem, à tenebris Aegyptiorum proficiscentibus ad illam beatam terram, quam promissisti mitibus, tuamque mansuetudinem imitantibus. In nobis enim nihil erat præter profundam caliginem, qui neque calamitatem nostram videre poteramus, neque vnde mali remedium petere debebamus. Tu dignatus in terram descendere, dignatus nostram naturam assumere, vt doctrina tua discuteret nostræ ignorantia caliginem; præceptis tuis dirigere pedes nostros in viam pacis; vitæ tuæ exemplis strauisti nobis viam ad immortalitatem, ac tuis calcata vestigijs, è salebrosa & aspera commodam leuemque nobis reddidisti. Ita nobis via factus es, quæ nescit errorem, in qua ne lassesceremus tua benignitas nos magnis, certisque promissis fulcire dignata est. Quis enim posset delassari, re-

putans per tua vestigia ingredienti paratam esse vitæ cælestis hæreditatem. Ergo dum in hoc itinere sumus, spem certam baculi loco nobis esse voluisti, qua sustentemur.

Nec his contenta fuit tua bonitas, sed agnoscens nostræ carnis imbecillitatem, interim solatio tui Spiritûs subinde reficis vires nostras, quo ad te curamus alacriter. Atque vt tu nobis factus via, propellis omnem errorem; ita factus veritas, tollis omnem diffidentiam.

Denique factus nobis vita: das hic peccato mortuos viuere per Spiritum tuum, omnia viuificantem, donec in resurrectione abolita prorsus omni mortalitate semper tecum, & in te viuemus: cum tu eris nobis omnia in omnibus. Vita enim æterna est nosse Patrem, & Filium, & Spiritum sanctum esse vnum verum Deum.

Proinde obsecro clementissime Seruator, vt adaugeas famulo tuo fidem, ne vacillem vnquam in cælesti tua doctrina, adauge obedientiam, ne desectam vnquam à præceptis tuis; adauge constantiam, vt tuis ingrediens vestigijs, nec Satanæ blandimentis illiciar, nec terculamentis deiiciar: sed in te, qui solus es vera via, perseuerem, vsque ad mortem. Adauge mihi fiduciam, vt tuis freris promissis, nunquam segnescam in studio pietatis; sed à tergo re-

lietorum oblitus, ſemper ad perfectiora contendam.

Aauge gratiam in me tuam, vt indies magis ac magis in meipſo mortuus, viuam, agarque Spiritu tuo; nihil metuens præter te, quo nihil eſt amabilius: in nullo glorians, præterquam in te, qui vera es gloria Sanctorum omnium: nihil expetens, præter te, quo nihil eſt melius; nihil deſiderans, præter te, qui plena, perfectaue es felicitas cum Patre & Spiritu ſancto per omnia ſecula, Amen.

AD SPIRITVM SANCTVM

Oratio.

SAncte Spiritus Paraclete, qui in die Pentecoſtes ſuper Apoſtolos deſcendiſti, charitate, gratia & ſapientia eorum implens peſtora: oro te per illam ineffabilem miſericordiam & liberalitatem, vt digneris ſinum animæ meæ implere tua gratia, ineffabiliue amoris tui dulcedine interiora mea viſcera perfundere. Veni ſancte Spiritus, & emitte celitus lucis tuæ radium.

Grana
lib. 5 M
moria
lis.

Veni pater pauperum, veni dator munerum, veni lumen cordium. Veni conſolator optime, dulcis hospes animæ, dulce refrigerium. Veni medice languentium, veni purgator criminum, veni fortitudo fragilium, veni peccantium remedium. Veni doctor humilium, veni deſtructoꝝ ſuperborum, veni

omnium

omnium virtutum singulare decus, morientium vnica salus. Veni Deus meus, & adorna tibi thalamum, in quò digne tecum omnibus diuitijs & misericordijs tuis suscipiam. Inebria me dono sapientiae, illumina me dono intellectus, rege me dono consilij, confirma me dono fortitudinis, instrue me dono scientiae, vulnera me dono pietatis, & transfige cor meum dono sancti tui timoris.

O dulcissime amator mundorum cordium, vire & inflamma omnia mea viscera igne amoris tui suauissimo: vt ignita in te rapiantur, & in te ferantur, qui es centrum & omnium bonorum meorum finis vltimus. O dulcissime sanctarum animarum amator, cum non ignores me nihil ex me, neque per me posse, extende piàm manum tuam super me, & fac vt exeam à me, & perueniam ad te. Mortifica, extingue & dissolue in me, quidquid tibi displicet, vt in omnibus me tuæ voluntati facias conformem: vt vita mea in posterum perfectum sit coram te sacrificium, seu potius holocaustum, quod tui amoris igne totum comburatur.

O quis mihi tribuet, vt ad summum illud bonum tandem perueniam? Respice Domine, respice & vide quomodo hæc paupercula creatura ad te nocte ac die suspirat, anima mea ad te fuit Deum suum. Quando veniam & apparebo ante faciem gratiae tuæ: quando intrabo in locum admirabilem tabernaculi tui, vt

perueniam ad domum Dei mei? quando me adimplebis lætitiæ vultus tui? quando præsentia tuæ gloriæ satiabor? quando per te liberabor ab omni tentatione, & mortalitatis huius fragilitatem superabo? O fons æterni splendoris, reduc me ad abyſſum æterni boni, à quo creatus ſum; vt ibi cognoscam te ſicut & cognitus ſum, teque diligam ſicut à te dilectus ſum, te videam, teque fruatur in ſocietate omnium electorum, quemadmodum & tu me vidifti ab æterno, Amen.

CAPVT OCTAVVM, CONTINENS VARIAS

ORATIONES DE VITA

& morte Saluatoris.

PROLOGVS.

Inter omnia exercitia ſpiritualia (ſi Bonauentura credamus) nullum eſt vtilius meditatione vita & mortis Saluatoris. Ea enim meditatio, præterquam quòd contemptum rerum omnium viſibilem in nobis generat, etiam nos armat aduerſus omnem mundi, carnis & Diaboli potentiam; familiaritatem cum Deo parat, amorem eius conciliat, fiduciam creat, animamque ad omnium virtutum culmen, ſupremumque perfectionis

In Prologo de Meditatione vite Chriſti.

erm. 22.
a Cant.

fastigiū adducit. Vbi enim perfectiū virtutem altissimæ paupertatis, profundissimæ humilitatis, perfectissimæ charitatis, obedientie, patientie, mansuetudinis, ceterarumque virtutum inuenias. quàm in vita Saluatoris? Rectè ergo Bernardus: Homo, qui virtutes sibi vult comparare, frustra laborat, si eas alibi quærat, aut ab alio petat, quàm à Domino virtutum: cuius doctrina est regula prudentia, cuius misericordia est opus iustitia, cuius vita exemplum est temperantia, cuius mors est vexillum patientia. In hoc exercitio idem mellifluus Doctor totam vitam suam consumpsit, ex omnibus anxietatibus & amaritudinibus Christi fasciculum sibi colligans, qui inter vbera eius iugiter commorabatur, ut de se ipse testatur.

Opera igitur pretium facturus est homo pius, si vel orando, vel meditando, ut minimum semel in septimana, totam vitam Saluatoris percurrat: cum nulla gratior ei sit oratio ea, in qua vita sue fit commemoratio. Vt autem commodius id fieri posset, Granatensis noster vitam, mortem & resurrectionem Christi septem orationibus complexus est, ut totidem septimana diebus inscruiant: idque per modum gratiarum actionis, cum nullum beneficium sit, pro quo Deo maiores gratia debentur. Eas

igitur

igitur orationes huic octauo capiti referuauimus, & nunc ordine subiiciemus.

Constant orationes ha articulis 53 ex quibus facile confici potest Rosarium, si post singulos articulos legatur Angelica saluatio, & post vnamquamque decadem oratio Dominica, vna cum salutatione Angelica. Supererunt quidem articuli tres, qui facile vel initio, vel in medio, vel in fine cum alio articulo misceri, & ter duo sub vna salutatione Angelica proferri possunt.

PRIMA ORATIO DE VITA IESV.

IMmortales, ó dulcissime IESV, ago tibi gratias, quod amore mei de regali tuo palatio, atque ex altissimo Patris sinu, in hanc vallem miserationum descendisti, & in sanctissimo castissime Virginis Matris tuæ utero carnem humanam assumpxisti. Oro te Domine, vt cor meum tibi prapares habitaculum, cumque in finem id omnigenis virtutum floribus adornes, vt tu solus perpetuò in illo habites. Vtinam Domine, tuæ placeret bonitati, vt tale esset cor meum, ne verer te inuitare, sed vt in me venires habitatum, & ego te mereretur recipere suauiter, tuque in eodem corde requiesceres sine fine dulciter. O si te amplexari possem brachijs amoris

Granat.
lib 5 Me-
moria-
lis.

1.

Christus
de celo
descendit
& conat
pitur in
vtero
Virginis

tam

tam potentis, vt nunquam à te aut cogitatione, aut affectione diuellerer

2.
Maria vi-
sitat co-
gnatam.

Ago tibi gratias dulcissime IESV, quia postquam conceptus es in vtero gloriosæ Virginis Mariæ, voluisti eam per montana visitare cognatam suam Elisabeth, vt saluaret eam, eique tempore partus ministraret. Tu non dignatus es gloriosissimis Matris tuæ viscibus nouem mensibus claudi: ideoque te oro, da mihi veræ humilitatis gratiam, & dignare me illam cordis mei penetralibus imprimere, vt illius beneficio semper me paratum inuenias in rebus ad tuum ministerium pertinentibus. Fac Domine, vt cor meum res humanas semper fastidiat, & te suum habere habitatorem & Dominum perpetuò desideret

3.
Christus
nascitur.

Ago tibi gratias, suauissime IESV mi, qui de sacratissima Virgine sine dolore, & puritatis virginalis damno natus es; quæque te natum mox in præsepe posuit, vt pauperem & mortalem, teque humiliter adorauit, vt Deum & omnium Creatorem. Precor diuinam tuam misericordiam, vt digneris continuè nasci in me, per nouum charitatis ardorem, & vt vnicum sis meum desiderium, sola satietas, & firma spes cordis mei. Placeat tuæ bonitati, vt te solum semper quæram de te semper cogitem, te solum amore ardentissimo diligam.

Infinitas ago tibi semper gratias, o dulcis IESV, quod in intensissimo natus **Christus** frigoris horrore, non dedignatus es vilissimis inuolui pannis, & virgineam inuolac de glorioſe Matris pectore ſagere, uitur. & quaſi ſimplex atque innocens puſio Virginis papillas lambere, cū uere Deus eſſes omnipotens. Concede mihi Domine, ut in conſpectu tuo ſemper uerus ſim infantulus humilitate, & uere pauper ſpiritu Da ut amore tuo non reuſem ferre quæcunque aſpera & laborioſa, nihil amem in hoc mundo præter te; nihil in hoc mundo præter te deſiderem poſſidere.

4.

Gratias ago tibi benigne IESV, quòd ſtatim cum natus eſſes iucundiſſimis Angelorum caricis concelebrari uoluſti, & à paſtoribus maximo cum gaudio & admiratione adorari Da mihi gratiam, Domine, ut iugiter in tuis laudibus cum gaudio perfeuerem, utque te in ſocietate paſtorum quæram, & quarendo te inueniam, & inuentum te in æternum poſſideam.

5.

Christus
à paſtoribus ad-
oratur.

Iaudare ſemper, & gloriſicare, bone IESV, quod octauo die ſecundam conſuetudinem aliorum infantum, circumcidi uoluſti, & in ætate illa tenerrima ſanguinem amore mei fundere coepiſti: utque me ineffabili contortatione beares, IESVS uocatus es. Supplico tibi, Domine, ut dignus me referre in album electorum tuorum, & nomen

circumci-
ditur, &
Ieſus vo-
catur.

meum in librum beatorum scribere: utque cor meum ab omni superfluitate circuncidas; hoc est, otiosa & noxia verba, opera iniqua, cum impuris, inanibusque cogitationibus abscindas. Redemptor mi, tu vocaris IESVS, hoc est, Saluator: tibi enim soli conuenit dare salutem. Idcirco peto à te Domine, ut suauissimi huius nominis memoria expellat à me omnem inordinatam pusillanimitatem & torporem, & mihi misericordiae tuae spem firmam tribuat, & defendat me ab omnibus inimicorum meorum persecutionibus.

7.
Christus
à Magis
adora-
tur.

Gratias ago tibi, dulcissime IESV, qui à Magis, te ex intima deuotione, fideque sincera querentibus, inuentus es; idque stella coruscante ductore; qui ante te pedibus procumbentes obtulerunt aurum, thus & myrrham. Concede mihi, Domine, ut te in consorcio istorum sanctissimorum Regum quæram non in Bethlehem, sed in cordis mei præsepio, in eoque inuentum te adorem in spiritu & veritate; offeram tibi aurum splendentis charitatis, incensum deuotionis, & myrrham perfectæ mortificationis. Da mihi denique gratiam, ut omnes vires, omnemque animi fortitudinem imitandæ sanctissimæ viræ tuæ promptus & alacris impendam.

8.
Iesus in
templo
præsen-
tatur.

Ago tibi gratias, Domine IESV Christe, qui ut dares nobis exemplum

bedien-

obedientiæ, atque humilitatis, voluisti legi amore nostri subijci, & ad templum in brachijs sanctissimæ Matris tue deferri, & pro te oblationem non diuitis, sed pauperis offerri. Quare iustus & senex ille Simeon cum Anna Prophetissa, ob tuam præsentiam exultantes, celeberrimum tuæ gloriæ dederunt testimonium. Placeat bonæ voluntati tuæ, Domine, ne vnquam in posterum cor meum subintret vel minima vanitatis cogitatio. Ah quam beatus essem, si a me omne genus præsumptionis exularet, omnisque appetitus mundani fauoris, cum toto mei ipsius amore inordinato extinctus esset. Dignare mihi gratiam tuam largiri, vt mihi ab omni humana laude caueam, omnibusque me hominibus subijciam, ijsque non inuitus obediam.

Ago tibi gratias, dulcis Iesu, quia cum
 9. Iesus in
 es adhuc paruulus persecutionem sus-
 tinere incepisti, vnâ cum charissima tua
 Matre: nec dedignatus es in Aegyptum
 A Egyptum
 fugere. Da mihi gratiam, vt in omnibus
 persecutionum mearum te sequar, & in
 in omnibus meis tribulationibus, & ten-
 tationibus ad te fugiam, te queram, te
 solum inuocem; & quotiescunque præ-
 dicta mihi de manibus tuis aduenient,
 fac, Domine, vt ea cum gaudio susci-
 piam, & tranquillo corde sufferam, tibi
 continuas agens gratias pro omnibus,
 quæ tibi de me statuere placebit.

Gra-

10.
Iesus se
det inter
Docto-
res.

Gratias quoque infinitas ago tibi, Domine IESV, quia charissima tua Mater cum maximo te dolore quæsiuit, cum tu in templo remansisti, & post tres dies cum summo gaudio te in medio doctorum sedentem inuenit, quos audiebas & interrogabas cum incredibili sapientia. Ah, Domine pro tua sola bonitate, da mihi, vt nunquam ego separer à te, nectu à me. Expelle à me omnem socordiam & torporem; extermina frigiditatem animi, quæ tibi tantopere displicet; & da mihi perfectam deuotionem, & ardentem tuæ iustitiæ sitim, quæ ita possideat cor meum, vt nunquam lassus, nunquam seruiendo tibi sim satiatus. Pater noster. Aue Maria.

SECUNDA ORATIO DE VITA IESV.

Granat.
ibid

17.
Iesus baptizatur.

AGO tibi gratias, dulcissime IESV, qui Iordanis fluentia ingressus voluisti manu Præcursoris tui Ioannis baptizari. Dignare me, Domine, per meritum tuum purificare in hac vita, & ab omnibus vitiis meis me munda, & inebriare amore tui, & celestis patriæ desiderio. Fac hæc antequam anima mea ex huius carnis exar ergastio talem, qualem me esse vis, vt discedens ex hac peregrinatione, confestim tecum sim: vt te semper videam, te semper fruam in beata illa æternitate, quæ finem nullum agnoscit.

Gra-

Gratias sine fine tibi ago, benigne IESV, quòd agens in deserto, priusquam Euangelium prædicare cœpisti, inter animalia fera vixisti, & perseuerans in ieiunio quadraginta diebus, & quadraginta noctibus, vigilansque in continuis orationibus & suspirijs, postea voluisti à Sathana tentari: & postquam victor extitisti, venerunt angeli, & ministrauerunt tibi. Concede mihi, Domine, vt cum tua gratia possim castigare carnem meam, & omnes vitiosos affectus spiritui submittere, vtque cum dono perseuerantiæ me exerceam, ieiunijs, vigilijs, & orationibus, alijsque omnibus exercitijs spiritualibus. Præcipue autem, Domine, concede mihi, vt auxilio tuæ gratiæ liber sim à vitio gulæ, & ab omnibus alijs laqueis & impugnationibus Diaboli; nulla tentatio aduersum me præualeat, nulla me hinc separet; imò fac, Domine, vt omnia hæc mihi maiorem præbeant occasionem arctius me tibi adiungendi & vniendi.

12.
Iesus in deserto tentatur à Diabolo.

Ago tibi gratias dulcis IESV, qui amore mei afflictus es in hoc mundo multis doloribus, & diuersis necessitatibus, æstu, frigore, siti, fame, lassitudine & sudoribus: varijs itineribus, vigilijs, persecutionibus, & tribulationibus cuiuscunque generis. Da mihi, Domine, vt pro amore tuo cum gaudio omnes aduersitates, tanquam a manibus tuis

13.
Iesus diuersis laboribus & necessitatibus affligitur.

O

mihi

mihī venientes suscipiam, easque magna cum patientia perferam. Da vt in quacunque re prospera vel aduersa, tristi vel læta, turbida vel tranquilla, semper in te perseuerem, nec latum vnguem a te discedam, vt in omni re tua fiat voluntas, non mea.

14.
Iesus orat & pre-
dicat.

Ago tibi gratias, suauissime IESV, quia plurima passus es, dum animæ meæ queris conuersionem & salutem, tanquam verus Pastor & Saluator mundi, pernoctando in orationibus, fatigando te in itineribus, cælestem promulgando doctrinam, de prouincia in prouinciam, de castello in castellum discurrendo; in nulla re officium boni pastoris omittendo Quæso, Domine, hanc impartire mihi gratiam, vt de cætero nunquam tardus aut ignauus in tuo inueniar seruitio; sed vt semper promptus & alacris sim ad omne bonum agendum. Da, vt salutem omnium ardentissimè sitiam, & zelum honoris tui semper habeam, in eoque me totum occupem.

15.
Iesus cū
hominibus con-
uersatur.

Gratias ago tibi, benigne IESV, quòd conuersando cum hominibus benignè illos consolari voluisti, & pro magna tua misericordia infirmitates eorum curare. Da mihi, Domine, cor pia quadam affectione in omnes plenum, vt omnibus compatiar, quos in afflictionibus videbo. Fac quoque, Domine, vt aliorum miseras meas esse existimem, vtque sincero corde, & sine aliqua pas-

sione aliorum imperfectiones feram, opemque illis pro posse meo feram, in omni illorum necessitate. O Domine, purga perfectè mentem meam ab omnibus vitiosis passionibus, & ab omnibus malis desiderijs, quæ in illa dominantur, vt ab his omnibus malis sanata, omnibusque impedimentis his immunis, liberrimè in cælum euolet, nec prius quiescat, quàm ex purissimo amore mereatur ad diuinos tuos amplexus peruenire.

Ago tibi gratias, bone IESV, quòd 16.
propter amorem tuum, quo me complexus es, innumeras iniurias, blasphemias, calumnias, & persecutiones ab ijs potissimum, quos infinitis afficiebas beneficijs, perpeffus es. Obsecro, Domine, largire mihi cor verè simplex & innocens, vt inimicos meos diligam, & malum illorum ex corde mihi doleat; semper eos si qua in re derelinquant, excusem; reddendo bonum pro malo, tuæ perfectæ charitatis, tuæque patientiæ sim verus imitator.

Iesus plurima pro nobis patitur.

Ago tibi gratias, dilectissime IESV, 17.
quòd venisti in Ierusalem humilis & mansuetus sedens super asinam; & canentibus ijs, qui obuiam tibi procedebant, iucundissimis hymnis & gloriosis laudibus, tu lachrymas amaritudinis plenas effudisti, quas dolor de tam celebris vrbs destructione, & de tot animarum perditione conceptus, expul-

Iesus in Ierusalem venit.

mebat Da mihi, Domine, intrinsecam quandam mei ipsius cognitionem, vt apertè meam vilitatem agnoscam, & me profundè humilem: meipsum ad eò contemnā, ne posthac mihi adulationes aut commendationes hominum placeant, sed vt assiduus maneam in plangendis tam meis, quàm proximi mei peccatis, omne illius malum meum malum reputans. Pater noster. Ave Maria.

TERTIA ORATIO DE

VITA IESV.

rs.
Iesus in
cena pe-
des suo-
rum la-
uat.

AGO tibi gratias, Domine IESV Christe, quia vt legi veteri finem imponeres, Agnum paschalem in Ierusalem cum discipulis tuis manducasti; dansque illis exemplum maximæ humilitatis, & ineffabilis amoris, positis genibus pedes omnium lauisti, extergens eos linteo, quo præcinctus eras. Oro te, Domine, penetraret exemplum hoc cor meum, & eijciat ex co quameunque præsumptionem & superbiam, quæ in ipso reperitur. Da mihi, Domine, profundissimam humilitatem, cuius beneficio gaudeam omnibus subijci, sine alteratione. Adde & perfectam obedientiam, qua cum integrè tuis mandatis satisfaciam, vnà cum præceptis eorum, qui præ sunt in tuo nomine. Excita in me feruentissimam charitatem, qua te purè diligam, & per amo-

rem tuum omnes homines amem.

Ago tibi gratias, dulcis IESV, quòd ex charitate tua excellentissima instituiſti Sacramentum corporis & sanguinis tui, quodque ex admirabili quadam liberalitate te nobis donasti in cibum: nec te piguit corporaliter nobiscum in hoc mundo, vsque in consummationem seculi permanere. Ah, Domine, excita precor in me viuum desiderium, & ardentissimam famem venerabilis huius Sacramenti. Concede mihi gratiam, vt ad hanc vitæ mensam accedam suscepturus te cum amore & o. humilitate profunda, cordis puritate, & mentis sinceritate. Da etiam, vt anima mea sic te sitiat, sic amore tuo vulneretur, vt tandem merear diuinis tuis frui voluptatibus, pro honore & gloria tui nominis.

19.

Iesus Eucharistia instituit.

Ago tibi gratias melliflue IESV, quòd volens exire mundo, admonuisti & consolatus es tuos discipulos, idque verbis amore sancto plenis, nec minus ardenti bratione illos Patri commendasti. ostendens quanto amore illos caritateque tebebaris, & omnes eos, qui per eorum doctrinam essent in te credituri. O, Domine, sentiat cor meum de te neminem in tuis verbis, & vultum mihi dulciora semper sint super mel & fauam: viuat in pectore meo spiritus tuus affectionibus plenæ exhortationis, vt meorum in tuum amorem transformem.

20.

Christus suos in eorum consolationatur.

21.
Iesus in
horto
Patrem
orat

Dirige omnes actiones meas, vt in me, & de me semper tua fiat voluntas.

Gratias ago tibi, dilectissime IESV, quòd procidens in terram extensis brachijs Patrem precatus es, te totum ad manus illius resignans, petens vt in omnibus, non tua, sed Patris tui voluntas fieret. Obsecro, Domine, da mihi gratiam, vt in omni angustia & necessitate mea per orationem ad te curram; meque totum tuæ concedam prouidentiae, sine meæ voluntatis electione, aut alicuius proprii commodi expectatione. Ne fugiam vnquam aduersitates, neque propter illas à bono cœpto meo resiliam: sed quidquid mihi superuenierit, id animo accipiam pacato, tanquam id quod à pijs tuis manibus donatur, ferendo omnia corde humili & quieto.

22.
Iesus capitur.

Ago tibi gratias, ô pie IESV, quòd ab armatis militibus capi, & funibus tanquam homo sceleratus & maleficus vinciri voluisti, inde ad Annam duci, & eius iudicio sibi non horruisti. O stupenda mei Redemptoris mansuetudo: dum apprehenderis, dum ligaris, dum illuderis, dum malè tractaris, non lamentaris, non murmuras, non reluctaris. sed tacendo sequeris vestigia illorum, qui te ducunt, inò trahunt, & fatigant; obtemperas imperantibus tibi, & summa cum patientia perfers tormenta, quibus cruciaris. O Domine, ne inuideas mihi, vt

exemplum tale, & tantæ virtutis in me resplendeat, pro gloria & honore nominis tui sanctissimi

Gratias ago tibi, ó IESV amabilis, Rex cæli & terræ, qui stans ante superbium & inriatum Pontificem, non aliter atque si homo vilis & abiectus fuisses, percussus es, & patientissimè crudelem alapam tulisti, quam vnus ex impijs illis ministris tibi in faciem impexit. Precor te, Domine, mortifica in me omnes effervescentes imperus iræ, omnem indignationem comprime, omne odium tolle, omnemque scintillam cupiditatis vindictæ extingue; vt cum iniuria me quis afficiat non perturbet, de vindicta non cogitem, sed omnia patienter suffere pro amore tuo reddam bonum omnibus, qui mihi malefaciunt. Pater noster. Aue Maria

QVARTA ORATIO DE VITA IESV.

Gratias tibi ago, dulcis IESV, qui in nocte passionis tue missus, & delatus, a tuis inimicis pugnis percussus, & calcibus prostratus, diuersisque inuictiarum modis diuexatus es. Tu es, Domine mi, quam graue & molestant mihi est, **vel minimam** iniuriam perpetrari seis me virtutem habere nullam, voluntatem meam esse tardam, & omne bonum desiderium in me fringere. O

23.

Iesus alapa in faciem percussus.

Gratias ago tibi.

24.

Iesus nocte qua captus est varijs modis diuexatus.

Domine, pro tua misericordia meam adiuua infirmitatem. Da mihi gratiam ne ad quemcunque aduersitatis impetum animus meus demittatur, & quasi humi serpere videatur. Succurre mihi, ne deficiam sub onere tribulationum, quæ mihi superuenient, nec iniuriæ ab alijs irrogatæ mihi stomachum faciant: sed in omnibus gratias agens tibi, omnia ad honorem & gloriam nominis tui referam.

25.
Iesus co-
am Pi-
ato ac-
usatur.

Ago tibi gratias, Domine IESV, quòd stans ante Præsidentem Pontium Pilatum, ad falsas querelas & accusationes non respondisti: sed quasi agnus mansuetus, qui non aperit os suum, & coram contendentibus obmutescit: sic tanquam aure furda omnia præteristi. Concede mihi, Domine, ne oblocutiones, murmura, & detractiones mihi bilem moueant; sed vt exemplo tuo edoctus, omnes qui me iniuriantur & diffamant tacendo vincam. Largire mihi perfectæ humilitatis gratiam, vt nec laudari ab hominibus appetam, nec propter te vituperari metuam.

26.
Iesus ad
Herodē
ducitur.

Ago tibi gratias, clementissime IESV, quòd in summo strepitu & furore populi, iussu Pilati ductus es ad Regem Herodem. Tribue mihi sortitudinem, vt persecutiones me non confundant, nec inimicorum iniuriæ ad iracundiam incitent, nec eorum impudentia me faciat erubescere: sed omnia quæ-

que cum mansuetudine feram, & tacendo vincam, vt in patientia mea possideam animam meam; secundum sanctorum mandatorum tuorum præscriptum.

Gratias ago tibi, IESV pie, quòd ante Herodem stans, & de multis criminibus & flagitijs à Pontificibus & Sacerdotibus accusatus, ad nullum respondere voluisti; sed silendo causam tuam iustificasti. Da mihi, Domine, dexteritatem linguam meam refrænandi, ne mihi vquam incesat cupiditas, otiosa, vana, vel turpia loquendi; nec in rebus sterilibus & infructuosis narrandis tempus inutiliter consumam: sed concede, vt nihil præterquam quod iustum, quod honestum, quod vtile est, mea lingua sonet, quodque diuinæ tuæ voluntati est consonum. Fac vt detester vitium maledicendi, & de omnibus bona audire & loqui lubeat

27.

Iesus coram Herode accusatur.

Ago tibi gratias, dulcis IESV, quòd comparatus cum infami & seditioso latrone Barraba, illo peior iudicatus es, vitaque indignior: adeò vt homicida libertate donatus, & tu auctor vitæ ad mortem sis condemnatus. O Rex æternæ gloriæ, qua quæso potuisti affici tua Maiestas maiori ignominia? Hic, Domine, hic liquet te esse lapidem illum viuum, reprobatum ab hominibus, quem sibi Deus elegit, & rexit in caput anguli. Placeat tibi Domi-

28.

Iesus Barraba secleratio iudicatur.

ne, ne tibi quicquam antepoſnam, nec te quoquam permutem; ſed omnia tibi comparata ſint mihi tanquam ſtercora. Da, ne venenum inuidiæ vnquam animum meum inficiat; ſed in te ſemper quieſcam, & in te omnem meam ſalutem conſtituam.

29.
eſus flagellatur.

Ago tibi gratias, amantiſſime I E S V, quòd ſpoliatus veſtimentis tuis ſacram illam & virgineam carnem nudam conſpici paſſus es: inde funibus duris ad columnam ligatus, horrendis flagellis eandem carnem dilaniari voluiſti; vt tuis vulneribus noſtra vulnera ſanares. O Domine, ſpolia cor meum omnibus immundis cogitationibus; exue me veterem hominem, cum omnibus operibus ſuis, & indue me nouum, qui creatus eſt ad imaginem & ſimilitudinem tuam, in iuſtitia & ſanctitate: & da mihi, vt cum omni patientia & humilitate paternæ tuæ viſitationis flagella ſubſtineam.

30.
eſus coronatur.

Ago tibi gratias, benigne I E S V, quòd poſt tot vulnera, tot liuores in immani illa flagellatione accepta, poſt ſanguinem tam copioſum toto corpore effuſum, varijs modis illuſus & ſubſannatus es. Ad maiorem verò ignominiam tuam purpurea te chlamyde circundederunt, & plectentes coronam de ſpinis, impoſuerunt eam capiti tuo; arundinem in manu pro ſceptro dederunt, flectentesque genua, Regem te ſalu-

lutârunt (imò Iudificârunt) dicentes ;
Aue Rex Iudeorum. Fac Domine, vt me-
 moria istius miserrimæ tragœdiæ cor-
 di meo imprimatur, nec vnquam inde
 deleatur : transfige illud ardentissimæ
 charitatis tuæ sagittis, vt te solum a-
 mem, de te solo cogitem, in te solo re-
 quiescam, nec tribulationes, angustias,
 vel persecutiones vllæ me a te separent;
 nec ægre sustineam, si quando propter te
 contemptui sim, & ab hominibus flocci-
 fiam.

Ago tibi gratias, dulcis IESV, quod 31.
 post tot labores, angustias, tribulatio- Iesus cr
 nes, fannas, & vulnera pro me perpes- cem po
 sa, voluisti etiam crucem tuam in fra- tat.
 ctis tuis humeris vsque in montem
 Caluariæ supplicij locum portare: id-
 que cum summo labore, & lassitudine,
 præ nimia ponderis grauitate, exha-
 stique corporis debilitate Largire mi-
 hi, Domine, vt alaeni & deuoto corde
 crucem tuam amplectar, negando me-
 metipsum, & exemplum virtutum tua-
 rum cum feruenti charitate imitando,
 vt te humiliter in mortem sublequi me-
 rear

Ago tibi gratias, ô bone IESV, qui 32.
 in hoc laborioso itinere, quando cir- tus
 cificendus educeris, lamentantes te cum o
 minas benigniter exhortatus es, ne tu solus
 per te, sed super se, & super filios suos fœdè
 plangerent Da Domine, vt & ego p
 compassionis & amoris lachrymas san-

dam, adeò copiosè, vt durities cordis mei liquefiat, & acceptabile in conspectu Maieftatis tuæ reddatur. Concede mihi Domine, vt sanctissimi tui amoris flammis accensus, parui aut nihili faciam res mundanas; te verò solum diligam, & in te sine fine requiescam, Amen. Pater noster Aue Maria.

QVINTA ORATIO DE
VITA IESV.

granat
idem.

33.

esu ace-
um pro-
inatur
elle mi-
tum.

AGO tibi gratias, benigne Iesu, quòd lassus, & viribus exhaustus, nimio Crucis tuæ pressus pondere, ad locum sacrificij tandem venisti; vbi inuentus es totus afflictus, siti penè enecatus, quo tempore scelerati & barbari illi satellites acetum tibi felle mixtum bibendum obtulerunt Placeat tibi, Domine, vt huius poculi memoria in me extingatur, inordinata gulæ concupiscentia, carnisque delectatio: & fac ne vllò vnquam tempore turpibus & illicitis delectationibus consensam præbeam Sed largire mihi honestissimam, maximeque necessariam temperantiæ virtutem, tam in edendo, quàm in bibendo, alijsque rebus seruandam: vt refrænatis omnibus gulæ appetitionibus te solum esuriam, te solum sitiam, in te solo sit omnis mea voluptas.

34

sue ve-
bº spo-

reus.

Ago tibi gratias, benedicte IESV, qui denuo vestimentis tuis spoliatus, nudus coram omni populo stetisti, vbi omnia

vulne-

vulnera detractis vestibus, quæ concreto sanguine carni adhærebant, recruduerunt, & renouata sunt: ex quibus iterum vberimus sanguis effluxit, non sine dolorum tuorum redintegratione. Largi remihi, Domine, verum paupertatis amorem, ne vnquam ob rerum mundanarum defectum contrister, sed cum omni patientia perferam inopiam, & huius vitæ necessitates. Spolia, Domine, cor meum omnibus imaginationibus & afflictionibus terrenis, & renoua in me quotidie viuam sancti amoris tui desideria.

Ago tibi gratias, IESV bone, qui crudeliter funibus in diuersa raptus & distractus es, cum te crucifigere volebant, ita vt omnes sanctissimi tui corporis iuncturæ locis naturalibus emotæ sint: sed & perpeffus es, vt sanctæ manus, sanctique pedes tui duris, crassisque clauis foderentur, & cruci hærent affixi. Da mihi, Domine, vt semper animo fideli & grato memor sim ardentissimæ illius tuæ charitatis, qua motus tam benignè tua brachia extendisti, & manus tuas aperuisti, vt foderentur, pedesque tuos accommodasti, vt duro clauo perterebrarentur. Age, Domine, exurge, & vulnera cor meum perfecta charitate; eodem amoris tui clauo sensus meos omnes transfige, ne vnquam meæ cogitationes & desideria a te separantur

35.
Iesus
ciffigit

36.
esus in
ruce
endet

Gratias tibi ago, ô sancte IESV, quòd trium horarum spatio pependisti in crucis ligno, multis, intolerabilibusque opprobrijs exagitatus, sanguinem copiosè profundens, in omnibusque membris tuis immensos dolores sustinens. Affige, Domine, eidem ligno miseram animam meam, quæ iacet humi, & purga illam ab omni peccatorum & appetituum immunditia, lauans illam fluentibus tui sanguinis riuulis. O sanguis, qui vitam tribuis & salutem. Ne dedigneris, Domine, illo me lauare sanguine, sanctificare, & purificare me liquore illo pretiosissimo. Offer illum, Domine, summo Patri tuo in perfectam satisfactionem, & remedium omnium malorum meorum. Oro te, concede mihi, vt merear corde meo bibere, & lingua animæ meæ lambere pretiosas diuini illius sanguinis guttulas, vt gustem ibi, quàm suavis tuus est spiritus, & quàm dulcis ille tuus liquor pretiosissimus.

37.
sus pē-
t inter
hos la-
ones.

Ago tibi gratias, dulcis IESV, qui amore mei suspendi in medio duorum latronum voluisti, & pro tali etiam haberi: vt hac tua incredibili humilitate & patientia superbiam & impatientiam nostram sanares, & planè destrueres. Oro te, Domine, exalta spiritum meum, vt omnia, quæ in hoc mundo cernuntur, despiciam, & te solum aspiciam, te solum amem, nunquam de alio

quàm

quàm de te cogitem, ad te suspirem, de te loquar, in te me oblectem, & omnis mea actio sit semper in te, & per te, & extra te nihil sit, quod animum meum queat satiare.

Ago tibi gratias, dilecte IESV, qui fuisti tam bonus in illos qui erant pessimi, qui etiam pro ijs, qui crucifigebant te, Patrem oraueris, dicens; Pater dimitte illis, non enim sciunt quid faciunt. Da mihi gratiam Domine, vt habeam veram patientiam, & mansuetudinem, quibus armatus (iuxta exemplum, quod mihi dedisti, & mandatum, quod mihi reliquisti) inimicos meos diligam, & benefaciam his, qui mihi malefaciunt, & orem te pro ijs, vt illis omnem iniuriam ex animo ignoscas.

Ago tibi gratias, benigne IESV, qui derisus & despectus es ab inimicis tuis, & tot blasphemijs atque iniurijs exceptus es, etiam eo tempore, quo doloribus & angustijs in cruce affligebaris ineffabilibus. Concede mihi gratiam, Domine, vt memor illius humilitatis & patientiæ, qua cum tantos dolores, & tanta sustinuisti opprobria, ego quoque simili patientia quamcunque aduersitatem perferam, tecum in cruce patientiæ vsque ad mortem peruehens. Nullus tentationis impetus, nulla tribulationis tempestas, nullæ iniuriarum procellæ me ab incepto bono proposito abducant; nec mors, nec vita,

38.

Iesus pro
crucifi-
gentibus
se orat.

39.

Iesus
cruce
ridetur

nec

nec præsentia, nec futura, nec aliqua creatura me à te separet

40.
efus la-
roni pa-
adisum
ollice-
ur.

Gratias ago tibi, optime IESV, qui etiam blasphemias & sannas vnus latronis perpeffus es, & qui alteri confiten- ti sua peccata, & pia fide tuam innocen- tiam prædicanti, gloriam Paradisi pro- misisti. O beatum me, si vnquam tam felix fierem, vt mererer oculis tuæ mi- sericordiæ respici, quibuscum fortuna- tum illum latronem aspexisti; & auxi- lio tuæ gratiæ tam innocenter viuerem, vt sub finem vitæ meæ dignus essem au- dire dulcissimum illud verbum tuum; Hodie mecum eris in Paradiso. Pater no- ster Aue Maria.

SEXTA ORATIO DE

VITA IESV.

ranat.
idem.

47.
fus ma
m di-
pulo
mmc-
c.

Gratias quas possum maximas ago tibi, Domine IESV, quòd ex arbore Crucis aspiciens Matrem tuam plenam doloribus, & afflictionibus, lachrymis- que perfusam, misertus conditionis il- lius, eam dilecto tuo discipulo Ioanni commendasti: deinde & illum matri commendasti, & nos omnes in perso- na illius. Da mihi, Domine, vt amem & honorem hanc beatam Virginem amo- re ardentissimo, vt, cum ea matris lo- co habeam, merear, vt illa me in filium suscipiat, atque vt talem me traftet. Da mihi illam Aduocatam in omni- bus necessitatibus meis, maximè au-

tem in hora mortis meæ

Ago tibi gratias dulcissime IESV, 42.
quod apertis vulneribus, capite spinis, Iesus à
coronato, manibus ac pedibus cruci af- patre se
fixis, dixisti; Deus meus, Deus meus, vt de reli-
quid me dereliquisti? Operare Domine ctū que-
in me, vt in omnibus meis aduersitati- ritur.
bus & tentationibus ad te pium Patrem
confugiam, & de meipso diffidens, tibi
soli confidam, & me totum ad manus
tuas resignem. Peto, Domine, vt vulne-
res interiora animæ meæ tuorum vul-
nerum memoria: fac vt ea impriman-
tur intimis meis præcordijs; & ita me
tuo sanguine inebria, vt de alio non co-
gitem, nec alium præter te quæram: vt
quærens inueniam te, & possideam te in
æternum.

Ago tibi gratias Domine IESV Chri- 43.
ste, qui corpus habens debilitatum, & Iesus
præ grauissimis tormentis, nimiaque Cruce
sanguinis effusione siccum vehemen- sitit.
tissimè sitiisti, ardensque nimio desi-
derio salutis nostræ dixisti; Sitio. Da
mihi, Domine, vt ardentissimè tuum si-
tiam honorem, & animarum omnium
salutem; in eo me totum occupem, con-
formem me sanctæ tuæ voluntati, fa-
ciens quantum mihi secundum statum
meum concedetur. Oro te, ne ullus a-
mor rerum transitoriarum me corri-
piat, nulla creatura me in periculosos
laqueos trahat: imò omnia, qua ama-
ri digna sunt, amore tui diligam, te au-

tem

templum omnibus amem, & in te solo quietem inueniam.

44.

Iesus in
cruce fel
bibit.

Ago tibi gratias, ô misericordissime IESV, quod in hora mortis tuæ, vt sitim restingueres, voluisti ori tuo applicari spongiam aceto plenam; vt gustando amarum illud refrigerium, in afflictissimo illo tuo statu, æterno Patri satisfaceres, pro omni nostra intemperantia & voluptate, nobisque mirabile paupertatis exemplum relinqueres. Tribue mihi gratiam, vt amore tui contemniam omnes saporum delicias, & epulas exquisitiores; & vt contentus sim id cum modestia & temperantia solum edere & bibere, quod sufficit ad huius corpusculi sustentationem, tibi reddens pro illo infinitas gratias, Purifica & sana palatum animæ meæ, vt quicquid tibi gratum est, id mihi dulce sit; & quicquid tibi displicet, id mihi non sapiat, sed fastidium pariat.

45.

Iesus Re
empti
nis no
græ ope
finem
ponit.

Ago tibi gratias, IESV amator generis humani feruentissime, quod tam absolutè, & ordine tam concinno nostre redemptionis operi finem imposuisti, offerens temetipsum sacrificium viuum in altari Crucis, pro peccatis mundi. Oro te, Redemptor mi, vt tu solus esse digneris signaculum cordis mei, & scopus mearum cogitationum, verborum, & operum: vt in omnibus rebus cum pura & casta intentione solum spectem, & agam, quod honor tuus po-

stular,

stulat, nihil autem contra te mihi placeat, aut aliquid præter te deiderem. Tribue, quæso, ne posthac unquam ignauus aut lassus fiam in tuo ministerio: sed ut renouato quotidie in me feruore spiritus, in te laudando, tibi que seruando magis magisque crescat diligentia.

Ago tibi gratias, dulcis IESV, qui cum voluisti, mentem vocasti, & venerabili tuo capite inclinato spiritum tuum in manus Patris tui commendatum è carne migrare iussisti: qua in te declarasti, te verum illum esse pastorem, qui posuisti animam pro ouibus tuis. Da mihi, Domine, ut omnibus peccatis & vicijs mortuus, tibi soli viuam; ut vitæ huius cursu in charitate peracto, confestim ad te, qui es verus animarum nostrarum Paradisus, ingrediar.

Gratias tibi ago mansuetissime IESV, qui voluisti diuinum pectus tuum a quodam milite lancea aperiri, ex quo sanguis & aqua ad lauandas & viuificandas animas nostras exiuit. Placeat tibi, Domine, sic cor meum sancti amoris tui lancea ferire, ut nihil quæquam vellet, quod non idem & tu vis. Ingrediar, Domine, anima mea vulnus pectoris tui, & pergat usque ad sedem tuæ charitatis, & thesaurum tuæ dilectionis: ut ibi adorem te DEVM meum, te me crucifixum, & mortuum; & reij-

46.

Iesus e-
mittit
spiritum.

47

Iesu-
tus lai-
cea ap-
ritur.

ciens à memoria mea omnium rerum
visibilium figuras, ad te solum respi-
ciam, & te solum in omni re præsentem
habeam

48.

Iesus se-
pelitur.

Ago tibi gratias, dilecte IESV, qui
cum magno planctu amicorum tuorum
de cruce sublatus es, pretiosissimisque
unguentis delibutus, in syndone mun-
da inuolutus, & in alienum sepulchrum
illatus es. O Domine, sepeli tecum
omnes sensus meos, ut tibi forti amo-
ris vinculo coniunctus, in his quæ tibi
displicent sim quasi mortuus, & in om-
nibus rebus tibi contrarijs quasi extra me
raptus: Econtrariò verò in rebus quæ
tibi placent, sim totus viuax, promptus
& alacer: in te solo vnico Redemptore
meo, & thesauro animæ meæ oblecter.
Pater noster. Aue Maria.

SEPTIMA ORATIO DE

VITA IESV.

Granat.

ibidem.

49.

Iesus de-
scendit ad
inferos.

AGO tibi gratias, dulcis IESV, qui
cum potentia descendisti ad Infe-
ros, ibique fortitudinem Satanæ debel-
lasti, & cum tua præsentia sanctos Pa-
tres, qui ibidem captiui detinebantur, ex-
hilarasti. & educens illos ex tenebris, ad
perpetua Paradisi gaudia adduxisti. Oro
te, Domine, ut virtus passionis & san-
guinis tui descendat super animas pa-
tris, matris, cognatorum, amicorum, &
benefactorum meorum, omniumque fi-
delium defunctorum, ut à pœnis Purga-

torij liberatæ in æternam beatitudinem recipiantur.

Ago tibi gratias, bone IESV, qui victoriosus exiens è sepulchro cum nobilissimo triumpho, post victam & interfectam mortem, tertia die resurrexisti, & indutus glorioso corpore, immensoque splendore amictus, amicos tuos visitans, eos incredibili gaudio perfudisti. Concede mihi quoque Domine, vt à morte vitiorum & vetens conuersationis resuscitatus in nouitate vitæ ambulem, eaque sola quæram, quæ alta sunt & sublimia, non autem vilia & transitoria; vt cum tu vera Vita secundò appariturus es in terris, ego tecum appaream in tua gloria.

Gratias tibi ago, ô pie IESV, qui transactis quadraginta diebus post tuam resurrectionem, aspicientibus discipulis tuis gloriosus & triumphans in cælum ascendisti: vbi sedens a dextris Patris viuis & regnas in secula seculorum. Placeat bonitati tuæ, Domine, vt anima mea langueat amore tui, & desiderat omnia quæ sunt in mundo, seaper ad te aspiret, desiderans caelestia, eaque continua & feruenti voluntate appetat. Nihil illam exhilaret, nihil afficiat, nisi solum Dominum meum & Deum meum.

Ago tibi gratias, amantissime IESV, quod Spiritum sanctum tuum misisti super electos tuos, qui in oratione perseverant.

50.

Iesus resurgit à mortuis.

51.

Iesus in cælum ascendit

52.

Iesus Spiritum Sanctum misit.

seuerabant, eosque misisti prædicare & docere gentes per vniuersum mundum. Supplico tibi Domine, purifica interiora cordis mei, & da mihi veram puritatem & munditiam conscientia, vt idem consolator inueniens in ea gratum habitaculum, adornet illud, & vberimis gratiarum suarum donis illud pulchrum & formosum faciat: ille me solus consoletur, me consumet, me regat, & sit totus mei possessor.

53.
Iesus ad
iudicium
veniet.

Gratias ago tibi, benigne IESV, qui quando veneris in nouissimo die adiudicandum orbem terrarum, daturus es vnicuique secundum operum suorum merita, vel præmium, vel supplicium. Pie Domine mi, da mihi gratiam, vt anima mea innocenter huius misere vitæ curriculum peragens, secundum sanctam tuam voluntatem, tandem huius corporis ergastulo multis meritis & virtutibus ornata exeat, vt pro tua misericordia in gloriæ tuæ domicilium recipiatur, vt sine fine te laudet, & in consortio Sanctorum omnium benedicat in secula seculorum, Amen. Pater noster. Ave Maria.

ORATIO DE NOMI- NE IESV.


Ludovic.
Gran lib
4. de O-
ration. &
Meditat.


O Bone IESV, ô dulcis Iesu, ô Iesu fili Virginis Mariæ, plenæ pietatis & misericordiæ: ô dulcis Iesu, miserere mei, secundum infinitam tuam


boni-

e &
 an.
 o-
 sta-
 den
 ha-
 nts,
 am
 on-
 to-
 qui
 ri-
 es
 am
 n.
 ve
 vi-
 al-
 6,
 -
 -
 -
 -
 a
 en.

100








C

D



quid

quid

Re

hail

era

vat

lad

ed

a

a

cc

ju

no

du

neq

ms

o

111

na

111


111

111

111

111

CAPVT NONVM,
DIVERSAS CONTI-
NENS GRATIARVM
actiones.

 I olim pro communibus sibi Exod. 13.
collatis beneficijs studiosissimè 16. & 17.
gratias agere iubentur bene-
factori suo Iudai, omnino a-
quum est, ut & nos pro eximijs beneficijs,
qualia sunt Creationis, Conseruationis,
Redemptionis, Vocationis, à malis Prafer-
uationis, diuinarum Inspirationum, Sa-
cramentorum, promissa Beatitudinis, alia-
rumque gratiarum, Deo gratias agamus,
idquè non ore tantum, ut Phariseus ille,
sed ore simul & mente Adsit in gratiarum
actionibus nostris veritas & iustitia hæc,
ut excludatur omnis superbia & benefi-
ciorum abusus; illa, ut absit omnis hypocri-
sis & mendacium: ne Deo rerum turpium
successum adscribamus. Agnoscamus ubi
que magnificentiam benefacientis, & be-
nificium accipientis vilitatem; confitea-
mur beneficij dignitatem, & affectum fide
& predicatione bonitatis diuina arden-
tem Deo offeramus. Quæ omnia ut diui-
nus orator melius obseruet, sequentes gra-
tiarum actiones ex diuersis nostri Grana-
tensis opusculis studiosè collegimus.

I. GRATIARVM ACTIO,
pro beneficio Creationis.

Granat.
 Ex adiū-
 cto Me-
 morialis
 primo &
 lib. 1. Du-
 cis pec-
 cat.

GRatias ago tibi omnipotens æterne
 DEVS, rerum omnium Creator
 sapientissime & munificentissime, quod
 me, cum nihil essem, creasti, vt essem:
 non lapis, non serpens, non auis, non
 quadrupes, sed homo ad imaginem &
 similitudinem tuam factus: imò potius
 ipsa tui & imago & similitudo, substan-
 tia scilicet intellectu & arbitrij volunta-
 te prædita, vt habens tecum similitudi-
 nem quandam existendi, viuendi, & ope-
 randi, infinitæ pulchritudinis tuæ imago
 essem & ectypum.

Ne autem creatura tam nobilis statim
 iterum in nihilum recideret, & peni-
 tus mox periret, immortalem creasti
 me; vt cum animalia cætera modicum
 appareant, & mox disparent, ego nun-
 quam ad non esse redirem, sed perpetuò
 viucrem.

Sed parum id tibi Domine visum est,
 nisi etiam animam mihi tam pretio-
 sam ac nobilem infunderes, vt vix An-
 gelorum cedat dignitati. Boues & oues
 herbis ac gramine satiantur, porci glandi-
 bus ac siliquis vescuntur; nec pretio-
 siora sunt, quibus aliæ creaturæ nu-
 triuntur, quæ si habeant contentæ sunt:
 meus verò cibus cælestis est, & appe-
 titus meus satiari non potest, nisi ini-
 mensa tua Maiestate. eius enim naturæ,

ciusque capacitatis animam meam creasti, vt nec cæli, nec terra queant illam adimplere.

O infelix ego homo, quid mundum diligo? quid honores ambio? quid diuitijs inhio? quid voluptatibus immergor? quid quæro quæ hodie sunt, & cras non inueniuntur? non satiant hæc glandes, non sapiunt istæ glumæ, & legumina hæc non nutriunt. Cognosce, ô anima mea, quæ sis, quem in vsum creata, quid quærere, & quibus delitijs debeas saturari. Solus Deus satiare te potest: reliqua omnia occupare te possunt, satiare non possunt. Hunc quære, hic sponsus tuus, hic desideriorum tuorum quies, hic vltimus finis tuus. Agnosce, ô anima mea, dignitatem tuam; agnosce qualis creata sis. Rex cuius pulchritudinem sol & luna mirantur, cuius Maiestatem cæli reuerentur, & terrarum orbis adorant; cuius sapientia Angelorum chori illuminantur, cuius bonitate societas supernorum ciuium pascitur, ille te creauit, vt sis eius habitaculum, sedes & sanctum templum eius; ille in sinum tuum semetipsum infundere vult: ille capacitatis tuæ immensæ angulos omnes potest implere. Exurge, exurge, ô anima mea, Eccli.24
occurre hospiti tanto; introduce eum cum gaudio in domum tuam, & dic; Qui creauit me, requieuit in tabernaculo meo.

Quam animæ meæ dignitatem cum intueor, Domine, non miror quòd tanto amore illius inebriatus filius tuus vnigenitus sinum tuum deferens, virginis vterum non horruit; triginta tribus annis eam varijs laboribus & doloribus quæsiuit; animam suam pro ea dedit, & pretiosissimo sanguinis sui lytro captiuam redemit: sed meam potius miror ingratitude, vecordiam & stuporem, qui eandem animam redemptam, nunc denuò tam vili pretio terrimis Dæmonibus prostituere, & cum tam immundis bestijs fornicari malo, quàm in brachijs Redemptoris mei, qui speciosus est forma præ filijs hominum, cuius vbera meliora sunt vino, cuius nomen oleum est effusum, requiescere.

Psal. 44.
Cant. 1.

Corporis quod dedisti mihi fabricam cum intueor, tot inuenio beneficia tua, quot membra, quot sensus, quot venæ, quot nerui, quot fibræ in illo reperiuntur, quæ omnia incomparabilem tuam prædicant sapientiam & bonitatem: in cuius vnus corporis harmonia si semper philosopharer, nunquam mihi laudandi te materia esset defutura, nunquam dignas fatis gratias tibi redderem, nunquam debita mea exsoluerem pro tot, tantisque beneficijs; quæ quanta sunt norunt ij, qui aliquorum membrorum vsu destituuntur, aut alia vitiosi corporis affectione laborant.

Immenſas igitur bonitati tuæ, ô plaſtes hominum, ago gratias, quòd me non cæcum, non claudum, non mutum, non monſtroſum, non maniacum, non epilepticum, aut quouis alio mentis vel corporis vitio deformem creasti; ſed animum ſanum in corpore ſano dedisti: da etiam, ne vnquam membrīs, ſenſibus aut animæ meæ potentijs in nominis tui contemptum aut vituperium abutar.

Cæterùm, ô Domine, multa adhuc deſunt mihi: nihil enim ſtatim à non eſſe ad perfectum eſſe deducitur: ſed omnia quibuſdam quaſi gradibus ad ſuam perfectionem tendunt. Ea autem perfectio à quo petenda eſt, niſi ab eo, cuius operis eſt initium? Hinc omnes effectus ad ſuas cauſas conuertuntur, vt ab ijs vltimas ſuas accipiant perfectiones, à quibus principium ſuum acceperunt. Sic video, Domine, plantas laborare, & ſe in omnem partem torquere, vt Solem aſpiciant, & radices in terram mittant: piſces aqua non exeunt, & pullus vix ouo exclusus, ſub alis gallinæ ſeſe abſcondit, eamque ſequitur quocunq; ierit. Hoc cum faciant omnes creaturæ, in quibus non eſt intellectus, ſolus ego non facio, quem tamen ratione præditum creasti. Multa mihi deeſſe, multa que obeſſe quotidie ſentio, & inordinata atque inſatiabilis appetituum meorum fames edocet me.

Sed ego tanquam columba non habens cor, non ad Creatorem meum, sed ad creaturas recurro: non aquam ex fonte peto, sed cisternas mihi fodio, terræ inhio, & cum qui terram fecit, contemno. Vitam quæro in regione mortis, & requiescere volo in rebus inquietis; à creaturis emendicare volo, quod à Creatore petere debeo.

Psal. 118.

Oro igitur bonitatem tuam, ô misericors Pater & Conditor mi, tolle hanc ignorantiam à me, conuertere me ad te, & conuertar: imperfectum meum vident oculi tui, tu me fecisti, tu perfice: tu opus hoc cœpisti, tu cœptum absolue Manus tuæ fecerunt me, da mihi intellectum, vt discam mandata tua: aures dedisti mihi, sed ad audiendum fabulas, quàm ad verbum tuum sunt attentiores: oculos dedisti mihi, sed prouiores sunt ad curiosa contemplanda, quàm ad consideranda mirabilia de lege tua: manus dedisti mihi, sed ad opera bona facienda debiles sunt: pedes dedisti, sed veloces ad malum, tardi sunt ad bonum Quid multis? non est sanitas in carne mea: perfice Domine quod in me cœpisti, opus manuum tuarum ne despicias. Da quod deest mihi, quia Creator meus & Deus meus es: tu vita, tu salus, tu victus, tu copia, tu gloria, tu honor, tu pax, tu omnia bona mea es: sine te omnis copia mihi egestas est, qui viuus & regnas Deus per omnia secula seculorum Amen.

II. GRATIARVM ACTIO, pro beneficio Conseruationis corporalis.

Gratias ago tibi summe, omnipo- Granat.
tentissime, iustissime, & miseri- ex lib 1
cordissime Domine Deus; non tantum Ducis
quia creasti me, & cum non essem ad peccat.&
esse me produxisti: sed etiam quia me ex Appē-
ex nihilo factum, ne in nihilum recide- dice 1.
rem, conseruasti, & quotidie conseruas:
vtrumque enim opus tuum esse credo
& confiteor, si enim manus tuæ clau-
derentur, & ab officio hoc adiectum ocu-
li cessarent, in nihilum (vnde me cre-
asti) necessariò mihi esset relabendum.
Quotquot igitur momenta & temporis
puncta habuit, habet, & in posterum ha-
bebit hæc vita mea, tot partes sunt huius
beneficij.

Gratias ago tibi, ô pie Pater, quòd à
conceptione vsque ad natiuitatem me
in vtero matris, strictissimo clausum
lectulo, inscrutabili quodam modo con-
seruasti: ne in visceribus maternis præ-
focatus, fœtusque aut intempestiue or-
tus, aut in natiuitate strangulatus, sine
baptismatis gratia in mundum prodie-
rim. Gratias ago tibi, quod natus sum
non inter barbaros, & idololatrias, qui
ligna colunt, & lapides adorant: non
inter hæreticos, qui nomen & sacro-
sancta tua Sacramenta blasphemant;
sed inter Catholicos, qui te vera, sin-

cera & pura fide venerantur atque inuocant.

Gratias ago tibi, quòd natum me, uiuentemque in hoc mundo tot laqueis & periculis pleno, ab omni infortunio & improuisa morte conseruasti. Cum enim me uiuente tot homines in mari suffocati, igne consumpti, in bello occisi, à latronibus iugulati, bestiarum dentibus laniati, hiatibus terræ absorpti, fame necati, siti extincti, calore exusti, frigore perempti, veneno corrupti, laqueo strangulati, ferro trucidati, aut alia repentina morte abrepti sint: cum interea tot cæci, claudi, rabidi, arquati, dysenterici, lienosi, maniaci, furiosi, lunatici, & caduci effecti sint, quorum vita morte miserior est; tua me Domine paterna prouidentia ab omnibus his malis defendit: cum tamen illis nihil acciderit, quod non & mihi, filio Adæ, ex eadem perditionis massa creato, in eodemque originali peccato concepto, & genito, accidere potuisset, nisi tu me conseruasses. Tuæ hæc omnia gratiæ debeo, tibi hæc accepta fero. Si rex & dominus meus terrenus ex decem captiuis, eidem crimini obnoxiijs, nouem in crucem egisset, me autem ex pura gratia liberum dimitteret, quas illi gratiarum actiones referrem? id autem tu Domine fecisti mihi non semel, sed quotidie, & quidem singulis momentis

Quid

Quid igitur pro his omnibus retribuam tibi Domine? quas laudes tibi canam? quas referam gratiarum actiones? Dicam cum Propheta; Misericordiæ Domini, quia non sumus consumpti, quia non defecerunt miserationes eius.

Thren 3.

Sed corpus dedisti nobis multarum rerum indigum, quæ nisi adsint, facile corrumpitur & perit: vt autem adessent, singulari tua prouidentia disposuisti. Vt enim nos propter temetipsum, sic omnia propter nos creasti: quicquid enim in terra, in aquis, in aëre, in igne, in sphaeris cælestibus, imò in ipso Empyreo cælo creatum est, id omne in obsequium nostrum creasti: omnes creaturæ ministri nostri sunt.

Psal. 8.

Constituisti namque hominem super opera manuum tuarum, Subiecisti omnia sub pedibus eius, &c. Mihi frondes & fructus produciunt arbores, mihi floret vinea, mihi pinguescit olea, mihi germinat hortus, & omnis agri plenitudo mea est: mihi terra mittit aurum, argentum, & varia vñibus humanis commoda mineralia. Mihi fluit & refluit mare, mihi pisces varios generat, mihi vela nauesque portat. Mihi scaturiunt fontes, mihi labuntur flumina; oues, boues, & pecora campi pascuntur, pelles, lanasque, lac & butyrum proferunt, mihi canis venaticus ungulas & dentes, mihi monoceros producit cornua. Mihi canit ficedula,

mihi pauo versiculores pennas explicat. Quid multis? nihil in aqua, terra & aëre est, mouetur, aut viuit, quod non aut pascit me, aut recreat me, aut medetur mihi: ita vt totus hic mundus inferior non sit aliud, quàm penuarium meum, viridarium meum, & pharmacopolium meum.

Si supra elementarem mundum ascendam, quot & quanta sunt illic Domine magnalia, quæ fecisti mihi? Luna, Sol, stellæ cui lucent, nisi mihi? cuius in vsum suas in hæc inferiora mittunt influentias, nisi in meum? cui annorum, mensium & dierum tempora variant & dimetiuntur, nisi mihi? Ascendam altius, nobilissimos & purissimos illos Angelicos spiritus, qui tibi ministrant, & tibi assistent, etiam meos esse ministros voluisti, vt me à visibilibus & inuisibilibus inimicorum insidijs defendant, suis suggestionibus ad omne bonum inducant, mihi in tribulationibus succurrant, orationes meas tibi offerant, & animam meam ex hac vita emigrantem, in conspectum tuum deferant.

Exurge nunc anima mea, exurge, numera si poteris singula hæc beneficia, quibus te quotidie peccantem prosequi non cessat Deus. Omnia hæc & singula voces quædam sunt, ad laudandum munificum hunc benefactorem inuitantes: non audis, non cognoscis, quis il-

le sit, qui se tot argumentis tibi insinuat? tot testimonijs cognitum facit? tot muneribus ad se trahit? tanti te fecit, vt omnia tuum in vsum condiderit? qui gregis tui factus est pastor? familiæ tuæ dispensator? corporis & animæ tuæ medicus? Non amabis hunc? non seruias huic? non ages gratias? non laudabis?

Laudare te Domine, & ex totis præcordijs tibi gratias agere cupio: sed in me vnde id possim non inuenio: non enim est laus pulchra in ore peccatoris. Cæterum quia omnia creasti in vsum & obsequium meum, omnes creaturas inuocabo, vt mecum communem Dominum collaudent, & dicam:

Eccli 15.

Benedicite mecum omnia opera Domini Domino, laudate & superexaltate eum in secula. Benedicite Angeli Domini Domino, benedicite cæli Domino. Benedicite aquæ omnes quæ super cælos sunt Domino, benedicite omnes virtutes Domini Domino. Benedicite sol & luna Domino, benedicite stellæ cæli Domino. Benedicite imber & ros Domino, benedicite omnes spiritus Dei Domino. Benedicite ignis & æstus Domino, benedicite frigus & æstus Domino. Benedicite ros & pruina Domino, benedicite gelu & frigus Domino. Benedicite glacies & niues Domino, benedicite noctes & dies Domino, laudate & superexaltate eum in secula. Be-

Canticum
triū pue-
rorum,
Dan. 3.
Integrū
est, si post
singulas
benedi-
ctiones
addide-
ris, Lau-
date &
superex-
altate eū
in secu-
la.

nedicite lux & tenebræ Domino, benedicite fulgura & nubes Domino. Benedicat terra Dominum, benedicite montes & colles Domino. Benedicite vniuersa germinantia in terra Domino, benedicite fontes Domino. Benedicite maria & flumina Domino, benedicite cete & omnia quæ mouentur in aquis Domino. Benedicite omnes volucres cæli Domino, benedicite omnes bestię & pecora Domino. Benedicite filij hominum Domino, benedicat Israel Dominum. Benedicite sacerdotes Domini Domino, benedicite serui Domini Domino. Benedicite spiritus & animæ iustorum Domino, benedicite sancti & humiles corde Domino: laudate & superexaltate eum in secula. Benedicite omnes religiosi Domino Deo Deorum, laudate & confitemini ei, quia in omnia secula misericordia eius. Amen.

III. GRATIARVM ACTIO,
pro beneficio Redemptionis.

Ex primo Ad-
iuncto
seu Ap-
pendice
Memo-
rialis.

GRatias ago labijs, & corde, & omni qua valeo virtute, infinitæ misericordiæ tuæ, Domine Deus noster, quod me ad imaginem atque similitudinem tuam creatum, & in primis parentibus lapsum, atque perditum, non in perpetuum, vt superbientem Angelum à facie tua exulare voluisti; sed & pro ineffabili tua bonitate me redemisti. Quia me

fecisti

fecisti Domine, debeo tibi meipsum; quia verò me redemisti, deberem tibi plus quàm memetipsum, si haberem. Nihil enim prodesset nasci; nisi redimi profuisset.

Cùm autem nobis non moriendo succurrere potuisses, moriendo tamen idipsum efficere voluisti, vt vim dilectionis tuæ nobis ostenderes; minùs enim amasses, nisi quod à nobis tolleres, ad tempus sustinuisses. Tanto autem digniùs à nobis honorandus es, quanto indigniora pro nobis suscepisti. Quis enim es tu qui pateris? quæ & qualia pateris? pro quo pateris? & cur pateris? Dic mihi Domine, vt mirabile opus hoc & incomparabile beneficium suo pondere queam trutinare.

Quid igitur dicam, ô Deus meus, esse te? Dicam quod tu ipse dixisti, olim **Exod. 3.**
Moyfi, Es qui es. Tu es ens infinitum, quod à nemine, præterquam à temetipso, procedit: & extra te non est ens, habens esse à semetipso; sed à te solo, qui es principium & fons omnis essentiæ. Tu tua omnipotentia fecisti omnia de nihilo: tu tua bonitate conseruas omnia sine alicuius auxilio. Tu tua voluntate (si placeret) omnia redigeres in nihilum. Tu solus es, qui es, & omne quod esse videtur, nihil est, si tecum conferatur. Luna non splendet & stellæ non sunt mundæ in tuo conspectu. Omnis pulchritudo tibi col-

lata deformitas, omnis potentia infirmitas, omnis sapientia ignorantia, & omnis bonitas est malitia Tu bonus es sine defectu; sapiens sine errore; liberalis sine exceptione personarum; iustus sine ira; munificus sine detrimento Tu omnia operaris, & non distraheris; semper operaris, & non fatigaris: vbique es, & nihil tibi deest.

Quid igitur de Maiestatibus tuæ magnitudine dicam? Tu respicis terram, & facis eam tremere: tu tangis montes, & fumigant. Tu conclusisti ostiis mare, quando erumpebat quasi de vulua procedens. Tu numeras multitudinem stellarum, & omnibus eis nomina vocas: quem Dominationes & Angelicæ potestates adorant; coram quo altissimi Seraphin contrahunt alas suas, & pennas se regunt suis. Confitentur tibi omnia opera tua, & sancti tui benedicunt tibi. Te laudant astra matutina, & tibi iubilant omnes filij Dei. Cæli enarrant gloriam tuam, & splendorem tuum enunciat firmamentum Flores agri testantur tuam pulchritudinem, terra prouidentiam tuam, mare & fluctus eius tuam maiestatem prædicant.

Talis ac tantus es tu Domine. Eia nunc liceat mihi dicere, imò sentire potius, quæ & quàm indigna tu tantæ Maiestatibus Dominus pro me tulisti: Et dum hæc numero, chori omnes Angelici

lici procidant ante te, & gratias agant
 tibi pro his quæ sustinuisti, vt nos redi-
 meres. Tu tam sublimis & admirabilis
 de summo fastigio tuæ gloriæ descen-
 disti in hanc lachrymarum vallem, in-
 carnatus & habitu inuentus, vt homo
 peccatis subditus. Tu in hoc mundo pro
 me famem & sitim, tu ardores solis &
 frigora, tu persecutiones & dolores, tu
 tantam pro me perpeffus es paupertatem,
 vt cum vulpes habeant foueas, & Luc. 9.
 volucres cæli nidos suos, tu cæli Domi-
 nus non habueris vbi caput reclinares.
 Natus in stabulo inter ipsas bestias, ab
 ijs calorem halitus emendicasti, & la-
 ceris panniculis inuolutus es: octauo
 die tesseram hominis peccatoris in car-
 ne tua suscepisti. Mox tibi mundus per-
 secutionem mouit, ad terras exoticas
 & gentem idolorum cultricem fugisti,
 & ad hoc noctis silentia quæsiuisti;
 non te ætatis innocentia excusauit, nec
 tenero corpusculo data est quies, nec
 otiosa fuit delicata pueritia. Crescen-
 te corpore creuere dolores & labores.
 Quis enim poterit explicare Domine
 tuas orationes, vigilias, ieiunia, lassitu-
 dines, famem, sitim, persecutiones, &
 iniurias tibi ab inimicis irrogatas? Psal. 68
 Aduersum te loquebantur, qui sedebant
 in porta, & in te psallebant, qui bibe-
 bant vinum. Quid multis? tam indignis
 modis tua vita est exagitata, vt meri-
 to dicere potueris per Prophetam; Pau-

per

Psal. 87.

per sum ego, & in laboribus à iuuentute mea.

Et hæc quidem in vita sustinuisti, maiora verò sunt, quæ in morte & in cruce perpeffus es. Ibi capta est libertas, percussa innocentia, sputis coinquinata pulchritudo, damnata iustitia, illusa gloria, mortua & crucifixa vita. Papè, quid mirabilius? quid horribilius? quid magis inauditum? Vita moritur, Deus flagellatur, potentia Dei funibus ligatur, imago Patris conspuitur, Deus denique nudus in crucem agitur, & inter duos latrones toto inspectante mundo suspenditur? Vterius anima mea progredi non potest, vires enervantur, & cor meum deficit in me. O altitudinem charitatis, ô profunditatem immensæ humilitatis, ô magnitudinem misericordiæ, ô abyssum incomprehensibilis bonitatis Si tanta tibi debeam, ô Domine, quia me redemisti, ecquid debebo tibi, quia modo tam admirabili, tibi que tam duro & arduo redemisti? O pijsime Pastor, ô fidelissime custos, qui animam tuam pro ouibus tuis, quas defendendas & custodiendas suscepas, posuisti; quibus ego muneribus tantum tuum beneficium remunerabo? quibus lachrymis planctum tuum prosequar? qua vita vitam puram & immaculatam tuam imitabor? Plus sanè Domine Iesu debeo iniurijs tuis, quibus redemptus sum, quàm operibus tuis, quibus creatus sum.

Quòd si hæc, Domine, pro Angelis & Archangelis, pro Cherubin aut Seraphin tolerasses, mirandum minus esset. Nunc autem non pro his, sed pro homine passus es. Et quid est homo, quòd memor es eius, & filius hominis, quòd hoc modo visitas eum? Si corpus consideres, homo animalium omnium est miserrimus; si mores, multò inferior & peior est. Ergóne tu Deus moreris pro filijs Satanæ, omnis honestatis & iustitiæ corruptoribus, parricidis, & legis diuinæ præuaricatoribus? pro ingratis tibi tuisque beneficijs, pro tuæ voluntati immorigeris, tuæ maiestatis contemptoribus, tuæ gloriæ blasphemis? Ergóne tu Deus moreris pro titione inferni, cuius cor beneficijs non capitur, minis non terretur, promissionibus non flectitur, & pœnis non mouetur? Pro homine, qui contentus non est propria & domestica sua malitia, etiam terram circuit, deteriora quærit, bestiarum naturam induit, peior illis effectus: crudelior tigride, ferocior leone, voracior lupo, venenosior regulo, callidior serpente? Quæ cum non sufficientiant ad inferos descendit, & à Dæmonibus detestabilia quæque mutuatur: blasphemiam, superbiam, inuidiam, & perpetuam cordis obdurationem? Cumque plura non inuenit, ipse sibi nefanda peccatorum monstra excogitat, species quasdam gulæ, luxuriæ, aliarum-

que

que turpitudinem, quæ nec inter bestias, nec inter Dæmones reperiuntur. Tu huiusmodi portentum dignum ducis Domine, vt aperias super illud oculos tuos? tu pro sentina hac & cauerna serpentibus, viperis & scorpionibus plena moreris, vt sanctifices illam? Deficit anima mea in considerando salutare suo Domine, & spiritus non est amplius in me.

Gen. 18.

Quia semel coepi, loquar ad te Regem meum, & Deum meum, cum sim puluis & cinis: quid pium cor tuum commouit, quid vicit & expugnauit illud, vt tanta pro tam abominabili creatura patereris? Venabar inde vtilitatem, expectabas gloriam aut beatitudinem maiorem, quam habebas? O mea gratia, ô amor sine mercede, ô pura & sincera bonitas, quæ tibi vtilitas ex vnus formicæ obsequio? quis fructus ex salute hominis tibi erat expectandus? Bonorum nostrorum non eges. Quis dedit tibi, vt reddas ei? omnia quæ sub cælo sunt, tua sunt.

Psal. 15.

Iob 41.

Quid tibi ergo cum doloribus & miserijs nostris? Per viscera misericordiæ Dei nostri, visitasti nos Oriens ex alto. O pia viscera, ô dulcia viscera, ô viscera facta nobis pelagus amoris & misericordiæ. His visceribus, & non aut vtilitate, aut necessitate motus, nostris doloribus condoluisti, nostri misertus es: vidisti afflictionem populi tui, & appa-

Luc. 1.

ruiſti

ruisti in rubo inter spinas & tribulos, de
cælo descendens, & nostram naturam
assumens.

Ne quæso indigneris, Domine, si lo-
quar. Si tanta vis amoris fuerit ô fons
charitatis, vt te coëgerit ad connubia
tua Maieſtate indigna, vt accipere vo-
lueris tibi sponſam ex creaturis tuis, an
non erat sponſa in terra tua nobilior, &
tibi cum gratia, tum natura propin-
quior? cur descendere voluisti in ter-
ram Philisthijm, qui incircuncisi sunt,
atque ex ijs tibi sponſam petere? Cur
non potius Angelicam naturam appre-
hendisti? cur deperibas sponſam de gen-
te incircuncisa, quæ te postea tradet ini-
micis tuis, & occidet te? Quid respondes
Domine mi? quid respondes, nisi; Hanc Iudic 14
volui, hæc placuit oculis meis, vt ille
quondam respondit, qui te præfigurabat
Samson?

Quas igitur gratias agam tibi Domi-
ne pro beneficio hoc incomparabili?
quo amore diligam te, qui mihi tam
manifestum specimen incomprehensi-
bilis tuæ bonitatis exhibuisti? Qui fie-
ri potest, vt aliquis in mundo reperia-
tur, qui non diligat te? qui tanti bene-
ficij esse potest inmemor? Prius obli-
uiscar mei, ô Domine, quam memoria
tanti beneficij mihi excidat. Clauis isti,
qui manus tuas innocentissimas transie-
runt, etiam cor meum transigant: &
admirabilis illa permutatio, qua tu ma-

la mea

la mea suscepisti in te, & bona tua liberaliter effudisti in me, nunquam de mente mea recedat. Cumque tu toto vitæ tuæ curriculo desiderio magno desideraueris crucem, in qua moriturus eras pro me, da ut & ego quamdiu vixero à cruce non abhorream: sed eam cum patientia feram; donec me transferas ad locum illum, ubi mors ultra non erit, neque luctus, neque clamor, neque dolor: ubi tecum regnabimus in secula seculorum. Amen.

Apocal.
21. 22.

IIII. GRATIARVM ACTIO,
pro beneficio Vocationis & Iustificationis.

Ex appē-
dice pri-
ma.
Pet. 2.
Osee 1.

GRatias ago tibi Domine DEVS, adiutor meus, & redemptor meus, qui me de tenebris vocasti in admirabile lumen tuum, ut qui eram non misericordiam consecutus, nunc misericordiam consecutus sim. Quo enim tempore degebam in terra obliuionis, & in regione umbræ mortis; cum via mea esset peruersissima, tibi que contraria, tunc tua pietas vocauit me, non solum fugientem, sed etiam repugnantem; tunc Spiritum sanctum dedisti mihi, & in filium tuum me adoptasti.

Gratiam, quam in baptismo accepi, nequiter abieci, stolam primam laceraui, & quasi filius prodigus omnem substantiam meam dissipauit: templum san-

ctum

ctum tuum, quod sanctificasti in me tibi, prophanauī, erigens in illo turpissimarum voluptatum idola, & varijs peccatis polluens illud. Fuit aliquando tempus, o Saluator mi, in quo tam cæcus fui, tam perditè vixi, quàm si legem non habuissem, & Deum esse nullum credidissem: non eram memor mortis; iudicij & futuræ vitæ non recordabar: lex, iuxta cuius præscriptum viuebam, erant appetitus mei: ibam in adinventionibus meis, & secundum desideria mea ambulabam.

Sic anni vitæ meę plurimi transierunt, quibus in tam densis tenebris vixi, vt manibus instar AEgyptiacarum palpari potuerint. O quàm serò te cognoui æterna lux; quàm tardè oculos meos aperui, vt aspicerem antiquam pulchritudinem tuam?

Toto hoc tempore obseruasti me, sustinuisti me, expectasti me, nolens quòd mors repentina me inuaderet. O altitudo iudiciorum tuorum, & magnitudo miserationum tuarum. Quot homines interea in medio peccatorum suorum cursu subita morte abrepti sunt, qui nunc miserè torquentur in inferno: & ego, qui vnus ex illis eram, tua misericordia protectus, & in hanc vsque horam seruatus sum. Ah, quid actum fuisset de me, si illo tempore & me ad districtum tribunal tuum euocasses? quam ego rationem reddere potuissem

in sta-

in statu tam periculoso? O misericordia mea, & redemptio mea, non minores pro hoc beneficio tibi ago gratias, quàm si me inter illos damnatos constitutum inde extraxisses, atque à tormentis perpetuis liberasses. Benedicta sit patientia tua, cuius beneficio viuo, & benedicta sit misericordia tua, quæ me tanto tempore defendit & custodiuit.

Neque solum cum ego peccabam, me custodiisti, sed non raro etiam me tanquam amicum tuum visitasti, dulcibusque & secretis inspirationibus tuis me ad te vocasti; obijciens mihi meorum peccatorum magnitudinem, huius vitæ breuitatem, alterius æternitatem; tuæ iustitiæ seueritatem, & misericordiæ benignitatem. In medio mearum iniquitatum illuxit mihi subinde præsentia tua tam efficaciter, vt perseveranti mihi in delictis meis, & quærenti porrum, cepe & allia Aegyptiorum, vberimas lachrymas excusseris. Ego peccabam, tu me à peccato reuocabas: ego fugiebam à te, tanquam parum esset mihi perdidisse te; & tu quærebas me, quasi plurimum tua interesset, inuenisse me. Sic multis annis luctando & reluctando viximus, tu benefaciendo, ego malefaciendo, & beneficia tua contemnendo. His vocibus vocabas me, his funiculis frustra me trahebas.

Tandem cum placuit tibi segregare

me,

me, & vocare per gratiam tuam, clamorem magnum in aures animæ meæ immisisti, quo veluti leonis rugitu à somno excitasti me, & à morte ad vitam reuocasti. Hæc est illa vox, quam tanto opere prædicat amicus tuus Dauid, in virtute confringens cedros, intercidens flammam ignis, & concutiens commouensque desertum Cades: non enim minor est potentia, quàm misericordia, qua vti in hoc opere consueuisti, maxima namque misericordia est peccata remittere, & potentia maxima peccatores iustos facere.

Psal. 28.

O quot & quanta sunt beneficia, quæ pariter cum hoc vno in nos effunduntur; hic datur peccatorum venia, datur gratia, datur charitas cum cæteris virtutibus affectis: dantur denique sancti Spiritus dona atque charismata. Hic peccator tibi reconciliatur, ex inimico amicus, ex mancipio Diaboli filius tuus, & hæres fit regni tui. Hic filius prodigus in domum patris recipitur; stola prima, annulus, calceamenta, cæteraque filij ornamenta hic redantur.

Luc. 15.

Etsi certus esse nequeam Domine, odione an more dignus sim, spero tamen id, & omnino de bonitate tua confido: sed & conscientia mea mihi testatur, quòd iustificationis gratiæ particeps sum: quare me tibi debitorem, & quidem maximum agnosco. Bene-

Eccles. 9

dictus

dictus itaque sis Domine liberalissime, dator omnis boni, imò tuiipsius: quia viuenti mihi perditissimè dedisti Spiritum sanctum tuum, nutrimentum, magistrum, tutorem, gubernatorem, consolatorem, & omne bonum meum: ille mihi est diploma adoptionis, arrha matrimonij, & pignus vitæ sempiternæ. Benedictus sit dies ille, in quo talis hospes animam meam ingressus est, & benedicta hora, in qua ad recipiendum illum portæ voluntatis meæ apertæ sunt. Ille dies mihi solennis fuit, illo die ex Aegypto profectus sum. Ille dies mihi natalis fuit, in quo filius Dei regeneratus sum. Ille Paschalis, in quo à morte ad vitam resuscitatus. Ille entecostalis, in quo Spiritum sanctum accepi.

Iob 3.
Luc. 15.

Maledicat Iob diei natiuitatis suæ, ego huic benedicam. Hic est ille dies, in quo lætati sunt Angeli de conuersione peccatoris, in quo exultauit mulier ob inuentum drachma, in quo vicinos conuocauit gaudens pastor ab ouem inuentam, in quo ululant Dæmones ob prædam amissam. Hic est ille dies, in quo tu Pater me filium agnouisti, Filius verò tuus me fratrem suum; & Spiritus sanctus tuus me sibi templum consecrauit, & Angelorum chori me socium & conciuem suum salutârunt. Si hoc die exultauerint Angeli, & tibi Domine cantauerint, quî potuerunt tacere

labia mea? quomodo obmutescet lingua mea? quomodo os meum tua laude non replebitur? Quidquid Psalmi & Prophetæ cecinerunt de aduentu Redemptoris mei, id omne tibi cantabo Domine.

Magnum fuit beneficium tuum Domine, quòd me creasti, in eo enim me à non esse ad esse produxisti: sed multo maius est, quod me iustificasti, in hoc enim me eripis ab esse culpæ, & adducis ad esse gratiæ. in illo factus sum filius hominis, in hoc filius Dei sum constitutus. Magnum est beneficium, quod exspecto gloriæ; sed non minus est in suo genere hoc iustificationis. siquidem non minus est ex peccatore facere iustum, quàm ex iusto beatum, cum inter peccatum & gratiam maior, quam inter gratiam & gloriam sit distantia. Magnum quòque, imò maximum est beneficium redemptionis: sed quid profuisset mihi redemptio, si non subsecuta fuisset vocatio & iustificatio? Agnosco igitur, ô Domine, beneficium iustificationis cardinem & clauem esse omnium aliorum, sine quo alia non modò non profunt, sed maioris præbent damnationis materiam.

Sed, ô Domine, quid feceram tibi, vt hæc mihi retribueres? quid obsequi præstiti tibi, vt hanc mercedem mihi redderes? quid in me inuenisti tanto dignum honore & præmio? Nihil in

me erat à peccato immune: non te cognoscebam, non te amabam, non tibi seruebam, nec tui memineram: factus eram abyssus tenebrarum & iniquitarum. Non possum, Domine, non horrore concuti, quoties hæc recolo, nec aliam huius beneficii causam inuenio, quàm tuam bonitatem. Quot fuere sodales mei eiusdem ætatis, naturæ, & impietatis, quorum ego eram peruersissimus, me tamen assumpsisti, & illos repudiasti. in eadem captiuitate Aegyptiaca detinebamur, & me ad regalem mensam tuam admisisti, illos autem dampnasti, & inferni vulturibus carnes eorum vorandas obiecisti.

Hæc cum recordor, Domine, spiritus amplius in me non est, & nescio quomodo laudabo te, aut quas tibi referam gratiarum actiones, pro bono tam incomparabili. Toto vitæ meæ tempore dicam, Domine, quid vidisti in me? Domine, quid vidisti in me? Domine, quid vidisti in me amplius, quàm in alijs, quos reprobasti? Vt quid me sic vocasti? sic me liberaisti? sic me aspexisti? sic me suscepisti (si modò susceperis) relinquens tot in peccatis, qui minùs erant mali, quàm ego? Nescio quid dicam, nescio quid faciam, nescio quid retribuam tibi Domine pro omnibus quæ retribuisti mihi. Benedicam, cum Prophetæ, Domino in omni tempore: semper laus eius in ore meo dicam cum

codem Propheta: Diripuisti Domine
vincula mea, tibi sacrificabo hostiam
laudis, & nomen Domini inuocabo. Se-
denti in throno, & Agno benedictio, & Apoc. 5.
honor, & gloria, & potestas in secula se-
culorum, Amen.

V. GRATIARVM ACTIO,

pro beneficio Sacramentorum.

A Terne Pater dilecti Filij tui Do- Ex lib. 7.
mini nostri IESV Christi, quies Memo-
conditor & Rex vniuersæ creaturæ tuæ, rialis.
tibi gratias ago toto pectore, & omni
qua valeo virtute, quod sine vilo meo
merito præcedente, sola motus tua mi-
sericordia dignatus es lauare me aqua
illa, quæ de sanctissimo filij tui latere
profluxit, eluens in baptismo omnes
sordes animæ meæ, meque ab omnium
inimicorum meorum, peccati, inferni,
Dæmonis, & mortis tyrannide liberans;
faciens me templum viuum & S. Tri-
nitatis habitaculum; donans mihi spi-
ritum adoptionis, per quem in nume-
rum filiorum tuorum assumptus sum:
dans insuper omnia ornamenta, quæ ad
hanc dignitatem requiruntur; vt sunt
gratiæ, virtutes infusæ, & dona Spiritus
sancti, quibus anima mea vt sponsa ex-
ornata pulchra in conspectu tuo appa-
reret, munitaque fortitudinem nouam
acciperet, qua deuicto generis huma-
ni antiquo hoste triumpharet, & finem
ad quem creata est, cælestis scilicet re-

gni beatitudinem, consequeretur.

Quid tibi, Domine, pro hoc beneficio retribuam? Quid dabo tibi pro eo, quod in tanta multitudine Barbarorum, Infidelium, Turcarum, Maurorum & Ethnicorum, qui lapides, ligna & serpentes adorant, me Christianum esse voluisti: quodque me recepisti in gremium Ecclesiæ, in hæreditatem domus tuæ, & in arcam veri Noë, necum cæteris in diluuiio infidelitatis perirem: Quot animas creasti Domine eo ipso die & momento, quo mea creata est, quarum quædam in Turciam, quædam in Indiam, nonnullæ in Barbariam, & aliæ in alias Infidelium terras missæ sunt: eadem profectò fors etiam animæ meæ obtingere potuisset: sed gratia tibi, & gloria, & laus, ó misericordissime Domine, qui non alibi voluisti siniculum meum cadere, quàm in Paradiso, in gremio Ecclesiæ, quæ est domus filiorum tuorum. Da mihi clementissime Pater, dignè in hac domo conuersari, ne tantum beneficium malè in me collocatum inueniatur, & in futuro seculo fors mea infidelium forte fiat deterior.

Pater sancte, benedico ineffabile nomen tuum in æternum, & glorifico te labijs & toto corde meo, quod non semel tantum me in sanguine dilecti Filij tui abluiisti; sed quod lateris illius sanctissimi fontem mihi semper offers

aper-

apertum & scaturientem, vt immergat in illo, & animam meam, quotiescunque peccauero, in eo lotam immaculem. Quid enim aliud est Sacramentum Confessionis, nisi fons limpidissimus, ad eluendas nostras maculas indefinenter fluens? medicina presentissima, ad sanandas nostras infirmitates instituta? mediumque efficacissimum, per quod tibi æterno Patri sanguine Filij tui intercedente reconciliamur? Ego peccaueram, & damnatio mihi erat proxima: Filius verò tuus misertus mei peccata mea in se recepit, flagellaque & sententiam, quæ me manebat, sustinuit, & in virtute illius satisfactionis Sacerdoti mandauit, vt me ab æterna pœna absoluat. Quo igitur corde, quo amore, quibus oculis Vnigenitum Filium tuum intuebor, qui tanta fecit, tanta & talia passus est pro me? & quid non æquum est vt sustineam vicissim pro illo? Si quotidie oportet me tormenta perferre, si ipsam gehennam longo tempore tolerare, nil dignum tanto beneficio rependerem.

Non minores tibi gratias ago dulcissime Domine IESV Christe amator hominum ardentissime, pro Communionis Sacramenti institutione: est enim hoc Sacramentum Sacramento- rum, mysterium mysteriorum, beneficium beneficiorum, & mirabilem tuorum memoria. Hoc est Sacramentum

gratiæ, charitatis, amoris, vnionis, deuotionis, remissionis, & omnium bonorum hîc homo visitatur à Deo; hîc honoratur diuina præsentia; hîc templum viuum corporis Christi efficitur; hîc gratia datur in maxima abundantia; hîc suauitas diuina in proprio fonte gustatur; hîc diuini amoris ardor accenditur; hîc anima verum & legitimum Sponsum suum amplectitur, ex quo mirabili delectatione perfunditur. O quod gaudium, quæ voluptas, quæ dulcedo, quæ vitæ suauitas in anima iusti reperitur in illa hora, qua tremendum hoc & adorandum Corporis tui. ô melliflue! E S V, Sacramentum sumitur? Nihil auditur in ea tunc aliud, quàm dulce melos hominis interioris, piorum desideriorum suspiria, suauissima gratiarum actionum cantica, & amantissimi sponsi epicedia, amatoriaque carmina.

Hoc Sacramentum reliquisti nobis Domine, vt sit viaticum, quo cum ad cælum est proficiscendum: vt panis sit, qui confortet cor eorum, qui laborant in vinea Domini: vt sit tuæ charitatis testimonium, miseriarum nostrarum refocillatio, gratiæ diuinæ canalis, pignus æternæ salutis, & thesaurus omnium Christianorum incomparabilis. Hîc renouantur bona proposita; hîc reuiuiscunt bona desideria; hîc crescit deuotio; hîc lachrymarum fontes aperi-

untur;

untur; hic anima mea te, Christe, palci-
tur, qui proprium meum es alimentum,
summumque bonum, quo frui possum
in hoc seculo.

Talia sunt Domine dona tua, talia
sunt charismata & beneficia tua, quæ
in his tribus Sacramentis nobis confer-
re soles: pro quibus, vti & pro alijs qua-
tuor, si tibi gratias dignas acturus es-
sem, tota esset in eo vno vita hæc con-
sumenda, vt nulla de alia re conueni-
ret me cogitare. Da igitur Domine non
tam agere gratias tibi, quàm habere;
hoc est, benignitatis ac munificentia
tuæ erga me continenter recordari, vt
cum me non experiaris ingratum, per-
gas dona tua in me augere, quousque per
hæc veniam ad te fontem bonorum om-
nium perennem, & totius beatitudinis,
Amen.

VI. GRATIARVM ACTIO,

*pro beneficio Conseruationis spiri-
tualis in vita gratia.*

TE adoro, te laudo, te glorifico, tibi
gratias ago, clementissime Pater,
æterne DEVS, ex toto corde meo, pro
vniuersis beneficijs tuis. Inprimis vero
quòd me, quem nullis præcedentibus
meritis meis vulneratum curasti, & ini-
micum tibi reconciliasti, de captiuita-
te redemisti, de morte ad vitam reuo-
casti, pro paterna tua cura in hoc feli-
cissimo statu hætenus conseruasti, &

adhuc tua gratia conseruas.

Tu solus es Domine, qui creasti me, & ex nihilo fecisti; & tu solus es, qui, quod creasti, conseruas: tu essentiam naturæ quam dedisti, ne pereat, benignè protegis. Tu solus, qui me per spiritum tuum in vitam gratiæ regenerasti; & tu solus, qui conseruas gratiam, quam contulisti. Per te è peccatis emergimus, per te conseruamur, ne in peccata recidamus. Si aliquando surrexerim, tu manum porrigebas: si nunc stetero, tu me tenes, ne cadam. Quotquot bona proposita concepi, quotquoepias inspiratione sensi, omnia sunt ex tuo beneficio. Quoties inimicum vici, quoties malas inclinationes, & peruersos meos appetitus refrænaui, tuum fuit beneficium. Si enim nemo possit dicere, Domine Iesu, nisi in Spiritu sancto, nec aliquod opus bonum facere, sine te, vti nec palmes fructum facere potest à vite resectus; certum est, si quis fructus ab hoc palmitē productus sit, id beneficium esse vitis cui inhæret.

Si quando ieiunauerim, id à te est: si quid aduersi patienter tolerauerim, tu mihi opem tulisti: si quando propriam voluntatem abnegauerim, tibi id acceptum fero. Si pijs subinde lachrymas fuderim, si orationem tibi acceptam fecerim, fateor Domine tuo feci adiutus subsidio. Fateor te omnia opera bona in me operatum esse. Pro omnibus

his

his gratias ago : omnia hæc beneficia ad eum, a quo prodierunt, cum gratiarum actione refero, vt postea fluant vberius : tot beneficiorum debitorem me agnosco, quot tibi, Domine, obsequia præstiti in hac vita, si quæ tamen præstiterim.

Quid dicam de occasionibus & opportunitatibus à te mihi ad bene viuendum oblati? quot concionatores misisti, qui me docerent? quot bonos confessorios mihi dedisti, qui me lapsum erigerent, à peccatis absoluerent, pijs monitis ad meliorem vitæ frugem adducerent? Quot bonos amicos, quot pios socios, quot bona exempla, quot deuotos libros mihi comparasti, quorum omnium ope ad bonum excitarer, & stimulus ad iustiores vitam adderetur? Magna hæc tua sunt beneficia, sed maiora tibi debet, qui etiam sine his profecit: beatus ille, quem tu erudieris Psal.93. Domine, & de lege tua docueris eum: tanto enim plus ille profecit, quanto tu meliores doctõr, & magister alijs sapientior.

Sed quis poterit enumerare pericula & mala à quibus me liberaasti, o benignissime custos hominum, in qua sine te incidere potuissem? non est peccatum tam grande, quod vnquam fecit homo, quod non possit facere alter homo; si Creator desit, à quo factus est. Quapropter omnium hominum pec-

cata non immerito mea appellabo beneficia: in omnia namque illa impingere potuisssem, nisi infinita misericordia tua me conseruasset. Quot itaque peccandi occasiones me ad lapsum impellere potuissent (impellere namque Dauidem potuerunt) nisi tu Domine abstulisses eas, meam non ignorans infirmitatem? Non omnes hæc beneficia tua agnoscunt, ego verò per tuam gratiam agnosco atque exosculor. Quoties, ô pie pater, hac mecum vsus es misericordia? Quoties inimici manus ligasti, ne me tentare posset: aut si tentaret, tamen non superaret? Quoties antiquum illum serpentem incantasti, vt licet inter vipers & basiliscos ambularem, mihi tamen nocere non possent? Quoties mecum per aquam, & ignem transijisti, ne aut flamma me combureret, aut aqua suffocaret? Quoties in medio seruatorum mundi huius flammam fornacis Babylonicæ Spiritus sancti rore temperasti, & refrigerasti, ne me consumeret? Quoties exquisissima cum ratione dicere potui illud Propheticum; Impulsus sum, euersus sum, vt caderem, & Dominus suscepit me? Si quando steterim, per te steti: si ceciderim, per me cecidi, & tu manum tuam supponebas, ne colliderer: sed & semper in luto iacuissem, nisi tu me erexisses: semper cæcus fuisset, nisi tu me illuminasses. Secundum igitur multitudi-

Psal. 117.

Psal. 93.

nem

nem dolorum meorum in corde meo,
consolationes tuæ laxificauerunt ani-
mam meam.

Quoties o Domine peccata mea me-
ruerunt iram tuam? quoties meritò po-
tuisses à me manum tuam auferre, sic-
ut ab alijs minùs me ingratis abstu-
listi, misertus tamen es mei, & non
secundum iniquitates meas fecisti mi-
hi? Superbus fui, inani gloria tumidus,
mihi gloriam quæ tibi debebatur tri-
bui, ideoque dignus qui gratia tua exci-
derem. Ingratus fui, tua beneficia non
agnoui, naturæ tribui, quod naturæ de-
bebatur auctori, nec debitas tibi gratia-
rum actiones retuli. Negligens & igna-
uus fui in his, quæ ad salutem meam
pertinent: ideoque merui, vt talentum
meum à me iamdudum ablatum fuif-
set. In amandis periculis fui temera-
rius, dignus igitur qui in illa incidissem.
Dignus, inquam, Domine sum, qui ob
hæc & similia multa iamdudum a te
desertus & repudiatus essem, vt culpa
posterioris peccati pœna fuisset prio-
ris: sed tua patientia tanta fuit, vt dis-
solutæ vitæ meæ turpitudinem dissi-
mulaueris, & ad meas infirmitates o-
culos tuos occluseris. Vsq̃ue huc tanta
me cum pietate sustinuisti, & noluisti,
vt tuum mihi vsquam deesset auxi-
lium. Oro te Domine, quod incepisti
in me perfice; dignare in me non solum
custodire, sed etiam augere munera &

beneficia tua, quæ ipse mihi dare dignatus es: perge Domine in hac vita spiritali me innocentem custodire, & ne deferas me, sicut nec hactenus defuisti.

Dolores conscientię meæ, Domine, quibus exagitarer, si me repudiasses, nunc lætus mente, lætus & spiritu in gratiarum actiones & laudum voces conuerto, dicens cum amico tuo: Convertere anima mea in requiem tuam, quia Dominus benefecit tibi. Quia eripuit animam meam de morte, oculos meos à lachrymis, pedes meos à lapsu. Pro his omnibus beneficijs tuis gratias agimus tibi Domine Deus noster omnipotens, qui es, & qui eras, & qui venturus es, quia magna & mirabilia sunt opera tua, iustæ & veræ sunt viæ tuæ, Domine Rex seculorum, Amen.

VII. GENERALIS GRATIARUM actio, ad Iesum filium
Mariæ.

Granat.
lib. 5. Memorial.

AGO tibi gratias dulcissime IESV, quia me creasti ad tuam imaginem & similitudinem, quia mihi corpus hoc dedisti, cum omnibus suis sensibus, & quia hanc illi animam infudisti, cum omnibus suis potentijs, ut cum ijs, & per eas te cognoscam & diligam. Da mihi gratiam Domine, ita tibi Creatori & patri meo cælesti seruiendi, ut mortificatis omnibus passionibus &

affectio-

affectionibus meis vitiosis, reformetur in me imago tua, quam tu creasti, & ego tibi in vitæ meæ innocentia similis efficiar.

Ago tibi gratias benignissimi me IESV, pro beneficio conseruationis: quia idem ipse tu, qui me creasti in ista essentia, quam dedisti, me conseruas: sed & gratias insuper ago, quia ad eandem conseruationem creasti omnia, quæ in mundo reperiuntur; cælum, terram, mare, Solem, Lunam, stellas, animalia, pisces, aues, arbores; denique & omnes alias creaturas, quarum quasdam creasti ad me conseruandum, quasdam ad me sanandum, aliquas ad me recreandum, nonnullas ad me docendum, reliquas ad me castigandum. Oro te Domine, da mihi gratiam, vt sic omnibus vtar creaturis in hoc mundo, quemadmodum oportet, & in eum finem, in quem tu eas condidisti; hoc est, vt per illas veniam in cognitionem veri mei Dei ac Domini, vt ex ijs admiratio quædam in corde meo excitetur, & amor sancti nominis tui accendatur.

Ago tibi gratias Domine IESV, pro beneficio redemptionis; hoc est, pro incomprehensibili illa bonitate, & pro summa illa misericordia, qua in me perditum vsus es: pro ardentissima quoque illa charitate, qua me redemisti, descendens in terram, vt ego ascenderem in cælum: factus homo, vt me faceres

Deum: passus mortem acerbissimam, vt ego vitam haberem beatissimam. Ago tibi gratias pro incarnationis tuæ humilitate, pro natiuitatis tuæ paupertate, pro sanguine circuncisionis, pro fuga in Aegyptum, pro ieiunio in deserto, pro vigilijs in orationibus, pro sapientia in doctrina, pro integritate in exemplis, pro egestate denique & humilitate totius vitæ tuæ sanctissimæ. Ago tibi gratias pro oratione in horto, pro sudore sanguineo, pro tua captiuitate, pro alapis, pro sputis, pro blasphemijs, pro flagellis, pro corona spinea, pro veste purpurea, pro conuiitijs, pro felle, pro aceto, pro clauis, pro lancea, pro cruce, & pro morte, quam, vt me redimeres, & saluum faceres, sustinuisti.

Ago tibi gratias, ô clementissime IESV, quod iam inde ab inenabulis in gremium Ecclesiæ tuæ me recepisti, in fide Catholica me educaisti, Christianum me fecisti, animum & corpus meum pretiosissimo corporis & sanguinis tui cibo & potu sustentasti, atque conseruasti. Oro pietatem tuam, concede mihi, vt tu solus sis suauissimus cordis mei cibus, & anima mea semper te suat fontem aquæ viuæ, vt perfecto huius peregrinationis cursu, in tua beatitudine liceat mihi gaudere, & gustare de exundanti flumine deliciarum tuarum, quod procedit de te,

qui

qui fons es vitæ & bonorum omnium.

Ago tibi gratias amantissime I E S V, qui vsque in præsentem diem sine mea prudentia me liberaſti a multis & maximis periculis, tam animæ quàm corporis, cum interim dignus eſſem à te negligi, & omnino reprobari.

Ago tibi gratias, quòd cùm ſopitus, ſepultusque in peccatorum meorum ſtercoribus iacebam, me tanta cum patientia expectaſti ad poenitentiam, non obſtante, quòd toties te offendi, & ſanctis tuis inſpirationibus reſtiti. Largire mihi Domine, vt in poſterum te ſequar humili cum affectione, cumque omni promptitudine & obedientia diuinas tuas inſpirationes obſeruem, ijsque morem geram, & omnium viſibilium amorem ex corde meo expellam, vt totus tuæ ſeruituti emancipatus in poſterum nunquam à te diuellar.

Ago tibi gratias, o bone I E S V, quòd præter omnia beneficia hæc pro ſalute mea, & in remedium omnium vulnorum meorum tot & tam admiranda inſtituiſti Sacramenta, & tot ſanctis inſpirationibus me viſitaſti Denique gratias ago tibi pro beatitudine gloriæ, quam mihi præparaſti, & qua tuo beneficio fruor in æternum, ſi me meis criminibus indignum illa non fecero.

Hæc ſunt Domine beneficia communia, quorum ego hætenus memini, plurima ſunt alia, quorum memoriam non

habeo,

habeo, & quæ mihi incognita sunt & occulta; pro quibus non minores tibi debeo gratias, quàm pro nunc commemoratis. Imò tanto maiores, quanto manifestius in ijs tuæ cognoscitur bonitatis magnitudo: quia quo tempore ego dormiebam, tu vigilabas ad defendendum me à mille periculis, & infinitis me gratijs onerandum. Quemadmodum igitur æquum, imò necessarium est, ut a te peram remissionem non tantum peccatorum eorum, quæ mihi nota sunt; sed & eorum quæ sunt incognita: sic etiam æquum & necessarium est, ut tibi gratias agam, quas possum maximas, non tantum pro beneficijs manifestis & cognitis; sed & pro ijs, quæ mihi occulta sunt & ignota: ideoque te, ô beneficentissime IESV, adoro, te laudo, tibi pro omnibus, & in omnibus benedico. Da mihi Redemptor mi, ut sic omnibus his beneficijs imposterum uti & frui assuescam, ne sint mihi occasiones vel superbiæ, vel ignaviæ; sed maioris humilitatis & gratitudinis: utque maius in me cultus tui desiderium accendant, qui vivis & regnas cum Deo Patre in unitate Spiritus sancti Deus, per omnia secula seculorum, Amen.

(:)

CAPVT DECIMVM,
CONTINENS PRECA-
TIONES CATHOLICAS ET

Christianas, ad sanctissimam Deipa-
ram & Virginem Mariam,
aliosque caelestis pa-
triae ciues.

ROSARIVM B. MARIAE
Virginis.

PRAEFATIO IN SE-
quens Rosarium.

Udonicus Granatensis, candi-
de Lector, postquam in quin-
to suo Memorialis vite Chri-
stiana libro modum orandi
tradidisset, diuersorum argumentorum o-
rationes subiunxit: inter alias quoque se-
ptem deuotissimas ad B Mariam Virgi-
nem, quae cum propemodum Rosarij for-
mam rescrebant, & homines plerique B.
Maria deuotiores eam saepe Rosario saluta-
re consueuerint, nos eas orationes resolu-
mus, & paucis interiectis, absolutum ex
ijs Rosarium confecimus.

Salue sanctissima Virgo Maria, quae a
Deo in Matrem electa es ante omnia
secula. Tu es illa beata mulier, de qua
Rex caeli & terrae, vt genus humanum

redimeret, carnem assumere voluit Tu es illa pia Mediatrix inter Deum & hominem, cuius intercessione cælum terræ iungitur; quæque alta sunt & sublimia, humilibus conglutinantur. Tu es dux vitæ nostræ, tu porta diuinæ gratiæ, tu maris mundi huius procellosi portus es securissimus Obsecro te mea Domina, vt peccatorum meorum remissionem, gratiamque impetres, vt ex toto corde meo diligam in posterum, & honorem Filium tuum, Dominum nostrum, vnâ cum te misericordiarum genitrice. Aue Maria.

2. Salue Maria, quæ cum intimo cordis desiderio tot seculis ab antiquis illis patribus es expectata: diuersis typis & figuris adumbrata, necnon & manifestis prophetijs, oraculis, & reuelationibus promissa. Recipe me gloriosa Virgo in famulum tuum: da vt & ego sim in numero eorum, quos tu amas, & in tuo castissimo pectore adscriptos habes, quos tu doces, dirigis & defendis in omni eorum necessitate Aue Maria.

3. Salue Maria, quæ in utero matris tuæ ad stuporem vsque speciosa facta es, à summo Deo illo, qui te omni perfectionum & gratiarum genere adornauit. O Virgo generosa, Virgo candida, electa ex millibus, ne me repellas Domina, ne reprobis inueniar; sed potius audi me miserum ad te clamantem, & pauperem te quærentem adiuua, qui

spem meam in te collocaui. Ave Maria.

Salue Maria, cuius natiuitas tantopere desiderata, & tam diu ab omnibus gentibus expectata, noua luce, nouoque gaudio mundum vniuersum exhilarauit. O innocentissima Virgo, fac me innocentem, & tolle à me quidquid purissimis oculis tuis in me displicet. Esto mihi misericors, quia ab ipsis incunabulis creuit tecum misericordia. Ave Maria.

Salue Maria, in quam Deus omnem pulchritudinem corporalem, omnemque gratiam spiritualem copiosè infudit, qua cum te gratam fecit omni populo Christiano. O Virgo gratiosissima pariter & formosissima, oro te, vt intercessione tua anima mea donis spiritualibus ornetur: infere in cor meum viuum castitatis & puritatis affectum, vt in omni re tibi placeam, tuusque sim famulus, atque viarum tuarum imitator. Ave Maria.

Salue Maria, quæ à sanctissimis parentibus tuis in templum deducta, Domino es præsentata, eiusque cultui atque ministerio consecrata; vbi vitam vixisti angelicam, in omnibus pia, beneplacens, grata & accepta Domino. Da mihi, vt sentiam in me sanctissimæ conuersationis tuæ odorem, vt ita per omnia viuam, ne (quantum fieri potest) aliquo modo displiceam, aut molestus sim alicui hominum: nullum

offen-

offendam, nulli sim scandalo; sed omnes in me consolationem inueniant, & ad amorem Dei, mundique contemptum per me prouocentur. Aue Maria.

7. Salue Maria Virgo, & omnium virginum antesignana, quæ te totam Deo consecrans inusitato exemplo, hilari animo, & deliberata voluntate virginitatem vouisti. Tu vera imago es castitatis & puritatis, cuius castissima & sanctissima conuersatio cælesti quodam lumine videntium te corda penetrabat, in iisque viuum amorem puritatis & castitatis generabat. Oro te, vt à Filio tuo mihi impetres veram animæ & corporis puritatem, vt me nulla turpitudine libidinis iniquet; nullum me vitium possideat; nulli delectationi sensuali assensum præbeam: sed spretis omnibus blanditijs & cupiditatibus carnis, omnis mea voluptas in vnico tuo Filio semper benedicto conquiescat. Aue Maria.

8. Salue Maria, quæ in sacris tuis studijs & contemplationum exercitijs à Deo sic inflammari meruisti, vt frequentissimas consolationes Angelorum ministerio perceperis, gaudioque admirabili conscientie puritatis perfusa sis. Intercede pro me, vt detur mihi amor silentii & quietis, cum iugi desiderio incumbendi meditationibus, orationibus, lectionibus, alijsque exercitijs

spiritualibus; idque cum animæ meæ sinceritate & tranquillitate hæc mea cura, hoc meum sit studium, quamdiu habitabo miser in hoc carnis ergastulo. Aue Maria

Salue Maria, que cum esses virgo, consilio & dispensatione diuina virgini sponso Iosepho desponsata es: ne patiare quæso beatissima Virgo & mater, vt vnquam à te discedam: sed oculis tuis benignissimis me semper obserua. Quæadmodum enim quem tu iratis oculis intueris, non potest semper viuere: sic ille quem tu benigno vultu aspicias, non potest perpetuo perire. Accipe quæso animam tui amantem, & serua in te sperantem. Esto mihi semper pia, vt te mediatrice gratiam inueniam apud eundem Dominum, qui te matrem elegit. Aue Maria.

Salue Maria, quæ in medio profundissimarum tuarum contemplationum ab Angelo Gabriele humiliter es salutata, dum in cubiculo sedes diuinis meditationibus intenta, vbi ab eodem edocta diuinorum mysteriorum facta es particeps. Vtinam omne gaudium meum in te sæpe salutando, tibi que continuum obsequium deferendo consisteret. Vtinam tribuat mihi Dominus, ne quid inueniatur in me, quod oculos tuos offendar, oculos, inquam, tuos Angelorum oculis puriores. Pater noster. Aue Maria.

Sal-

9.

10.

11.

Salve Maria, quæ in castissimis tuis
visceribus Filium DEI concepisti; o
bata & felix super omnes feminas;
dic mihi, quod gaudium, quam conso-
lationem in cordis tui penetralibus sen-
sisti, quanta dulcedine liquefacta est ani-
ma tua in illa hora, qua viuentis aquæ
vena, & principium omnis dulcedinis
in sanctissimum thalamum tuum in-
trauit, & purissimam carnem tuam in-
duit? Laudo te, & glorifico te Virgo
gloriosa; colo & veneror humillimè
intemerata illa & intacta tua viscera,
atque obsecro, vt donum puritatis in
anima mea crescat & augeatur. Aue
Maria.

12.

Salve Maria, quæ Regem gloriæ tuo
clausum gerens vtero abiisti in mona-
na Iudææ cum festinatione, & cognatam
tuam Elizabetham visitasti. Veni quæso
& visita quoque animam meam: conce-
de propitia, vt cunctis diebus vitæ meæ
fideliter tibi seruiam, teque ex toto cor-
de diligam. Aue Maria.

13.

Salve Maria, purissima & delicatissi-
ma Domina, quæ grauida cum Ioseph
sponso tuo à Galilææ ciuitate Nazareth,
in Iudæam ciuitatem Dauid profecta cæ-
sum soluisti, quem omnes pendere iu-
bebantur. Da mihi gratiam, vt patien-
ter feram miseras huius exilij, semper-
que cogitationes meas ad cæleste illud
domicilium Bethleemiticum habeam e-
leuatas: vbi vobis ille panis vite IESVS

Chri-

Christus, nostra salus, inuenitur. Aue Maria.

Salue Maria, quæ exitinere fatigata, cum pariendi tempus venisset, locum in diuersorio, vbi quiesceres, non inuenisti: sed pro puerperij molli lectulo ad stabulum, omnibus ventis, aërisque procellis peruium diuertisti, in eoque Regem cæli, terræque Dominum peperisti. Oro te, vt in memoriam illius gaudij, quo in illa hora viscera tua exultârunt, animæ meæ inordinatos affectus modereris, nihil vt vitiosè diligam, nullum peccatum mihi dominetur; imò fac, vt tanquam hospes & peregrinus semper ad æternam illam ciuitatem anhelem, & in solo Deo requiem quæram atque inueniam. Aue Maria.

Salue Maria, quæ sine dolore, aut sine virginitatis tuæ læsione Saluatorem mundi, & gaudium cæli peperisti. Tu simul es Virgo & Mater, tu templum veri Salomonis, tu es arca & sanctuarium Dei; tu porta clausa, quam vidit Ezechiel: tu es hortus conclusus, & cælestis sponsi fons signatus. Impleantur Domina cor meum, omnesque sensus mei diuina gratia, vt ope illius renouatus; in posterum vitam viuam & tibi, & Filio tuo gratissimam. Aue Maria.

Salue Maria, quæ Filium tuum, pussionem dulcissimum, & fructum ventris tui delicatissimum, laceris fascijs &

vilibus panniculis inuoluisti, atque in præsepio reclinasti. Da mihi Domina mea, vt amor tui cor meum sic occupet, & pulchritudo tua sic animam meam exornet, ne qua in me labes inueniatur: sed tanquam infans modo genitus efficiar, atque in quacunque tribulatione à te iuari, tuisque beneficijs refici merear. ô Domina cum infantulo tuo ad me diuerte, eique in corde meo præsepe ad quietem sterne. *Aue Maria*

17.

Salue Maria, quæ purissimum virginæ tui pectoris lac infantulo Iesu Christo propinasti, eumque niueis tuis brachijs amplexa dulciter osculatum adorasti. Concede mihi, Domina, vt tribulationibus & miserijs huius vitæ oppressus, ad maternæ pietatis tuæ sinum recurram, & spiritualis consolationis lacte tuo beneficio refocillatus, omnes vani & fallacis mundi huius consolationes despiciam. *Aue Maria*

18.

Salue Maria, quæ post quadraginta dies Iesum in templo præsentasti, vbi sanctus ille senex Simeon eum in brachijs excepit, & dulce illud canticum lachrymis permixtum cecinit, exponens tibi dolores, tribulationes, & persecutiones Filio tuo præparatas, tibi que prædicens, quod gladius doloris tua pertransiret animam. Obsecro te mater sanctissima, vt intercedas pro me apud Filium tuum, vt me faciat diuturnæ

crucis & patientiæ suæ imitatore, ut omnes tribulationes, quas mihi immit-
tit, feram patienter, & hoc argumento
magnam quam mihi dabit gratiam ag-
noscam Aue Maria.

Salue Maria, quæ ab Angelo admo-
nita, quomodo Rex Herodes instar ca-
nis rabidi circumibar, quærens filiolum
tuum Iesum, ut occideret eum, patriam
deserere, & in Aegyptum fugere iussa es.
Ut autem isti furori locum dares, me-
dia nocte surrexisti, patriam & domum
tuam cum paupercula, quam habebas,
supellectili reliquisti, & in Aegyptum
fugisti: vbi toto septennio inter Barba-
ros & infideles peregrina & paupercu-
la cum incredibili patientia vivisti. Tri-
bue mihi gratiam, ó Regina cæli, ut in
itinere pio tibi indiuiduus sim socius,
tuam patientiam, humilitatem & pau-
pertatem imitando, atque in hoc mun-
do non secus atque peregrinus viuendo
Aue Maria.

Salue Maria, quæ cum Iesu annos
nato duodecim ad templum ascendisti,
cumque sine tua culpa perdidisti, &
cum maximo dolore atque diligentia
quæsiuisti: tandem vero in templo in-
ter medios Doctores sedentem, dispu-
tantemque cum summo gaudio inue-
nisti. Concede mihi Virgo benedicta,
ut quouescunque gratiam deuotionis
mea culpa perdidero, **eadem** qua tu di-
ligentia quæram, quærens inueniam.

inuentamque maiori cum cura & sollicitudine custodiam, vt eiusdem deuotionis ope adiutus ad obsequium mei Creatoris sim alacrior. Pater noster. Aue Maria.

21.

Salue Maria, quæ summa cum diligentia nutriuisti, & educaisti Seruatorem nostrum in infantia, teneraque suæ ætate: adolescentem vero, & in ætate virili eundem deuotè secuta es, cum Regnum Dei populo ubique annuntiaret. Da mihi gratiam, vt spretis omnibus rebus transitorijs, te diligam, te sequar, & semper ad tuam præsentiam adspicem. Aue Maria.

22.

Salue Maria, quæ ex ærumnis & persecutionibus Filij tui incredibiles dolores concepisti, maximamque de ignominiosa illius morte compassionem habuisti. Tribue vt eundem Dominum pro omnibus, quæ amore mei fecit & sustinuit, semper laudem & glorificem, amoreque illius accensus omnibus afflictis & dolentibus condoleam. Aue Maria.

23.

Salue Maria, cuius animam doloris gladius pertransiuit, quando iuxta crucem stabas lachrymis tota perfusa, & pijs, mœsti-que oculis tuis crudelissima vulnera, copiosissimumque sanguinem Filij tui toto corpore produentem conspiciebas. Patere, ô Domina mea, vt iuxta crucem tecum semper maneam, deuotaque mente passionem Filij

tui,

tui, Redemptoris nostri colam & adorem Aue Maria.

Salve Maria dulcissima, quæ eodem tempore stans sub cruce tristissimum illud verbum; Mulier ecce Filius tuus, audiisti; quo dicto Filius tuus te dilecto suo discipulo Ioanni commendabat, tibi filium, illi matrem constituens. Audisti & in eodem loco, quod sentiebat, nec tibi datum fuit, vt ei modicum aquæ posses, ne in ipso mortis articulo propinare; imo aceto & felle amarissimo illam vidisti potari. Vidisti insuper & summo cum dolore Filium tuum suo Patri spiritum reddere; filium dico tuum, quem tu tanto amore complectebaris. Denique & sanctissimum eius latus lancea aperti conspexisti; quod vulnus non ille eundem sentiebat, qui mortuus erat; sed purissimum maternumque pectus & cor tuum excipiebat, quod hec mortuum erat in rebus huius seculi, in dolore tamen & pœnis Filij tui charissimi plus quam vivebat. Per omnes illos acerbissimos dolores oro te, ô Virgo sacratissima, vt vulneres cor meum compasione tua memoria omnium dolorum, quos Redemptor meus pro me sustinuit, nec non participem ille faciat omnium tristitiarum ex illis promanantium, ne virginitatem amittam remedium meae culpæ, quod ille mihi comparauit sua gratia. Aue Maria.

24.

25.

Salve Maria, quæ depositum à cruce
Filij tui corpus in gremium tuum mœ-
sta nimis excepisti, summoque dolore
singula eius vulnera conspexisti, liuo-
res, vibices, tunsiones, puncturas no-
tasti: sordes, sputa, & sanguinis grumos
admirata es: præcipuè verò illud vul-
nus lateris, quo interiora viscera pate-
bant, & ipsum cor apertum videbatur,
inspexisti; Filij mortem, & tuam de-
plorans orbitatem. Oro te, ô clementis-
sima Domina, sit mihi vulnus illud la-
teris vnigeniti Filij tui semper aper-
tum, vt per illud in arcam admitti, &
in corde Domini mei quiescere mihi
liceat. Da vt nihil aliud velim, nihil
sapiam, nihil cogitem, nihil desiderem,
nisi Iesum, & hunc crucifixum. Aue
Maria

26.

Salve Maria, quæ corpus Filij tui aro-
matibus conditum, & in sindone munda
inuolutum, ad sepulchrum multis
lachrymis & suspirijs comitata es, Ibi
thesaurus tuus depositus est, ibi sepul-
chru o lapide tectum, ibi facies tua ob-
scurissima tristitiæ nube cooperta est;
ibi Filio tuo valedixisti, occidente iam
sole, domum tuam repetens, noctes,
diesque insomnes apud sepulchrum li-
benter traductura, nisi religio prohibe-
ret tunc orbitatem experiri, tunc solitu-
dinem sentire cœpisti. Oro te, o mater
gratiosa, da mihi vt Filio tuo consepe-
liar, abenus à mundo soli Christo vi-

uam,

uam, meaꝓue peccata defleam, quibus
& mortem Filio, & matri lachrymas
procreaui Aue Maria.

Salue Maria, quæ incredibili gaudio
& consolatione perfusa, nouaque men-
tis dulcedine in triumphali illa Filij tui
resurrectione refocillata es: cum sum-
mo diluculo insigne lumen in concla-
ui tuo resplenduit, cum Filius tuus in-
credibili gloria tibi astitit, teque & il-
lustri sua præsentia, & dulcissimis ver-
bis consolatus est Eia pijsissima Virgo,
tuis precibus mihi tribuat omnipotens,
vt quomodo Christus surrexit a mor-

27.

tuis per gloriam Patris, ita & ego per Rom. 6.

vitæ sanctitatem resurgam, & in no-
uitate vitæ ambulem: partem inue-
niam in resurrectione prima, ne secun-
da mors habeat in me potestatem Aue
Maria.

Apoc. 20.

Salue Maria, quæ quadragesimo post
Filij resurrectionem die, cum cæteris
fidelibus ad montem Oliueti conueni-
sti, ibique Filium tuum, postquam ele-
uatis manibus tibi benedixisset, omnia-
que bona precatus esset in cælum ean-
tem vidisti, eumque multis lachrymis
prosecuta es; & si fas credere sit, spiri-
tualibus oculis etiam sanctos Patres &
iustos cum Filio in triumpho proce-
dentes, Angelorumque choros de cæ-
lis descendentes, & cum gloria in cæ-
lo, deducentes contempsisti. O mater
gratia, per immentum illud gaudium

28.

te precor, concede mihi, vt spiritus meus Filium tuum in carlos sequatur, vt posthac quæ sursum sunt quæram, vbi Christus est in dextera Patris, non quæ super terram, & vbi thesaurus meus est, ibi cor etiam meum conquiescat. Aue Maria.

29.

Salve Maria, quæ in die Pentecostes Spiritum sanctum visibiliter accepisti, qui ad singulas animæ tuæ potentias sua dona diffudit, tam copiosè, vt nihil præter hunc Spiritum mente & cogitatione à te perciperetur: tantum enim tu sola ex his charismatibus accepisti, quantum simul omnes; hoc namque Filius tuus matri debebat, hoc capacitas tua 33. annis præparata merebatur. O Maria, per illud gaudium, quo perfusa es, visis Apostolis, alijsque fidelibus, qui Spiritus sancti participes erant, in alios plane viros mutatis (vt qui iam non ancillæ vocem, imò ne carceres & mortem metuebant; sed se totos in Dei gloriam & proximorum salutem effundebant) tribue mihi, vt tuis precibus & fauore Spiritus sancti repletus in Dei, proximique amorem inardescam, & pace atque lætitiâ interna persuar. Aue Maria.

30.

Salve Maria, quæ post ascensionem Filij quindecim adhuc annis in hoc mundo vixisti, Christianis solatio, auxilio & exemplo fuisse, nec non & aliquem Ecclesiæ progressum vixisti: tan-

dem

dem sexaginta tres annos nata moriens
in celum super omnes Angelorum cho-
ros es exaltata, & in regali folio tan-
quam Regina & Domina omnium crea-
turarum nunc sedes: te nos Aduocatam
& matrem nostram humiliter deprecamur,
vt fidelem nostri curam habeas,
atque ante Filij tui tribunal sic causam
nostram agas, vt, cum ille venerit viuos
& mortuos iudicare, per tuam interces-
sionem a morte sempiterna liberemur,
& à dextris inter eos, qui perpetuò re-
gnabunt, connumeremur. Pater noster.
Aue Maria.

Salue Domina excellentissima, post
Deum inter omnes Sanctos sanctis-
sima Maria, quæ cum virginitate ma-
tris, & maternitate virginis, admirabi-
li quodam modo Iesum Christum mun-
di Seruatorem peperisti. Tu es templum
Dei gratiosissimum, tu sacrarium sancti
Spiritus, tu secretum sanctissimæ Trini-
tatis cubile. Tui Filij palma, o beata Vir-
go, terræ ambitus continetur: per te vi-
ui recreantur, & dulcissimi tui nominis
memoria defunctorum animæ refocil-
lantur. Inclina, o pia Mater, aures tuas
misericordiæ ad orationem viliſſimi tui
famuli, & sanctitatis tue radii. omnem
vitiourum meorum obſcuritatem eradi-
ce, vt sic reformatus tibi gratus ſim, & ſi
que oculis benignissimis placeam. Aue
Maria.

Salve Maria, reparatrix gratiarum quas

31.

32.

te non amaret? quis te non honoraret? quis se tibi non commendaret? Tu es lux nostra in rebus dubijs, tu in mœstis consolatio, in angustijs recreatio, in periculis & tentationibus fidele auxilium. Tu post vnigenitum Filium tuum certa salus es & spes nostra. Beati qui te amant, & per sanctitatem vitæ tibi familiares efficiuntur, & deuoti famuli. Commendo animam & corpus meum tuæ pietati; rege, doce, dirige, & defende me, secundum tuam voluntatem, ô vitæ meæ refugium. Aue Maria.

33.

Salue magnificum atrium & nobile Imperatoris æterni palatium, tu es illa mulier amabilis, pia, prudens, elegans, generosa, & digna super omnes creaturas honorari. Tu es illa Regina cæli, rutilans vt aurora, pulchra vt luna, electa vt sol, terribilis Dæmonibus vt castrorum acies ordinata. Da mihi quæso gratiam, vt in omnibus huius vitæ fortunis ad te semper respiciam, omnia visibilia contemniam, pulcherrimasque delicias, & delicatas pulchritudines cælestis illius curiæ sine intermissione contempler. Aue Maria

34.

Salue splendidissima stella, & clarissima lux Maria, de qua natus est Sol iustitiæ Christus Seruator noster. Tu es Virgo super omnem formam formosa; tu mater, super omnem honestatem gratiosa; quæ benignissimis oculis tu-

is Ecclesiam Filij tui toto orbe diffusam intueris Dulce tuum nomen reficit laborantes; serena lux tua illuminat cæcos; suavis odor virtutum tuarum exhilarat iustos, & benedictus fructus ventris tui satiat beatos. Tu post Deum prima laudem omnem cum hominum, tum Angelorum mereris. Ora pro me Domina, vt tuis precibus adiuta Deum Deorum, & te Dominam Dominarum in Sion videre merear. Ave Maria.

Salve beata Mater, plena superna clementia & consolatione, qua mediante venit in mundum celestis illa benedictio, æternæque felicitatis gratia in te, & de te carnem assumpsit; deque tuo venire, tanquam de thalamo, progressus est Iesus dulcis ille puer, vnicus ille nostræ salutis auctor suauissimus, pulcherrimus, nobilissimus inter omnes filios hominum Tu religiosa memoria consolaris afflictos, tu casta contemplatione iustificas sanctes: tu perfecta innocentia adiuuas peccatores. Imperia mihi perfectam cordis puritatem, vt me etiam in album referas eorum, qui digni sunt à te adamari, & ab virginato Ihu tuo diligì. Ave Maria.

Salve Maria Virgo formosissima, salve melle dulcior, balsamo suavior, rosa pulchrior, lilio candidior, & viola suauolentior: tu es fons Paradisi, puteus aquæ viue, thronus veri Salomo-

35.

36.

nis, vas purissimum omni amaritudine carens, & omni dulcedine atque consolatione plenum, Dominus te creauit Virginem sine macula, te elegit ancillam humilem: Dominus te amauit sponsam nobilissimam. Tu es generis humani gloria, tu pulchritudo & ornamentum totius Vniuersi. Ne auertas faciem tuam à me peccatore, imò te precor, ex sordido fac me mundum; ex peccatore iustum, ex ignauo diligentem, ex tepido feruentem, ex arido deuotum. **Aue Maria**

37.

Salue sanctissima sponsa almi Paracleti, salue rosa sine spinis, de qua nasci, & cuius lacte pasci Rex cælorum voluit. Salue mater Dei speciosa, fauo mellis dulcior, martyr ex compassione, lilio candidior. Tu es laus Confessorum, tu lux iustorum, tu gloria Virginum, & decus Sanctorum omnium; quæ ceteris omnibus ex vita purior, gradu dignior, aspectu pulchrior, & Deo vicinior. Hanc vnam, ô sancta Virgo, mihi gratiam impetra, vt te præ cunctis celebrem, cælici fulgoris lampadem, sanctorum præcipem, prece efficacissimam, munere largissimam, & almæ Trinitati proximam, in sempiternis gaudijs videre, teque frui sine fine merear. **Aue Maria**

38.

Salue secuta spes de seipsis diffidentium, omnium delictorum adiutrix potentissima, quam tuus Ilius tanto

prosequitur honore, vt nihil eorum quæ petis deneget: sed omnia præstet, quæ postulas. Tu clauem habes thesauri cælestis: tu Cherubin honoratior, tu Seraphin sublimior. Tu honor & generis humani gloria. Omnes generationes beatam te dicunt, omnes creaturæ tui nominis gloriam prædicant. Tu super omnes Angelorum choros es exaltata. **Aue Maria.**

Salue Maria lætitia cæli, & exultatio terræ: tu es illa serenissimi luminis mater, quæ amabiliter animas omnium amantium te illuminas. Tu es illa dulcissima pietatis mater, quæ fideles tuos famulos ad gloriosum cæli feliciter deducis habitaculum: tu es illa columba formosa, quæ iuxta aquarum fluentem sedes, cuius vestimenta incredibilem spirant odoris suauitatem. Ad te faciem meam leuo cæli Reginam: ad te oculi cordis mei suspiciunt, in te confidit anima mea; miserere mei, quia post vnigenitum Filium tuum, in te omnis mea salus est reposita. **Aue Maria.**

Salue certissimum præsidium omnium te inuocantium: tu es arx fortissima, in cuius medullis tecum sunt omnes ad te confugientes. Tu es fidelissima propugnatrix omnium te laudantium: tu es lucida nubes appetuum nostrorum ardores temperas. Tu es ros delectabilis nostræ cupiditatis æstus

39.

40.

refrigerans Tu es clavis ex gemmis & margaritis conflata, quæ portas paradisi referat. Tu es flos inter spinas; tu lili-um conuallium; tu lætitia oculorum ad te respicientium: tu tota es amabilis, tota delectabilis, tota candida, & tota benigna. Succurre mihi dulcissima Aduocata mea, & post fluctus huius seculi perduc me ad portum beatitudinis æternæ. Pater noster. Ave Maria.

41.

Salue laus Prophetarum, honor Apostolorum, fortitudo Martyrum, Confessorum, & Virginum: tu es palma iustitiæ pulcherrima, lili-um castitatis iucundissimum: tu hortus cælestium deliciarum amœnissimus: tu es arca testamenti, in qua manna later absconditum: tu es terra benedicta, quæ produxisti fructum arboris vitæ: tu es petra, de qua fluxerunt aquæ viuæ riuuli. O virgo beata, purifica cor meum, & munda illud ab omnibus peccatorum sordibus. Expelle a me quidquid tibi displicet in me, animam meam ab omnibus terrenis affectibus munda, rerumque cælestium amore inflamma, ad gloriam tuam, & vnigeniti Filij tui honorem perpetuum. Ave Maria.

42.

Salve gemma pretiosissima, humani generis margarita singularis: tota pulchra es Virgo sanctissima, & macula non est in te: tu es vas electionis, tu gratiarum omnium armarium. Tu fi-

dem Patriarcharum superas, tu scientiam Prophetarum: tu zelum Apostolorum vincis, tu in patientia Martyribus sublimior, tu in temperantia Confessoribus præstantior, tu in humilitate & innocentia Virginibus excellentior: te totam pretiosissimis gemmis exornatam admiratur & suspicit cælestis curia. Tu es sol clarissimus, qui defectum nullum patitur, in terra viuens illuminasti cælum, & nunc in cælo sedens illuminas terram, mundi que tenebras & nubila dissipas. Noli me spernere, ô spes mea; auxiliare, & fer opem huic misero peccatori in sua tribulatione. Ave Maria.

43.

Salve Virgo sacratissima, & inter cunctas mulieres omnis benedictionis genere benedicta: tu es pratum iucundissimum æternis vernans floribus: tu es rosa nitidissima suauitatis odorem reddens inæstimabilem: tu es rutilans stella Iacob, quæ cælum & terram illustras: tu es virga lesse, quæ mundum latificas: omnes Angeli tuam mirantur pulchritudinem, omnes faciem tuam videre gestiunt. Aspice Domina lachrymas meas, meaque suspiria exaudi: visita & consolare seruum tuum inuilem, veniamque illi suorum peccatorum exora. Ave Maria.

44.

Salve singulare cæli ornamentum, salve terrarum optata reparatio. Salve Regis æterni mater, millies felix & bea-

ta, tibi omnes ætates, tibi omnes generationes caput inclinant: tuis pedibus se terrarum substernit ambitus; post ineffabilem enim & summam Trinitatem, nil dignius te, nil pulchrius habet cæleste palatium. Dæmones cum nomen tuum audiunt contremiscunt, & vlulantes tenebrarum quærunt latibula: quia tu caput antiqui serpentis contriuiſti. O Maria, infidiatur ille mihi quotidie, & quasi leo rugiens circumit, quærens me, vt deuoret, eia tu me ab illo protege, tu hostem liga, tu enerua, ne vnquam illius obsit mihi ira, lædâtve me eius potentia. Ave Maria.

45.

Salue secretum Spiritus sancti claue, diuini Verbi sacrum tabernaculum; salue Mater sanctissima, quæ Angelorum gaudium, salutemque hominum Iesum Christum peperisti, & in brachijs tuis lacte pectoris tui purissimo nutriuiſti, osculisque, amplexibus, & maternis blanditijs fouiſti. Oro te Virgo gloriosa, per misericordem illum tuum animum, & per sollicitam curam, qua filiolum tuum vnigenitum educaſti, vt causam meam coram illo perores, atque impetres mihi, vt omnia peccata mea deleantur, & nomen meum in libro vitæ scribatur. Adiuua me quamdiu in hoc procelloſo mari fluctuo, & ad finem vitæ meæ ad tranquillam cælestis Hierusalem portum

me fac peruenire. Aue Maria.

Salue serenissima ac suauissima Virgo Maria. Tu es illa turtur castissima, cuius pium murmur & gemitus mirum in modum sancto placuit Spiritui. O Virgo gratiosa, Virgo admirabilis, Virgo speciosa, illumina tenebras interiores animæ meæ lucis tuæ radio, vt vitiorum meorum obscuritate sublata, magnitudinem pulchritudinis tuæ dignus sim contemplari. Aue Maria.

46.

Salue porta Orientis semper clausa, per quam intrauit ad nos omnium filiorum hominum speciosissimus; tu es clauis David, quæ cælum aperis; tu es lex iustorum, & norma credentium. Conuerte ad me beneuolos virginici tui vultus oculos, affectus meos amore pietatis accende, memoriam meam illustra, cor meum purifica, & voluntatem meam in viam diuinorum mandatorum dirige, vt in tremendo Dei iudicio mihi etiam cum cæteris Sanctis aliqua sit portio. Aue Maria.

47.

Salue solitudinis amatrix, & quietis interioris custos. Salue Virgo honestate admirabili decora, & ineffabili sapientia celebris. O Virgo electa, Virgo inter omnes filias Hierusalem formosa. Tu es sacratissimum diuinitatis tabernaculum: tu es deliciarum hortus, ex quo prodijt flos ille pulcherrimus, IESVS Christus, animarum nostrarum

48.

Re-

Redemptor & Seruator vnicus. Animam meam aduentûs tui claritate illustra, vt fallacias huius mundi agnoscere discat & fugere; spiritum meum in pura sanetitatis tuæ contemplatione suspende, vt æternæ felicitatis dulcedinem aliquam percipiat. Aue Maria.

49.

Salue ô generosa mater summi Creatoris, Virgo delicata & suavis, da vt vnguentorum & aromatum tuorum iucundissimus odor in nares meas ascendat: spiritus meus te nocte sentiat, & viscera mea tecum latentur interdiu. Da vt cor meum erga te dulciter afficiatur, anima mea te amore diligat intimo, & lingua mea in laudibus tuis occupetur sine vlllo fastidio. Aue Maria.

50.

Salue nobilissimum sanctæ Trinitatis triclinium, filia Dei Patris, genitrix Filij, & nymphea Spiritus sancti, ô Regina cæli, porta paradisi, Domina mundi: ô refugium peccatorum, aduocata pauperum, laus iustorum. Tu facta es omnibus omnia; sapientibus & insipientibus copiosissima charitate debitrice te facis: omnibus misericordiæ sinum aperis, vt de plenitudine tua accipiant vniuersi: capius redemptionem, æger curationem, tristis consolationem, peccator veniam, iustus gratiam, Angelus latinum, denique tota Trinitas gloriam, Fili que persona carnis humanæ

ernard.
a Serm.
e B Ma-
a, cuius
nitium
gnum
agnū.

substantiam: nec est qui se abscondat à calore tuo. **A**ccipe quæso, ó clemens, ó pia, hanc tepidam meam doxologiam, has laudes tuas misericorditer admittite, nec repelle, quas ore, licet polluto, coram te effudimus preces: sed nos clientes in seruos tuos suscipe: clementia tua nos protege, pietate nos guberna, dulcedine nos solare; largire nobis beneficia, confer remedia, mittere contritis corde, pone fortitudinem Iugentibus Sion, da coronam pro cinere, oleum pro luctu, pallium laudis pro spiritu mœroris. Sonet vox nostra in auribus tuis, ostende nobis hîc faciem miserationum tuarum, & ora pro nobis vnigenitum Filium tuum, vt post hanc vitam de stola immortalitatis induta videamus, regnantem cum Patre, Filio, & Spiritu sancto, per omnia secula seculorum, Amen. Pater noster Aue Maria.

ORATIO AD DEIPARA-
ram Virginem.

O Gloriosa semperque benedicta Virgo, qua fronte oratio mea in tuum veniet conspectum, qui gratiam omnem, quam sacratissima Filij tui passio mihi comparauerat, mea negligentia, mea socordia, mea ingratitude tam turpiter amisi. Quia tamen æqua est mea petitio, audebo, licet peccator maximus, te vt me audias interpellare.

Quid

Quid enim peto à te, ô Regina cali,
quàm vt Filium tuum preceris, vt pro
infinita sua misericordia cuncta crimi-
na mea mihi ignoscat? Scio quidem
hac me indignum gratia, sed tuis id
mihi precibus indulgeat, ne mea cul-
pa pereat, quod ille ad suam imaginem
creauit. Tu es lux in tenebris, tu spe-
culum Sanctorum, tu spes peccatorum.
Omnes generationes benedicunt tibi,
omnes desolati inuocant te, omnes ius-
ti oculos suos ad te leuauerunt, omnes
creaturæ in te exultant. Angeli in ca-
lo tua præsentia gaudent, animæ defun-
ctorum in Purgatorio tua intercessione
refocillantur, & homines in terris ad-
huc exulantes, spe de te concepta corro-
borantur.

Omnes ad te clamant, omnibus re-
spondes, pro omnibus intercedis. At ego
infelix quid agam, vt in tuam me gra-
tiam insinuem? Peccatum meum me ar-
guit, meritum meum aut nullum aut
exiguum timidum me reddit, malitia
mea os mihi obstruit. Nihilominus
oro te, ô Virgo nobilissima, per im-
mensum illum & lethalem dolorem,
quo tuus affligebatur animus, cum di-
lectissimum Filium tuum maledicta
Crucis trabe oneratum, ad locum sup-
pliciij prorepere videres, vt omnes in-
ordinatos appetitus, tentationesque car-
nis in me occidas: ne ego iniquitate
mea perdam, quod ille mihi suo san-

guine acquisiuit. P*ia* ist*ae* lachrym*e*, quas
vberim*e* cruentata legens Filij vesti-
gia profudisti, semper in animo versen-
tur meo: vt eas meditati lachryma-
rum fluenta oculis meis erumpant, tam
copiosa, vt ad eluendas omnium meo-
rum peccatorum maculas abund*e* suf-
ficient. Quis enim peccator sine tuo pa-
trocinio audebit coram aeterno iudice
comparere? qui etsi placabilis sit & pa-
tiens in sustinendo & expectando, ius-
tus tamen etiam est, & seuerus in pu-
niendo. Quis iustus adeo, vt in districto
illo iudicio tuo non egeat auxilio? Quid
igitur fiet de me Virgo sacratissima,
si tua intercessione non recuperauero,
quod meo peccato perdidi? Magnum
quid peto, si mea intuearis crimina; sed
exiguum est, si tuam inspexeris poten-
tiam. Nihil est quod ego peto, si conse-
ratur cum illo, quod tu potes dare vel
impetrare.

Emenda vitam meam, *o* Regina An-
gelorum, omnia opera mea sic dirige,
vt licet indignus, merear a te exaudiri.
In me tuam ostende misericordiam, vt
omnes boni te laudent, omnes mali
in te sperent. Dolores & cruciatus tui,
quos tu in amarissima Filij tui Redem-
ptoris nostri passione sustinisti, sem-
per in conspectu meo sint, mecum vi-
gilent, mecum dormiant, mei cordes
sint solatia. Auxilium tuum non ause-
ratur a me, pietas tua non deleat me.

memoria tui nunquam in me moriatur. Si tu me Domina derelinquas, quis me suscipiet? si tu oblita fueris mei, quis recordabitur? si tu, quæ stella maris es, & peccatorum ductrix, me non illumines, quò tandem vadam? quid de me fiet?

Ne ab inimico tentari me patiare: si tentatus fuero, ne cadam: si cecidero, porrigè manum, & me rursum eleua. Quis vnquam te inuocauit, & exauditus non est? quis vnquam rem æquam à te petijt, & non impetrauit? Quis vnquam seruiuit tibi, cui mercedem amplissimam non reddidisti? Da mihi, ô benedicta Virgo, vt cor meum sentiat horrorem illum, qui te inuasit, quando pretiosissimum Filij tui corpus de cruce sublatum tuis brachijs excipiebas, intuens sanctissimam illam faciem, quam adorant Angeli, liuoribus, puncturis, tumefactionibus, sputis, sordibus & sanguinis eius grumis tam miserè commaculatam, vidensque barbaram illam crudelitatem, quam passa erat iusti innocentia, vt satisfaceret pro peccatoris inobedientia. Vere tunc gladius doloris animam tuam pettrānsiuit.

Lucæ 2.

O Regina cæli, videor mihi videre te sub cruce expansis brachijs, oculis præ lachrymarum multitudine caligantibus, capite in terram demisso, vultu pallido, & tanto animi dolore obrutam, quātum nemo vnquam hominum

sen-

fenfit, aut sentiet in posterum. Hæreant
semper in mente mea verba illa mœstissi-
ma, quæ forsitan ad eos dixisti, qui te
intuebantur. O vos omnes qui transi-
tis, attendite & videte, si est dolor, sicut
dolor meus: vt virtute verborum illo-
rum merear à te exaudiri. Transfige ani-
mam meam illo doloris gladio, qui
tuam ipsius animam pertransiuit, quan-
do lacerum & dilaniatum corpus Filij
tui in sepulchrum insulisti, vt semper &
vbique memor sim, me terram esse, & in
terram reuersurum: ne me decipiat peri-
turi huius mundi gloria. Da vt semper
meminerim, quouies in monumentum,
in quo pretiosissimus ille thesaurus erat
reconditus, inspexisti, vt ad meas etiam
preces respicere non dedigneris.

Memoria tuæ solitudinis, ô beata
Virgo, mea sit indiuidua comes: illam
solitudinem dico, in qua mœrens illo
tempore sedebas, quo Filius in sepul-
chro quieuit: quo nihil apud te, aut in
te vivebat, præter dolores, cruciatus, af-
flictionesque ineffabiles: quando aquas
amarissimarum tuarum lachrymarum
bibebas, & cibum tristissimarum rerum
recognitionis manducabas: vt & ego
plangendo peccata mea per tuas istas
angustias, quas in his terris sustinisti,
merear aliquando tuam illam videre
gloriam, qua nunc in caelesti frueris con-
sortio, & in secula seculorum frueris,
Amen.

Thren. 1.

ORATIO AD QVEMVIS

*Apostolum.**Collector.**Iudic. 15.**Iudic. 3.*

Salue sancte N. magnæ Dei Ecclesiæ Princeps maxime: Salue belli triumphalis dux: Salue cælestis aulæ heros inclyte, quem Christus Seruator noster de hoc mundo elegit, vt per te mundi infimum & infirmum, ea quæ erant potentissima deijceret. Tu es asini mandibula, in qua verus Samson Christus IESVS Philistæorum fudit agmina: tu vomer, quo Sangarus viros fortissimos interfecit: tu baculus & funda, quibus mysticus noster David gigantem deiecit, per te rudem, indoctum, & simplicem Deus nomen suum per cunctas nationes fama celebrauit, & asperrimam Diaboli tyrannidem euertit. Cum enim sonus tuus in omnem terram exiret, & verba tua in fines orbis terræ, mundus fuit ædificatus in sinceritate fidei, in bonitate operum fœcundatus, à negligentis excitatus, ad cælestium contemplationem incitatus, & à Dæmonum potestate liberatus.

Tu viuens itaque in carne Ecclesiam Dei tua prædicatione plantasti, & tuo sanguine irrigasti: ideoque coronam triumphalem meritis es. cælum verbolaudis, & seras eius soluis: singularique prærogatiua tibi datum est, quod in consummatione seculi sedebis cum viuorum ac mortuorum iudice, super se-

dem

dem tuam, iudicaturus duodecim tribus
Israel.

O igitur maxime ac fidelissime DEI Bernard.
nuntie, qui non tibi soli vixisti, non Sermon. 3.
tibi soli mortuus es: sed ei, qui pro te de SS Pe-
mortuus est, & maxime nobis miseris tro &
peccatoribus propter illum: Pro nobis Paulo.
enim facit tua doctrina, tua vita, tua
mors: Tu enim nobis in conuersatio-
ne continentiam, in prædicatione sa-
pientiam, in passione tua patientiam
contulisti, & quantum vsque hodie con-
ferre non cessas, misericordia plenus:
quod est sanctarum fructus orationum.
Scio enim quod qui potens fuisti in ter-
ra, potentior es in caelis, ante faciem
Domini tui. Qui enim, dum hîc adhuc
viueres, misertus es peccatoribus, & o-
rasti pro illis, nunc cum multo verius
agnoscas misérias nostras, pro nobis
non orabis? Beata illa patria tuam cha-
ritatem non mutauit, sed augmentauit,
imò tibi viscera misericordiæ mouit,
qui iugiter ante fontem misericordiæ
versaris.

Cur igitur non sperabo? cur in tuo
patrocínio non confidam? cur preci-
bus preces tuas, & cur deuotis suspirijs
tuam intercessionem non implorabo?
Eia igitur sancte Dei Apostole N lega-
tionem pro me ad thronum misericor-
diæ suscipe: impetra mihi veram fidem,
quæ in persecutionibus non frangitur;
solidam spem, quæ in tribulationibus

non

non deiicitur, ardentem charitatem, quæ in multifarijs huius seculi negotijs non exstinguitur; & perseverantiam in bonis operibus, ne ad sinistram vel ad dexteram declinem, sed viam regiam ambulem, donec perueniam ad eum, qui est via, veritas, & vita, Iesum Christum Dominum nostrum, Amen.

AD QVEMVIS MAR

tyrem

Colle-
ctor

O Glorioso Martyr Dei, ô fortissime Athleta, ô miles invictissime sancte N. qui constanti & intrepido animo nomen veri Dei confessus, ex atrocissimis pugnis per patientiam & tolerantiam victor evasisti: fractum quidem & dilaceratum est corpus tuum, & concidit: animus autem triumphans ad originem suam lætus euolavit. Quantum in te tuimetipsum neglectus, imò aspernatio: minas iudicum non timuisti, tortorum carnificinam non horruisti, rimante ferro latera sacrum è carne tua ebullire sanguinem lætus aspexisti, non aliter corpus, quàm lapidem aut lignum respiciens. Testis veritatis factus es, non asseueratione sola, vel iureiurando: sed sanguine, vita & asperitate cruciatuum intolerabili. O beata lingua, quæ sacram illam vocem emisit, quam ær excipiens sacer factus est: Angeli audientes plauserunt: Dia-

bolus

bolus cum suis demonibus magnam accepit plagam, Dominus in caelo descripsit.

Quid fiet de nobis miserrimis peccatoribus, qui vitam in omni mollitie ducimus, in deliciis & voluptatibus desides ac securi? qui intolerabile censemus, si quid duriusculum acciderit, aut contra animi sententiam, corpora & animos gestamus delicatissima: nec est tam leue quid, à quo non impatientissime percellimur. Qua tandem freti fiducia Christi nomen audebimus ferre: illum appellare patrem, & tribunalis illius expectare censuram? Si non coronetur nisi qui legitime certarit, equam nos coronam vel petimus, vel speramus, qui nunquam certamus? qui omne certamen non aliter, quam rem omnium longe miseram exhorremus?

2.Tim 2.

Te nobis, ô sanctissime Christi martyr, Deus proposuit exemplum, ut in te semper, tanquam oculus iaculantis in album animo & cogitatione effemus intenti: teque imitemur laborantem & pugnantem in mundo, quem sequi cupimus triumphantem in caelo. Quod cum viribus nostris praeitare nequeamus, cia intercede pro nobis apud Deum pro gratia, ut discamus ex te fidem quærendo acquirere, viuendo excolere, moriendo seruare: discamus plus peccatum timere, quam gladium: di-

scamus propter vitam magis iustitiam
amare, quàm vitam: fidemque & timo-
rem Dei plus, quàm mundi gloriam.
Quem tu in media belli tribulatione ser-
uasti, ne nos in securitate pacis perda-
mus. Anchoram spei & religionis, quam
tu custodisti in fluctu, ne nos amittamus
in portu

Nunc veritatem, quam vita & sangui-
ne testificatus es, perspicis, exutus tene-
bris lucem intraisti sempiternam, tanta
que victoriae præmio perfrueris: utinam
nobis etiam aliquantulum constantiæ &
patientiæ, paucillumque promptæ vo-
luntatis à charissimo tibi Christo impet-
tes, ut tum crucem istam tuam magnam
atque excellentem cuperemus tecum
portare, tum minutas has, quæ in hac
vitæ nostræ quietudine ac securitate in-
cidunt, auide complectamur, libenter &
sine detractione gessimus ut quatenus
nobis conceditur, laborum atque ærum-
narum Christi temporarium quoddam
sumamus experimentum, ut regni il-
lius, quod ipse per crucem suam asse-
curus est, consortes simus in æternitate,
Amen.

AD QUEMVIS CONFES-
sorem Oratio.

SAlve celestis curiæ triumphale de-
cus, ô sanctissime Dei Confessor bea-
te N. singularis amice Dei, & lumen
Ecclesiæ: viuum templum Spiritus san-
cti

eti, currus Israel & auriga eius: serua
 populum tuum in sanctitate & iustitia
 misertus nostri, qui inter tot & tantas
 misérias memoriam abundantie tuæ
 eructamus Magna est super te diuinæ Bernard
 dispensatio pietatis, quæ te paruum fe- in vita
 cit in oculis tuis, magnum in suis. Festi- Mala-
 uitas tua, quæ merito tuis virtutibus chix.
 votiuā impenditur, tuis nobis efficiat-
 tur meritis & precibus salutaris. Glo-
 ria sanctitatis tuæ, quæ a nobis frequen-
 tatur, continuatur ab Angelis, sic erit
 nobis dignè iucunda, si fuerit & fructuo-
 sa Liceat nobis aliquas te migrante re-
 tinere reliquias de fructibus spiritus, quib-
 us onustus ascendisti, qui in tuo ho-
 die tam delitioso conuiuio congrega-
 mur.

Vita tua lex vitæ & disciplinæ; mors
 tuamortis portus, & porta vitæ: memo-
 ria tua dulcedo suauitatis, & gratiæ: præ-
 sentia tua corona gloriæ in manu Do-
 mini Dei tui. O oliua fructifera in domo
 Dei, o oleum lætitiæ vngens & lucens,
 fouens beneficijs, coruscans miraculis:
 fac nos eius, qua frueris, lucis, suauitatis-
 que participes.

O odoriferum lilium in æternum
 ante Dominum germinans, florens &
 spargens ubique vniuersum suauitatis
 odorem: cuius apud nos memoria in
 benedictione est, apud superiores præsen-
 tia in honore: da saluantibus te & in-
 uocantibus tuam intercessionem, tan-

tæ plenitudinis participio non fraudari. O luminare magnum, & lux in tenebris lucens, signorum radijs & meritum, illuminans carcerem, & latificans ciuitatem, fuga de cordibus nostris virtutum splendoribus tenebras vitiorum. O stella matutina, eò cæteris clarior, quò diei vicinior, similior soli: dignare præire nobis, vt & nos in lumine ambulemus, quasi filij lucis, & non filij tenebrarum.

Ex Ludo
uico Vi-
ue.

O aurora disces super terram, quàm multos exemplo vitæ, quàm multos verbis & oratione, quàm multos precibus adduxisti ad meliorem frugem, & lucificasti Christo? Quantum erat solatium hominibus in rebus suis aduersis, vel ex sola tua (cùm viueres in terris) præsentia? quum se innixos tibi populi existimarent, quasi columnæ firmissimæ, & habere se quodammodo Christum ante oculos corporis præsentem? Nunc solutus hoc carcere miserrimo, lectus, securusque reuolasti in patriam: non iam malis vrgeris amplius vitæ huius, nec infestaris a Satana, nec sollicitaris varijs artibus, vt descideas à Christo: nos hîc iactamur tot casibus, fluctuamus inter vndas præsentissimi periculi; ora Patrem cælestem, cui nunc inseparabiliter coniunctissimus es, vt nos istuc quoque vocet: imò siue vltro, siue renitentes pettrahat, vt vnum & tecum simus, & cum illo, præstante Domino nostro

Iesu

Iesu Christo, cui laus in secula seculorum, Amen.

AD QVAMVIS VIRGINEM Martyram.

GAude, o Christi martyr inuictissima, & virgo sanctissima N. duplici nobis veneranda titulo, quæ non contenta virginitatis puritate, huic addere voluisti martyrii constantiam. Quare te mater Ecclesia merito vniuersum per orbem terrarum veneratur, festam diem tibi cum canticis agens, & corollas purpureis ex rosis, candidisque lilijs contextas offerens. In te licet vasculo fragiliori potentiam suam Deus ostendit: per te Reges & Principes cum omni inferorum atque huius seculi tyrannide contentens. Tu tenerrima Virgo iudicem non timuisti, sententiam eius spreuisti, minas & verbera irrisisti.

Simul vt tuba tyranni insonuit, ad prælium, agonemque te quam ocyssimè præparasti: verbera tibi amoenissima rosæ fuerunt, tormenta coronæ, carcer obscurus ridentibus plenus floribus ager Torpebant cruciando lictores, manus eorum vt cera defluebant; tu verò adamante durior, robustior leone, & immota rupe constantior permanebas. Luxata cuncta membra & contrita erant, sanguis toto corpore copiosus erumpebat, corpore quidem stabas exanguis, sed animus stabilis omnino

Collector

perseuerabat, & inuictus. Non enim posuisti oculos tuos in tormentis, sed in paratas tibi à sponso tuo coronas defixisti. Totius mundi tempestas, & omnium tormentorum genera fidem Christo semel datam labefactare non potuerunt. Fortis enim ut mors erat tua dilectio, imò morte fortior; quæ mortem, omniaque mortis arma atque instrumenta fortiter prostrauit, & inuicta deuicit.

Idco meruisti in summi Regis aulam manibus Angelorum deportari, ubi nunc fulges coronata, ubi ludis inter virgines & puellas, quæ annos suos sanctis moribus transscenderunt, palmarumque martyrij per fidei constantiam rapuerunt: ubi dispar est gloria singulorum, sed communis est lætitia omnium.

Nos miseri, qui adhuc in hoc procelloso mundi pelago fluctuamus, adeò debiles sumus, adeò infirmi & molles, ut vel leuis aura, vel exigua commoditas, turpis cupiditas, aut brevis voluptas à Christi sponsi tui charitate abstrahat; propter res penè pueriles & ludicras pietatem & iustitiam prodimus. Quare, ô Virgo sanctissima N. per inuictum illud robur tuum, per ipsum te rogo, qui te elegit, qui te talem fecit, de cuius pulchritudine iam satiaris, de cuius immortalitate iam immortalis facta es, esto memor no-

stri, & deprecare pro nobis communem Dominum nostrum I E S V M Christum, vt immotam nobis tribuat fidei constantiam, & charitatem, a qua nec bonum temporalium iactura, nec popularis auræ metus, nec voluptatis tiullatio, nec cupiditas aut animi vlla perturbatio separet: sed quæ inter omnes terrores & minas huius seculi, inter omnes tentationes Diaboli, inter omnes illecebras carnis maneat illata & integra; donec perueniamus ad illatam patriam, quæ tranquilla est, quæ nec hostem timet, nec vlllo metu mortis afficitur: sed de perpetuæ gloriæ incorruptione lætatur, vbi tu cum Christo viuis & regnas, per omnia secula seculorum, Amen.

ORATIO AD QVAMVIS

Virginem non Martyrem.

Salue castissima Virgo, beatissima. quæ ab ipsis incunabulis corpus tuum Christo consecrasti, & in hoc mundo inter homines non humanam, sed Angelicam vitam duxisti; in carne viuens, sed nullum carnis habens consortium: Ideo sibi sponsam elegit Dominus. Nobilitatem huius seculi, pulchritudinemque humanam contempsisti; sed genere & dignitate nobilior, quouis homine Christus te annulo fidei suæ subarravit. Diuitias & pompam huius seculi aspernata es, sed gem-

mis & auro ornavit te altissimus Dextera-
ram tuam & collum tuum cinxit lapi-
dibus pretiosis, tradidit auribus tuis in-
æstimabiles margaritas, vernantibus &
coruscantibus gemmis circumdedit te.

Psal. 44.

Ipsi soli fidem servasti, ipsi te tota de-
votione tradidisti. Audisti & vidisti, &
inclinasti aurem tuam: oblita es popu-
lum tuum, & domum patris tui, quia
nec alium amatorem aspicere, nec eum
derelinquere voluisti, cui te æterna
charitatis copula deuinxeras. Ideo con-
cupiuit Rex speciem tuam: præparauit
tibi Dominus coronam in æternum, &
thronum suum in te collocauit: cum
lampade & oleo Sponso occuristi, &
cum Angelis in Paradisum ad nuptias
Agni admissa, sequeris illum quocun-
que ierit, & canticum cantabis, quod
nemo cantare poterit, nisi quæ se ab
omni carnis pollutione mundam serua-
uerit.

Matt. 25.
Apoc. 14.

Magna fuit, ô sanctissima Virgo N.
fides tua, magna dilectio: sed maior
merces, quam cum mundo decertando
randem consecuta es. Eia Virgo impe-
tra nobis gratiam ab eo, cui seruiisti,
quem super omnia dilexisti, in cuius
amplexibus nunc molliter quiescis, vt
templum Spiritûs sancti, quod nos su-
mus, omni diligentia custodiamus, ne
immundis actibus, obscœnis cogitatio-
nibus, aut impuris verbis polluamus.
Ne in nobis caro dominetur, aut corde

luxu-

luxuriemur, si opere, quod volumus, implere non liceat. Impetra mihi gratiam, vt purum me seruem atque immunem ab omni opere carnali, vt si supremum virginittatis gradum attingere nequeam, saltem vt proximum consequar, & in impuritate mea me purum contineam, nec vnquam eo perueniam, vt vita mea bestijs, quàm homini sit similior. Ora pro me Christum Sponsum tuum, vt fortitudinem mihi conferat, qua carnem spiritui subijciam, eius desideria in me occidam, & iam non secundum carnem, sed secundum spiritum ambulem: tollat à me omnes peccandi occasiones, & det, ne cùm voluntas prompta sit, caro per infirmitatem labatur.

Scio quidem ardua esse quæ peto, & supra hominem posita, nihilominus cum considero diuitias, nobilitatem, pulchritudinem, ætatis florem, ceterasque, quas habuisti, peccandi occasiones; & cum considero summam in te animi, corporisque puritatem, Virginittatisque immobilem constantiam, non diffido, imò potius confido, quod tu, quæ eiusdem mecum naturæ, id tibi à summo Deo impetrare potuisti, etiam mihi impetrabis nunc ad orationum tuarum præsidium recurrenti; quatenus mihi detur in hoc seculo puritas mentis & carnis, post hanc verò vitam æterna illa beatitudo, qua tu nunc frueris cum

Sponso tuo, Domino nostro IESV
Christo, per omnia secula seculorum.
Amen.

ORATIO AD QVAMVIS

S Viduam aut Coniugatam.

Collector.

Prou. vlt.

1. Cor. 7.

Pulchra facie, sed pulchrior fide es, &
beata N. quæ in sexu fragili manum
ad fortia quæque mittens, sic in hoc
mundo vixisti, vt celestis patriæ desi-
derium nunquam amiseris: sic carni-
voluptates temperasti, vt virtutis aspe-
ritates nunquam subterfugeris: sic ve-
rum habuisti, quasi non habueris, sciens
quia præterit figura mundi huius. Tul-
cet viro subdita seruiebas, non carnali-
ter, sed spiritualiter alium amatorem
habebas, cui Ecclesia ipsa (cuius tu mem-
brum eras) coniunx est, quæ fidei, spei,
charitatis integritate non in solis virgi-
nibus sanctis, sed & in coniugatis & vi-
duis tota virgo est Nulla tibi maior cu-
ra, nulla sollicitudo familiarior, quam vi-
huic Sponso placeres, corporeque & spi-
ritu sancta esses.

Tu gloria Ecclesiæ, tu lætitia Ange-
lorum, tu magnificentia cælorum, qui
fecisti viriliter, & confortatum est co-
tuum Manum tuam aperuisti inopi, &
palmas tuas extendisti ad pauperem
oculus fuisti cæco, & pes claudus: ma-
ter orphanorum, & consolatrix vidua-
rum. confidebat in te cor viri tui, & fi-
lij tui te prædicabant: os aperiebas fa-

pietatiæ, & lex clementiæ semper erat in lingua tua. Semitas domus tuæ considerabas, & panem onosa non comedisti. Ideo auris audiens beatificabat te, & oculus videns testimonium reddebat tibi. Dedit tibi Dominus de fructu manuum tuarum, & laudant te in cælis opera tua: Dominus confortauit te, & eris benedicta in secula.

Obsecro te per tuam charitatem, quæ secura es de te, esto sollicita de me: secura es de tua immarcescibili gloria, esto sollicita de mea multiplici miseria. Ora pro me D E V M & tuum & meum, vt refecet in me temeritatem iniquam, infinitos carnis motus, omnemque voluptatis cupiditatem: auferat desidiæ & pigritiam, mentis hebetudinem, cordis obstinati cæcitatem, inobedientiam bonis consilijs repugnantem. Der mihi misericordiæ opera, pietatis studia, vt compatiar afflictis, neminem despiciam, bonos sequar, a malis recedam; largiatur mihi in aduersis patientiam, in prosperis continentiam. Det denique vt magno animo terreno hæc contemniam, & toto pectore cælestia quæram, ad eaque tuis precibus tandem perueniam, per

Christum Dominum nostrum, Amen.

(.)

CAPVT XI.
 PRECATIONES DE-
 PRÉCATORIAE, QVIBVS
 pro euitandis maris spirituali-
 bus & internis diuinam
 opem implora-
 mus.

*Quot tentationibus exposita sit vita no-
 stra, & quàm necessarium nobis sit
 diuinum auxilium.*

r.
 Collector.
 ex medi-
 at. Beati
 Bernard.
 sal. 38.
 ob 10.



Nunc fac mihi Domine fi-
 nem meum, & numerum
 dierum meorum indica mi-
 hi: Nunquid non paruitas
 dierum meorum finietur
 breui? tædet enim animam meam vi-
 tæ meæ. Quænamque hæc vita est, vbi
 non desunt continuæ tribulationes? vbi
 plena laqueis & hostibus sunt omnia?
 Vix vna tentatio recedit, & alia mox
 succedit: sed adhuc priore durante con-
 flictu, alij plures superueniunt & in-
 sperati. Adiuua me igitur Domine Deus
 meus, quoniam inimici mei circunde-
 derunt animam meam: hinc corpus, il-
 linc Diabolus, istinc mundus instant,
 & vim faciunt, quærentes animam me-
 am. A corpore fugere non possum, nec
 ipsum fugare: circumferre illud ne-
 cesse est; quoniam alligatum est mihi:

peri-

perimere non licet; sustentare cogor; & cum illud impinguo, hostem meum aduersum me nutrio. Mundus circumcingit & obsidet me vndique, & per quinque corporis fenestras, visum, auditum, gustum, odoratum & tactum, sagittis suis me vulnerat, & mors intrat per fenestras meas in animam meam. Diabolus videre non possum, & ideo minus mihi ab eo cauere: retendit arcum suum, & in eo parauit sagittas suas, vt vulneret me repente: narravit vt absconderet laqueos suos, & dixit: Quis videbit eos? Quocumque me verto, nulla securitas est. Caro suggerit mihi mollia, mundus vana, Diabolus amara, De somno, de potu, de cibo, cæterisque ad carnis curam pertinentibus loquitur mihi caro: De ambitione seculi, de iactantia, de arrogantia, de superbia mundus mihi fabulabatur: ad iram verò, malitiam & amaritudinem animi Diabolus me prouocat.

Ecce infideles & subuersores mecum sunt Domine, & cum scorpionibus habito. Heu mihi quia incolatus meus prolongatus est, habitauit cum habitantibus Cedar: multum incola fuit anima mea. Et in hoc tam sæuo discrimine nihil in me, quò confugiam, inuenio. Cor enim meum vanum est, vagum & instabile: omni mobili mobilius, per infinita distrahitur, hac atque illac per innumera discurrit; & dum per di-

Ezech. 2.

Psal. 119.

uersa currit, requiem non inuenit. Sicut enim molendinum velociter currit, & nihil respuit, sed quicquid imponitur molit; si autem nihil apponitur, seipsum consumit: sic cor meum semper est in motu, & nunquam requiescit. cogitatio amara turbat, immunda maculat, vana inquietat & fatigat illud. Dum futurum non curat gaudium, nec tuum quærit auxilium, ab amore celestium elongatur, & amore terrestrium occupatur. Cumque elabatur ab illis, & inuoluitur istis, vanitas illud recipit, curiositas deducit, cupiditas allicit, voluptas seducit, luxuria polluit, torquet inuidia, turbat iracundia, cruciat tristitia: sicque miseris casibus submergitur omnibus vitijs, & vilis quandoque res est, vnde grauis tentatio prouenit. Infelix ego homo, quis me liberabit de corpore mortis huius? In his omnibus succumbo Domine, nisi tu me adiuues.

Rom. 7.

Psal. 58.

Psal. 123.

Miserere igitur, miserere mei Domine, & eripe me de luto, vt non infigar. ne permaneam deiectus vsquequaque. Eripe me de inimicis meis Deus meus, & ab his qui oderunt me, quoniam confortati sunt super me. Sed tu Domine libera nos de laqueo venantium, & à verbo aspero, vt confiteamur tibi dicentes; Benedictus Deus qui non dedit nos in captionem dentibus eorum. Anima nostra sicut passer erepta est de laqueo

venan-

venantium. Laqueus contritus est, & nos liberati sumus.

Contra quamlibet tentationem.

Vides, o benignissime Pater, summum in quo versor periculum: vides insidias quas mihi struunt inimici mei, & violentiam quam exercent in me, vt me, o pie Pater, e numero tuorum rapiant filiorum, & me ouiculam tuam ferocissimorum tradant dentibus luporum. Supplex igitur te oro, pro paterna tua charitate, adiuua me, & corrobora me, quoties videris me periclitari: vt videant inimici mei, quia Deus meus es, & quod frustra persequuntur me, fortiores se: quodque nil aliud proficiunt his suis machinationibus, quam vt me tibi reddant chariorem, suasque insidias mihi faciant manifestiores, consiliaque magis execranda.

Infirmas quidem mea pacem & tranquillitatem optaret, (quomodo enim homo imbecillis & fragilis hostes tam potentes, mundum scilicet, Diabolum, & omnium periculosissimum corpus meum non metuum?) tamen cum non ignorem, Pater, tentationes nobis adeo viles esse, & salutare, vt in ijs exultare debeamus: nil aliud te peto, quam vt ante omnia multitudinem peccatorum meorum auferas, quæ immenso pondere suo non tantum nauiculam meam deprimerent, sed opem etiam

2.

Ex Belg
co man
scripto.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
550
551
552
553
554
555
556
557
558
559
560
561
562
563
564
565
566
567
568
569
570
571
572
573
574
575
576
577
578
579
580
581
582
583
584
585
586
587
588
589
590
591
592
593
594
595
596
597
598
599
600
601
602
603
604
605
606
607
608
609
610
611
612
613
614
615
616
617
618
619
620
621
622
623
624
625
626
627
628
629
630
631
632
633
634
635
636
637
638
639
640
641
642
643
644
645
646
647
648
649
650
651
652
653
654
655
656
657
658
659
660
661
662
663
664
665
666
667
668
669
670
671
672
673
674
675
676
677
678
679
680
681
682
683
684
685
686
687
688
689
690
691
692
693
694
695
696
697
698
699
700
701
702
703
704
705
706
707
708
709
710
711
712
713
714
715
716
717
718
719
720
721
722
723
724
725
726
727
728
729
730
731
732
733
734
735
736
737
738
739
740
741
742
743
744
745
746
747
748
749
750
751
752
753
754
755
756
757
758
759
760
761
762
763
764
765
766
767
768
769
770
771
772
773
774
775
776
777
778
779
780
781
782
783
784
785
786
787
788
789
790
791
792
793
794
795
796
797
798
799
800
801
802
803
804
805
806
807
808
809
810
811
812
813
814
815
816
817
818
819
820
821
822
823
824
825
826
827
828
829
830
831
832
833
834
835
836
837
838
839
840
841
842
843
844
845
846
847
848
849
850
851
852
853
854
855
856
857
858
859
860
861
862
863
864
865
866
867
868
869
870
871
872
873
874
875
876
877
878
879
880
881
882
883
884
885
886
887
888
889
890
891
892
893
894
895
896
897
898
899
900
901
902
903
904
905
906
907
908
909
910
911
912
913
914
915
916
917
918
919
920
921
922
923
924
925
926
927
928
929
930
931
932
933
934
935
936
937
938
939
940
941
942
943
944
945
946
947
948
949
950
951
952
953
954
955
956
957
958
959
960
961
962
963
964
965
966
967
968
969
970
971
972
973
974
975
976
977
978
979
980
981
982
983
984
985
986
987
988
989
990
991
992
993
994
995
996
997
998
999
1000

Cor.12.
sal.26.

& auxilium tuum à me auerterent. Audiam in meis tentationibus, quod olim audiuit Paulus tentatione circumuentus; Sufficit tibi gratia mea. O Domine, si istud non denegaueris mihi, dicam cum Propheta: Dominus illuminatio mea & salus mea, quem timebo? Dominus protector vitæ meæ, à quo trepidabo? Si consistant aduersum me castra, non timebit cor meum. Si exurgat aduersum me prælium, in hoc ego sperabo

rou.28.

Ecce Pater mi, quàm imperterritos faciat nos tui fiducia, & quàm timidos reddat nos peccatum: scriptum est enim; quòd fugit impius nemine persequente: vidensque orientem Luciferum, mortis esse umbram arbitratur. Tolle igitur à me peccata, quæ timidum & pauidum me efficiunt; & largire mihi gratiam tuam, si omnino non expediat mihi vita, quæ ab omni tentatione immunis est; vt impugnationibus quibuscunque fortiter resistam, maioriq; cum desiderio ad cælestem illam patriam anhelem, vbi nec tentatio sollicitat, nec dolor cruciat, nec tribulatio affligit: vbi tu cælestis Pater cum Filio & Spiritu sancto viuis & regnas Deus per omnia secula seculorum, Amen.

Contra tentationes Diaboli.

3.
cap.16
liloq.
Aug.

Domine Deus, creator & conseruator generis humani, en iterum instat

stat funestus ille Draco, serpens antiquus, qui ortus est in Paradiso voluptatis, qui cauda sua trahit tertiam partem stellarum cæli, & eas mittit in terram: Apoc.12.
qui veneno suo corrumpit aquas terræ, vt bibentes homines moriantur. Et quis defendet me a moribus eius? quis eruet me ab ore eius? nisi tu Domine, qui confregisti capita Draconis magni? Aduua me, prætende Domine super me alas tuas, vt fugiamus sub eis a facie Draconis huius, qui me persequitur, & scuto tuo libera me a cornibus eius. Hoc enim est continuum studium eius, hoc vnicum desiderium eius, vt animas quas creasti deuoret. Et ideo DEVS meus clamo ad te, libera me ab aduersario meo quotidiano: qui siue dormiam, siue vigilem, siue comedam, siue bibam, siue quid aliud agam, omnibus modis instat die ac nocte fraudibus & artibus, nunc palam, nunc occultè sagittas venenatas contra me dirigens, vt animam meam interficiat.

Sed tu Leo inuictissime de tribu Iuda, adde militi tuo robur aduersus Leonem rugientem, qui oberrat semper, quærens quem deuoret. Tu serpens ille salutifer, in sublimi fixus stipite, adde paruulo astutiam, aduersus callidissimi Serpentis insidias. Tu Agnus ille nixus, Satanicæ tyrannidis expugnator, da ouiculæ tuæ vires spiritûs tui, vt in

se fra-

se fragilis, in te fortis, superet omnes Diaboli assultus, ne de me gloriatur hostis meus. sed per te victor gratias agam tuæ misericordiæ, quæ tibi fidentes nunquam destituit, Amen.

Contra tentationes mundi.

4.
Collector.

Ioan. 16.

Sap 5.

VIm patior Domine IESV Christe, vim patior: veni, vindica me ab aduersario meo, & libera me. Nonne tu dixisti; Confidite, ego vinci mundum? Vnde igitur mundo vires hæ, vt in Electos tuos sic sauiat: ferro & flamma persequatur omnes, qui non relicto te, veneratione & adorant ipsum? Vt quid tam latè dominatur inter eos, quos tu de mundo elegisti, vt essent tui? præsertim in hac delira senescentis ætate, in qua potentiam ipsius decrescere, non crescere oportebat? Vbique regnat diuini verbi contemptus, ingratitude, luxus, crapula, illicitæ voluptates, & omnium rerum abusus maximus: & qui hæc sectari noluerit, in derisum habetur, & similitudinem improperij: vita eius æstimatur insania, & finis eius sine honore. Grauis est mundo ad videndum, quia dissimilis est alijs vita illius

Hæc sæpe pulsant animos nostros Domine, vt penè mouent pedes nostros, vt relictis vijs tuis duris, in partes mundi transeamus, qui nobis omnia felicia, iucunda, dulcia & amœna pollicetur:

placi-

placido nobis arridens vultu, & huius
seculi diuitias, honores & voluptates
plenis manibus offerens. Sed tu Domi-
ne segrega me de caligine, dolis & tur-
pitudine mundi huius. Illumina ocu-
los meos, vt videam & intelligam, quam
breuis, quam incerta, quam fallax, quam
cæca, quam periculosa sit huius domini
felicitas. Conserua me in agnitione no-
minis tui, ne in hac auara & ebria mun-
di atate inuoluatur curis secularibus, quæ
animos ab exercitijs pietatis abducunt,
& motus à Spiritu sancto excitatos suf-
focant.

Da mihi Domine, vt mundus mihi sit
crucifixus, & ego mundo: nequaquam
illi placere studeam, ne dum amicus
mundi factus fuero, meipsum inimicum
tuum constituam: eius odia & conuicia
nihil faciam, eius iudicium peruersissi-
mum facile contemnain, sciens quia in
nullo gloriari oportet, quàm in cruce
tua Domine, qui viuis & regnas cum Pa-
tre & Spiritu sancto in secula seculo-
rum, Amen.

Contra tentationes carnis.

VBi es, ô bone IESV, vbi es? iterum
sicut Iezabel, iterum fuit caro, do-
mestica, sed tamen inimica intensissi-
ma. Adesto IESV, adesto; veni, fer opem
periclitanti: quoniam intrauerunt aquæ
vsque ad animam meam, & desideria
carnis opprimunt me.

5.
collector.

Caro

Caro mea de luto facta, nil nisi lutosas & sordidas profert cogitationes, à mundo vanas, & curiosas; à Diabolo malas & amaras accipit, quibus concupiscit aduersus spiritum: nata de peccato, nutrita in peccato, vitijs corrupta ab ipsa origine, sed multo amplius vitata praua consuetudine. Quis aduersus hostem tam potentem stabit Domine? vim illius quis sustinebit? Illicitos motus excitat, venenatas cogitationes inflammat, mouet bella, nutrit odia, incitat gulam, mouet libidinem, peccati occasiones parat, & mille nocendi artibus pulsare spiritum non cessat. Grauis lueta est, & graue periculum aduersus domesticum hostem pugnare: maxime cum nos aduenæ simus, & ille ciuis: Ille suam inhabitat regionem, non exules sumus & peregrini.

Non ignoras infirmitatem meam, ô dulcissime IESV, scis quàm imbecilla arx & caduca hæc est: scis quòd necessario ruere debet tot impetita machinis, nisi tuo Christe robore muniatur. Ad te igitur clamo ex toto corde meo, da mihi gratiam tuam, ne sequar concupiscentias carnis meæ, & ne prouocem sensus meos effræni licentia, sed fortiter illis resistam. Adiua me, vt domem corpus meum & in seruitutem redigam, ne caro mea luxurians præuaricetur, & iustas metas transiliat, ne cor & corpus meum vitijs carnalibus, luxu, crapula,

& illicitis voluptatibus contaminetur. Sanctifica me, & rege me, vt custodiantur oculi mei, claudantur aures, nil tangam illicitum, fugiam quod noxium est. etsi aculeum sentiam, consensum tamen non adhibeam, carnem sic nutriam, ne recalcitret, & sic reprimam ne insoleseat. Largire mihi, vt in omnibus, & per omnia sic carnem spiritui subijciam, vt tandem vltro ei obtemperet, eique non iam amplius imperet, vt Domina; sed seruiat vt Ancilla: vt inter vtrumque sit summus consensus, optata pax, perpetua concordia, Amen.

Deuicta tentatione

GRatia tibi Domine Deus, cuius benignitate factum est, vt sedata tempestate hac, optata appareat serenitas. Tibi triumphus ille decantatur: a te, non per me superbus prostratus est Goliath, tibi assignandum est, quidquid boni effectum est. Quantum enim in me fuit, cadere necesse fuisset: nunc verò victor persto, quod in te auxiliatorem fortem certam posuerim victoriæ spem: semper ante oculos veluti appensum quid habens; Si DEVS pro nobis, quis contra nos? & Omnia possum in eo qui me corroborat.

Licet autem de parta hac victoria trophæa tibi canam Domine, quia tamen edocti sumus, cum omnia quæ fortem

athle-

6.

Ioan. Ferus.

Rom. 8.
Philip. 4.

athletam decent peregerimus, non ad
luxus & voluptates redire, sed in Spiri-
tu sancto fortes stare in acie contra as-
fiduas Diaboli velitationes: ideo ad te
omnium in te sperantiam conseruato-
rem confugio. adauge meam in te fi-
duciam, vt indies magis magisque fi-
de crescens, hostium nostrorum defi-
ciat virtus: quousque extra custodiam
posueris eo, vbi nullius pugnae, nul-
lius periculi, nullius formido angustiae,
sed sempiterna per te parata securitas
est; quando regnum Patri tuo trades,
cum quo viuis & regnas Deus in æuum,
Amen.

Contra conflictum vitiorum.

7.
Ioannes
Lansper-
gius in
Phare-
tra, &c.

Plissime Domine IESV Christe, en-
miserum & mendicum & vilissi-
mum me peccatorem, ad misericordiam
tuam pedes prouolutum; en vulnera, pla-
gas, liuores & vitia animæ meæ, quæ
ipse mihi (heu) peccando intuli, &
nunc oculis misericordiæ tuæ sanan-
da exhibeo Clementissime IESV, mi-
serere infirmitatis, captiuitatis & infeli-
citatæ meæ, quibus misera anima mea
ad terrena deprimitur, & in varia desi-
deria distrahitur. Amantissime IESV,
per charitatem illam, quæ te in manus
peccatorum ligandum tradidit, & cru-
cifigendum; quæque te tribus horis in
cruce, magis, quam clauis illi manibus
ac pedibus tuis infixi, continuit, obse-

rote; solue iugum captiuitatis meæ, & a cunctis vitijs, concupiscentijs & prauis inclinationibus libera me. Ab omnibus vero insidijs nostium, & in omni tribulatione protege me

Extingue & occide in me radicitus omnem priuatum amorem, omnes inordinatos motus, passionēs & affectus: omnem fomitem, omnemque prauitatem & inclinationem ad superbiam, iram, inuidiam, vanam gloriam, &c. Ab his enim solus tu me potes liberare.

Dulcis IESV. reple me gratia tua, & perfectissima charitate tua; conserua me in omni bono, vt omnes peccandi occasiones fugiam; tentationes fortiter vincam, carnem spiritui subdam, vitia persequar & exterminem; inspirationibus tuis obediam, Diaboli insidias & fraudes euadam, nulli peccato vnquam consentiam, nihil quod tibi displicet foueam: sed honorem, laudem & gloriam tuam ardentissimè sinam, fidelissimè promoueam, & me totum in beneplacitum tuum expendam, Amen.

Contra malas cogitationes.

Domine DEVS meus, ne clongaris à me; Deus meus in auxilium meum respice: quoniam insurrexerunt in me variæ cogitationes, & timores magni affligentes animam meam. Quo modo pertransibo illæsus? quomodo

8.

Thomas
Campes.
lib.2 de
Imitat.
Christi.

per-

Esa. 45.

perfringam eas: Ego, inquis, ante te ibo, & gloriosos terræ humiliabo. Fac Domine vt loqueris, vt fugiant à facie tua omnes iniquæ cogitationes. Hæc spes & vnica consolatio mea, ad te in omni tribulatione confugere, tibi confidere, te ex intimo corde inuocare, & patienter consolationem tuam expectare, Amen.

Contra varia peccatorum genera.

9.
Sanctus
Iacobus
frater
Domini
in Liturgia.

Deus Pater Domini & Dei ac Seruatoris nostri IESV Christi, magni nominis Dominus, natura beata, bonitas effusa, Deus omnium ac Dominus, qui es benedictus in secula, qui à Seraphin glorificaris, cui assistent mille millia, & decies millies decies millena millia sanctorum Angelorum & Archangelorum militiæ: gratia Christi tui, & aduentu sanctissimi Spiritus tui sanctifica quæsumus animas nostras, corpora & spiritus nostros: nostras quoque mentes tange, explora conscientias, omnemque malam cogitationem à nobis aufer: omnem impudicam rationationem, omnem turpem cupiditatem, indecentem omnem cogitationem, omnem inuidiam, superbiam & hypocrisin: omne mendacium, omnem dolum, omnem huius vitæ distractionem, omnem avaritiam, omnem vanam gloriam, desidiâ omnem, omne vitium, omnem iram, omnem iracundiam,

omnem

omnem iniuriarum recordationem, omnem blasphemiam, commotionem omnem carnis & spiritus alienam à sanctitatis tuæ voluntate, Amen.

Contra auaritiam.

Quotidiana corporis necessitas animum ad se trahit ac detrudit. Mittere nobis, Pater, cui scimus de nobis esse curam, panem illum quotidianum, quem nos ab te iussit & petere & sperare vnicus tuus Christus. Da necessarijs contentos viuere, superuacanea aspernari; vt nos neque inuitabilis necessitas vincat, neque obruat affluentia. Atque ea ipsa necessaria ita mittere per offensam tui paremus. Ita omnia alia cura explicati & soluti, id solum curabimus, vt amicitiam tuam, quantum erit virium nostrarum, conseruemus, eamque curam tu iuuabis: qui si desis, nihil poterit consistere. Transfer cor meum a seruitute Idolorum ad seruitutem tui, cui seruire regnare est. Immitte pro cupidine harum diuitiarum, quæ & tempori, & iniuriæ hominum, & casibus sunt obnoxia, cupiditatem tuarum, quæ sempiternæ & inuolabiles, semel acceptæ, possidentur, Amen.

70.

Ludouic.
Vaués.

Contra superbiam.

O Pater sapientissime atque optime, qui semper excogitas quemadmo-

17.

Idem.

T

dum

dum nobis proſis, cūm nos ſemper cogitemus, quemadmodum te offendamus, dedifti humano generi ſuperbiſſimo, indomito, rebelli cæleſte Filij tui exemplum moderationis, atque obedientiæ. Conuerſe mentes noſtras ad te, atque illud tuum exemplum, vt nos tam demiffè nos geramus, mali atque imbecilles, quàm ille optimus & potentiſſimus, Amen

Contra ebrietatem.

12.
B Augu-
stinus.

Omnipotens miſericors Deus, ita nos inſpicere dignare, vt tam lugendum atque etiam erubescendum ebrietatis malum ita nobis in horrorem veniat, vt nunquam illud fieri permittamus: ſed quod in ebrietate periturum erat, in pauperum reſectionem proficiat. Per Chriſtam Dominum noſtrum.

Contra iniuriarum recordationem.

13.
Ex Miſſa
Æthio-
pum.

O Domine, ex beneplacito tuo imple corda noſtra pace tua, & munda nos ab omni mala cogitatione, & immunditia, & ab omni memoria iniuriarum, & ab omni inuidia, & recordatione malorum, quæ mortem inferunt. O Domine, fac nos omnes dignos, vt ſalutemur ad inuicem ſalutatione ſancta, & immaculata: & recipiamus ſine iudicio, & ſine morte donum tuum cæleſte, hoc eſt, gratiam tuam cum Spiritu ſancto, Amen.

Contra iram.

CAeca hæc nostri indulgentia quantum in animos nostros errorum importat, vt iniuria existimemus fieri, quod sit iustissime: vt in eo alijs denegemus veniam, in quo nos singulis momentis labimur & venia indigemus: vt nobis ultionem sumamus pueri, dementes, furiosi, iniusti: & præcipiamus illi, qui solus sapiens est, & iustus: quem & propter sapientiam nulla res fallit, & propter æquitatem nihil abducit a recto.

O Christe mitissime, exemplar moderationis, fons mansuetudinis, aliquid in nos asperge de lenitate ista tua, quò nos imitatione tui conuicijs impetiti, iniurijs affecti, calumnijs & contumelijs oppressi atque afflicti, beneficium tamen pro malo rependamus.

Contra inuidiam.

TV Domine repertor & conditor es omnium, tu munerum tuorum distributor, quæ pro immensa tua liberalitate elargiris; nemini non tribuens plus, quam meretur; nemini non quantum sufficit. Quæ ergo inuidendi causa nobis relinquitur, quando tu omnibus das de tuo, & immerentibus das, & unicuique quod est ad beatitudinem suam satis.

Adde Pater hoc quoque ad cætera,

T 2

bene-

14.

Ludouicus Viues.

15.

Idem.

beneficiorum tuorum iudicio & distributioni acquiescere, vt pro ijs quæ accepimus agamus gratias. Pro ijs quæ in alios contulisti, ne tacite apud nosmet ipsos & sacram tuam voluntatem damnemus, & consilium non inuestigabile. Sed amemus potius & in bonis aliorum tuam munificentiam, qui tam es in omnes benignus, nullius rei egens, à nullo nec accipiens quicquam, nec sperans, Amen.

Contra mentis euagationem in precibus & deuotione.

16.
Petrus
Michae-
lis in
Sertis
suis.

OMnipotens aeternae Deus, cordium cognitor & scrutator renum, cui manifestum, quam instabiles sint in hac vita mentes hominum, quamque facile à contemplatione summi boni, & inuocatione sanctissimi tui nominis, per varias distractiones, & intempestiuas curas abduci, & gustu dulcedinis tuæ tanquam fructu deuotionis nos priuari, & veluti procellosis fluctibus huc illucque disijci patiamur; nouisti Domine in his imperfectum meum, imò summam meam negligentiam, quæ sanè mihi in conspectu tuo displicet ex toto corde. Sed quis cordis mei imperium melius regat teipso, Deus cordis mei?

Exurge igitur & impera ventis multiplicis distractionis mentis meæ, vt quiescant, & cor meum sinant ad te arden-

et deuotione erigi, tibi que absque impedimento (quoad in hac vita possibile est) perfecte vniri. Effice in me Domine Deus, quod deuotæ tibi animæ spondisti, meque duc in solitudinem in te solum collecti cordis, vt ibi loquaris ad me, & ego exaudiam: hic sedeam solitarius in te vnum intentus, & leuem me supra me, teque intime complectar, teneam, nec dimittam donec benedixeris mihi.

Osee 2.

Thren. 3.

Gen. 32.

O quam bonus es Domine illis, qui recto sunt corde, qui te toto corde suo quærunt, & coram te effundunt animas suas, purasque ad te leuant cum cordibus manus: atque omnem adhibent diligentiam, ne in oratione sint, sicuti homo tentans Deum, cuius labia illium honorent, dum cor procui est ab eo.

Esa. 29.

Largire mihi amantissime Deus, quod populo tuo per Ieremiam promissisti, atque spiritum tuum nouum renoua in visceribus meis: Aufer à me cor lapideum, & da mihi cor carneum, vt sensu tui amoris fretus, in mandatis tuis ambulem; iudicia & iustificationes tuas ita custodiam, vt de populo tuo censear, tuque sis & permaneas Deus meus, qui sicut me doces rectè à te petere, ita per IESVM Christum Filium tuum Dominum nostrum, quod postulo, concedere mihi & omnibus fidelibus hodie digneris, Amen.

Ierem. 33.

*Contra Sectas & Schismata
Religionis.*

27.
Idem
ibidem.

O Pax vera, atque fidelis Pastor ou-
lis Ecclesiæ tuæ, Domine IESV
Christe, in cuius conspectu omnes tan-
quam vnus panis esse oportet, qui de vno
pane participamus: id est, inter nos tan-
quam membra tecum, ceu cum capite,
veræ fidei, spei & charitatis vinculo col-
ligatos semper existere: Exaudi preces
nostras, & miserere arumnarum & va-
stationis populi tui. Et cùm non ignore-
mus peccatis nostris meritò acceptum
referri, quòd tot Hæreses atque perditio-
nis Sectas in nos, tanquam efferatas bel-
luas grassari permiseris: oramus te per
acerbissimam passionem & mortem tu-
am, vt populo tuo cor contritum & hu-
miliatum, quod nunquam despicere so-
les, largiaris.

Obliga & sana, obsecro, omnia vul-
nera nostra. Rebeat, pulsas altercatio-
nibus, & corruptelis verbi tui, alma ve-
ritas; & pax quæ eruperat omnem sen-
sum, custodiat corda & intelligentias
nostras, sub legitimis pastoribus nostris
in te supremo omnium Capite nostro,
à quo omnis influxus lucis & gratiæ,
in tibi coniuncta sacræ pacis
nexu membra deriua-
tur, Amen.

(.)

CAPVT XII.
PRECATIONES QVI-

BVS DOMINO SUPPlica-
mus, vt nos à diuerfis malis cor-
poralibus & externis
liberet.

In quacunque tribulatione.

Miserere mei Domine, mise-
rere mei, quia peccavi, ini-
quitatem feci, & te ad ira-
cundiam prouocaui: ideoque
merito castigor, & dignus
sum, qui has pœnas sustineam. Si peccata
mea cum tuis flagellis conferam, multo
maiora sunt, quæ merui, quam quæ pa-
tior: misericordia est, non ira; blanditiæ
sunt, non supplicia; oscula, non flagei-
la, quibus me excipis. Si enim intraueris
cum seruo in iudicium, sulphur, & pix,
& omnia tormenta inferni minora sunt,
quàm vt pro merito meam punire que-
ant iniquitatem. Vt vt Domine me tra-
ctaueris, iustus es, & iusta sunt iudicia
tua: ego verò iniustus, & qui grauiora
promerui

At tu Domine, qui es solatium af-
flictorum, gaudium incoerentium, & re-
fugium nostrum in tempore tribula-
tionis, noli potentiam tuam ostende-
re contra folium quod vento rapitur, & Iob 13.

Collector.

stipulam siccam noli persequi. Noli scribere contra me amantudines, & peccata adolescentiæ meæ ne consumas me. Ne secundum peccata mea facias mihi, quibus indignationem tuam commerui; sed secundum misericordiam tuam, quæ omnia, non tantum mea, sed & totius mundi peccata superat.

Tibi Domine nota est carnis meæ imbecillitas, quod pauidus sum & formidolosus, qui in cruce & varijs periculorum casibus subsistere ex viribus meis non possum: ideo de profundis tribulationum ad te clamo, ô Pater misericordiarum, & Deus totius consolationis; Conserua me sub cruce & calamitatibus solidum in fide, firmum in spe, constantem in patientia: vt tribulationes, & res quasque aduersas æquo ac magno animo perferam: ne fractus dolore aliquid contra mandatum tuum faciam, quo ira tua magis in me exardeat; sed da vt hunc calicem, velut abs te porrectum, patienter & obedienter ebibam.

Plal. 6.

Domine ne in furore tuo arguas me: neque in ira tua corripas me: misere mei, quia infirmus sum. Adiuua me secundum beneplacitum tuum: potes enim, si velis, hunc calicem à me tollere. Spiritus quidem promptus est, caro autem infirma. Si tamen visum est adde doloribus; fiat voluntas tua, non

Marc. 14.

mea:

mea: sed adde obsecro & patientiæ dono, velisque has corporis afflictiones mihi cedere in remissionem peccatorum meorum.

Quòd si paterna tua pietas hac miti castigatione contenta sit, tempestatem hanc excipiat serenitas: vt tibi viroque nomine gratias agam, & quòd inutilem famulum clementer emendaueris, & quòd afflictionis amaritudinem consolationis dulcedine sustuleris: Illic rationem habens necessitatis: hinc non immemor infirmitatis. Tibi laus & gratiarum actio in omne æuum, Amen.

In angustijs & extremis periculis.

Domine Deus, qui Susannam matronam honestam calumniosè circumuentam à falso iudicio liberam fecisti; qui Daniele mitem tuum in spelunca leonum, & tres pueros in ardente camino ignis conseruasti incolumes: qui Petrum, quem iam marini fluctus obruere, & submergere cœperant, dextera tua ad auxilium porrecta, subleuasti, te oro, ô Deus clementissime, vt me indignum, & simul vniuersum populum Christianum, ex his miserijs & angustijs, quibus circumsepti sumus, extrahas & liberes.

Parce quæso genti tuæ, quam pretioso sanguine tuo mercatus es. Hanc gentem, huic populum tanto pretio

2.

Ioannes

Fabri

Dan 1.

4. & 3.

Matt. 14.

per te redemptum, in pace & mutua concordia atque coniunctione, ad laudem tui nominis perpetuam conserua, Amen.

Tempore belli inter Christianos.

3.
Petrus
Michae-
lis in Sen-
tis suis:

Domine Pater misericordiarum, pacis & dilectionis Deus, quamdiu quaeso irasceris super populum tuum Christianum, non auferens execranda bella, & euerisiones eius atrocissimas. Respice in afflictionem & exitium extremum populorum atque nationum. Exaudi gemitus pauperum, commoueat te ad miserandum effusus Christianus sanguis.

Esa. I.

Heu Domine, sunt quidem haec omnia peccatorum nostrorum iustissima supplicia: peccauimus, iniquitatem fecimus, te fontem vitae & felicitatem nostram dereliquimus, contempsimus, irrisimus, contra te, tuaque mandata perfricta fronte peccatis nostris bellum gessimus. Mandata tua nulla seruauimus, de quibus dixisti; Si seruaueritis, seruabunt vos: si nolueritis, gladius deuorabit vos. At tu Domine, cum irasceris iuste, misericordiae tuae recordare, & ut illius capaces reddamur, da populo tuo quaeso cognitionem & confessionem impiae vitae suae. Mitte in eum spiritum gratiae & precum, ut ubique corde contrito & humiliato, quod non despicias, ad te clament, dicentes:

Domine miserere, Domine miserere populi tui, quem pretioso sanguine redemisti: peccauimus, iniquitatem fecimus. Iusta sunt in nos iudicia tua, supplices ruentes, gratiam & misericordiam tuam implorabimus, vt desinat vindex manus tua.

Conuertere, ô Domine, cruentum & voracem gladium tuum in vaginam suam. Impera malis bestiis, id est, omnibus qui ad bellum causam præbent, vt reuertantur ad locum suum, atque saluiferam pacem, diu desideratam, inter nos Christianos tutò regnare permittant, ad laudem & gloriam sanctissimi nominis tui; qui percutis & sanas, occidis & viuificas, Amen.

Tempore belli Turcici.

CA Elestis Pater, commeruimus peccatis nostris pœnas, verum tu ipse castiga secundum misericordiam tuam, & non in furore tuo. Melius & tolerabilius nobis est, tradere nos castigandos manibus tuis, quam in hominum, aut hostis manus incidere: sicut & Dauid precabatur Magna est enim misericordia tua. Tibi soli peccauimus, & mandata tua transgressi sumus.

Sed omnipotens Deus Pater, probe tu quidem nosti, nihil nos contra Diabolum, mundum & Turcam deliquisse, nec ipsi aliquid iuris, aut potestatis plectendi nos habent. Verum tu opera

4.
Borken-
sis in En-
chiridio.

corum, tanquam sæua virga, contra nos
vti potes. Atqui bone Deus, cælestis Pa-
ter, nihil aduersus ipsos deliquimus, vt
meritò ac iure plectere nos videantur.
Quin mallent ipsi nos vnà secum contra
te horribiliter peccare.

Non enim curant hoc, vt tibi obe-
dientes simus; sed omni genere idolola-
triæ (quemadmodum ipsi faciunt) con-
taminemur, falsam doctrinam, falsam
fidem, & mendacia amplectamur: co-
inquinemur adulterijs, libidinibus, cæ-
dibus, latrocinijs, veneficijs, & om-
ne genus flagitiorum contra te perpetre-
mus. Verùm hoc est aduersus eos pec-
catum nostrum, quòd te Deum Patrem
verum, ac vnicum Deum, & dilectum
Filium tuum Dominum nostrum Iesum
Christum, & Spiritum sanctum vnicum
Deum prædicamus, credimus, & confi-
temur: hoc est, peccatum nostrum ad-
uersus eos.

Ioan. 15. Cæterum si abnegaremus te, pacem
& tranquillitatem nobis diabolus, mun-
dus & Turca concessuri essent: sicut
inquit dilectus Filius tuus; Si de mun-
do essetis, mundus quod suum est dili-
geret. Hic iam respice misericors Pater
super nos, & seuerè iudex super inimi-
cos nostros. Non enim magis sunt no-
stri, quàm tui hostes. Quare cum perse-
quuntur & affligunt nos, persequuntur
& affligunt te. Nam verbum hoc quod
prædicamus, credimus, & confitemur,

non nostrum, sed tuum verbum est: & quicquid est in nobis, est Spiritus sancti tui opus. Id Diabolus ferre non potest, sed tuo loco vult esse Deus: Mundus vult pro verbo tuo nobis obtrudere sua mendacia; & Turca vult Mahometem suum in locum dilecti Filij tui IESV Christi collocare: quem quidem blasphematur ille, negans eum verum esse Deum, & affirmans Mahometem suum longè illo esse superiorem.

Si hoc peccatum sit, quòd te æternum Patrem, & dilectum Filium tuum, & Spiritum sanctum vt verum & vnicum Deum colimus, confitemur & celebramus, ipse tu peccator ille es, qui ista in nobis operaris, præcipis, ac requiris. Quapropter illi quidem te ipsum odunt, affligunt, & plectunt; si ob eam causam nos oderint, affligant, & plectant. Quare expergiscere, Domine Deus, & sanctifica nomen tuum, quod illi blasphemant horribiliter. Stabilito regnum tuum, quod illi in nobis conturbant, & perforce voluntatem tuam, quam impedire illi in nobis conantur: nec patiaris te propter peccata nostra ita conculcari ab ijs, qui non peccata nostra in nobis plectunt, sed sanctum nomen tuum Nomen & opus tuum in nobis opprimere, & delere conantur, ne tu pro Deo colaris, nec aliquem habeas, qui te prædicet, in te credat, & te profiteatur.

Has preces clementer ac benignè recipere & exaudire, & quemadmodum credimus ac speramus, ex omnibus his malis nos liberare digneris, propter dilectum Filium tuum Dominum nostrum Iesum Christum, qui tecum & cum Spiritu sancto viuit & regnat in sempiterna secula, Amen.

Tempore pestis.

5.
Ioannes
Ferus.

Non sunt nobis remoræ causæ, Domine Deus, Pater iustissime, tantam esse rebellionem omnium ferè creaturarum in vnum hominem, cui (si omnia creationis modo constarent) obedire & subesse debebant: nunc terræmotus, nunc tonitrua, nunc eluuiæ, nunc coniunctiones syderum nocentissimæ, nunc infectio aeris, quotidie noua atque alia audiuntur mala. Sed hæc poena, quòd munificentia tuæ donis abutimur, mandata tua transgredimur, quòd minis non deterremur, promissis non allicimur.

Agnoscamus his te castigationibus à terrenis hisce nos abducere, ad cælestium desideria attrahere; & in hoc creaturas tuas tibi obsequi. Memor esto in magna hac ira tua misericordiarum tuarum, & contagij malum, quod tua ira in nos effusum est, tolle propitius. Nullum enim malum pestilens aer importabit, si omnigenis peccatis bellum indixerimus. Omnia tamen abs te Patre pijsimo sunt,

& quòd

& quòd corpore à contagio hoc securi,
& quòd anima à peccati malo tuti su-
mus.

Et si autem alij huius vitæ amore de-
tenti in mortalitatis eiusmodi pericu-
lis huc illucque opem implorantes dis-
currunt; tamen à nemine rectius, tutius-
que petitur auxilium, quàm abs te vno:
cuius potentiam nemo potest effugere,
qui nos in gratiam recipies, cum nemi-
nem non suscipis in tua bonitate speran-
tem. Ad te igitur clamamus Domine, **Additio**
exaudi preces & orationes nostras, vt li-
beres nos ab hac plaga pestifera & func-
sta. Præcipe Angelo tuo percutienti nos,
vt recondat gladium suum in vaginam,
ne nos feriat vsque ad consummatio-
nem: ne facias progressionem iræ tuæ,
parce animabus nostris, & ne concludas
nos peste.

Reuertere, reuertere Domine, & de-
precabilis esto super seruos tuos: aufer
a nobis hanc inclementiam cæli, & in-
salubritatem loci, ne aer infectus no-
xam, qua afficitur, in nostram perni-
ciem effundat. O Domine, vertatur qua-
so manus tua, sufficit iam, cesset nunc
manus tua, vt sciat omnis terra, quia
tu es Domine Deus noster, & quia no-
men tuum inuocatum est super nos,
Amen. **2.Reg 2**

Tempore famis & annonæ caritatis.

Iustissime Domine Deus, qui pro me-
ritis populi tui benedictionem tuam

6.
Petrus
Michae
lis in Se
tis suis.

impartiris, & retrahis; respice in egestatem nostram, qui agnoscimus presentem annonæ caritatem & famem, qua tabescimus, tanquam virgam in manu, qua castigas & punis multiplicem abusum bonorum tuorum apud nos in crapula & ebrietate creberrima, alijsque desiderijs carnis, & dissipatione donorum tuorum; quæ largitus es, non ut contra te impinguati & dilatati recalcitremus, sed potius ut datori muneris ex animo seruiamus. Quid de profanatione nominis tui per iuramenta & imprecationes horrendas, de violatione Festorum & cultus tui, non conquæmur?

Sed quidnam miserī, & in iniquitatibus nostris à te iustissimè flagellati, aliud faciamus, quàm ut in conspectu & vultu tuo irato procidentes, accusemus atque deploremus peccata nostra, tum gratiam & misericordiam imploremus, ut respicere de cælo digneris, quò citius terra nostra largiatur fructum suum benedictione tua, atque adeò necessarijs alimentis refecti, te pro accepta benedictione tua laudemus, & ad seruiendum tibi nos magis deuinctos profiteamur, Amen.

Contra tempestates aëris & tonitrua.

7. **R**ex æterni imperij omnipotens Deus, qui das escam omni carni, qui operis cælum nubibus, & paras terræ

bertus
statio
netus

plu-

pluuiam: qui transfers Austrum de cælo, & inducis in virtute tua Africum qui rigas montes de superioribus suis, & de fructu operum tuorum satiabitur terra: qui Angelo præcepisti, vt terra, mari, arboribus non noceret: parce metuentibus, propitiare supplicantibus.

in Sacer-
dotali
Rom.
part. 3.
Apoc. 9.

Te enim Domine supplices exoramus, vt procul abscedat incurfus turbini, calamitas tempestatum, fragor grandinum, percussus fulminum, & quælibet insidiæ inimici temperentur. Insecta tonitrua, noxiæ pluuiæ, ventorum flamina fiant moderatè suspensa. omnis quoque spiritus procellarum, & aëreæ tempestates dextera tuæ virtutis prosterantur.

Domine qui intonas de cælo, & das vocem tuam: qui mittis sagittas tuas, & fulgura tua multiplicas, auerte quæsumus sæuissimam hanc tempestatem, ne nobis adferat exitium. Cohibe fulmina, & sagittas tuas, ne nos lædant. Custodi nos & nidulos nostros, ne cohaëtu fulgurationum & ictibus fulminum pereamus. Protege ardes nostras, ne adustionibus cælitus succensæ conflagent & consumantur.

Additio.
Psal. 17.

Misericordissime Domine, ne quæso pluas grandinem super faciem terræ, neque percutias quæ sunt in agris nostris, herbam & arborem regionis nostræ ne confringas: segetem nostram ne perimas, neque tradas iumenta no-

Psal. 77.

stra grandini, vt intereant: sed iram furoris tui in misericordia tua contine, vt qui pro peccatis nostris iuste affligimur, misericordia tua præueniente gratiam & indulgentiam tuam sentiamus, Amen.

Tempore nimia pluvia.

3.
Collector.
3. Reg. 17.
& 18.

Potentissime & sapientissime Deus, qui ad vocem vnus Heliae Prophetæ tui cælum & clausisti, & aperuisti, ita vt toto triennio nec ros nec pluvia terræ superficiem humectauerit, iterumque vt nubes copiosos imbres dederint, hoc in beneficium, illud in ultionem populi tui: te credimus, & confitemur eum, qui omnia quæcunque vis facis in cælo, in terra, in mari, & in omnibus abyssis: producens & leuans nubes ab extremo terræ; qui cælum nubibus operis, & terræ paras pluuiam, ad educendum in montibus fœnum, & herbam seruituri hominum.

Deut. 12.

Nos quidem recessimus à te, & non audiuius vocem tuam, vt ambularemus in præceptis tuis: verbum tuum hætenus cum nausea & fastidio magno aspernati sumus, dies festos in otio & luxu transégimus, cultum tuum negleximus, & carnis nostræ cupiditatibus fræna laxauimus. Ideo stillauit super nos maledictio & detestatio, quam in lege tua minatus es nobis inferre, vt maledicti essemus in ciuitate, & in agro:

male-

maledictum esset horreum nostrum, & maledictus fructus terræ nostræ, armenta bouum nostrorum, & greges ouium nostrarum.

Ostendisti nobis Domine anni huius initia, lata, prospera, & spe plena: fruges in agris nostris copiosam nobis messem pollicebantur; herba in pascuis luxurians gratum præbebat iumentis & pecoribus pabulum.

At tu Domine vt visitares iniquitates nostras super nos, rupisti fontes abyssi magnæ, cataractas cæli aperuisti, & facta est pluuia super terram multa nimis. Inundârunt aquæ, & nisi tu Domine clemens & propitius nostri misereris, auferent labores manuum nostrarum: & spes nostra erit tanquam Sap.s. lanugo, quæ a vento tollitur; tanquam spuma gracilis, quæ a procella dispergitur.

Supplices igitur, & ad genua tuæ Majestatis prouoluti te deprecamur, ne infinitum procedat ira tua: dic cælis: Sufficit; & nubibus cæli, vt moderatius pluant super terram. Custodi nos ab imbribus immodicis, qui frugibus sunt perniciosi, & accersunt æruginem: aut qui nimia illuione omnia fata conuertunt, & perdunt. Obicem pone fluminibus, ne cooperiant terram, & maridic; Vsquehuc venies, & non procedes amplius: & hîc confringes tumentes fluctus tuos. Da moderatas pluuias

ad fecundandam terram, & benedictionem tuam effunde super nos, vt habentes vitæ necessaria tibi gratias agamus, & te in pauperibus tuis honorificemus, cui laus, honor & gloria est in secula seculorum, Amen.

C A P V T XIII. PRECATIONES PETI-

TORIAE, QVIBVS PRO
expetendis bonis spiritua-
libus Deum obse-
cramus.

Pro diuina gratia impetranda.

Thomas
Campes.
de imit.
Christi
lib. 2.
cap. 32.

Domine Deus meus, qui me creasti ad imaginem & similitudinem tuam, concede mihi gratiam tuam, quam ostendisti mihi tam magnam & necessariam ad salutem, vt vincam pessimam naturam meam, trahentem me ad peccata & perditionem. Sentio enim in carne mea legem peccati, contradicentem legi mentis meæ, & captiuum me ducentem, ad obediendum sensualitati in multis: nec possum resistere passionibus eius, nisi ab istat sanctissima gratia tua, cordi meo ardentem infusa.

Opus est gratia tua, & magna gratia, vt vincatur natura ad malum semper prona, etiam ab adolescentia sua. Nam

per primum hominem lapsa, & vitata
per peccatum, in omnes homines poena
huius maculæ descendit, vt ipsa natura,
quæ bona & recta condita fuit, pro vitio
nunc & infirmitate corruptæ naturæ po-
natur: eò quòd motus eius sibi relictus
ad malum & inferiora trahat. Nam mo-
dica vis quæ remansit, est quasi scintil-
la quædam latens in cinere. Hæc est ipsa
ratio naturalis, circumfusa magna ca-
ligrine, adhuc iudicium habens boni &
mali, veri falsique distantiam: licet
impotens sit implere omne quod ap-
probat, nec pleno iam lumine verita-
tis, nec iuauitate affectionum suarum
potiatur.

Hinc est Deus meus quòd conde-
lector legi tuæ, secundum interiorem
hominem, sciens mandatum tuum fo-
re bonum, iustum & sanctum: arguens
etiam omne malum, & peccatum fu-
giendum: carne autem serui legi pecca-
ti, dum magis sensualitati obedio, quàm
rationi. Hinc est quòd velle bonum mi-
hi adiacet, perficere autem non inuenio.
Hinc sepe multa bona propono, sed quia
gratia deest, ad adiuuandam infirmita-
tem meam, ex leui resistantia resilio, &
deficio.

O quàm maximè est mihi necessaria
gratia tua Domine, ad inchoandum
bonum, ad perseuerandum, & ad perfici-
endum? Nam sine ea nihil possum
facere: omnia autem possum in te, con-

fortante me gratia. O verè cælestis gratia, sine qua nulla sunt propria merita, nulla quoque naturæ dona ponderanda. Nihil artes, nihil diuitiæ, nihil pulchritudo, vel fortitudo; nihil ingenium, vel eloquentia valent apud te Domine, sine gratia. Nam dona naturæ bonis & malis sunt communia, electorum autem proprium donum est gratia: qua insigniti digni habentur vita æterna. Tantum eminet hæc gratia, ut nec donum prophetiæ, nec signorum operatio, nec quantalibet alta speculatio aliquid æstimetur, sine illa. Sed neque fides, neque spes, neque aliæ virtutes tibi acceptæ sint, sine charitate & gratia.

O beatissima gratia, quæ pauperem spiritu virtutibus diuitem facis, & diuitem multis bonis humilem corde reddis. Veni, descende ad me, reple me manè consolatione tua, ne deficiat prælasitudine & ariditate mentis anima mea. Obsecro Domine, ut inueniam gratiam in oculis tuis. Sufficit enim mihi gratia tua, cæteris non obtentis, quæ natura desiderat. Si fuero tentatus & vexatus tribulationibus multis, non timebo mala, dum mecum fuerit gratia tua.

Ipsa fortitudo mea, ipsa consilium confert & auxilium. Cunctis hostibus potentior est, & sapientior vniuersis sapientibus. Magistra est veritatis, do-

arix disciplinæ, lumen cordis, solamen
 pressuræ, fugatrix tristitiæ, ablatrix ti-
 moris, nutrix deuotionis, productrix la-
 chrymarum. Quid sum sine illa, nisi ari-
 dum lignum & stirps inutilis ad eicien-
 dum?

Tua ergo me Domine gratia semper
 præueniat & sequatur, ac bonis operibus
 iugiter præstet esse intentum per Iesum
 Christum dilectum Filium tuum, in quo
 tibi complacuit, Amen.

*Oratio pia, qua à Deo iustificationem
 expetimus.*

QVI in æternum dominaris & solus Ioannes
 potes omnia, DEVS cæli & terræ Fabri.
 moderator, ad cuius nutum omnes crea-
 turæ contremiscunt, & cæli cardines
 nutant. O Domine cæli Rex, perfecte
 opifex & figule, ego miser de limo ef-
 fectus, vel potius limus sordidus, cum
 timore & trepidatione ad thronum tuæ
 Maiestatis venio: agnosco & confi-
 teor meam imbecillitatem. Scio quòd
 nihil sum, imò quòd abominatio mera,
 & horror existam coram tuo aspectu,
 si tua gratia & misericordia destituar.
 Sine te nihil boni cogito, sine te ni-
 hil boni facio, sine te sum reptile quod-
 dam deperditum. Non possum salua-
 ri sine te; in tua manu est omnis mea
 salus.

Ago tibi gratias ô DEVS, vel propter
 hoc, quòd eam cognitionem mihi de-
 deris,

deris, vt videam & cognoscam me nihil esse, vel posse absque te. Tu es figurus, & ego limus: qualem me esse vis, talem potes effingere & formare. Si beatum me reddis, ostendis misericordiam tuam, & gratiam: si conijcis in perditionem, demonstras iustitiam, & tuum exqueris iudicium. Nec meum est contra dicere, cur hoc, aut qua ratione facis? Etenim cui tu bene vis, misereris. Hæc ego mecum reputo, ô Domine, & iudicia extimesco.

Cum igitur omnis mea incolumitas & salus ex te pendeat, & in manu tua atque potestate sita sit; cumque vniuerso mundo maximè placabilem & misericordem Deum te exhibueris, per hoc quòd filium tuum charissimum Iesum Christum innocentem pro nobis noxijs mori, & nostra peccata illius sanguine in cruce voluisti expiare: Cum denique docueris nos, in omni nostra perturbatione te inuocare, tuam gratiam & misericordiam efflagitare, promittens quòd daturus es nobis omnia, quæ in nomine Filij tui sumus petitori: Venio ad te limus & massa lutea, ô clemens & cælestis figule, à te peto suppliciter, vt misericordia tua utaris: ex hac licet indigna materia facias vasculum ad æternam gloriam.

Digneris etiam ex mera tua gratia ad fidem veram, spem solidam, castum & sanctum amorem voluntatem meam

permouere: vt per hæc dona iustificatus, integer, perfectus, bonus, sanctus, secundum tuum beneplacitum in medio vitæ meæ, & in fine, atque aded in extremo die iudicij inueniar. O mitis Pater, concede mihi veniam omnium peccatorum meorum, per mortem filij tui amantissimi IESV Christi. Fac vt tibi vni placeam, tibi gratus sim filius & hæres: adauge in me clementer iustitiam qualemcunque mihi diuinitus datam, vt in ea pergam viuere. Auge in me fidem acceptam, confirma spem meam, accende & illustriorem redde in me tui amorem: vt auxilio tuo, tuæque gratiæ præsentia, & ex operatione tuæ sanctissimæ voluntatis vitam æternam, quam tu solus meruisti, & nobis promissi, impetrare queam, vt te laudem, tibi gratias agam in regno tuo, per æterna sæcula, Amen.

Pro fide firma & sincera.

EXcæcatus est homo à peccato, sed Ludouic. Viues.
 misericordie patris tui appositus es. Tu Christe, dux cæco, magister rudi. Illud tamen atrocissimum in cæcitate hac & ruditate malum, quod subinde trepidamus & nutamus, aliàs optima præceptoris monita non capimus, aliàs hæremus & ambigimus de veritate. O miserum & cæcum, quomodo paratam perniciem euades, si te subtrahis? si nec ipse osti viam, nec fidem habes monstranti?

Christe veritas pura & sempiterna, dignare ita pectoribus nostris illabi, vt te actua omnia sicuti veriora sunt, ita pro certioribus habeamus, quàm quæ vel oculis nostris cernimus, vel digitis contrectamus, fallacibus corporis sensibus, quibus stolidi & bruta caro tantopere confidit. Seda & compone motus istos carnis, detrudentes nos subinde ad mutationem eius, quod firmissimum atque stabilissimum oportet esse apud animos nostros, Donum est luminis tui fides; hoc tu Christe benignissime ita cordibus nostris instilla, vt vitiosi isti oculi vel reluctantantes & inuiti cogantur illud aspicere.

Credo Domine, sed tu adiuua incredulitatem meam: succurre imbecilli & languidæ fidei meæ, quæ in me est exigua, instar grani sinapis: vt illa indies succrescens, in te radices agat; firma & immobilis maneat semper, ne inter tot sectas & schismata huius mundi labascet aut deficiat.

Da quoque o pie IES V, ne fides mea sit nuda, inanis, seu mortua, sine operibus & fructibus bonis: sed efficax, & per charitatem operans, vt finem fidei reportem, salutem scilicet animæ meæ: vt te, quem nunc fide cognosco, tanquam per speculum & ænigma, facie ad faciem conspiciam in altero seculo, vbi viuas & regnas cum Patre & Spiritu sancto Deus, per omnia secula seculorum, Amen.

Pro solida spe & fiducia.

QVare tristis es anima mea, & quare conturbas me? Spera in Deo, quoniam adhuc confitebor illi, salutare vul- tus mei, & Deus meus. Credo enim vi- surum me bona Domini in terra viuen- tium. Expecta igitur, o anima mea Do- minum, viriliter age & sustine Domi- num, quia bonus est omnibus speranti- bus in eum. Cur dubitas quod dabit tibi bona sua, qui non dedignatus est suscipe- re mala tua?

Adesto igitur, o dulcissime IESU, auctor spei & consolationis: Plasma tuum sum; manus tue Domine fece- runt me, & plasmauerunt me, manus inquam illæ, qua affixæ clauis sunt pro me. Opus manuum tuarum, Domine, ac despicias: vulnera manuum tuarum pre- cor vt aspicias. Ecce in manibus tuis Do- mine Deus descripsisti me: lege ipsam scripturam, & salua me.

Da mihi gratiam, o æterne Pater, vt in omnibus necessitatibus, periculis & tribulationibus, quæ in hac vita occur- runt, in te sperem. Misericordia tua namque est infinita, promissiones tue sunt vt plurimæ, ita verissimæ: & merita vnigeniti filij tui pretium aut numerum non habent, quæ omnia pro me clamant & vociferantur

Tu igitur es Domine spes mea: quid- quid agendum, quidquid declinandum,

V 2

quid-

*Collector.**Psal. 41.**Psal. 42.*

Psal. 21.

quidquid tolerandum, quidquid optandum, tu es Domine spes mea. Hæc una mihi omnium promissionum causa, hæc tota ratio meæ expectationis. In te Domine sperauerunt patres nostri, & liberasti eos: ad te clamauerunt, & salui facti sunt: in te sperauerunt, & non sunt confusi. Adesto igitur & mihi sæpe in tribulationibus de tuis promissionibus dubitanti: Esto mihi turris fortitudinis, vt siue insurgant aduersum me prælia, siue scruat mundus, siue fremit malignus, siue caro aduersus spiritum concupiscat, ad te confugiam; non timeam, sed in te sperem Domine. Et si liberatio iuxta tuam voluntatem subinde differatur, & intercapedine temporis prolongetur, ne ambigam de opere & auxilio tuo; sed sperem quia veniens venies, & non tardabis: quia fidelis es, & non defraudabis desiderium nostrum.

Hebr. 1.

1. Pet. 1.

2. Theſ. 3.

Rom. 8.

Benedictus esto Deus & Pater Domini nostri IESV Christi, qui secundum misericordiam tuam magnam regenerasti nos in spem viuam; & benedictus vnigenitus filius tuus, qui dilexit nos, & dedit nobis consolationem & spem bonam, per gratiam quæ diffusa est in cordibus nostris, per Spiritum sanctum nunc & semper & in secula seculorum, Amen.

Pro charitate erga Deum.

Ora-

Orationes huc spectantes inuenies,
lector, Capite sexto huius libelli.

Pro charitate erga proximum.

Domine IESV Christe, qui ex sola tua erga nos charitate, è sinu Patris in hanc vallem lachrymarum descendisti, pro nobis in stabulo natus, triginta tribus annis varijs miserijs exagitat-
tus, & tandem in cruce mortem amarissimam passus es, etiam tunc, cum nos omnes inimici tui eramus; non tantum tua, sed & temeripsum nobis impendens, vt & nos vestigia tua sequeremur, & proximos nostros diligere-
mus: qua sola nota dixisti tuos discipulos à filijs huius seculi fore digno-
scendos. Oro te per hanc flagrantis-
simam, abundantemque charitatem
tuam, accende corda nostra frigida af-
fectu veri amoris, vt sermonem tuum
seruemus, mandatum scilicet illud no-
uum, quod peculiariter nobis commen-
dasti, inquit; Mandatum nouum do
vobis, vt diligatis inuicem, sicut ego di-
lexi vos.

Collector.

Ioan. 13.

Ibidem.

O ardentissime amator hominum,
excita in nobis fraternæ & feruidx di-
lectionis studium, vt quilibet curam
proximi habeat, eumque pro viribus
iuuet, non secus ac membra, quæ in vno
corpore compacta alia pro alijs mu-
tuam sollicitudinem gerunt. Sit dilectio
nostra perfecta, non simulata, non

fiſta, non moroſa, non tardioſa, non
 faſtuoſa, nec quaſtuoſa: ſed ſimul erga
 proximum patientes & benigni: eius de-
 ſectus & infirmitates toleremus, eius o-
 nera portemus, conſilio & auxilio iuue-
 mus, peccantem corrigamus, errantem
 in viam rectam reducamus, pijs admoni-
 tionibus & bonis exemplis eum ad iter
 ſalutis pertrahamus, vt ſic verè diliga-
 mus nos mutuò, non verbo neque lin-
 gua, ſed opere & veritate.

O charitas æterna, ô amor increa-
 te, ô Agne Dei qui tollis peccata muni-
 di, tolle a nobis omnem amarulentiam,
 iram, vociferationem, maledicentiam,
 æmulationem & contentionem. Inflam-
 ma peſtora noſtra, vt exemplo tuo in-
 formari, complectamur etiam inimi-
 cos noſtros vero amore: bene prece-
 mur deuouentibus nos: beneficiamus
 ijs, qui nos lædunt, & inſectantur, ti-
 bi relinquentes vindictam & ultionem
 in omnibus, quam retribues illis, & nos
 ad æternam illam vitam perduces, qua
 tu cum Patre & Spiritu ſancto viuſ ſine
 fine, Amen.

Pro corde recto & pura intentione.

Ioannes
 Faber
 paucis
 tamen
 inter-
 ſectis.

DEVS æterne & miſericors, ad te ve-
 nio peccator miſer, corde ſaucio,
 ægro & impuro, quod tantum vanita-
 tem huius mundi quærit, deſiderat &
 amat, quam tu odiſti: Non cogitat de
 ſalute ſua, expetit quæ ſunt caduca &

omni-

omnibus casibus obnoxia: & sic cogitationes habet in varias res dispersas.

Quid faciam o Domine: ad te clamo, o miris Saluator, crea in me cor mundum, mansuetum, pacificum, piū, humile, deuotum. Da mihi cor quod nulli noceat, nulli damnū vel iniuriā inferat, non malū malo compenſet, ſed malū bono ſuperare aſſueſcat. Largire cor quod amet quod amandum eſt, oderit quod odio habenda eſt; timeat quod verè timendum eſt deſideret quod verè deſiderandum eſt. Ingere mihi cor, quod te ſuper omnia amet, de te perpetuo cogitet, de te loquatur aſidue, tibiſque gratias agat: quod a terrenis ſe auocet, & in cælo veretur, ſequē in illa æternorum bonorum contemplantatione delectet.

Et hoc in me effice, ex tua gratia, quod mea non poteſt natura: tu enim ſolus **tale** cor, talem mentem largiri potes, quæ virtutes omnes ſecum ferat, vitia auerſetur. Munda me, o Deus, ab omnibus terrenis cupiditatibus: extolle cor meum ad te, qui in cælis habitas: illumina pectus meum vera & viua fide, & legem tuam digitis tuiſ cordi meo inſcribe. da vt in omnibus operibus meis ad te vnum intentionis meæ oculum dirigam, te ſolum attendam, tibi ſoli placere cupiam, neque ad te tē agendum vllō humano reſpectu, atque intuitu, neque vlla aut neceſſitate, aut

utilitate, aut hominum metu aut simili aliqua ratione, sed solo amore tui impellar.

Custodi, ô Domine, cor & voluntatem, animum & intellectum meum ab omni errore & malo, vt in omni patientia fructus verbi cælestis ex me proveniant vberes, & sic in bono perseuerem, vsque in finem ad vitam æternam, Amen.

Pro bono proposito.

Collector.

IESV Christe, Fili DEI viui, redemptor & mediator æterne, ad te suspiro creatura tua: Creator es, recrea me: vita es, viuifica me: plasmator es, reforma me Aegrotus sum, ad medicum clamo: cæcus sum, ad lucem propero: mortuus sum, ad vitam aspiro. Tu es medicus, tu lux, tu vita; IESV Nazarene miserere mei, fili Dauid miserere mei fons misericordiæ. Omnia interiora & exteriora mea deprauata sunt, non est bonum in me: intellectus est cæcus, voluntas infirma, sensus omnes ad peccatum proni, & cuncta cogitatio cordis intenta est ad malum omni tempore: iniquitatem sicut aquam bibo.

Gen.8.

In hac sarcina seculi veluti somno premor, cogitationes quibus meditor in te similes, sunt conatibus expurgiscentium, qui tamen superati soporis altitudine remerguntur. Tu hæcenus vocasti me, & non audiui: tu tra-

xisti me, & ego non sequebar, nec adhuc sequor: semper obmurmurabam; Modò, & ecce modò; sine paululum. Sed, ó pie IESV, quando modò & modò illud habebit modum? & istud sine paululum vltcrius non ibit? Quamdiu cras & cras? quare non modò? quare non hac hora finis turpitudinis meæ?

Sæpe dico, Hoc faciam, illud perficiam. Adest voluntas, non est facultas: adest facultas, non est voluntas. multa propono, nihil perficio. quod vna hora placet, altera displicet: quod nunc probo, paulo post improbo & sic semper vacillo, nec vnquam in eodem proposito permaneo; quia de viribus meis confido. Nunc autem confiteor tibi Domine, quia non in fortitudine sua roborabitur vir, vt gloriatur ante te: stulta omnis præsumptio carnis. Non enim est hominis velle quòd possit, aut posse quòd velit, sed potius à te gressus hominis diriguntur.

Obsecro igitur benignissime IESV, per viscera misericordiæ tuæ, da mihi simplex & rectum propositum, vt nec committam nec omitam aliquid tuæ voluntati contrarium: nihil in tota vita mea quæram, aut concupiscam aliud, quàm quod animæ meæ sit vtile, ac salutare: quodque diuinæ Maiestati tuæ in primis placeat. Da propositi huius immobilem constantiam, vt ne-

que propter diuitias, neque propter honores, neque propter voluptates, aut pro alia quacunque re mundi te in posterum offendere præsumam: da vt omnia potius mundi tormenta ferre, imò vitam hanc potius velim amittere, quàm vnum lethale peccatum committere. Scio enim te nulla re magis offendendi, nihil magis odisse, nihil in oculis tuis abominabilius esse peccato: vt quod solum tuos humeros flagellis lacerauit, caput tuum spinis pupugit, corpus tuum cruci affixit, & diuinam animam amarissima morte à suo corpore separauit.

Hæc quotiescunque Diabolus impugnat, mens cogitet; hæc quoties mundus tentat, animus meditetur: hæc quoties caro ad peccandum sollicitat, contemnat. Ad hoc certamen alacri spiritum curram, aspiciens in te auctorem fidei, & consummatorem Iesum; qui proposito tibi gaudio, sustinuiſti crucem; recogitansque te qui talem sustinuiſti à peccatoribus contradictionem, ne fatigetur animus meus: sed ad sanguinem vsque resistat aduersus peccatum repugnans, vt post legitimum certamen à te coronetur in cælis, Amen.

*Pro humilitate, & sua vilitatis
cognitione.*

Granat.
in appē-

Domine mi, quis es tu, & quis sum
Ego? tu es Deus magnus, Deus cæli

& ter-

& terræ, Deus Deorum, Rex Regum, & dice Me-
Dominus Dominantium. ego sum ver-
mis & non homo, fax hominum, & op-
probrium mundi Tu es summa bonitas,
summa dulcedo, summa pulchritudo;
tu es gloria sanctorum, thesaurus opu-
lentissimus, vera lux, splendor clarissi-
mus, fons vitæ, vita animarum nostra-
rum, lumen cæli, & claritas mundi. Ego
sum abyssus tenebrosa, terra miserabilis,
filius iræ, vas ignominia, conceptus in
peccatis, natus in miserijs. Ego sum ster-
quilinium immundum, plenum foetore
& corruptione: infirmus, cæcus, claudus,
surdus, & mutus; omnium rerum bona-
rum vacuus, miseriarum verò plenus.
Principium meum fuit peccatum, finis
meus erit mors: quæ mihi stipendium
peccati est.

O Domine mi, quid sum ego, nisi um-
bra mortis, & vniuersa vanitas? puteus
sordidus, terra sterilis, & maledicta,
cuius fructus sunt spinæ, tribuli & con-
fusio? Igitur, ó Domine, & Deus mi-
sericordiarum, propitius esto huic pau-
perimæ animæ, quæ nihil est, & ratio-
ne peccati plus quam nihil: pelagus va-
narum cupiditatum, fons peccatorum:
pro quibus, si pro tua iustitia debet puni-
reri, tot vitæ supplicia, & tanta tor-
menta sustinere deberem, quanta est
tuæ Maiestatis magnitudo, siquidem
tanta est culpa, quanta est Maiestas of-
fensa.

O Domine, quis ego sum, vt loqui tecum audeam, cum tu sis Deus ille magnus, verus, omnipotens, immensus, æternus, incomprehensibilis, & Angelicis etiam spiritibus admirabilis? Audi, ô D E V S, clamores meos, vide lachrymas meas, intellige mea suspiria, & succurre. Illa quæ te mouit pietas vt me redimeres, etiam te moueat, vt me exaudias. Ne perdat mea malitia, quod in me creauit tua potentia. Quando non eram tu me fecisti: cum erraui, tu me in viam rectam reduxisti: cum rudis eram & ignarus, tu me docuisti: quando cecidi, tu me subleuasti: quando stabam, tu me tenuisti: quando affligebar, tu me consolatus es: quando desperabam, tu mihi animum addidisti: quando dormiebam, tu me custodisti: quando eram infirmus, tu me sanasti: quando veniebam ad te, tu me recepisti. Omnia hæc tua sunt Domine, omnia hæc mihi fecisti gratis, nullo meo præcedente merito.

Quid igitur est quod à me habeo? quid habeo, quod non à te accepi? Si autem acceperim, cur gloriabor? Qui enim de bono tuo gloriam sibi quarrit, & non tibi, hic fur est & latro: similis diabolo, qui tuam gloriam furari voluit. Quid superbiam ego cinis & puluis? quid me extollam putredo & esca vermium? Sed & si quando mens inani gloria sollicitetur, oro te, ô æternæ

Deus,

Deus, & pater humilium, largire mihi virtutum omnium parentem humilitatem: qua in conspectu Maiestatis tuæ vilis terræ vermiculus & cinis erubescam, & meiipsius vera cognitione vilescam, omnia tibi soli accepta feram; omnibus me faciliè lubensque subiiciam, neque altè de meipso sentiam: sed vilis sim, abiectusque semper in oculis meis, & talis ab omnibus haberi cupiam.

O mellissue Domine mi, cognoscam me, cognoscam & te. Qui enim te bene cognoscit, etiam amat te: & qui amat te, contemnit se, & plùs amat te, quàm se. Veni igitur ad me, ó fons dulcedinis, cibus animæ, & lumen intellectus mei illumina cæcum hunc; sana ægrotum hunc, ciba famelicum hunc, visita captiuum hunc, tege nudum hunc, & seruum hunc tot tyrannorum, quot passionibus exagitur, & quot peccata commisit, tui sanguinis lytro redime: vt ab omnibus animi perturbationibus, & peccatis, maximè autem à superbix atque inanis gloriæ malo liberatus, tibi in omni humilitate, animique demissione famuletur hic, & in perpetuum, Amen.

Pro timore Dei.

SVmme, inæstimabilis, metuende, & Granat. terribilis DEVS, remunerator omnium bonorum & malorum operum lib. c. Me morial.

Matt. 10.

iustissime, qui per vnigenitum filium tuum, Verbum verum & æternum admonuisti nos, ne timeamus eos qui corpus occidunt, animam autem non possunt occidere: sed vt potius timeamus te, qui potes & animam & corpus perdere in gehennam. Fac Domine, vt anima mea te timeat: non enim minus dignus es timore, quàm amore, cum sis vti infinitè misericors, ita etiam infinitè iustus: & quemadmodum opera tuæ misericordiæ sunt infinita, sic & opera iustitiæ tuæ nec numerum habent, nec mensuram: & quod magis metuendum est, plura sunt vasa iræ, quam misericordiæ: cum damnandorum numerus sit infinitus, saluandorum verò perexiguus.

Operare igitur in me Domine, vt timeam te, propter magnitudinem tuæ iustitiæ, & propter iudiciorum tuorum profunditatem: propter celsitudinem tuæ maiestatis, & propter immensitatem tuæ magnitudinis: propter multitudinem meorum peccatorum, & super omnia propter rebellionem, qua tuis sanctissimis præceptis & inspirationibus hactenus reluctatus sum. AEquum enim omnino est, vt timeam in conspectu illius, ante quem columnæ cæli, & vniuersæ terræ ambitus contremiscit.

Si igitur omnes creaturæ, tam in cælo, quam in terra te sic metuant, &

reuereantur, tibi que obediant: quid faciam ego miserrimus peccator? quid faciam ego cinis & puluis? Si Angeli tremant, cum te adorant, tibi que laudes canunt; cur non tremet cor meum, cum eidem vacat officio? Ah miserum me, quomodo sic induruit cor meum, ut non infinitas profundat lachrymas, quoties seruus loquitur cum Domino, creatura cum Creatore, homo cum Deo? ille qui de terra formatus est, cum eo, qui omnia fecit de nihilo?

Da Domine, ut inscrutabilia iudicia tua in corde meo fixa sint, propter hæc confige timore carnes meas, ut ab ijs timeam semper. Iudicium tuum magnum fuit casus totius generis humani, propter peccatum vnius. Iudicium tuum fuit magnum, cum vniuersum terrarum orbem diluuium extinxisti. Magnum fuit iudicium tuum electio Iacob, & Esau reprobatio; Iudæ desperatio, & Pauli vocatio; Iudæorum reiectio, & Gentium assumptio. Super omnia verò metuendum iudicium tuum est, tot nationes in superficie terræ habitare, quæ sedent in regione & umbra mortis, atque in tenebris infidelitatis; de tenebris interioribus ad exteriores properantes, & de tribulationibus temporalibus ad æterna tormenta progredientes. Propter hanc iudiciorum tuorum abyf-

sum

Psal. 118.

1. Pet. 4.

sum timebo te Domine, quia incertus sum an ne & ego de numero eorum sum, qui à te reprobati, & ab æterna salute exclusi sunt. Si enim iustus vix saluabitur, impius & peccator vbi parēbunt?

sal. 49.

Infiniæ sunt iniquitates meæ, peccata mea non habent numerum, & scio quòd hæc omnia mecum procedent in iudicium, & coram tribunali tuo mecum stabunt. Cum enim in conspectu tuo ignis exardescet, & in circuitu tuo tempestas valida ingruet; cum aduocabis cælum desuper, & terram discernere populum tuum, coram vniuersi mundi nationibus nudabuntur omnes iniquitates meæ; omnibus agminibus Angelorum patebunt scelera mea, non solum actuum, sed etiam cogitationum, simulque locutionum. Tot iudiciis astabo, quot me præcesserunt in opere bono; tot arguentibus confundar, quot mihi præbuerunt bene viuendi exempla; tot conuincar testibus, quot me monuerunt pijs sermonibus, sequē imitandos iustis dederunt actionibus. Domine mi, non suppetit quid dicam, non occurrit quid respondeam, nisi hoc solum: Non intres, Domine, in iudicium cum seruo tuo: quia non iustificabitur in conspectu tuo omnis viuens: quem enim inuenies iustum, si remota pietate iudicaueris? Igitur pro-

stratus ante pedes pietatis tuæ corde humili & contrito dicam cum Propheta: Domine ne in furore tuo arguas me, neque in ira tua corripas me, &c. Sana me. Domine, & sanabor: saluum me fac, & saluus ero: quia spes mea tu es, qui viuis & regnas Deus per omnia secula seculorum, Amen.

Psal. 6.

Ierem. 17.

Pro vera obedientia.

Domine DEVS, deprecatus sum faciem tuam in toto corde meo: miserere mei secundum eloquium tuum. Cogitavi vias meas: & conuersti pedes meos in testimonia tua. Paratus sum, & non sum turbatus: vt custodiam mandata tua. In æternum non obliuiscar iustificationes tuas: quia in ipsis viuificasti me. Tuus sum ego, saluum me fac, quoniam iustificationes tuas exquisiui.

Petrus
Michae-
lis in
Sertis
suis.
Psal. 118.

Tibi enim meipsum, & omnia mea tempora, sensus, cogitationes dedico, meque totum tanquam holocaustum tibi offero. Non mea vnquam, sed tua in me & de me voluntas fiat. Certè si tu voles, facilè mihi erit, non solum me præceptis tuis subdere, verum etiam sacris inspirationibus nihil penitus oblectari; Neque tantum Superioribus meis cæca, veloci, humili voluntatis & iudicij obedientia, verum etiam ad imitationem tui, qui te obsequentem præbuiisti in grauissimis tor-

men-

mentis, dum ab impurissimis ministris iussus purpuram induere vel exnere, sedere vel stare, caput, corpusque ad colaphos, alapas & flagella, vel clauos extendere, crucem portare, mortis sententiam suscipere, omne improperij genus moriendo tolerare, libenter paruisti: te inquam in tanta obedientiæ tuæ exemplo intuens, in tolerandis aduersis, vtpote morbis, damnis, confusione & contumelia, à quocunque, siue meritò, siue immeritò illatis; quia imò morte etiam, si ita voles, ignominiosa subeunda tibi obediam, nihil aliorum iudicia verbaque reueritus à cœpto desistam, aut contra te quicquam agam, dicens cum Propheta: Ego tanquam iumentum factus sum ante te, ego autem semper tecum

Psal. 72.

Hæc mea est voluntas, hoc desiderium, quod te dignum est, quodque tuæ in me obedientiæ vis & meditatio excitat. Conserua D E V S meus, quod operatus es in me. Orabo te Domine I E S V cum Dauide, quem ob hanc virtutem virum secundum cor tuum appellasti, orabo te, inquam, & dicam: Vtinam dirigantur vitæ meæ ad custodiendas iustificationes tuas. Tunc non confundar, cum perspexero in omnibus mandatis tuis. Confitebor tibi in directione cordis, in eo quòd didici iudicia iustitiæ tuæ. Iustificationes

Psal. 118.

tuas

tuas custodiam, non me derelinquas vsquequaque.

Pro mentis & corporis castitate.

Domine **I E S V** Christe, fons puritatis, & amator castitatis, qui pasceris inter lilia: qui candidus es & rubicundus, sponsus omnium castarum animarum, scio quod thesaurum incomparabilem, quem in hoc fictili corporis mei vase mihi concreditum circumfero, absque singulari tua gratia illatum seruare non possum: scio corpus meum esse templum Spiritus sancti, quod contaminare sacrilegium est, sed & scio quod non possum esse continens, nisi tu Deus dederis: cum caro semper concupiscat aduersus spiritum, & brutis suis voluptatibus ægre vult defraudari.

Collector.

Sap. 1.

Cum itaque ô purissime amator hominum, castitas donum tuum sit, supplex ad te venio, obsecrans te, vt extinguas in me omnem flammam libidinis: cingas lumbos meos zona castitatis, & vras igni Spiritus sancti cor meum Domine, vt tibi munda corde placeam, & casto corpore seruiam.

Tibi hodie & omni tempore puritatem corporis mei commendo, vt sub tua custodia secunda sit ab omni actu illicito, siue is violentus sit, siue voluntarius: neque vlla vel locutione obscœ-

na, vel

na, vel cogitatione immunda polluat-
 tur. Extollentiam oculorum ne dede-
 ris mihi, ne fortè mors per fenestras
 istas ad me ingreditur, & impudicus
 oculus impudici præcursor sit animi Ne
 derelinquas me in cogitatu immundo,
 & omne desiderium malum auerte à
 me. Aufer à me ventris concupiscen-
 tias, & concubitus concupiscentiæ ne
 apprehendant me, & animæ infrun-
 tæ atque irreuerenti ne tradas me: sed
 desponde me tibi in iustitia & iudicio,
 in pierate & miserationibus: desponde
 me tibi in fide, vt verè te cognoscam &
 diligam: coniunge me corpori tuo in-
 sertum, vt tibi adglutinator hauriam
 ex te succum vitæ, & sapientiæ cælestis,
 quæ non habitat in corpore peccatis sub-
 dito.

Nihil est carne nostra magis lubri-
 cum, ó Domine; ad cogitationem vnā
 impuram, ad vnum verbum obscenum,
 ad aspectum vnum impudicum concu-
 piscentiæ stimulis exagitur, inarde-
 scit, reluctatur spiritui, & illicita concu-
 piscit: tolle quæso omnes huiusmodi
 occasiones, & præserua me, ne pudicitia
 mea vnquam vel periclitetur, vel carnis
 desiderijs succumbat, Amen.

Pro salutaris morte.

Gran. in
 appēd. 2.
 nemo-
 ialis.

O Domine I E S V Christe, fili Dei
 viui, per amarissimam illam angus-
 tiam, quæ animam tuam inuasit, dum

orabas in monte Oliueti; perque tremorem & pauorem illum, qui concusserunt sanctissimam carnem tuam, quando præ dolore dicebas; Tristis est anima mea vsque ad mortem: te oro, animo & spiritu humillimo, corpore quoque in terram prostrato, vt in vltima hora transitus mei, quando in extrema angustia timor & tremor occupabunt cor & intellectum meum, succurras mihi, & des in tristi illa agonia vitæque & mortis duello robur & fiduciam tuæ misericordiæ.

O suauissime Domine, & Magister mi, noli me illa hora, & in summo illo periculo derelinquere: sed sicut Pater tuus misit tibi Angelum de cælo, qui te consolabatur; ita tu Domine mitte mihi Angelum sanctum tuum, qui mihi afsistat in illa hora: qui me confirmet, ac robur mihi subministret, contra omnes impugnationes inimici: qui que in omnibus mihi auxilietur. Ne patiaris Domine, vt consilium & tentationes maligni præualeant contra nos, aut eius tentationes nos superent; aut vt ille falsis suis persuasionibus nos seducat, & decipiat.

Arma & corrobora cor nostrum virtute tuæ patientiæ, vt nec aduersitas, nec dolor quantumuis magnus nos ad impatientiam impellat: sed in omnibus & per omnia sit anima nostra subiecta & conformis tuæ diuinæ volun-

tati, tam in aduersitate, quàm in prosperitate; tam in morte, quàm in vita: quemadmodum & tu Domine voluntatem tuam naturalem postposuisti voluntati Patris tui dicens: Non mea, sed tua voluntas fiat. Non flagito Domine, vt mortem mihi tribuas dulcem, non vt dolores exiguos, non morbum oro facilem. Omnia hæc tuæ comamito pietati, vt disponas hæc non secundum desiderium meum, sed secundum utilitatem & necessitatem salutis meæ. Gratia quam à te petimus, hæc est, vt in omni afflictione nobis detur robor & fortitudo talis, quæ nulla in re succumbat; sed inuisa maneat, & inexpugnabilis, vsque ad vitæ terminum: vt ex societate, quam in hac vita tecum habemus per gratiam, mereamur hinc transmigrando venire ad illam, quam tecum

habent Sancti in gloria, Amen.

(.)



CAPVT XIII.
EAS CONTINENS ORA-

TIONES, QUIBUS BONA

temporalia à Deo ex-
petimus.*Pro pace impetranda.*

Onipotens sempiterne De-
us, Pater misericors, largi-
tor pacis, & amator charita-
tis, qui in tantum pacem no-
bis commendasti per filium
tuum Dominum nostrum Iesum Chri-
stum, vt solos pacificos filios tuos vo-
care dignareris: da omnibus quibuscun-
que causis discordantibus nobisque tuis
filijs veram cum tua voluntate concor-
diam, quam mundus dare nequit: tu
enim solus, qui pugnas pro nobis; vt se-
posita hostium formidine, tibi in tua
protectione hic seruiamus, & in futuro
seculo tecum in sempiterna pace viuam-
us.

Benefac Domine terris, vrbibus &
cunctis oppidis, atque locis, in quibus
verbum tuum habitat, & sincere doce-
tur: conforta seras portarum nostrarum,
& benedic filiis tuis in eis: pone fi-
nes & terminos nostros pacem, & ad-
ipe frumenti saria nos. A Eterne DEVS,
qui nos vocasti in pace, da vt cum omni-
bus hominibus pacem habeamus, quan-

Ioannes
Ferus.

Matt. 5.

Additio.

Psal. 141.

tum

tum in nobis est: Mitiga corda nostra, vt omnes obliuiscamur iniurias, atque alij alijs in multis rebus mutuam demus veniam, ne vlciscentes nos, & offensas nostras, tollamus vitæ tranquillitatem.

Reprime Domine Satanam turbatorem piæ concordiaë, & Christianæ pacis, qui circumeundo per omnes regiones in terris disseminat litium & bellorum occasiones. Custodi nos à bello & cæde, dissipa gentes quæ bella volunt. Infringe atque impedi omne malum consilium, & voluntatem eorum, qui nihil meditantur, nec sitiunt aliud, quàm vt sanguinem profundant. Exaudi nos Deus pacis, & largire, vt pax tua exuperans omnem intellectum humanum custodiat corda nostra, & sensus nostros in Christo Iesu, Domino nostro, qui tecum viuit & regnat per omnia secula seculorum, Amen.

Vt vita nobis det Deus necessaria.

Collector.

VTique Domine DEVS meus, Pater meus, tu corpus meum, animam meam, facultates meas mihi contulisti, ego de manibus tuis quicquid illud est, quod esse & possidere videor, suscepi. Tu Ecclesiæ tuæ etiam promissiones de rebus corporalibus tradidisti; ideo ad te clamamus filij tui, vt des nobis panem quotidianum, & quicquid pertinet ad corporalem sustentationem.

Men-

Mendicitatem prohibe a me, ne egestate compulſus ſurer, & perire nomen DEI mei: neve murmurando contra tuam voluntatem, & meam ſortem, aut inuidendo diſtoribus fortunam eorum meliorem, offendam te, & mandata tua tranſgrediar. Diuitias quoque ne dederis mihi, ne captus & immerſus terrenarum opum deſiderio inſatiabili, neve inhians turpi lucro, obliuiſcar regni tui, & excuſem me non poſſe venire ad cœnam magnam & cœleſtem, ad quam omnes vocati ſumus per Euangelium; ne denique ſatiatus illiciar ad negandum, & dicam; Quis eſt Deus meus?

Frou. 30.

Luc. 14.

Tribue tantum viſtui meo neceſſaria: da viſtum & amiſtum, da animum hiſ contentum. In te enim fiducia mea, in te ſpes mea: conquieſco planè in te: ſcio quòd non derelinques me. Tibi omnia mea, vxorem, liberos, domeſticos commendo, ad tua præſidia conſugio. Benedic Domine operibus manuum noſtrarum, benedic agris & ædibus noſtris: emitte benedictionem tuam ſuper horrea & cellas noſtras. Manda virtuti tuæ, & benedic promptuarijs & omnibus reliquijs noſtris. Da alme Deus, vt in nomine tuo laxemus rete noſtrum, operaque vocationis noſtræ ſedulo & diligenter faciamus, cum inuocatione auxilijs tui, & fauore tuo proſperos habeamus ſucceſſus in hoc

Deut. 28.

Luc 5.

seculo, & in futuro vitam æternam,
Amen.

Pro sanitate corporis.

Ludouic.
Viues.

VEra atque vnica est salus, id vale-
re in nobis, quod nostri est pars po-
tissima, tuique Domine simillima. Hoc
est, fieri eam, quoad eius perfici queat,
cultu atque amore vicinam coniun-
ctamque tibi, qui solus es salus nostra.
Sed ea ipsa mens, quatenus corpori est
annexa, sentit illius affectiones, & in
eis commouetur. Pharmaca & medici-
nae omnes ex iussu tuo ac nutu profunt,
superflua atque inania futura, nisi tu
annueris, & illorum, & naturæ vniuersæ
opifex.

Voluntas tua vnica autor est vitæ ac
mortis, valetudinis prosperæ & aduer-
sæ, quam tu sæpe immittis nobis, pro-
pter castigandum & prohibendum cor-
pus hoc, effundens se in libidinem
omnium proiectissimam, veluti bel-
luam immanem & effrenem, quod vi-
ribus & felici habitudine obliuione nos
obruit veræ salutis. Da Pater, vt rectè
valeamus corpore, quo integra & sa-
na sit mens in corpore sano. Aut si be-
ne esse corpori non est è re nostra, tri-
bue saltem sortem animum; præbe
vires ac robur, vt morbum possimus
tolerare; ne corporis dolor atque in-
firmitas in ipsam mentem redundet,
Amen.

Pro bona fama.

ET AE sunt artes Satanæ, accusatoris *Collector.*
 fratrum nostrorum, o iustissime
 Rex, & innocentium patrone, Domi-
 ne Deus, vt cum nos palam ad mali-
 ciam inducere non potest, ad insidias
 antiquas se conuertat: famam scilicet
 nostram denigrare, & bonum nomen
 nostrum traducere quouis modo stu-
 deat; vt talibus iniuriis, & perversum
 linguarum petulantia & iram commo-
 ueatur, & indignis calumniis impa-
 tienter feramus. Nem hanc igitur tenta-
 tionem incidamus te oro, piissime Do-
 mine IESU; vt qui calumnias & blas-
 phemias Iudæorum perterendo didicisti
 compati infirmitatibus nostris, etiam
 tentatus in hoc; nomen meum & inte-
 gram famam meam custodire digneris, *Eccles. 7*
 cum nihil pretiosius possideam. Domi-
 ne bono, quod melius est diuitijs mul-
 tis, & vnguenta pretiosissima quæque
 superat.

Hoc autem insigne decus boni no-
 minis habere non possum, sine tuo au-
 xilio: cum nomen bonum oritur ex
 vita bona & inculpata. Te igitur inuo-
 co, mitissime Domine, vitæ integritate
 & sanctimoniam mihi concede,
 ad tuum honorem, & proximi cor-
 rectionem. Verum quia etiam innocen-
 tia & probitas a venenatis & falsis lin-
 guis non semper est tuta, sed interdum

- Psal. 11. vulneratur ab ijs, qui dicunt; Linguam
nostram magnificabimus, labia nostra
à nobis sunt, quis noster Deus est?
sæpe vt dum inter amicos versari
arbitramur, cum Propheta tuo in no-
dio scorpionum habitemus. Ideo si-
plicio tibi, pie defensor innocentium
disperde vniversa labia dolosa, & lin-
guam magniloquam. Sepulchrum enim
patens est guttur eorum, nil nisi foetidos
odores exhalans, & linguis suis agunt
dolose: iudica illos Deus, quoniam ve-
nenum aspidum sub labijs eorum est.
Dentes eorum arma & sagittæ, & lin-
gua eorum gladius acutus. Eripe me de
inimicis meis, & à calumniantibus me
libera me: libera me de laqueo venan-
tium, & à verbo aspero. Libera, inquam,
ô Domine, animam meam à labijs do-
losis, & peruersis, à lingua fallaci desen-
de me.

Si verò sic tibi placeat, ô benignissime
Iesu, vt per tales linguas ad pietatem ex-
ercear, da mihi, vt cum S. Paulo in boni-
tate perseuerare possim, quicquid tan-
dem de me sentiant & loquantur inuidi:
siue honore me afficiant, siue ignomi-
nia, siue malos, siue bonos rumores de
me spargant, Amen.

Insumptione antidoti.

Ex libel-
lo cui ti-
tul^o Hy-
mni &
Colle-
ctæ.

Deus inimitatis humanæ singulare
præsidium, qui benedictionis tue
gratiam agris infundendo corporibus,

factu-

facturam tuam multiplici pietate custo-
dis: ad inuocationem nominis tui be-
gnus assiste, vt per hoc medicamen-
tuum omnis de meo corpore pellatur hu-
mor pestifer; quatenus clarescentibus
sensibus in tuo seruitio valeam
solidus persistere Per Christum Domi-
num nostrum, Amen.

In diminutione sanguinis.

Mediator Dei & hominum Deus Ibidem.
homo IESV Christe, qui ne ater-
næ mortis deputaremur supplicio, tui sa-
cri sanguinis nos redemisti precio, præ-
stita, vt per hanc diminutionem sangui-
nis proueniat mihi salus corporis; om-
nes mei clarescant sensus, totiusque in-
terme frigescat prauæ voluntatis luxus; per
te Saluator mundi, qui venturus es iudi-
care viuos & mortuos, & seculum per
ignem, Amen.

Tempore diuturna siccitatis.

Misericors & pie Deus, qui in præ-
ceptis tuis ambulantes promi-
ssisti daturum te pluuiam temporaneam
& serotinam, & colligant frumentum,
& vinum, & oleum, fœnumque in agris
ad pascenda iumenta, vt comedant ipsi,
& saturentur. Vides sitientes agros no-
stros, vides arentes herbas & segetes
ardore solis amburi. In hortis, & agris,
& pascuis languent omnia, & quasi in-
termoriuntur: quia cælum desuper no-

Collector.
Deut.ii.

Deut. 12

bis factum est quasi aeneum, nec ros, nec pluuiæ descendit in terram nostram. Non quia tu vanus es in promissionibus tuis, sed quia istæ non pertinent ad nos, qui peccauimus, iniquitatem fecimus, & declinauimus à mandatis tuis. Illi stillauit super nos maledictio & detestatio, quæ scripta est in libro Moysei tui.

Pius tamen es, & misericors Domine, nec repellis orationes eorum, qui ex toto corde clamant ad te. Procidentes igitur ad gennæ diuinæ Maiestatis tuæ, obsecramus te, auertatur ira tua, & furor tuus à nobis, & à loco isto: ne secundum peccata nostra multa & magna facias nobis, sed secundum misericordiam tuam, quæ superat omnia opera tua. Aperi cælos tuos, & terram nostram, quam videmus tabescentem, cælestibus aquis perfunde, & irriga eam beneficijs gratiæ sempiternæ. Aërem redde temperatum, pluuias lenes, rores benignos, fructuum magnam vim: ut annus plenam nobis omnium rerum copiam suppeditet, ac totius anni curriculo fructus nobis abundant: quo præsentibus subsidijs sufficienter adiuti, sempiterna expeditus & alacrius appetamus, & consequamur, per misericordiam vnigeniti filij tui, cum quo benedictus es nunc, & semper, & in secula seculorum,
Amen.

Pro frugibus terræ.

P Mnipotens, benignissimeque Domine Deus, aperi obsecro tuam infinitæ misericordiæ manum: eleua oculos tuæ munificæ providentiæ, & reple orbem terræ benedictione, quo creaturarum tuarum necessitati prospectum sit. Corona annum benignitatis tuæ, vt terra optatos populo tuo proferat fructus.

Petrus
Michae-
lis in Sc-
tis suis.

Conserua & custodi, quod iam natum est, à grandine, & quauis alia tempestate, aërisque omni nociua intemperie. Ante omnia verò te oro, vti nobis eam des mentem, vt timeamus, & rectè colamus te: ne indigni simus, in quos beneficia tua conferantur: sed nos in conspectu tuo filios obsequentes præbeamus, quibus panis mensæ tuæ debetur, quique tibi ob beneficia accepta honorem & debitum obsequium impartiri semper sollicitè curent, atque omnibus quæ largitus fueris, ad tuam gloriam & salutem suam vtantur. Amen.

(:):



CAPVT XV.
PRECATIONES PIAE

QVIBVS FRATRIBVS

nostris & proximis fausta
omnia, feliciaque
precemur.*Pro Ecclesia Catholica.**Collector.**Matt. 28.*

A Elestis, omnipotens & misericors Deus, qui Ecclesiam sanctam, quæ est congregatio hominum per vniuersum terrarum orbem dispersa, & in vnitatem veræ fidei collecta, Vnigenito filio tuo desponsasti tunc, cum illam amarissima sua morte in Cruce redimeret, ita vt ille nunc Ecclesiæ non tantum sponsus sit, sed & caput: qui antequam ad cælos reuerteretur, promissit se cum ea futurum vsque ad consummationem seculi. Nos illius membra rogamus te supplices, vt digneris clementissimos oculos tuos in nos conuertere, & omnes infirmitates nostras à nobis auferre; quæ sanè quàm plurimæ sunt; vt per fidem in nobis operantem liquido constare queat, cuius patris filij, & cuius præceptoris discipuli sumus.

Ante omnia verò deprecamur te, vt protegas & conserues nauiculam Petri

in me-

in medio maris impetuosī, inter omnium turbinum procellas, & terribiles inundationes fluctuantem, ne demersa intereat. Ouile tuum defende ab impetu luporum, ne maceriam perfodiant, & ingressi oues tuas, quæ numero paucæ sunt, prosternant, iugulent, ac deuorent. Expectamus quotidie, & sperauimus hætenus, quod vnum facies ouile, sicut vnus est pastor, sed ô Domine, videmus quotidie numerum tuarum ouium minui, multas perire, & ouile magis magisque coarctari. Multiplicati sunt lupi, & nusquam non ferox aper inuenitur, qui execrabili sua & maledicta hæresi, doctrinaque tot seculis aut non audita, aut penitus damnata vineam tuam, quam maximis laboribus ex Aegypto transtulisti, exterminare atque depascere gestiunt sed tu Domine excita potentiam tuam, & ostende te nostrum esse Deum: custodi eos, super quos nomen tuum inuocatum est, & qui in nomine filij tui congregati sunt.

Psal. 79.

Memento cælestis Pater, tibi post Christi filij tui humanitatem nihil charius esse Ecclesiæ; ne sinas igitur, vt propter nostras transgressiones hæc tua in nos charitas extinguatur, aut nos secundum merita nostra in corruptam fidem incidamus. Oro te Domine, pro me, & pro omnibus qui sub alis Ecclesiæ matris nostræ adhuc latitant: ne nos vnquam patiaris ab eius vnitrate deuiare; custo-

di nos ab illis, qui Petri ceterorumque Apostolorum ac Patrum Ecclesiæ doctrinam euertere, & in eius locum Caluinum, Lutherum, Mennonem, aliosque eius farinæ pseudoprophetas suos substituere conantur

Psal. 73.

Exurge Domine, & vide, quàm multæ innocentes animæ pereunt, nescientes quid faciunt: quæ in nomine tuo baptizatae sunt, & tamen ad hanc cecitatem peruenerunt. Quousque, benignissime Pater, videbis templum tuum demoliri? sanctuarium tuum igni accendi? pollui tabernaculum nominis tui? portionem tuam desiderabilem dari in desertum solitudinis; & tacebis? Quamdiu cernes sanctissima tua Sacramenta, ad nostram sanctificationem instituta, conculcari? iuge illud sacrificium Missæ contemni, & impugnari? corpus & sanguinem dilectissimi filii tui, verum animarum nostrarum alimentum, prophanis manibus attrectari, ne dicam pedibus proteri? Hæcne videbis adhuc diutius, & filebis? Cur, Domine, pateris hæc, ut fiant? An peccata mea hæc meruerunt? Meruere sane hæc, & mea, & totius populi peccata: ideoque non immerito horrore concutimur: nam si ea in hoc seculo tanta cecitate plectantur, quid fiet in futuro, si in hac ingratitudine, cordisque durtia perseueremus?

Tolle igitur à nobis Domine, tolle

causas ad hanc iracundiam te prouocantes: ostende nobis faciem tuam; oriatur nobis sol gratiæ & misericordiæ tuæ: crescat fides nostra sanctissima: extende regni tui pomeria, dilatetur Ecclesia, exerat palmites suos ad mare, & vsque ad flumen propagines suas. Infringe potentiam hostium tuorum, qui immani odio cum suis satellitibus grassantur, & conspiratione facta debacchantur aduersus Ecclesiam tuam, vt ea faciant strabula luporum, & antra perniciosissima.

Conserua nos, vt maneamus in sancta, Catholica & Apostolica Ecclesia, collecta ex membris multarum gentium; sed coniunctis tibi in eadem confessione. Sanctifica nos spiritu tuo, vt peccatis nostris remissis deinceps in nouitate vitæ ambulemus; vt tandem ex hac Ecclesia militante ad illam triumphantem sine vilo offendiculo transigremus, Amen.

Alia pro Ecclesia breuior.

O Amicissime nostri Christe, ô sponse, cui est vnice chara tua Ecclesia, quique pollicitus es, te illi nunquam defuturum: iuge eam, & fac latissimam bonæ sobole, patris simillima, nempe tui: fac nos omnes idem & de te sentire, & in te, vt simus verè vnum corpus illud, cui tu es caput, conglutinati & compacti charitate mutua de tuo illo

Ludou
Viues.

perpetuo igne accensa. qui ita nos amasti, vt sanguinem & vitam tuam pro nobis impenderes.

O Christe, auctor & suasor charitatis, pacis, benevolentiae, emolli durissima nostra pectora, & planè ferrea: calefac corda nostra glacie concreta, & durata, vt mutuò bene cupiamus, quo agnoscant omnes discipulos tuos esse nos, & iam nunc incipiamus vitam illam celestem exprimere, in qua nulla est dissensio, nullum odium; sed pax & amor omnium inter nos, Amen.

PRO ECCLESIA.

Cùm ab haeticis bello & falsis doctrinis exagitur.

Clerus
Coloni-
ensis,
quo tem-
pore
Truch-
tesius Ec-
clesiam
pseque-
batur.

O Mnipotens & misericors DEVS, creator & moderator cæli & terræ, quem nihil latet eorum, quæ nobis miseris Christianis in hac lachrymarum valle eueniunt: qui etsi iuste propter peccata & iniquitates populi tui irasceris, & permissione horrendi furoris, & persecutionis impiorum grauiter tentari, contristari, & ad tempus lædi pateris: Nihilominus tamen pro paterna tua pietate & prouidentia, in æquissima ira multoties promissæ misericordiae citò soles recordari, simul ac populus & filij tui, ô benignissime Pater, cordibus contritis ante thronum gratiæ tuæ se humiliant, & spiritu tri-

bulato, firmaque fiducia, per IESVM Christum dilectissimum filium tuum, suum verò fidelem seruatore & redemptorem, tanquam propitiationem pro peccatis suis, & per quem solum tibi placuit reconciliare, & restituere, quod perditum, atque dirutum fuerat, pro gratia & remissione grauissimi debiti, miserè gemunt & obtestantur, seque auxilio gratiæ tuæ ad omnem emendationem ac obedientiam promptos offerunt; firmiter confidentes, te esse Patrem misericordiarum & Deum totius consolationis, qui non vis mortem peccatorum, sed magis vt conuertantur & viuant, clamasque per filium tuum dilectissimum; Venite ad me, qui laboratis & onerati estis, & ego reficiam vos. Matt. 11.

Respice propterea, ô clementissime Deus Pater, Deus Filius, & Deus Spiritus sanctus, vnus verus Deus, & æternum bonum; O vnicum Christianismi tui afflictissimi perfugium, respice te obtestamur oculis tuæ infinitæ misericordiæ hunc pusillum Catholicum gregem, quem multis hætenus in periculis conseruasti. Illumina tenebras cordium nostrorum, in omnium hominum ordinibus, vt vnanimis, communique doloris sensu peccata & iniquitates nostras, tanquam causam omnis miseriæ & calamitatis, humiliter agnoscamus, vera cordis contritione confi-

teamur, & dignis pœnitentiæ fructibus castigantes, per sacramenta, gratiæ tuæ instrumenta, in sanguine IESV agni innocentissimi, pro nobis cæsi, eluamus, & expiemus; nosque tibi, ô fidelissime & fortissime liberator, oblationem sanctam, viuam, beneplacentem & perfectam offeramus ac consecremus: quæ tibi in conspectu & æstimatione pretiosissimi sanguinis, passionis & mortis filij tui sic accepta sit, vt coram te in gratiam accepti, & forti brachio tuo, quo sapius populum tuum è manibus inimicorum tuorum fortiter eruisti, contra inimicorum nostrorum iram & rabidum furorem defensi atque protecti maneamus.

Respice de summo Maiestatis tuæ throno, ô Domine Exercituum, in iram & insolentiam Aduersariorum nostrorum, & vide, quàm temerè veritatem & illustrationem tuam in impuris & abominanda hypocrisi contaminatis cordibus, studijs, machinationibus suis iactitent, Sacramenta profanent, verbum tuum adulterent, thesaurum sanctissimæ carnis & sanguinis tui, quem fidelibus tuis singulare præsidium & solatium testamento legasti, negent & propulsent, Catholicam & Apostolicam Ecclesiam, sponsam tuam & sanctificam religionem conuicijs proscindant, calumnientur, & mendacibus criminationibus insectentur. Nobisque

ideo, quòd ab accepta fideliter à patribus religione, quam tot sanctorum Martyrum corporibus fundasti & contestatus es, recedere, & nos in societatem impij & iniqui studij & conatus illorum adiungere nolimus, omnis generis clades, per seditiones, rapinas, cædes, & incendia minentur, & inferre conentur. O Domine & fortis saluator, qui odisti & citò præcipitas turgidos & inflatos spiritus, & nequaquam aspernaris humiles pauperum tuorum preces & obsecrationes, conuerte ad te corda eorum, vt agnoscant impios suos conatus & deserant. Imple facies eorum ignominia, vt nomen tuum, quod per excacationem & subuersionem cordium suorum in nobis Catholicis persequuntur, quærant & inueniant. Infatua & in nihilum conuerte eorum consilia, confunde eorum studia, vt in veritate experiantur te populi tui, qui se ad te conuertit, iuxta promissiones tuas obliuisci, & hostibus eorum parcere nequaquam velle. Largire quæsumus Ecclesiastico Magistratu, Pontifici Romano, Archiepiscopis & Episcopis omnibus veram doctrinam & pietatem. Da Regibus & Principibus ad communem pacem Ecclesiæ, & sacri Romani Imperij conciliandam, felicem successum & victoriam, contra inimicos tuos & suos. Da illi & alijs magistratibus & huius ciuitatis Moderatoribus & Se-

natui

natui lætitiā salutaris tui, & confirmā eos spiritu principali veræ sapientiæ & fortitudinis, per quem in omnibus constituent & promoucant, quod ad tuum beneplacitum & communem pacem & vtilitatem profuerit. Da etiam Ciuibus nostris & Inquilinis, ad conseruationem & defensionem peruetustæ & venerandæ fidei, in te cor imperterritum & inuictum, Magistratibus suis obedientissimum, inter se mutuo pacis & concordiæ studiosissimum, miseris & afflictis foris consolationem & patientiam, nobis & singulis nouum spiritum cum firmo proposito & bona voluntate in omnem obedientiam & pietatem paratissima, quo in præsentis belli periculis fidelissimum auxilium ad gloriam nominis tui reipsa experientes, & à timore inimicorum nostrorum liberati, in sanctitate & iustitia te laudemus, tibi gratias agamus, atque debitum obsequium præstemus.

Exaudi ergo, ô spes & consolatio afflictorum, hos gemitus & preces nostras, per IESVM Christum Dominum & Redemptorem, perque intercessionem gloriosissimæ matris illius, atque omnium Sanctorum, eorum præcipue, quorum pretiosa morte & fortitudine hanc Prouinciam & Ciuitatem bene hætenus ornatam & communiam esse voluisti, qui tecum in perpetua pace, ad quam omnes post huius vitæ

ærumnas aspiramus, viuunt & regnant,
Amen.

Pro omni Ecclesia statu.

O Domine DEVS, cuius misericordia magna est, cuius gratia superabundans est, cuius dilectio immensa est, humiliter te obsecramus, misericordiam, gratiam & charitatem tuam omnibus Ecclesiæ tuæ Præsulibus ostende propitius, vt officio, quod te tradente veluti per manus acceperunt, dignè incumbant, in seipsos & gregem attendant, pascere Ecclesiam tuam, quam filius tuus proprio sibi vindicauit sanguine. Sint inculpatæ vitæ in sancta conuersatione, propter sempiternum illum animarum nostrarum Episcopum.

Ioannes
Ferus.

Sed & pro omnibus Pastoribus, & Christianæ Ecclesiæ presbyteris interpellamus, vt gregi Christi spontaneè, non coactè præsent, pro quo cum apparuerit pastorum princeps immarcescibilem accipient gloriæ coronam. In Apostolicis statutis veluti claro speculo se contemplantur, agnoscant, & emendent.

Pro Romano Imperatore etiam, ô Pater clementissime, precamur te, pro Regibus & omnibus Magistratibus, vt ad senectam vsque perueniant curuam: perfunde in illos gratiæ tuæ benedictionem, Sapientiam illis largire & scien-

tiam,

tiam, vt per te regnent, populumque tuum paterna gubernent solitudine. Admone illos tu, vt erudiri & doceri patiantur se, vique diuinæ legis volumen ipsi in manibus habeant, legantque semper, & ex eo tibi deuoti seruiant. Ne timorem tuum illis subtrahas, quo pacem inter se mutuam conseruent, & foueant, populumque tuum iuste iudicent, & omnibus ex æquo sine personarum respectu iustitiam administrent, scientes & se Dominum in cælis habere.

Conserua populum tuum in obedientia fidei, vt omnem potestatem reuereantur, & venerentur, ipsique quod suum est tribuant in humilitate: quoniam ministra illa tua est. Sed & pro omnibus in genere tuam precamur misericordiam. Confirma debiles, sana ægrotos, cura infirmos, adiuua derelictos, honorifica contemp-
ptos, miserere pertinacium, illumina inimicos nostros, dimitte persequentibus nos, benefac mala facientibus nobis, vt te donante errata sua tandem agnoscant.

Pauperibus necessaria administra; peregrinos recrea, captiuos visita, pupillos & viduas vindica, lætifica mcestos, conuerte delinquentes, confirma iustos, custodi progredientes, pasce fideles operarios, succurre in partu laborantibus, adsis morientibus, consilia

pia approba, benedic terram, bella com-
pescce, diaboli pessunda malinam. An-
gelos tuos de celo mitte sanctos, qui
nos in aduersis tueantur, ab omni ma-
lo custodiant, infernalis illius draco-
nis assidue oppugnent tyrannidem, vt
securi persistamus ab illius potentia:
præcedant nos semper, vt in tua prote-
ctione, quæ bona sunt perficiamus, quæ
mala omittamus, per Iesum Christum
Dominum & Redemptorem nostrum,
Amen.

Pro summo Pontifice Romano.

Domine IESV Christe, Pontifex
æterne, qui per proprium sangui-
nem introijsti semel in sancta, æterna
redemptione inuenta, quique in cælum
vnde descenderas ascensurus Apostolo
Petro, eiusque successoribus Romanis
Pontificibus, Agnos tuos pascere præ-
cepisti, regni cælestis clauces tradidisti,
eosque Vicarios tuos in terris consti-
tuisti, ne visibilis Ecclesiæ corpus, vi-
sibili capite in rebus dubijs & aduer-
sis carere videretur. Quæsumus clemen-
tiam tuam, vt hunc famulum tuum
N Pontificem Maximum, pastorem &
Rectorem nostrum, ab omni aduersi-
tate & periculo tam animæ, quàm cor-
poris, quàm diutissimè serues incolumem:
vt Ecclesiam tuam in hac re-
gnorum omnium ruina, & postremæ
ætatis calamitatibus grauissimis, atque

Collector
Heb 9.

Ioan. 20
Matt 16

in tot

in tot peruersorum dogmatum, atque hæresium confusionibus piè ac sapienter regat, & tueatur.

Illumina mentem eius vera verbi tui agnitione, vt salutaria nos doceat, & oues suas pascat sanæ atque incorruptæ doctrinæ pabulo. Suggere illi consilia optima, sapientiam, industriam, fortitudinem animi: vt hæreses omnes, & peruersa dogmata tollat è medio, ne posteritati vlla errandi relinquatur occasio: quò sic ab omnibus Regibus & Principibus Christianis veris Ecclesiæ tuæ nutritijs, suspiciatur, diligatur, & à virulentis hostium blasphemijs, violentisque impugnationibus in sua functione defendatur: vt in animorum concordia, & vnitæ fidei tibi Christe seruiamus; Qui viuus & regnas Deus, per omnia secula seculorum, Amen.

Pro Episcopo & Pastore.

Collector.

DEVS fidelium omnium pastor & rector, qui hunc famulum tuum N. ad functionem muneris Apostolici, vt regeret Ecclesiam hanc, quam acquisiisti sanguine tuo, vocare dignatus es; te supplicibus ac deuotis suspirijs oramus; da illi spiritum tuum rectorem linguæ illius, vt potens sit exhortari in doctrina sana, & eos qui contradicunt arguere.

Cor.9.

Da vt verbo tuo dignè ambulet; sit exemplum populo suo, ne dum alios

docet,

docet, ipse reprobis inueniatur. Attendat sibi & gregi vniuerso; ambulet in conspectu tuo in veritate, & iustitia, & recto corde. sit sine crimine, sit hospitalis, benignus, sobrius, iustus, sanctus & continens: fac eum vigilantem & solertem, vt audacter ab ouili suo depellat lupos rapaces, qui dilacerant & dispergunt gregem tuum, vt possit conuincere pseudoprophetas redarguendo, & confutando hæreses eorum.

Tit. i.

Tribue illi os & prudentiam, cui nemo potest resistere, & contradicere. Eos qui manifestè peccant coram omnibus arguat, sine respectu personarum; vt & ceteri timorem habeant, & auertantur à vijs pessimis: si quis autem præoccupatus fuerit aliquo delicto, humilissimi spiritu mansuetudinis obiurgat, ne qua anima ex ouibus suis pereat: sed ad vitam vnâ cum vniuerso grege sibi concredito perueniat sempiternam, Amen.

Luc. 12.

Pro Casare Romano.

Memento Domine pijsissimi & fidelissimi Imperatoris, quem decreuisti regnare super terram. Da ei arma veritatis, arma bonæ voluntatis: corona eum, obumbra caput eius in die belli, confirma brachium eius. Exalta dexteram eius, corrobora imperium eius, subditas illi fac omnes

Ex Missa
Basilij
Magni.

Bar-

Barbaras nationes, quæ bella volunt. Tribue illi profundam & inablataui pacem; loquere in cor eius bona pro Ecclesia tua, & omni populo tuo, vt in tranquillitate eius tranquillam, pacificamque vitam peragamus, in omni pietate & venerabilitate, Amen.

Pro Rege Catholico.

Collector.

1. Par. 29.

Dominator Domine, Rex cæli & terræ, cuius est magnificentia, & potentia, & gloria atque victoria, & tribulus: cuncta enim quæ in cælo sunt; & in terra, tua sunt; tuum Domine regnum, & tu es super omnes principes.

Prou. 21.

Cor Regis in manu tua est, & tu quocunque volueris inclinabis illud. Cum itaque multum intersit qualem habeamus principem,

Eccli 10.

(Rex enim insipiens perdit populum, & ciuitates inhabitantur per sensum prudentum) te supplices rogamus Domine, rege mentem, & voluntatem Principis nostri, vt seruiat tibi Deo omnipotenti in timore, & exultet in tremore: apprehendat disciplinam veram; & religionem catholicam aduersus omnes nostri temporis hæreticos tueatur: sit verus Ecclesiæ

Mal. 17.

tux nutriticius: Persequatur inimicos & tuos & suos: comprehendat illos, & non conuertatur donec deficient. Stabiliatur Domine regnum eius, & thronus eius sit firmus iugiter. Largire illi sapientiam & intellectum agendi, quæ

tibi

tibi grata sunt, quæque ad incrementum Reipublicæ faciunt, & omittendi his contraria. Defende eum contra omnes osores & æmulos, qui clam aut palam vitæ & dignitati eius insidiantur, vt afferat eius imperium pacem populo, & in omni loco vigeat iustitia: iudicet afflictos populi, & saluos faciat filios pauperum, ne quando irascaris Domine, & transferas regnum hoc in gentem alteram.

Similiter tibi supplico, ô Rex Regum, & Domine Dominantium, pro inclyta coniuge Regis nostri, proque prole regia, & omnibus hæredibus eius, vt eos diutissimè superstites & incolumes conferues, illisque benefacias, & fortunes eos in successione dominij, & regiminis, vt felices sint, & beati, fruantur bona valetudine, & pace; floreat vera Religione, opibus, auctoritate, omniumque rerum prosperitate, & post hanc vitam miseram & caducam ad te in illud æternum regnum tuum perueniant, vbi tu viuis & regnas Deus, per omnia secula seculorum, Amen.

*Pro omni Magistratu tam Ecclesiastico
quàm civili.*

Misericors DEVS, cælestis Pater, Ioannes in cuius manu est omnis terrena potestas & magistratus, per te constitutus ad supplicium malorum, & defensionem bonorum: in cuius potenti dex-

Faber.

tera sita sint omnia iura & leges imp
riorum; Te supplices corde deuoto ora
mus, pro Magistratu nostro Ecclesiasti
co, & seculari, vnâ cum ijs, qui sunt vni
que dignati à consilijs, & qui Rempu
blic. administrant; vt gladium tam spi
ritualem, quàm secularem, ipsis per te
commissum, in sincera & vera fide & ti
more Dei rectè gerant, eoquē pro tua
voluntate & iussu vtantur Obumbret
ipsos virtus & sapientia altissimi Illumi
net & conseruet eos in amore Dei ipsa
diuina gratia.

Da illis, ô Domine, sapientiam & in
tellectum, concede pacatam guberna
tionem, & omnes subditos in veritate fi
dei, dilectione, & iustitia, quæ tibi cor
di est, regant, & dicto audientes conser
uent. Proroga ipsis dies vitæ suæ, & an
nos multos largire, vt prospera & lau
data ipsorum functione nomen tuum
sanctificetur, & laudetur in omne æuum,
Amen.

Pro subditis omnibus Christianis.

Petrus
Michaelis
in Ser
uis suis.

Misericordissime Redemptor, &
Deus pacis, exaudi preces meas, &
per infinitam misericordiam tuam lar
gire omnibus Christianis subditis, vt
spontè & libenter in omnibus ijs, quæ ti
bi non aduersantur, Magistratibus suis
morem gerant; eos syncerè ament, &
honore prosequantur; de illis vt par
est, sentiant, ac loquantur, & tribuant,

quæ

que illis debent: vt in bona pace & tranquillitate ab omnibus tibi seruiatur, per quem reges regnant, & legiflatores iusta decernunt: quique per Apostolum tuum dixisti: Qui potestati resistit, Dei ordinationi resistit: qui autem Dei ordinationi resistunt, ipsi sibi damnationem acquirunt.

Rom. 13.

Tuere, ó DEVS pacis & dilectionis, subditos omnes ab impœnitentiæ & obdurationis grauiſſimo peccato, ab Hæresibus & perditionis Sectis, quibus transfuersum actis sub falso Euangelij & verbi tui prætextu, inobedientia, & manifesta rebellio ad communem perniciem inducuntur. Exaudi etiam, ó Pater misericordiarum, & Deus totius consolationis, exaudi, inquam, oppressorum & protritiorum gemitus: adauge illis patientiam, & tandem aliquando de manibus inimicorum & oppressorum suorum eos erue, ad laudem magni nominis tui, quod sit benedictum in æternum, Amen.

Pro parentibus & consanguineis.

Domine DEVS, qui secundum te patrem & matrem honorare, pro eorum incolumi vita & fortunis, vt æquum est, orare striçtè præcepisti: da parentibus nostris, omnibusque domesticis & consanguineis nostris salutem & pacem. Conserua eos in fidei tuæ pietate; custodi eos ab omni corporis,

Ioannes Ferus.

animæque incommodo: largire gratiam, ne vnquam in vilo te offendant: sed propitium te semper Patrem & Deum experiantur, Amen.

Pro fidelibus coniugibus,

Petrus
Michae-
lis in Ser-
tis suis.

Benignissime DEVS meus, cuius dulcedinis & misericordiæ non est numerus, concede quæso omnibus Christianis coniugibus, quos coniungere, & gratia tua sacramentali benedicere ad populi tui propagationem dignatus es, vt vocationem suam tanquam tuam ordinationem agnoscant, ornent, & exequantur: vero amore, fideque se diligant, sicut Christus dilexit Ecclesiam; & ab ea merito impensius diligetur. Da, vt tanquam sanctorum filij, quos in sanctificationem vocasti, in omni modestia & vitæ sanctimonia vnanimis cohabitent, & cum liberis suis, quos donasti, vel donaturus es, temporali & æterna benedictione tua cumulentur, Amen.

Pro muliere pregnantæ.

Ioannes
Baptista.

Iuste Domine DEVS, qui propter primæ mulieris piaculum communem omnibus fœminis seueram & inuitabilem maledictionem denuntiasti, & imposuisti: nempe in peccato originali conciperent, grauidæ multis & magnis cruciatibus subiacerent, & tandem cum vitæ periculo parerent: mitiga-

qua-

quæso pro tua immensa bonitate, proque inexhausta misericordia tua huius legis edictum: quiescat paululum ira tua, & foeminam hanc N. partum enitentem tuæ gratiæ sinu fove; adiuua eam, vt sine periculo vitæ dolorem superare, prolem corpore elegantem, anima nobilem iusto tempore valeat parere; quo post oblita angustiarum gaudio miserationis tuæ gratiam celebret, teque benedicat in secula seculorum, Amen.

Pro Christiana iuuentute, vt rectè instituat.

DEVS, cuius Vnigenitus post assumptam carnem à matre triduo perditus, in templo inter Iudæorum Scribas inuentus est, suæque absentiarum rationem prudenti responso cum obedientia reddidit: da, vt non solum ipsi tuo verbo, tuæque doctrinæ adhæreamus, verum etiam liberos nostros, quos de tua munificentia habemus, ad nominis tui gloriam, ad timorem, ad disciplinam, ad virtutem, ad obedientiam educentes, vt probitate vitæ, & pietate fidei crescant: tu beneplacitum, nos gaudium sine incommodo habeamus, teque per omnem vitam nostram celebrare valeamus.

Non pro nostris tantum liberis te, Domine, deprecor, sed pro vniuersa Christiana iuuentute. Custodi eam, ne

Ex libello, cui titulus Hymni & Collectæ.

Additio generaliter pro omni iuuentute.

corrupta doctrina: & falsis inficiatur opinionibus: da vt in tui & veræ Religionis, qua colendus es, cognitione bene formetur, & proficiat; iugumque tuum ab adolescentia libenter portare addiscat. Præserua piam & simplicem iuuentutem a commercio malo, & sodalitio turpi, quod instar contagij & fermenti subigit ac penetrat totam massam. A crapula & ebrietate, à vagis libidinibus, ab otio inertis omnium vitiorum materia, & nutrimento iuueniles animos auerte

Dona omnibus pueris & scholasticis bonitatem ingenij, capacitatem mentis, firmitatem memoriæ, vt admittant, retineantque vtilia, & quæ animabus suis & Rebus public. quibus nati sunt, conducunt: vt exculti necessaria scientia & industria omnes in viles Ecclesiæ tuæ ciues euadant, ad gloriam nominis sancti tui, & salutem animarum suarum, Amen.

Pro amico.

Ex ma-
niferi-
pro Bel-
gico ver-
na.

CA Elestis Pater, æterne DEVS, cum ipsa me dudum experientia docuerit, in quantis angustijs, & in quot periculis hanc vitam trahimus, ex humana & fraterna sympathia tibi, ô DEVS, pro charissimo amico meo N. supplico, cuius salutem anxie desidero; vt cum posthac in tuam suscipias tutelam, eum custodias, & diuinæ provi-

dentiaꝝ oculos in eum conijcias, haud aliter, quàm pia mater in Filium, quem tenerrimè diligit.

Ne patiare, Domine, vt secundùm carnem ambulet, sed secundùm spiritum: nec ab huius mundi contagio inficiatur, sed dulcedinem spiritus tui guster, omniaque secundùm hunc iudicet: nulum maius existimans detrimentum, quàm à tua charitate diuelli: nec aliquod lucrum opimius, quàm adhærere tibi, etiam si ob idipsum tribulatio, angustia, iniuria, infirmitas, imo mors ipsa esset perferenda. Confirma illum, Domine, in sanctis cogitationibus; largire illi fidem ardentem, eumque ad opera bona facienda compelle. Perfice dona quæ in eo cœpisti; delicta verò & crimina, in quæ prolapsus est, aufer ab eo: vt cor eius acceptum tibi fiat habitaculum.

Tribue illi victui necessaria, ne aliena rapiat, aut concupiscat: ne imposturis quæstum faciat; sed sua potius non habenti largiatur. Adesto illi in omni periculo, & esto turris fortitudinis, aduersus inimicos eius, vt in vocatione sua tibi pacificè & tranquillè seruiat Vbi vero appropinquauerit dies, in qua eum ex hac misera vita euocare decreueris, ne recedas ab eo: sed ex angustijs huius ergastuli educ animam eius in cælestem illam beatitudinem, vbi tu, mi Pater, viuis & regnas in secula seculorum, Amen.

*Pro benefactoribus.**Collector.*

Alissime Deus, retributor omnium bonorum, cui potestas & misericordia, cui omnis displicet ingratitude; te oro, da mihi animum gratum, & beneficiorum acceptorum memorem, ne oblitus meritorum mihi, vel à te, vel ab hominibus exhibitorum, in turpe & abominandum crimen ingratitudinis incurram. Concede, Domine, vt pro facultatum mearum modulo accepta beneficia recompensem, & non verbis tantum, sed & re ipsa gratus sim.

Quòd si qui sint, quorum in me beneficia maiora sunt, quàm vt queam rependere, pro his oro te, Domine, benefac illis hîc, & in resurrectione iustorum. Redde retributionem his, qui me genuerunt, educârunt, instituerunt, & promouerunt: omnibusque alijs, qui bene de me meriti sunt: qui in me contulerunt opera misericordiæ, & officia humanitatis. Hos omnes tibi precibus meis commendo, oro & obtestor te, vt ipsi, & eorum familiæ benedicantur: omnia quæcunque faciunt prosperentur; ab omnibus aduersis, cum animæ, tum corporis præseruentur. Si de hoc mundo transferint, non præualeat illis Aduersarius, sed recipi ad te in vitam æternam mereantur: sin adhuc superstites sint, tuæ misericor-

diæ

diæ fauore, tuaque protectione sic vitam instituant, vt post mortem misericorditer à te bona recipiant æterna. Per Christum Dominum nostrum, Amen.

Pro fratribus in calamitate pœssis.

Vitam hanc singulis penè momentis experimur calamitatibus refertam, quæ vnicuique vel ex carne peccati pululant, vel ex malicia sua, aut aliena. In hoc quoque indulge nobis Pater indulgentissime, ne ad res nostras tristes ex amicorum aduersis accedat tristitia. Exime illos è calamitate, vt & ipsis quietioribus cogitare de te vacet, & nos munere tuo non parua sollicitudinis leuemur parte.

Ludouic.
Viues.

Quòd si hoc vel illis non expedit vel nobis (nam quid cuique expediat tu nosti solus) at certè da illis vires in animo, firmitatem in corpore, quo res duras & graues facilius valeant perferre: ne corpore sint impares dolori, nec animus succumbat ægritudini: vnde vel per impatientiam, vel per desperationem aliquid faciant, dicant, cogitent parum tibi gratum, ipsisque pestiferum, Amen.

Pro Captiuis.

Clementissime DEVS, qui audis gemitus compeditorum, & soluis filios interemptorum, miserere obsecro

Petrus
Michae-
lis in Ser-
tis suis.

per captiuitatem amantissimi Filij tui omnium Christianorum, qui apud Turcas aut Gentiles, Hæreticos vel Schismaticos captiui tenentur. Refoue eos in vinculis, & acerba afflictione, cælesti tuo solatio, ne aliquando pusillanimes reddantur, & in infidelitatem, impietatemque acerbitate tribulationum deiecti, temporalibus calamitatibus æternam damnationem adiunciant. Adiuua illos Domine eo modo, quo nosti ad eorum conferre salutem.

Misericordissime Saluator mundi, qui captiuis prædicari facis redemptionem, victis libertatem, & præcepisti prædicari & annuntiari populo tuo annum placabilem, & diem salutis; largire nobis, vt de perpetuis carceribus & infernalibus vinculis liberati, ea deinceps libertate fruamur, qua liberaſti nos; neque patiaris, vt ad seruire peccati & diaboli iugum reuertamur, & tandem æternæ damnationi obnoxij reddamur, Amen.

Pro Viduis & Orphanis.

Idem ibi.
dem.

Domine DEVS, Pater viduarum & orphanorum, auxiliator in tempore oportuno omnium afflictorum & consolationis egentium; Concede omnibus Christianis viduis, vt sperent in te Deum viuum, atque ad te tanquam ad fidelem patrem in aduersis rebus confugiant, mandata tua obseruent,

vacent

vacent bonis operibus, a voluptatibus & scandalis abstineant, quò assiduè paternam tuam erga se providentiam largius experiantur.

Largire etiam, vt Orphani fidelium in tuo timore & omni modestia educantur, debitaque cum obedientia educatoribus suis obsecundent; in omni temperantia & pietate crescant, fideli admonitioni, consilio bono, & disciplinæ paternæ obtemperent, quo à vitijs & criminibus, opprobrio & exitio immunes existant, & tandem ad vitam æternam perueniant, Amen.

Pro inimicis & ijs qui nobis mala volunt.

MAnsuetissime & clementissime Ludouic. Pater, qui nihil odisti eorum, quæ Viues. creasti, qui sustines & suffcis hominum delicta, dissimulans ea propter poenitentiam, etiam atque etiam te precamur supplices, vt inimicis nostris ea largiaris plena manu, quæ scis illis profutura. In primis verò sanam atque integram mentem, qua noscant te, & quærant vera charitate, ac toto pectore: nos autem filios tuos diligant tua causa, ne illos odium nostri lædat, neque nos quodammodo nocumento illis simus, qui nequam & imbecilles adiumento esse non possumus. Ne perdas illos Pater propter odium nostri, sed serua propter preces nostras.

Emendationem illorum cupimus, Domine, non ultionem: ne separes illos à nobis supplicio, sed coniunge & coaduna clementia. Et quandoquidem nos omnes vni ciuitati æternæ destinamur ciues, iam hic per amorem mutuum incipiamus eam ingredi viam, quæ recta nos illuc, sine vllis ambagibus, adducit Per Christum Dominum nostrum, Amen.

Pro iter agentibus.

Ex libello, cui
titulus
Hymni
& Col-
lectæ.

DEVS, qui ad vitam ducis, & confidentes in te paterna protectione custodis, quæsumus Domine, vt præsentibus famulis tuis à nobis egredientibus Angelicum tribuas comitatum, vt tuo auxilio protecti, nulla mala concutiantur formidine, nullo comprimantur aduersitatis rigore, nullis irruentis inimici molestantur insidijs: sed spatio necessarij itineris prospero gressu peracto, proprijs locis feliciter restitui, vniuersos reperiant sospites, ac debitas exoluant tuo nomini grates: Per Dominum nostrum Iesum Christum Filium tuum, qui tecum viuit & regnat in secula seculorum, Amen.

Pro peccatoribus.

Collector.
Ioan. 3.

Clementissime Domine, qui Vnicentum Filium tuum in hunc mundum misisti, vt peccatores saluos faceret, errantem ouem quæreret, atque munderet sibi populum acceptabilem, sectato-

rem bonorum operum. Ecce refrixit charitas, & abundauit iniquitas. Populus tuus sicut aquam bibit iniquitatem, omnes declinauerunt, & inutiles facti sunt, non est qui faciat bonum, non est vsque ad vnum. Hinc ira tua exardefcit, hinc fames & pestis, hinc gladius deuorat plebem tuam, & calamitates instar diluuij obruunt nos.

Matt. 24.
Iob 15.
Psal 13.

At tu Domine, qui non vis mortem peccatoris, sed vt conuertatur & viuat, miserere, miserere: parce populo tuo, quem pretioso sanguine tuo redemisti. Da quaeso illis gratiam tuam, vt illuminatione tandem perueniant ad agnitionem peccatorum suorum, & conterriti formident iram tuam, & eternas poenas, vt resipiscant à Diaboli laqueo, capti ab eo ad ipsius voluntatem. Aufer contumaciam & duritiem cordis eorum: da eis cor nouum, & spiritum nouum: aufer cor lapideum, & da carneum, spiritumque tuum pone in visceribus eorum: vt abnegantes omnem impietatem, & secularia desideria, sobrie, pie, & iuste viuant in hoc seculo; expectantes beatam spem, & aduentum gloriæ magni Dei, & Saluatoris nostri IESV Christi, qui tecum viuunt & regnat in secula seculorum, Amen.

Ezech. 18.

Ezech. 1.

Tit. 2.

*Pro Infidelibus, Schismaticis, &
Hæreticis.*

Petrus
Michae-
lis in Ser-
tis suis.

Domine IESV Christe, vera mundi lux, illumina quæsumus omnium hominum mentes, qui tenebris obscuratum intellectum habentes, procùl aberrant in via veritatis; utpote Iudæorum, & prophanarum gentium, quæ neque Patrem, neque te, quem misit Filium agnoscunt, sed in cæcitate mentium suarum quotidie blasphemant; tum etiam eorum, qui licet tibi nomen dederint, in omnis generis nihilominus Sectas & errores tanquam dispersæ oves aberrant, & in prædam lupo palàm rapaci cedunt, vel saltem occultè in vno aut altero sacræ Religionis tuæ articulo superbum intellectum suum captivare nolunt in obsequium sanctissimæ fidei tuæ, & obedientiæ Sponsæ tuæ, quæ est Ecclesia Catholica, columna & firmamentum veritatis.

Benignissime Pastor, amator & quæsitō omnium errantium ouium, quære obsecro largitione tuæ gratiæ, & per sedulam Ministrorum Ecclesiæ curam, quod periit, reduc quod aberravit, sana quod infirmum est, alliga quod contritum est; aperi cæcorum oculos, & surdorum aures, ut videant & audiant tam ea, ad quæ tendunt exitia, quàm ad quæ eos vocas salutis compendia; solue linguam mutorum, quò te nobiscum vno ore rectè profitescentes atque colentes, communem nobiscum, & omnibus Sanctis tuis, salutem consequantur, Amen.

*Pro Ethnico ad fidem veniente, vel
Hæretico ad Ecclesiam re-
uertente.*

DEVS magne, magnique nominis, Nicetas
qui oris tui verbo priores tenebras in the-
illuminaſti, qui vnigenitum Filium ſauro or-
tuum in mundum miſiſti, vt eſſet pro- thodo-
pitiatio pro peccatis noſtris: qui ſedes xia.
ſuper Cherubin, quem glorificant Sera-
phim, cui omne genu ſectitur cæleſtium,
terreſtrium & infernorum, quem omnis
terra Regem ſeculorum conſitetur, qui
ouem errantem in Seruatoris noſtri Ieſu
Chriſti ouile reduxiſti, qui conuertis pec-
catores à via ipſorum: ipſum hunc quo-
que ſeruum tuum à tenebris aduerſarijs
ad lumen æternum conuerte. Reuoca
ipſum ab errore diaboli, ad diuinitatis
vnigeniti Filij tui I E S V Chriſti cogni-
tionem. Confirma cor eius in fide & di-
lectione Chriſti tui: Partem & hæredi-
tatem ei largire in Eccleſia tua. Aufer ab
illo veterem illum errorem, eumque im-
ple ea fide & charitate, quæ eſt in te. Da
ei, vt in cunctis præceptis tuis ambulet, &
quæ tibi complacita ſunt obſeruet. Scri-
bito eum in libro vitæ tuæ, & vnito eum
cum ouili hæreditatis tuæ. Tu enim es
Deus noſter, & vnigenitus Filius tuus, &
Spiritus ſanctiſſimus nunc & ſemper in
ſecula, Amen.

Pro vno & pluribus infirmis.

Ioannes
Ferus.
Esa. 38.

Additio
genera-
lis.

OMnipotens & misericors DEVS, in cuius manu mors & vita sunt; qui mortificas & viuificas, qui quendam Ezechiae petenti ter quinos vitae annos donasti, tuam de morte eius reuocans sententiam; per vnigenitum Filium tuum te oro, atque obtestor, famulo tuo N. grauius in infirmitate decumbenti, pristinae sanitati propitiatus restitue, vt deinceps in emendata vita tibi per omnia placeat.

Sed & memor charitatis Domine, non pro hoc tantum infirmo te deprecor, sed & pro omnibus aegrotantibus, vbicunque terrarum decumbentibus: succurre illis, & praesertim his, qui in agone mortis suae cum multis & varijs luctantur tentationibus. Da illis gratiam, vt agnoscant aegritudines non esse fortuitas, sed à te Deo nostro illis paternè immitti, vt reuoces eos ad poenitentiam, aut in officio contineas. Consolare, consolare illos Domine, in lucta conscientiae, affulgeat eis spes viua de tua misericordia: tolle ab illis languores, aut saltem mitiga dolores eorum. Restitue eos in pristinam sanitatem, & medere languoribus eorum, pro tua diuina voluntate, ad salutem ipsorum.

Quibus autem pro tuo beneplacito expedit, vt moriantur, hos tuo Spiritu sancto confirma, ne vacillet in eis fides, ne titubet spes, ne refrigescat charitas, ne terrore mortis deiiciatur humana infir-

mitas.

mitas. Abbreuiata tormenta eorum, & posteaquam mors occupauerit oculos corporis, mentis tamen à te non deflectantur: cumque linguæ vsum ademerit, cor tamen instanter ad te clamet; In manus tuas Domine commendo spiritum meum: & sic placidè in te obdormiscant, tristitiaque eorum vertatur in gaudium nunquam auferendum, Amen.

C A P V T X V I. CONTINENS ORATIO.

NES PARTICVLA-
rium Persona-
rum.

Oratio Pastoris.



Lementissime Domine Iesu *Collectio*
Christe, Pontifex æterne,
qui me indignum famulum
tuum, ignorantem egressum
& introitum meum, ad fun-
ctionem muneris Apostolici vocare di-
gnatus es, vt oues huius ouilis saluari
pabulo doctrinæ pascere, & Ecclesiæ
huic, quam pretioso tuo sanguine rede-
misti, in his quæ ad te sunt præessem,
horreo, & toto corpore contremisco,
quoties considero, quis ego sim, & quid
requirat onus, quod infirmis humeris
meis incumbit. Qui enim pro vna & so-
la mea animula rationem reddere non
possum, pro toto hoc grege quomodo

red-

reddam? Quid ego infelix, quò me ver-
tam, si tantum thesaurum, si pretiosum
depositum illud, quod tibi sanguine pro-
prio pretiosius iudicasti, contingat me
negligentius custodire? Si stillantem in
Cruce sanguinem tuum collegissem, ef-
ferque repositus penes me in vase vitreo,
quod portare sæpius oporteret, quid ani-
mi habiturus essem in tanto discrimine?
at certè seruandum accepi à te Domine,
pro quo tu mercator non inspiens, imò
ipsa Patris sapientia sanguinem illum
dedisti, idque in vasis fictilibus, & quouis
vitro fragilioribus. Impares sunt sanè
humeri mei tanto ponderi, si meas vires
respiciam: impeditioris & tardioris lin-
guæ sum, nescio loqui, puer sum, & regi,
quàm regere, magis idoneus.

Obsecro igitur te Principem Pastorum,
& Archiepiscopum nostrum, qui nullum
vocare soles ad aliquod munus obeun-
dum, cui non etiam largiri consueuisti
dotes eas, quibus ornatus & instructus
dignè perficere potest, ad quod vocatus
est: me etiam inutile instrumentum
tuum reforma, & vocatione mea me
dignum præpara. Da seruo tuo cor docile,
vt voluntatem tuam annuntiet popu-
lo tuo: Da illi amplecti eum, qui secun-
dum doctrinam est, sermonem fidelem,
vt potens sit exhortari in doctrina sana,
& eos qui contradicunt arguere. Verbum
veritatis ne auferas ab ore meo, & da mi-
hi gratiam, vt feruenti spiritu eloquar il-

lud, ne aures tantum feriat, sed cor penetret, & fructum optatissimum adferat. Renoua vitam meam, & mores meos in melius commuta: ne dum alijs prædicem, ipse reprobus inueniar. 1. Cor. 9.

Tolle à me superbiam, iracundiam, vinolentiam, & turpis lucri cupiditatem. Largire hospitalitatem, benignitatem, sobrietatem, iustitiam, sanctitatem & continentiam; ne vlli hominum impura vita mea scandalum præbeam, aut blasphemandi verbum tuum occasionem offeram. Concede mihi spiritum, quo subditos meos in visceribus meis diligam, nec aliter tractem, quam mater vnicum, quem habet, filium tractare solet: nemo infirmeretur, cum quo ego non infirmer: nemo scandalizetur, & ego non vrrar. Iuua me Domine, vt quod infirmum est consolidem, quod agrotum sanem, quod confractum alligem, quod abiectum reducam, quod perierat quaeram. Quos cōcredidisti mihi custodiam, & vnus ex eis non pereat. Sanctifica nos in veritate, o sanctificator hominum benignissime, atque illos ab omnibus inimicis & aduersitatibus corporis & anime custodi. Sic mihi obtemperent, sic me diligant, vt sit rationabile obsequium eorum, & vias Christiano dignas ambulent: vt ego & verbo & exemplis eos precedendo, & illi me sequendo pariter curamus ad te verum animarum nostrarū pastore, qui nos in loco pascuæ pinguis-

Ezec. 34.

finæ

simæ collocabis, vt viuus & regnas Deus,
per omnia secula seculorum, Amen.

Oratio Confessarij.

Nicola⁹
Galleri⁹
in Euāg.
explicā-
dorum
ratione.

Domine DEVS omnipotens propi-
tius esto mihi peccatori, vt dignè
possim tibi gratias agere, qui me indi-
gnum, propter magnam tuam miseri-
cordiam, ministrum fecisti officij sacer-
dotalis, & me exiguum, humilemque
constituisti ad orandum, & interceden-
dum ad Dominum nostrum IESVM
Christum Filium tuum, pro peccatori-
bus, & ad pœnitentiam reuerentibus

Ideoque Dominator Deus, qui omnes
homines vis saluos fieri, & ad agnitio-
nem veritatis venire: qui non vis mor-
tem peccatorum, sed vt conuertantur &
viuant, suscipe orationem meam, quam
fundo pro famulis & famulabus tuis, qui
ad pœnitentiam veniunt, vt des illis spi-
ritum compunctionis, respiscant à Dia-
boli laqueis, quibus adstricti tenentur, vt
ad te per dignam satisfactionem reuer-
tantur

Additio.

Sed & mihi Domine indigno famu-
lo tuo adesto, fidelium tuorum confes-
siones audituro, vt potestate ligandi &
soluendi, mihi à te in consolationem &
instructionem Ecclesiæ tuæ tradita, ri-
tè & sine animæ meæ detrimento fungi
possim. da mihi spiritum consilij & in-
tellektus, spiritum scientiæ & discretio-
nis, vt populum tuum iudicare, inter bo-

num

num & malum, inter lepram & non lepram, inter peccatum & non peccatum, rectè queam discernere, & tanquam expertus medicus singulis infirmitatibus conuenientia adhibere pharınaca. Qui uiuis & regnas Deus per omnia secula seculorum, Amen.

*Oratio in Magistratu constituti &
Iudicis.*

OMnipotens æterne Deus, qui omnia Ioannes
verbo tuo fecisti, tua sapientia constitui- Faber.
stuiſti hominem, vt dominaretur creaturæ a te factæ, & disponat orbem terrarum in æquitate & iustitia, & in directione cordis iudicium iudicem: quique ad terrorem malis, & ad pacem bonis instituiſti potestatem, ordinasti gladium. Tu fidis ministris tuis bene Reipublic. administrantibus ingentes retributiones promiſti, pauperum contra oppressoribus, suaue auxilium pro officij ratione denegantibus, iram tuam, seueritatem, iudiciumque denuntiasti.

Agnosce, ô mi Domine, agnosce & vide quàm timendis periculis pro officij mei conditione vndique implicitus sim. Scio enim, Domine, non esse mihi dominium, sed seruitutem & officium Scio non bruta mihi, meæque commissa fidei, sed filios selectissimos, illosque tibi charitatis vinculo iunctos, vt pro ipsis temet mortis tradere supplicio non dubitares. Scio Domine, quòd quicunque

pue-

Zach. 2.

pueros tuos iniuria affecerit, oculi tui pupillam tangit. Exaudis illos scio in quacunque tribulatione clamantes ad te. Concede mihi, ô Domine, ita præsim officio meo, vt omnis accusandi me apud tuum tribunal illis auferatur occasio. Quis enim ego sum mi Deus, qui tanto satisfaciam officio? Homo cum sim imperfectus & æger, falli & errare mihi facile, in nullam declinare partium propè impossibile mihi est: adhuc populus tuus plurimus est, semper & in omni loco præsto esse qui possum? Ea propter te, ô Domine Deus, supplex precor, da mihi sedium tuarum assidtricem sapientiam, & noli me reprobare à pueris tuis, quoniam homo infirmus exigui temporis ego, & minor ad intellectum iudicij & legum. Sit licet consummatus quis inter filios hominum, si tamen illi sapientia tua abfuerit, nihili æstimabitur.

Sap. 9.

Tu ergo, ô Domine, mitte sapientiam illam tuam de cælis sanctis tuis, & à sede magnitudinis tuæ, vt mecum sit, & mecum laboret: vt intelligam & sciam quid acceptum sit apud te, sic tibi accepta erunt opera mea, sic disponam populum tuum iuste, sic tandem dignus meo habebor officio. Infunde cordi meo timorem tuum, ô Domine, ne quid in gratiam, vel alicuius faciam odium: sed vt secundum veritatem & iustitiam feram sententiam. Illumina cor meum & intellectum meum tuo verbo, ô Domine, vt placeat

mihi

mihi quidquid coram te iustum, displiceat quicquid iniquum. Mentem largire Deus amantem eorum, quæ tibi placent; aspernantem, quæ tu minus probaueris. Spiritum tuum infunde mihi, ô Domine Deus meus, qui in omni verbo regat me, in omni opere ducat me: vt iuste administrans pueris tuis tibi placeam, & tandem coram tuo tribunali letus, gaudensque compaream, Amen.

Oratio cuiuscunque Subditi.

Orationes subditi pro Casare, Rege, Principe, & Magistratu, inueniet Lector capite decimoquinto. Quibus subiiciatur subsequens additio.

Domine Deus, supplex etiam te oro, vt omnibus Subditis des spiritum obsequentem, & cor in omnibus, quæ tibi non aduersantur, prompte & alacriter obediendi, Magistratum honorandi, iuuandi atque amandi: dandi quod illis competit, seque ab omni seditione & conspiratione nefaria separandi. Diligant commune bonum magis quam proprium, teque tanquam auctorem & consummatorem salutis nostræ in omnibus inuocent, vt sub bono Magistratum regimine in omni pace & tranquillitate, ad gloriam tui sancti nominis, vitam agamus, & in omni pietate & modestia tibi laudes & gratiarum actiones referamus, Amen.

Petrus
Michaelis in Ser-
tis suis.

*Oratio Consiliarij vel Senatoris.*Idem ibi-
dem.

Prou 4.

Eccles 2.

L Argire mihi Domine IESV Chri-
ste, Spiritum consilij & fortitudi-
nis, quem super te requieiturum Prophe-
ta vaticinatus est, cuius etiam inter alia
nomina, quę tibi tributa sunt, illud com-
memoratur, quod sis Consiliarius Et
quis melior te, qui ipsa Dei Patris es in-
creata Sapientia, quam nihil latere, quę-
que nec fallere, nec falli potest? Da mi-
hi, vt, quod Salomon docet, dum ad
consultationem vocor, oculi mei recta
videant, & palpebrę meę præcedant
gressus meos: quando tantum differt sa-
piens à stulto, quantum distat lux à tene-
bris: & sapientis oculi in capite ipsius,
dum ratione & consilio velut oculis qui-
busdam vtitur; qui facienda omnia prius
prouideant, quam in opus prodeant:
dum stultus in tenebris ambulat, & ra-
tione sopita velut oculis caprus, non iu-
dicio & ratione, sed turbulentis affecti-
bus more pecudum ducitur. At tu Deus
meus, illuminatio mea, illumina tene-
bras meas, vt clarè videam, quid ad tuam
gloriam, & Reipublicę salutem consu-
lam, Amen.

Oratio Coniugis.

Collector.

O Mnipotens & misericors Pater, au-
thor & institutor Matrimonij, quod
status hic carni est propinquior, eod plu-
ra in illo se offerunt pericula, & occur-

runt

runt offendicula. Ideo te supplex oro, per dilectum Filium tuum Iesum Christum, Dominum nostrum, ita vt nos in timore & amore tui contineas, ne aut te offendamus, aut tui planè obliuiscamur. Circuncide, o Domine, cor & carnem nostram, ne velut impuri & impij, in desiderijs & voluptatibus carnis demersi, quæ spiritus sunt negligamus: sed vt, iuxta Apostoli tui consilium, ex consensu ad tempus abstineamus, vt vacemus orationi, & iterum cum timore tui, in idipsum reuertentes, prolem sanctam & tibi placitam generemus. Si quid hætenus a nobis peccatum sit, ignosce precor, o clementissime Pater, & conserva nos, ne te posthac in aliqua re iterum offendamus.

1. Cor. 7.

Spiritus sancte Deus, qui amorem conjugalem plantas & conseruas in pectoribus nostris, te rogo, vt suffles & exuscites fomitem castæ dilectionis inter nos coniuges, vt qui sic copulari sumus, sola quod mors potest nos separare, diligamus inuicem amore forti & inextinguibili, discreto tamen, & qui limites pietatis non excedat: ne amor tui in nobis aut minuatur, aut extinguatur: sed vt diligentes nos mutuò in te, & per te similitudinem Christi & sponsæ illius Ecclesiæ sanctæ referamus.

Da mihi Domine Deus prudentiam, vt cum ratione cohabitarem vxori meæ, sciens illi imbecillitatem animi quasi

COR-

congenitam esse, quam ob rem multa mihi ineptiæ sunt ferendæ, multa mihi tædia deuoranda, si in ea affectuum imbecillitatem videro. Sit vxor mihi adiutorium vtile & iucundum, sine perfidia & dolo, vt in ea confidere possit cor meum, illaque tribuat mihi bonum & non malum: sit solatium animi mei: operetur manibus suis fufum, & paret cibaria familiæ meæ.

Profliga Satanam, huius ordinis tui infensissimum hostem, ne serat inter nos discordias & contentiones. Amputa omnium dissidiorum & suspicionum occasiones, vt in vera conjunctione animorum viuamus: & tu, qui Deus pacis es, in medio nostrum habites. Da vt alacri animo inter nos feramus abundantiam & penuriam, diuitias & paupertatem, dolorem & voluptatem, aduersitatem & prosperitatem, morbum & sanitatem, idque sine murmure. Da vt cuius est præesse, alteram non contemnat; & cuius est subesse, alteri non dominetur.

Largire Domine, vt coniugium nostrum non sit sterile, sed fecundum: & liberos nostros educemus in agnitione & timore nominis tui, ne vel molliori educatione & conuiuentia, vel illiberali asperitate, aut malo parentum exemplo deteriores reddantur: sed vt moderata tractatione & bona nostra conuersatione contineantur in timore ingenuo, augeaturque in eis obsequendi studium

& alacritas. Concede nobis, vt simul laborantes, quæ ad vitam sustentandam necessaria sunt, honestè quæramus, quæ sita non dilapidemus: sed inde piè, & cum honestate viuamus, vt moderatam, laudabilemque vitam coram te & vniuerso mundo ducamus, Amen.

Oratio Patrisfamilias.

QUum omnibus ex æquo proximi Ioannes sui rationem habere, res & fortuna Ferus. nas prouehere, incommoda verò omnia propellere mandas, quid velis, Pater intelligo: nempe id magis decere patremfamilias in domesticos suos, tum è diuerso domesticos in patremfamilias doces. Agnosco officium, sed ad regendos, quos meæ tutelæ commisisti, vxorem, liberos, seruos, ancillas, ceterosque domesticos, in me facultatem non inuenio, nec iudicium.

Ad te ergo summum Patremfamilias confugio, ad te inquam cali terræque Restorem supplex gratiam petiturum venio. Da pater & rector, vt mihi commissos domesticos in tuo timore, in tua disciplina conseruem: tum quæ corporibus, animabusque ipsorum commoditati, quæ honori sunt & emolumento ipsistuear: sine iracundia & amarulentia vindicem. Illi porro è contrario officia sua cum timore & obedientia, non ad oculum seruientes, beneuolè in cordis simplicitate, tanquam coram te Deo,

non homine præsent; quo tandem utique laboris merces reddatur in cælis, Amen.

Oratio Pueri seu Filij.

Collector.

Exod. 20.

Leuit. 2c.

Omnipotens æterne Deus, cui omnis obedientia liberorum in parentes placet, omnisque rebellio displicet: qui in lege tua nos parentes honorare præcepisti, mandatum hoc quasi duplici muro muniens, præmio scilicet atque poena, dum morigero atque obedienti filio vitæ diuturnitatem promittis: immorigero vero atque rebelli maledictionem & mortem denuntias. Nec præceptum hoc tuum supra me est, neque procul positum, ut possim dicere; Quis me opere compleat illud. sed iuxta me est, imo in me, cum ipsa naturæ lex animæ meæ insculpta, ad hoc ipsum me incitet, atque inuitet.

Te igitur, o benignissime Pater, ex quo omnis paternitas in cælo & in terra est, oro, aufer à me omnem rebellionem & contentionem: ne cuncta hæc diuini & humani iuris vincula perrumpere, & infringere audeam: sed parentes meos omni officiorum genere persequar, honore atque reuerentia debita illos colam, humili & prompta obedientia illorum præceptis obtemperem, subuentioneque, obsequio, & in ministerio meo illis succurram: eorum obiurgationes, austeritatem inconditos clamores, vel er-

ata equo animo feram: nec mœrore aut solitudine illos per totum vitæ meæ curriculum officiam. Si quando per atarum defecerint sensu & vigore iudicij rationalis, ne eos ludibrio habeam: senectutem & imbecillitatem eorum debita modestia tolerem: eos denique si egeant aut ægrorem ope & opibus meis aliam ac sustineam, ne culpa & auaritia mea his pereat vita, à quibus, & per quos ego vitæ exordium accepi: sed tanquam Domini in omnibus seruiam his, qui me genuerunt Domine remitte mihi peccata mea, quibus parentes meos charissimos vnquam offendi. Auge multitudinem dierum, & conserua illos in omni mentis & corporis sanitate, videant filios suos tanquam nouellas oliuarum, in circuitu mensæ suæ: educant illos in omni pietate: præsent familiæ suæ sermonibus & exemplis sanctis, vt tandem immaculati ad te pertendant, vbi viuiscum Filio & Spiritu sancto Deus, per omnia secula seculorum, Amen.

Eccli 3.

Psal. 127.

Oratio Præceptoris.

OMnipotens æterne DEVS, in cuius Petrus
ditione cuncta sunt posita, largire Michaelis
mihi Spiritum tuum sanctum, sine quo lis in Ser-
nilhil discere aut docere possam; vt iu- tis suis.
uentutem mihi commissam sedulo in-
stigam, & ad bonos mores, pietatemque
colendam, non minus quam ad literas
impigre, & ad tui nominis gloriam, for-

mem, & in ciues bonos, & Ecclesiæ tuæ
vtilis aliquando euadant Da illis cor
docile & intelligens, vt quæ docturus
sum faciliè percipiant, & retineant, mi-
hi quæ in omnibus, quæ officium meum
postulat, morem gerant: sequæ duci &
formari humili & sequenti animo pa-
tiantur: vt eorum senectus qui adole-
scentiam suam honestis artibus instruxe-
runt, ætate euadat doctior, & veterum
studiorum iucundissimos fructus metat,
alijsque communicet.

Oratio Professoris alicuius Facultatis.

D Tho-
mas A-
quinas.

Creator ineffabilis Deus, qui de the-
sauris sapientiæ tuæ nouem ordines
Angelorum informasti, & eos miro or-
dine super cælum Empyreum collocasti,
elegantissimè partes vniuersi disposuisti,
tu, inquam, qui verus fons luminis &
sapientiæ diceris, atque supereminens
principium, infundere digneris super in-
tellektus mei tenebras tuæ radium cla-
ritatis, duplicem, in qua natus sum, re-
moueas priuationem, peccatum & igno-
rantiam. Qui linguas infantium facis di-
fertis, linguam meam erudias, atque in
labijs meis gratiam tuæ benedictionis
infundas. Da mihi intelligendi acumen,
retinendi capacitatem, interpretandi
subtilitatem, addiscendi facultatem, io-
quendi gratiam copiosam: gressus in-
struas, processum dirigas, & egressum
compleas. Qui cum Patre & Spiritu san-

sto viuus & regnas Deus per omnia secula seculorum, Amen.

Oratio litteris operam dantis.

Sapientissime Pater, & omnipotens- *Collector.*
 tissime DEVS, fons & dator omnis
 sapientiæ & intelligentiæ, sine quo
 omnia nostra studia successu carent, qui
 per Spiritum sanctum tuum ex pastori- *Amos 1.*
 bus ouium Prophetas populi, & ex pi-
 scatoribus Apostolos mundi totius Do-
 ctiores effecisti, infunde mihi per me-
 ritum Christi filij tui eiusdem Spiritus
 sancti gratiam, qua intellectus meus li-
 beralibus disciplinis melius illustretur,
 quas in diuinum honorem tuum ali-
 quando, & spiritalem Ecclesiæ tuæ uti-
 litatem possim conuertere. Da ut bo-
 nas litteras & linguas necessarias fide-
 liter addiscam, & tenaci memoria re-
 tineam, & in vsum vitæ melioris con-
 feram: vt ad tuæ sanctissimæ pueritiæ
 exemplum indies proficiam atate, sa-
 pientia, & gratia apud Deum & homi-
 nes. Largire docilitatem, & ingenij sub-
 tilitatem, vt discenda facilius compre-
 hendam, & ex ijs sublimiora eliciam:
 alacritatem quoque in studijs, ne mens
 assiduo labore fatigetur, & quodam fa-
 stidio capta, à litteris abhorreat. Tem-
 pus inutiliter ne perdam, nec iuueniles
 annos studijs apertissimos in otio transi-
 gam, ne parentum sumptus in me malè
 collocati, eorum in me odium pariant,

& ego amicorum meorum spem & expectationem turpiter eludam

Tribue denique mihi Domine cor obediendi præceptoribus meis, vt in ijs colendis nullum pietatis, studij, officij & obseruantiaæ genus prætermittam: sed præcepta eorum suscipiam, & admonitionibus locum relinquam, vt pietate doctrina & obedientia ornatus, ad clariorem tui agnitionem, perfectumque tuæ bonitatis amorem, & gl'orig' tuæ meritum tandem perueniam, Amen.

Oratio Adolescentis seu Iuuenis.

Ex manu
scripto
Belgico.

CVM nunc in feruore carnis, periculosissimoque ætatis meæ cursu viuam, ô Pater cælestis, oro te, misericordia & paterna tua prouidentia non recedant à me, sed maiori me sollicitudine conseruent: ne fortè præda fiam inimicis meis, qui vt lupi famelici in hoc totti sunt, vt me in hac iuuenili ætate sic peccatis onerent, ne vnquam ex ijs postea emergam.

Sed, ô pie Pater, diffidens de viribus meis, totum me in tuam protectionem confero, vt me nunc & semper custodias, ne in eam peccandi consuetudinem incidam, vt necesse sit in senectute mea (nisi prius in peccatis præfocatus fuero) iuuentutis meæ crimina deslere, & cum Propheta dicere, Delicta iuuentutis meæ ne memineris Domine: sed potius, vt ab hac hora sic virtutibus assue-

Psal. 24.

scam,

scam, vt quotidie magis magisque in
ijs proficiam, tranquilla & pura tibi
conscientia deferuiens: vt in ienio cum
famili gratiarum actione dicam illud
Regis Ezechix; Obsecro Domine, me- Esa. 38.
mento quæso quomodo ambulauerim
coram te in veritate & in corde perfecto,
& quod bonum est in oculis tuis fece-
rim.

Dilectissime Pater, tu verè omnium
hominum pater es, tibi cura est de om-
nibus, tibi commendo animam meam
instar pueri, qui ex se nihil potest: de-
fende me ab omnibus inimicis meis, qui
mihi malè volunt, & mala machinan-
tur in his, quæ ad corpus vel animam
meam pertinent: quique me seducere
student, & quæ impia sunt, docere. An-
te omnia commendo tibi hodie castita-
tem corporis mei, vt ea non tantum im-
manis sit ab omni violentia, vel illicito
consensu, sed vt & ego eam nec per
impuram cogitationem, nec per obscæ-
nam locutionem polluam. Thesaurus
pretiosior est, quam vt ego eum custo-
dire valeam: obsecro igitur, vt qui ama-
tor puritatis es, etiam & meæ sis conser-
uator. Ne iuuenile corpus hoc in om-
ni concupiscencia, infrenique desiderio
excreseat, aut sensus mei illicito capian-
tur amore, vt te negligam: sed liberi ma-
neant ab omni amore externo, donec
me ad castum matrimonium, aut alium
statum vocaueris.

Tribue Domine, vt parentibus, & ijs quorum tutelæ traditus sum, nunc in omni obedientia & humilitate seruiam, & da mihi gratiam, vt si me ad coniugij vinculum voceris, talis mihi persona cedat, qua cum tibi in pace & sanctitate deservire, & statum istum in honestate & fecunditate queam possidere, si inquam me huc vocaueris, & hæc voluntas tua sit, cui me, omniaque mea commendo, vt de me, & in me disponas, quod tibi beneplacitum, & mihi salutare sit, Amen.

Oratio Militis in bello iusto.

Collector.

I Vtissime DEVS, qui propter peccata hominum excitas bella, & inducis super populum tuum gladium, ultorem foederis tui: ecce hostes & tui & Principis nostri irruunt super nos, terram nostram crudeliter vastant, populantur agros, incendunt pagos, evertunt oppida, parentes, coniuges, liberosque nostros dulcissimos occidunt, vel in contumeliosam seruitutem abstrahunt; profanant & diripiunt templa, monasteriaque tua: ab ipsis aris & adytis sacras virgines ad incesta stupra abripiunt, & respersa sunt sanguine innocentium hominum & sacerdotum tuorum diuina Christi tui mysteria. Nec cupiditati & crudelitati suæ modum ponent, priusquam nos sedibus nostris omnino propulerint, aut sanguinem nostrum pror-

fus ex-

sus exorbuerint, nomenque nostrum deleuerint.

Non illi à nobis, sed nos ab illis primum lacessiti, atque ad bellum sumus prouocati. Et nunc Domine armis accincti, & ad iustissimum hoc bellum à famulo tuo, Principe nostro euocati, eu adsumus. Tu scis Domine, quod nec amore prædæ, nec dominandi cupiditate, nec propriam iniuriam vindicandi libidine, nec denique alia re quapiam iniusta prouocatus in hanc militiam veni: sed ab ordinaria potestate mea vocatus, vt pro lege, pro rege, pro aris, & pro focis dimicem, violatores mandatorum tuorum, perturbatoresque nostræ Reipublic in ordinem redigam, atque ad pacem & tranquillitatem adigam.

Respice igitur, ô fortitudo mea, de excelso sanctuario tuo, & qui olim pro Israëlitis, etiam tacentibus, contra AEgyptios pugnasti, adesto mihi famulo tuo, brachium meum corrobora; vt viriliter agam, & victoriam de hoste hoc immanissimo referam. Confundatur ille, & non confundar ego: cadat ille, & non cadam ego, à subitanea & improuisa morte me defende: conserua me in die belli, ne quando præualeat inimicus meus aduersus me. Centuriorem ad te venientem non repulisti, fidem eius laudasti, militiam vt desereret non imperasti; & me precantem

te exaudi Domine, dignum me fac vocatione mea, ne gladio iustitiæ abutar, & potestas à te ordinata ad defensionem bonorum, & vindictam malorum, per me malè audiat, & blasphemetur. Neminem concutiam, nemini calumniam faciam: prædas & spolia ab innocentibus non auferam; nullius, qui in partem belli non venit, aut propter quem arma hæc sumpta non sunt, ager à me demetatur, vinea destruat, pecus abigatur: sed stipendio meo, mihi publice decreto, contentus sim, & ducibus meis in omnibus, quæ contra præceptum tuum non sunt, obtemperem, & morem geram.

Indue me præter externam hanc panopliam etiam lorica m iustitiæ: da scutum fidei in dextera mea: accinge me gladio spiritus, & galeam salutis imponi capiti meo, vt possim resistere inuisibilibus hostibus meis in die malo, & in omnibus perfectus stare. Prudenter agam in omnibus vijs meis, & tu mecum esto. Cum pugnandum est, infere pectori meo fortitudinem, aufer timorem, adauge vires, vt sim vir fortis, & præliet bella Domini. Extra pugnam tempera ardorem animi mei, ne sanguinem innoxium profundam. Conserua me ab omni raptu, incestu, aut illicito violentoque concubitu. Viduas aut orphanos non opprimam, pauperibus iniuriam non inferam, ne quan-

do vociferentur ad te, & furor tuus accendatur in me. Sed & hoc supplex oro, o mansuetissime Domine, aufer a me omnem iurandi, peterandi & blasphemandi te consuetudinem: sanguis tuus, vulnera tua, nomen & Sacramenta tua apud me summa in ueneratione sint: vt mundo corde, labijs circumcisis, & manibus ab omni iniustitia & innocenti sanguine liberis, sic in uocatione mea ambulem, vt post hanc militarem uitam, ad illam tandem triumphalem perueniam, Amen.

Oratio Famuli.

Benignissime Domine Saluator Iesu Christe, qui formam serui accepisti, cum filius Dei & Dominus esses vniuersorum, vt per obedientiam nostrorum omnium, sine personarum acceptione, salutem operareris in terra, ita vt neque apud te sit distinctio inter omnes tibi famulantes, siue liberi sint, siue serui: Obtestor, vt cum ad seruiendum alijs vocaueris, largiaris mihi cor humile & obsequens, quo de manu tuæ prouidentia hanc conditionem accipiam, facile illis, quibus seruiendum mihi est, me submittam, meque, vt alijs seruiendo tibi non displiceam, in omnibus comparem: Nunquam contra te aut Superiores meos marmurem; aut conditioni aliorum meliori inuideam: In omnibus quæ

Petrus
Michae
lis in Ser
tis suis.

Coloss. 3. obedientiæ, quam tibi debeo, non obstant; morem geram in omni timore & simplicitate cordis, non ad oculum seruando, vt hominibus placeam, sed ex toto corde meo, idque propter mandatum tuum, quo obstrictus tibi teneor.

Da ergo, vt diligenter, fideliter, intelligenterque Superioribus meis seruias, illorum iram declinem, atque nulum in sancto tuo obsequio detrimentum capiam: tum eam, quam mihi per passionem & mortem tuam comparasti libertatem spiritualem, contra seruitutem Peccati, Dæmonis, Mortis, & Inferni, sedulò conseruem; vt tandem aliquando ad cælestem hæreditatem mihi in cælis promissam perueniam, Amen.

Oratio Ægroti.

Collector. **B**enedictus sis DEVS Pater Domini mei, quòd me (qui ob fiduciam, quam in sanitate mea habebam, ad omne malum præceps ruebam, haud aliter, quam si vires meæ in eodem semper vigore permanissent, nec vllis morbis debilitari potuissent) nunc tam paternè visitas, per corporalem hanc ægritudinem me meæ admonens mortalitatis, & ad pœnitentiam reuocans. Fateor Domine, perire potuisssem: imò perijssem, nisi per morbum hunc oculos meos aperuisses, meque præsentis periculi admonuisses.

Cur igitur impatiens ero, licet dolores magni sint, & caro infirma releuari cupiat; cum certò sciam, hanc virgam mihi esse perquam necessariam, quæ etsi ego iustissimus essem omnium mortalium, nunquam tamen mihi esse potest inutilis? Concede mihi Domine fortitudinem & patientiam, ne magnitudine dolorum victus, vnquam aliter credam aut sentiam. Si ægritudo hæc non sit ad mortem, fer mihi opem super lecto doloris mei, vniuersum stratum infirmitatis meæ verte mihi in lætitiā, & pro bona voluntate tua fac mecum vt membris meis sanitas restituatur, vt commodius tibi seruiam, & secundum vocationem meam sine querela viuam, ita tamen, ne in posterum mea fretus incolumitate & robore liberius te iterum offendam. Nihilominus ô celestis Pater, tua voluntas in me fiat: tu enim solus nosti, quid mihi expediat: tantum da gratiam, vt tuæ me voluntati totum submittam.

Quod si autem animulam hanc ex huius corpusculi domicilio, adeoque ex hoc seculo demigrare placeat, ô celestis Pater, nolo esse obstreperus. Cur enim in profundo procellosi huius maris, in mille naufragij periculis constitutus, metuum prosperum ventum, qui me in optatissimum portum potest adducere, vbi nullus dolor est anipius? Saltem, ô Pater, opus manuum tuarum

ne despicias: sed animam meam aduersus omnes tentationes tua gratia corrobora, contraque omnes assultus Satanae cinge me scuto tuae misericordiae, qua olim Martyres tuos aduersus horrendos cruciatus & mortes crudelissimas inuictos reddidisti.

Nihil habeo meritorum aut bonorum operum, quod allegem apud te: malorum heu nimis multum video; sed per tuam iustitiam confido me in numero iustorum censendum, quia vnigeniti tui filij morte me redemisti, & sanguine illius lauisti.

Propter peccata quidem mea inducias & prorogationem peterem, si forte posthac (vt spero) meliorem vitam ducerem: sed quis huius rei me certum & securum faciet, cum infirmitas & vanitas mea tam magna sit, nisi tu Deus adiuues me? Sine tuo auxilio nec viuere possum, nec mori. Quicquid igitur de me statuas, ne me ope saltem tua destituas, oro Domine DEVS veritatis, qui viuus & regnas cum Filio & Spiritu sancto, vnus DEVS in omni aeternitate, Amen.

Oratio Morituri.

DEVUS meus, Deus meus, misericordia mea, refugium meum desidero te, & ad te confugio, ad te venies festine, ne despicias me in tremendo discrimine possum. Adesto mihi propitius

in his

gust.
libro
visi-
infr-
rum.

in his magnis meis necessitatibus. Non possum me redimere meis operationibus, sed tu redime me, & miserere mei.

Diffido de meis meritis, sed confido de tuis miserationibus, & plus confido de tuis miserationibus, quam diffido de malis meis actibus. Tu es spes mea, Deus meus, tibi soli peccaui, mea culpa. Qui fui tibi tam charus ad redimendum, non sum vilis ad perdendum; & nunc ad te venio, qui nulli dees, cupio dissolui, & tecum esse. In manus tuas commendo spiritum meum, Domine; Respice in me Deus veritatis, & presta mihi Deus meus, ut in pace dormiam & requiescam. Qui in Trinitate perfecta viuis & regnas Deus, per omnia secula seculorum, Amen.

CAPVT XVII.

ORATIONES ET IN-

TERCESSIONES PRO

Defunctis.

ADMONITIO.



Certe & laboriosum est differri spem, & quod valde cupias, non assequi. Proinde Christianorum animis eorum, qui cum fide obdormierunt, adhuc in Purgatorio detentis asperissimum est, spem suam prolatari, & arceri

Ex La
uico
ue,

ab eo

*ab eo bono, quod ipsi supra quàm credi possit desiderant. Ideoque cupiunt & implo-
rant opem omnium, quotquot possunt. Adiuuemus itaque nos eos, quando alia re-
nequimus, certè votis, faustis ominationi-
bus, & pijs orationibus nostris.*

ORATIONES ALIQVOT
generales pro omnibus
defunctis.

I.

Memento, Domine DEVS noster, spirituum & vniuersæ carnis Orthodoxorum, & rectè de fide sentientium, ab Abel iusto, vsque in hodiernum diem: fac eos requiescere in regione viventium, in regno tuo, & delijs Paradisi, in sinu Abrahæ, Isaac & Iacob sanctorum patrum nostrorum, vnde exultat dolor, tristitia, & gemitus, vbi præsidet lumen vultus tui, & perpetuò refulget, per benignitatem vnigeniti filij tui, cum quo benedictus es cum sancto, bono, & viuificatore Spiritu tuo, nunc & semper, Amen.

II.

Memento Domine Patrum, fratrumque nostrorum, qui obierunt in vera fide; Presbyterorum, Diaconorum, Hypodiaconorum, Lectorum, Cœnobarum, in cœlibatu perpetuò viventium; laicorum, & omnium qui decesserunt de hoc ærumnoso mundo. recrea

eos in tabernaculo tuo omnis decoris pleno. Traice eos trans mansiones cruciatu horrendas, atque in tabernaculis luculentissimis ipsos colloca. Erue eos ex tenebris & caligine, atque ex tribulatione, doloreque eripe: appareatque ipsis vultus tuus pacificus, neque intres cum ipsis in iudicium, aut acrem questionem habeas de acta vita: sed siue verbo, siue opere peccauerunt, utpote homines carne induti, remitte, & abole errores eorum. Quia benignus & summè misericors es, tibi que congruit laus, & honor, & potestas: simulque vnigenito filio tuo, & sanctissimo tuo Spiritui bono adorando, vitam largienti, ac tibi in substantia æquali, nunc, & semper, & in secula seculorum, Amen.

III. *Alia.*

Memento, Domine, dormientium Ex Mil
Principum, Pontificum, Regum, Aethio
Patriarcharum, Archiepiscoporum, Episcoporum, Sacerdotum, Diaconorum, Epum.
& Ministrorum tuorum, & omnium
in recta fide quiescentium. Miserere animarum seruorum & ancillarum tuarum, qui manducauerunt carnem tuam, & biberunt sanguinem tuum: colloca animas eorum in sinu Abraham, Isaac & Iacob.

Et si enim animæ quorundam illorum in tenebris sedeant, & in loco tormentorum: incredibili tamen tui flammis.

grant

grant desiderio, & multis suspirijs tuam gratiam præstolantur. Memento quam abundè filius tuus IESVS Christus pro illis satisfecit. noli, Domine, noli amplius vllum exposcere debitum, vbi tam copiosa reperitur satisfactio. An paternum illud pectus tuum adhuc de inobedientia, luxuria, gula, superbia, ira, & similibus poterit cum illis expostulare, vbi frater noster Christus, vnigenitus tuus tantam obedientiam, castitatem, abstinentiam, humilitatem, charitatem, & similia exhibuit: non pro semetipso, sed pro nobis, & pro ijs, qui adhuc in pœnis Purgatorii detinentur? qui etsi dum viuerent ingrati fuerint, per eum tamen omnia à te expectant?

Libera eos Domine, quorum nunc ora clau'a sunt, & qui te tam auidè laudare & glorificare desiderarent; nec diutius in perditione maneat, quos filius tuus triginta tribus annis in deserto huius mundi, tantis tormentis & cruciatibus quasiuit, & inuenit. Meretur, ô pie Pater, meretur optimus Pastor, vt ouibus suis bene sit propter illum, & vt perducas eò, vbi ille tecum viuit, & regnat Deus, in secula seculorum, Amen.

IIII. *Alia.*

ouic.
es.

A Micissime ac benignissime Christe, qui ades tibi fidentibus, & illos ab omni eximis periculo, cuius mi-

sera-

serationes & infinita bonitas vniuersa hominum scelera exuperat, quæ omnia, si quis in clementiam tuam conijciat, velut igne validissimo consumuntur. Animos fratrum nostrorum corpore solutos maculis deterge, quæ illis ex vitæ huius actionibus adhæserunt: Frigus eorum quod illos à te arceat, ac separat, sanctissimo charitatis tuæ igne dispelle: vre, atque incende illos flammis tuis, vt emundati ac perpurgati celerimè ad te reuolent, tecumque ad sempiternam beatitudinem vniantur, Amen.

V. Alia.

OMnipotens sempiterne DEVS, Petrus Deus vitæ & mortis, Iudexque viuorum & mortuorum, qui pro tua bonitate & sapientia constituisti inter fideles tuos omnes communionem, non gratiæ à te duntaxat comparatæ, & vbertim communicatæ, verum etiam mutuæ intercessionis, auxiliij & solatiij: Oro te per amarissimam passionem & mortem, descensionem quoque ad inferos, & resurrectionem à mortuis, vt nostras, qui adhuc vitam mortalem ducimus, preces & supplicationes apud thronum gratiæ tuæ admittere digneris, pro animabus parentum, consanguineorum, & amicorum nostrorum, atque omnium Christi fidelium tuorum, vt qui ex illis adhuc carcere Purga-

torij,

torij, & supplicijs non sempiternis detinentur, consolationem & remissionem peccatorum à tua clementia consequantur, à grauissimis tormentis erepti, ad cælestis regni requiem & gaudium citius deducantur, Amen.

Pro vno defuncto.

Belgi-
o manu
ripto.

EX mera fraterna, Christianaque charitate, ô æterne DEVS, commendando tibi animam N. quam tu ex hoc ærumnoso euocasti seculo: te suppliciter orans, vt eam non secus suscipias, quàm olim suscepisti animam mendici tui Lazari. Ne memineris, Domine, quòd dum viueret te offendit: nam præterquam quòd istius eum poenituit, etiam in infinita misericordia tua semper sperauit, & in nunquam exhauriendo meritum Filij tui thesauro semper eius fiducia fuit collocata, qui sufficiens est non tantum pro huius miseri, sed pro totius mundi peccatis satisfacere.

Domine, opus manuum tuarum non sit in derisum, & in similitudinem improprij hostibus tuis, qui inuident ipsi gloriam, antequam crearetur à te illi præparatam; quàm vt consequeretur, & locum vnde maligni illi eiectioni sunt possideret, toties eum a periculis & animæ & corporis liberaſti Tu ſcis, Domine, quòd antiqui serpentes illi auctores & impulsores fuere, qui fragilem eius carnem peccare fecerunt: ne igitur,

tur,

tur, Domine, ab impostoribus illis hæreditas tua tibi subtrahatur, cum vno verbo destruere poteris, quod illi tanto tempore, & tam varijs consilijs construxerunt; & hanc animam tam puram, sanctam & nobilem vel vno momento efficere, vt digna sit vocari & esse hæreditas Altissimi.

Ostende illi, ô æterne DEVS, extremam pietatem tuam, intima tuæ misericordiæ viscera, pectusque paternum tuum, quod toties dum vixit in hoc seculo illi exhibuisti, in conferendis plurimis gratijs, quibus illam exornaueras. Non tam ingrata fuit, quin te omnis virtutis fontem & largitorem agnouerit: non tam cæca, quin à te petierit illuminari: non ita in peccatis sepulta, quin semper voluerit se emendare: non vsque eò potestati Dæmonis permissa, quia semper de paterna tua charitate spe plena expectauerit, fore, vt in extrema necessitate illi opitulareris, & in gratiam tuam reciperes.

Omnipotentissime DEVS, id omnino credimus, quòd nullo nomine aut gratiori tibi, aut iucundiori nobis te indigitare possumus, quàm si te misericordem Patrem appellemus: ostende igitur, ô misericordissime Pater, gratiam & misericordiam tuam, erga hunc puerum tuum, quem creasti, quem redemisti, quem tot seculis ante orbem conditum in corde tuo gestasti: qui ti-

bitan-

bi tantæ curæ fuit, vt volens redimere, laueris eum in lauacro pretiosissimi filij tui sanguinis, eiusque carne & sanguine autiueris: pro quo nihil facere intermiffisti aliud, quam quod aut tibi impossibile erat, aut illi non necessarium. Quare, ó Domine, te iterum atque iterum obtestor & oro, tribue nobis, vt cum & ego aliquando viam vniuersæ carnis ingressus fuero, hunc, pro quo deprecor, inueniam inter Sanctos tuos, vt vnanimiter te laudemus & glorificemus, quia tibi debetur laus & gloria in secula seculorum, Amen.

Pro recens defuncto, vel inter sepeliendum corpus dicenda.

elician?
linguar
in Ma
uali Pa
chori.

A Desto Domine supplicationibus nostris, & pias aures tuas ad preces nostras inclinare digneris, vt nos de throno Maiestatis tuæ clementer exaudias, & orationes famularius nostri dignenter admittas. Te igitur inuocamus Domine sancte, Pater omnipotens æterne Deus, pro anima famuli tui, quam hodierna die de hac luce vocare dignatus es, vt iubeas, Domine, ei preparari Paradisi tui loca virentia, vt non eam exurat flamma ignis crudelis gehennæ. Quia propterea Dominus noster IESVS Christus filius tuus in ligno crucis sub Pontio Pilato, pari dignatus est, vt animas, quæ per Adæ transgressionem perierant, sua sancta resurrectione ab inferni

clau-

claustris liberaret. Confundantur gehennæ ianitores, & ministri nequitiae erubescant. Deducant eam Angeli, & potestates in sinus Patriarcharum Abraham, Isaac & Iacob patrum nostrorum. Consequatur à tua potentia paratam electis iucunditatem, & a dextris hereditatem adepta lætetur: vt cum dies illa tremendæ agnitionis aduenerit, vnà cum Sanctis & Electis tuis, qui tibi placuerunt, in gloria Maiestatis tuæ resurgere mereatur ad indulgentiam, non ad poenam. Et animam illam quam fontis vnda perfudit, & chrisma salutis inunxit, non sinas Domine flammæ ardoribus cruciari, nec peccatorum vinculis alligari: sed liberam redde Paradiso tuo per indulgentiam pietatis tuæ quia tuam clementiam dum in hoc seculo constitit non negauit. Per eundem Christum Dominum nostrum, Amen.

Pro parentibus nostris defunctis.

DEVS qui nos patrem & matrem honorare præcepisti, miserere clementer animabus patris ac matris meæ, eorumque peccata dimitte, meque eos in æternæ claritatis gaudijs fac videre. Per Dominum nostrum, &c.

Pro ijs qui dum viuerent in nostra fuere congregatione vel fraternitate.

DEVS veniæ largitor & humanæ salutis amator, quæsumus immen-

Ecclesiæ
Romana.

Ex Mi
li Col
fam nienfi

sam clementiam tuam, vt nostræ congregationis fratres & sorores, qui ex hoc seculo transferunt; beata Maria semper Virgine cum omnibus Sanctis intercedente; ad perpetuæ beatitudinis consortium peruenire concedas. Per Christum Dominum nostrum, Amen.

*Pro animabus ijs quæ singulares non
habent intercessores*

idem.

Miserere misericors DEVS, animabus illis, quæ singulares non habent apud te intercessores, quibus nulla est consolatio in tormentis, neque spes ulla, nisi quod factæ sunt ad imaginem & similitudinem tuam. Parce & defende plasma tuum nobile, gloriam nominis tui ne des alteri, opus manuum tuarum respice in eis, & libera eas ab omnibus intolerabilibus pœnis & cruciatibus, & perduc eas ad societatem ciuium supernorum. Per Dominum nostrum Iesum

Christum filium tuum, Qui tecum
viuit & regnat Deus per omnia
secula seculorum,
Amen.

. F I N I S .



SALMI POENI-
TENTIALES,
CVM LITANIA
ECCLESIAE,
PSALMV S. 6.

Domine, ne in furore tuo arguas me: neque in ira tua corripas me. Miserere mei Domine, quoniam infirmus sum: sana me Domine, quoniam conturbata sunt ossa mea. Et anima mea turbata est valde: sed tu Domine usquequo? Conuertere Domine, &ripe animam meam: saluum me fac propter misericordiam tuam. Quoniam non est in morte qui memor sit tui: in inferno autem quis confitebitur tibi? laboraui in gemitu meo, lauabo per singulas noctes lectum meum: lachrymis meis stratum meum rigabo. Turbatus est à furore oculus meus: inueteraui inter omnes inimicos meos. Discede à me omnes, qui operamini iniquitatem: quoniam exaudiuit Dominus vocem fletus mei. Exaudiuit Dominus deprecationem meam: Dominus orationem meam suscepit. Erubescant & conturbentur vehementer omnes inimici mei: conuertantur, & erubescant valde velociter.

Gloria Patri & Filio, &c.

P S A L M V S 31.

BEati quorum remissæ sunt iniquitates: & quorum reſta sunt peccata. Beatus vir cui non imputauit Dominus peccatum: nec est in spiritu eius dolus. Quoniam tacui, inueterauerunt ossa mea: dum clamarem tota die. Quoniam die ac nocte grauata est super me manus tua: conuersus sum in arumna mea, dum conſigitur spina. Delictum meum cognitum tibi feci: & iniustitiam meam non abscondi. Dixi, confitebor aduersum me iniustitiam meam Domino: & tu remisisti impietatem peccati mei. Pro hac orabit ad te omnis sanctus: in tempore opportuno. Veruntamen in diluuiio aquarum multarum: ad eum non approximabunt. Tu es refugium meum a tribulatione, quæ circumdedit me: exultatio mea, erue me a circumdantibus me. Intellectum tibi dabo, & instruam te in via hac qua gradieris: firmabo super te oculos meos. Nolite fieri sicut equus & mulus: quibus non est intellectus. In chamo & frano maxillas eorum conſtringe: qui non approximant ad te. Multa flagella peccatoris: sperantem autem in Domino misericordia circumdabit. Latamini in Domino & exultate iusti: & gloriamini omnes recti corde.

Gloria Patri & Filio, & Spiritui sancto
Sicut erat in principio, &c.

PSALMVS 37.

Domine, ne in furore tuo arguas me: neque in ira tua corripas me. Quoniam sagittæ tuæ infixæ sunt mihi: & confirmasti super me manum tuam. Non est sanitas in carne mea a facie iræ tuæ: non est pax ossibus meis a facie peccatorum meorum. Quoniam iniquitates meæ supergressæ sunt caput meum: & sicut onus graue grauatae sunt super me. Putuerunt & corruptæ sunt cicatrices meæ: a facie insipientiæ meæ. Miser factus sum, & curuatus sum vsque in finem: tota die contristatus ingrediebar. Quoniam lumbi mei impleti sunt illusionibus: & non est sanitas in carne mea. Afflictus sum & humiliatus sum nimis: rugiebam a gemitu cordis mei. Domine, ante te omne desiderium meum: & gemitus meus a te non est absconditus. Cor meum conturbatum est, dereliquit me virtus mea, & lumen oculorum meorum, & ipsum non est mecum. Amici mei & proximi mei: aduersum me appropinquauerunt & steterunt. Et qui iuxta me erant, de longè steterunt: & vim faciebant, qui quærebant animam meam. Et qui inquirebant mala mihi, locuti sunt vanitates: & dolos tota die meditabantur. Ego autem tanquam surdus non audiebam: & sicut mutus non

aperiens os suum. Et factus sum sicut homo non audiens: & non habens in ore suo redargutiones. Quoniam in te Domine speravi: tu exaudies me Domine Deus meus. Quia dixi, nequando supergaudeant mihi inimici mei: & dum commouentur pedes mei, super me magna locuti sunt. Quoniam ego in flagella paratus sum: & dolor meus in conspectu meo semper. Quoniam iniquitatem meam annuntiabo: & cogitabo pro peccato meo. Inimici autem mei viuunt, & confirmati sunt super me: & multiplicati sunt qui oderunt me iniquè. Qui retribuunt mala pro bonis, detrahebant mihi: quoniam sequebar bonitatem. Ne derelinquas me Domine Deus meus: ne discefferis à me. Intende in adiutorium meum: Domine Deus salutaris meæ.

Gloria Patri & Filio, & Spiritui sancto,
Sicut erat in principio, &c.

PSALMVS 50.

Miserere mei Deus: secundum magnam misericordiam tuam. Et secundum multitudinem miserationum tuarum dele iniquitatem meam. Amplius laua me ab iniquitate mea: & à peccato meo munda me. Quoniam iniquitatem meam ego cognosco: & peccatum meum contra me est semper. Tibi soli peccaui, & malum coram te feci: vt iustificeris in sermonibus tuis, &

vincas cum iudicaris. Ecce enim in iniquitatibus conceptus sum: & in peccatis concepit me mater mea. Ecce enim veritatem dilexisti: incerta & occulta sapientiæ tuæ manifestasti mihi. Asperges me Domine hyssopo & mundabor: lauabis me, & super niuem dealbabor. Auditui meo dabis gaudium & lætitiā: & exultabunt ossa humiliata. Auerte faciem tuam à peccatis meis: & omnes iniquitates meas dele. Cor mundum crea in me Deus: & spiritum re-
ctum innoua in visceribus meis. Ne proijcias me à facie tua: & spiritum sanctum tuum ne auferas à me. Redde mihi lætitiā salutaris tui: & spiritu principali confirma me. Docebo iniquos vias tuas: & impij ad te conuertentur. Libera me de sanguinibus Deus Deus salutis meæ: & exultabit lingua mea iustitiā tuam. Domine, labia mea aperies: & os meum annuntiabit laudem tuam. Quoniam si voluisses, sacrificium dedissem utique: holocaustis non delectaberis. Sacrificium Deo spiritus contribulatus: cor contritum & humiliatum Deus non despicies. Benignè fac Domine in bona voluntate tua Sion, ut ædificentur muri Hierusalem. Tunc acceptabis sacrificium iustitiæ, oblationes & holocausta: tunc imponent super altare tuum vitulos.

Gloria Patri & Filio, & Spiritui sancto,
Sicut erat in principio, &c.

PSALMVS 101.

Domine, exaudi orationem meam: & clamor meus ad te veniat. Non auertas faciem tuam a me: in quacunque die tribulor, inclina ad me aurem tuam. In quacunque die inuocauero te: velociter exaudi me. Quia defecerunt sicut fumus dies mei: & ossa mea sicut cremum aruerunt. Percussus sum vt fœnum, & aruit cor meum: quia oblitus sum comedere panem meum. A voce gemitus mei: adhæsit os meum carni meæ. Similis factus sum pelicano solitudinis: factus sum sicut nycticorax in domicilio. Vigilavi: & factus sum sicut passer solitarius in tecto. Tota die exprobrabant mihi inimici mei: & qui laudabant me, aduersum me iurabant. Quia cinerem tanquam panem manducabam: & potum meum cum fletu miscebam. A facie iræ indignationis tuæ: quia eleuans allifisti me. Dies mei sicut vmbra declinauerunt: & ego sicut fœnum arui. Tu autem Domine in æternum permanes: & memor de tuum in generatione & generationem. Tu exurgens Domine miserere Sion: quia tempus miserendi eius, quia venit tempus. Quoniam placuerunt seruis tuis lapides eius: & terræ eius miserebuntur. Et timebunt gentes nomen tuum Domine: & omnes

reges

reges terræ gloriam tuam. Quia ædificauit Dominus Sion: & videbitur in gloria sua. Respexit in orationem humilium: & non spreuit preces eorum. Scribantur hæc in generatione altera: & populus qui creabitur laudabit Dominum. Quia prospexit de excelso sancto suo: Dominus de caelo in terram aspexit. Vt audiret gemitus compeditorum: vt solueret filios interchiptorum. Vt annuntient in Sion nomen Domini: & laudem eius in Hierusalem. In conueniēdo populos in vnum: & reges vt seruiant Domino. Respondit ei in via virtutis suæ: paucitatem dierum meorum nuntia mihi. Ne reuoces me in dimidio dierum meorum: in generatione & generationem anni tui. Initio tu Domine terram fundasti: & opera manuum tuarum sunt cæli. Ipsi peribunt, tu autem permanes: & omnes sicut vestimentum veterascent. Et sicut operatorum mutabis eos, & mutabuntur: tu autem idem ipse es, & anni tui non deficient. Filij seruatorum tuorum habitabunt: & semen eorum in seculum dirigetur.

Gloria Patri & Filio, & Spiritui sancto,
Sicut erat in principio, &c.

PSALMVS 129.

DE profundis clamaui ad te Domine: Domine exaudi vocem meam. Fiant aures tuæ intendentes: in vo-

cem deprecationis meæ. Si iniquitates obseruaueris Domine: Domine quis sustinebit? Quia apud te propitiatio est: & propter legem tuam sustinui te Domine. Sustinuit anima mea in verbo eius: sperauit anima mea in Domino. A custodia matutina usque ad noctem: speret Israel in Domino. Quia apud Dominum misericordia: & copiosa apud eum redemptio. Et ipse redimet Israel: ex omnibus iniquitatibus eius.

Gloria Patri & Filio, & Spiritui sancto, Sicut erat in principio, &c.

PSALMVS 142.

Domine exaudi orationem meam, Auribus percipe obsecrationem meam, in veritate tua: exaudi me in tua iustitia. Et non intres in iudicium cum seruo tuo: quia non iustificabitur in conspectu tuo omnis viuens. Quia persecutus est inimicus animam meam: humiliavit in terra vitam meam. Collocauit me in obscuris sicut mortuos seculi: & anxius est super me spiritus meus, in me turbatum est cor meum. Memor fui dierum antiquorum, meditatus sum in omnibus operibus tuis: & in factis manuum tuarum meditabar. Expandi manus meas ad te: anima mea sicut terra sine aqua tibi. Velociter exaudi me Domine: defecit spiritus meus. Non auertas faciem

ciem tuam à me: & similis ero descendentibus in lacum. Auditam fac mihi manè misericordiam tuam: quia in te speraui. Notam fac mihi viam in qua ambulem: quia ad te leuaui animam meam. Eripe me de inimicis meis Domine, ad te confugi: doce me facere voluntatem tuam, quia Deus meus es tu. Spiritus tuus bonus deducet me in terram rectam: propter nomen tuum Domine viuificabis me in æquitate tua. Educes de tribulatione animam meam: & in misericordia tua disperdes omnes inimicos meos. Et perdes omnes qui tribulant animam meam: quoniam ego seruus tuus sum.

Gloria Patri & Filio, & Spiritui sancto, Sicut erat in principio, &c.

LITANIA ECCLESIAE.

K yrie eleison. Christe eleison. Kyrie eleison.

Christe audi nos.

Saluator mundi, adiua nos.

Pater de cælis, miserere nobis.

Fili redemptor mundi Deus, miserere nobis.

Spiritus sancte Deus, miserere nobis.

Sancta Trinitas vnus Deus, miserere nobis.

Sancta Maria, ora pro nobis.

Sancta Dei Genitrix, ora pro nobis.

Sancta Virgo Virginum, ora pro nobis.

Sancte Michael	ora pro nobis
Sancte Gabriel	ora pro nobis.
Sancte Raphael	ora pro nobis.
Omnes sancti Angeli & Archangeli,	
orate pro nobis.	
Sancte Ioannes Baptista	ora pro nobis.
Omnes sancti Patriarchæ & Prophetæ,	
orate pro nobis.	
S ancte Petre	ora pro nobis.
S ancte Paule	ora
Sancte Andrea	ora.
Sancte Iacobe	ora
Sancte Ioannes	ora.
Sancte Thoma	ora.
Sancte Iacobe	ora.
Sancte Philippe	ora.
Sancte Bartholomæ	ora.
Sancte Matthæ	ora.
Sancte Simon	ora.
Sancte Thadæ	ora.
Sancte Matthia	ora.
Sancte Barnaba	ora.
Sancte Luca	ora
Sancte Marce	ora.
Omnes sancti Apostoli & Euangelistæ,	
orate pro nobis	
Omnes sancti Discipuli Domini, orate	
pro nobis.	
Omnes sancti Innocentes, orate pro	
nobis.	
Sancte Stephane	ora.
Sancte Line	ora.
Sancte Clete	ora.
Sancte Clemens	ora.

Sancte

Sancte Sixte	ora.
Sancte Corneli	ora.
Sancte Cypriane	ora.
Sancte Laurenti	ora.
Sancte Vincenti	ora.
Sancte Hippolyte	ora.
Sancte Chrysogone	ora.
Sancti Ioannes & Paule, orate pro nobis.	
Sancti Cosma & Damiane, orate pro nobis	
Sancte Pantaleon	ora.
Sancte Fabiane	ora.
Sancte Sebastiane	ora.
Sancte Felix	ora.
Sancte Nabor	ora.
Sancte Mauriti cum socijs tuis, orate pro nobis.	
Sancte Gereon cum socijs tuis, orate pro nobis.	
Sancti Mauri	orate pro nobis.
Omnes sancti Martyres, orate pro nobis.	
Sancte Syluester.	ora pro nobis.
Sancte Leo	ora.
Sancte Gregor	ora.
Sancte Ambrosi	ora.
Sancte Hieronyme	ora.
Sancte Augustine	ora.
Sancte Nicolae	ora.
Sancte Martine	ora.
Sancte Seuerine	ora.
Sancte Antoni	ora.
Omnes sancti Confessores, orate pro nobis.	
Sancta Felicitas	ora.

Sancta Perpetua	ora.
Sancta Agatha	ora.
Sancta Lucia	ora.
Sancta Agnes	ora.
Sancta Cæcilia	ora.
Sancta Anastasia	ora.
Sancta Catharina	ora.
Sancta Virgula cum sodalibus tuis, ora pro nobis	
Omnes sanctæ virgines & viduæ, orate pro nobis	
Omnes sancti	orate pro nobis.
Propitius esto	parce nobis Domine.
Propitius esto	libera nos Domine.
Ab ira tua	libera nos Domine.
A peccatis nostris	libera nos Domine.
Ab insidijs diaboli	libera nos Domine.
A subitanea & improuisa mala morte libera nos Domine.	
A morte perpetua	libera nos Domine.
A peste & clade	libera nos Domine.
Ab omni malo	libera nos Domine.
Per incarnationem & natiuitatem tuam libera nos Domine.	
Per crucem & passionem tuam. libera nos Domine.	
Per mortem & sepulturam tuam libera nos Domine.	
Per sanctam resurrectionem & admira- bilem ascensionem tuam libera nos Domine.	
Per aduentum Spiritus sancti paracleti libera nos Domine.	
In die Iudicij	libera nos Domine.

Peccatores Te rogamus audi nos.

Vt pacem nobis dones Te rogamus
audi nos.

Vt sanitatem nobis dones Te roga-
mus audi nos.

Vt dextera tua sancta nos semper custo-
diat Te rogamus audi nos.

Vt Dominum Apostolicum, & cunctum
Ecclesiasticum ordinem, in sancta re-
ligione conseruare digneris Te ro-
gamus audi nos.

Vt Antistitem nostrum in sancta reli-
gione conseruare digneris Te ro-
gamus audi nos.

Vt Regem nostrum & exercitum Chri-
stianum in perpetua pace & prosperi-
tate conseruare digneris Te roga-
mus audi nos

Vt cunctum populum Christianum, pre-
tioso sanguine tuo redemptum, con-
seruare digneris Te rogamus.

Vt hæreses & schismata extirpare digne-
ris Te rogamus audi nos.

Vt nos in tuo sancto seruitio conseruare
& confortare digneris Te rogamus
audi nos.

Vt seruitus nostra tibi complacéat Te
rogamus audi nos.

Vt nos exaudire digneris Te rogamus
audi nos.

Fili Dei Te rogamus audi nos.

Agnus Dei qui tollis peccata mundi,
Miserere nobis.

Agnus Dei qui tollis peccata mundi,

parce nobis Domine.

Agnus Dei qui tollis peccata mundi, dona nobis pacem.

Christe audi nos. Christe exaudi nos.

Kyrie eleison Christe eleison. Kyrie eleison. Pater noster, &c. ¶ Et ne nos inducas in tentationem. R. Sed libera nos à malo.

l. 105. Domine, peccauimus cum patribus nostris: iniuste egimus, iniquitatem fecimus.

Domine, non secundum peccata nostra facias nobis: Neque secundum iniquitates nostras retribuas nobis.

l. 78. Domine, ne memineris iniquitatum nostrarum antiquarum: Cito anticipent nos misericordiae tuae, quia pauperes facti sumus nimis.

cm. Adiua nos Deus salutaris noster. Et propter gloriam nominis tui, libera nos: & propitius esto peccatis nostris propter nomen tuum.

Domine, ne simul tradas nos cum peccatoribus: Et cum operantibus iniquitatem ne perdas nos.

Ne tradas Domine bestiis animas confidentium tibi: Et animas pauperum ne obliuiscaris in finem.

38. Fiar misericordia tua Domine super nos: Quemadmodum sperauimus in te.

Pro fidelibus defunctis

Requiem aeternam dona eis Domine:

¶ Et lux perpetua luceat eis.

Requiescant in pace. Amen.

Esto nobis Domine turris fortitudinis,
à facie inimici.

Domine exaudi orationem meam. Et
clamor meus ad te veniat.

O R A T I O.

Ineffabilem misericordiam tuam nobis, Domine, clementer ostende, vt simul nos & à peccatis exuas, & à pœnis quas pro his meremur, eripias. Per Christum &c.

Ecclesiæ tuæ, quæsumus Domine, preces placatus admitte, vt destruas aduersitatibus & erroribus vniuersis, secura tibi seruiat libertate. Per Dominum &c.

Tvere Domine populum tuum, & ab omnibus peccatis clementer emunda, quia nulla ei nocebit aduersitas, si nulla dominetur iniquitas:

Per Dominum,
&c.



INDEX TOTIVS LIBELLI.

- Ratio in Orationem Dominicam. pag. 1.
Expositio Orationis Dominicæ in septem Meditationibus distributa. pag. 3.
Meditatio prima ibidem.
Meditatio secunda. 18.
Meditatio tertia. 22.
Meditatio quarta. 26.
Meditatio quinta. 30.
Meditatio sexta. 35.
Meditatio septima. 39.
PVT I. *Continens Orationes quotidianas certis horis diei & noctis ferè adaptatas.* 47.
Meditatio matutina, ibidem.
Cum exurgiscimus. 49.
In surgimus & induimur. 50.
Gratiarum actio pro custodia præcedentis noctis, vnde in oratione, qua petimus ut nos Deus simili cultu eo die tueatur. 51.
Meditatio matutinâ in quatuor partes diuisum. Quam Prima est beneficiorum Dei cõmemoratio Secunda gratiarû actio Tertia sui ipsius oblatio, Quarta nouorum beneficiorum petitio. 58.
Angelum custodem. 61.
Commendatio matutina, qua nos omnes Christi fideles Deo commendamus. 62.
Omnes Sanctos. 63.
Quam domo egrediaris admonitio. 64.
Ex domo exeuntis. 64.
Egredientis aliquod iter. 66.
Oratio ante concionem. 67.
Oratio post concionem. 68.
Aliquod opus aggredimur. 69.
Quædam prudentiæ in rerum agendarum meditationibus obseruandæ. 70.

I N D E X.

- Gratiarum actio opere iam perfecto. 72.
 Cū nos ad studium paramus. 74.
 Cū horæ signum auditur. 75.
 Oratio antequam cibum sumamus. 76.
 Præcepta inter edendum seruanda. 77.
 Oratio post sumptum cibum. 79.
 Eleuatio mentis post Solis occasum. 80.
 Ad preces vespertinas admonitio. 81.
 Confessio vespertina. 84.
 Admonitio vespertina. 85.
 Gratiarum actio vespertina. 86.
 Oratio nocturna, qua Deo nos commendamus. 8
 Alia oratio antefomnum. 90.
 Admonitio nocturna. 91.
 Orationes iaculatoriæ semper in promptu habēdæ. 9
CAPVT II. Continens orationes Liturgicas, q:
sub sacrificio Missæ legenda sunt. 98
Quanta cum reuerentia in templo versari deb
 mus 98.
 Meditatio qua mentem ad deuotionem & reuerent
 erga tremendū Missæ sacrificium præparamus. 10
 Generalis ante Missam confessio. 104.
 Ad Introitum 105. Ad Kyrie eleison, & Hymnum A
 gelicum 106. Et sic deinceps ad singulas Mi
 partes, vsque ad folium 136.
CAPVT III. Continens orationes pœnitentiæ
pro impetranda remissione peccatorum. 136.
Præfatio ibidem.
 Pro Contritione Orationes tres ad excitandam
 anima contritionem, & dolorem peccatorum.
 ratio I. 139. Oratio II. 142. Oratio III. 145.
 Pro Confessione. Oratio ad Iesum ante Confes
 sionem sacramentalem. 157.
 Consilium tempore Confessionis. 160.
 Gratiarum actio post Confessionem. 161.

I N D E X.

- rationes satisfactoriæ, quibus remissionē peccatorum à Deo petimus. 163.
- oblatio omnium laborum atque poenarum Christi pro peccatis nostris. 163.
- ratio qua petitur remissio peccatorum. 167.
- ratio deuotissima pro peccatorum remissione. 172.
- APVT IIII. Continens orationes resipiscen-
tium, quibus Deo pro nouitate vite sup-
plicamus. 175.*
- R*atio, ibidem.
- Oratio, seu oblatio pia, qua se homo offert Deo, petens, vt expulis vitiorum tyrannis, Deus posthac in anima sua regnet, ibique agat, quæ ad nouitatem vite pertinent. 176.
- Secunda resipiscantis oratio. 180.
- Tertia oratio resipiscantis, ex Psalmis cõpilata. 187.
- APVT V. Continens orationes ante & post
Communionem usurpandas. 189.*
- R*atio, docens quomodo quis dignè communi-
cabit. 189.
- Oratio deuotissima, & ante Communionem vti-
lissima, qua anima ad timorem & amorem excita-
tur. 194.
- Oratio ante Communionem. 206.
- Oratio ante Communionem. 211.
- Oratio ante Communionem tertia. 212. quarta. 214.
- Oratio sub Communionem. 216.
- Oratio mentis ad deuotionem tempore Commu-
nionis. 217.
- Oratio sub ipsam Communionem. 218.
- Oratio salutarem hostiã vides in manu sacerdotis. 219.
- Oratio caritatem ore excipientis oratio. 220.
- Oratio post Communionem. 221.
- Oratio insignis post Communionem. 222.
- Oratio meditatio. 227.

I N D E X.

Tertia meditatio post Communionem. 236.
 Orationes post Communionem quatuor. Prima. 243.
 Secundâ. 244. Tertia. 245. Quarta. 246.

*CAPVT VI. Quo continentur orationes pro
 impetrando amore Dei. 249.*

Prologus. ibidem.
 Oratio pro amore Dei impetrando Prima. 251. Se-
 cunda. 253. Tertia. 257. Quarta. 262. Quinta. 267.
 Sexta. 272. Septima. 277.

*CAPVT VII. Varias ad sanctissimam Tri-
 nitatem orationes conti-
 nens. 284.*

DE S. Triade fidei confessio. 285.
 Prima oratio ad sanctiss. Trinitatem, de magni-
 tudine maiestatis eius. 284.

Secunda oratio ad S. Trinitatem, de eadem magni-
 tudine diuinæ Maiestatis. 290.

Oratio ad sanctissimam Trinitatem tertia. 295.

Oratio ad Patrem, qua iustificationem petimus. 29

Oratio ad Filium. 300.

Oratio ad Spiritum sanctum. 303.

*CAPVT VIII. Continens septem orationes,
 quibus vniuersa vita, mors & resurrectio
 Saluatoris comprehendi-
 tur. 305.*

Prologus. ibidem.

Oratio de vita Iesu Prima. 307. Secunda. 312. T-
 tia. 316. Quarta. 319. Quinta. 324. Sexta. 328.
 prima. 332.

Oratio de nomine Iesu. 334.

*CAPVT IX. Diuersas continens gratiarum
 actiones. 337.*

Prologus. 337.

I N D E X.

Gratiarum actio pro beneficio	{	Creationis. 338.
		Conseruationis corporalis. 343.
		Redemptionis. 348.
		Vocationis & Iustificationis 357.
		Sacramentorum 363
		Conseruationis spiritualis in gra- tia 367.

Generalis gratiarū actio, ad Iesum Filium Mariæ. 372.

C A P V T X. *Continens preces Catholicas
& Christianas, ad sanctissimam Deiparam
& Virginem Mariam, aliosque ca-
lestis patriæ ciues. 377.*

Rosarium B. Mariæ Virginis. 377.
Oratio ad Deiparam Virginem. 401.
 Ratio ad quemuis Apostolum. 406.
 Ratio ad quemuis Martyrem. 407.
 Ratio ad quemuis Confessorem. 410.
 Ratio ad quamuis Virginem Martyrem 413.
 Ratio ad quamuis Virginem non Martyrem. 415.
 Ratio ad quamuis S. Viduam aut Coniugatam. 418.

C A P V T XI. *Precationes deprecatoriæ, quibus
pro euitandis malis spiritualibus & internis
diuinam opem imploramus. 420.*

Vot tērationibus exposita sit vita nostra, & quā
necessarium nobis sit diuinum auxilium. 420.
 Contra quamlibet tentationem. 423.
 Contra tentationes diaboli 425.
 Contra tentationes mundi. 426.
 Contra tentationes carnis. 427.
 Contra tentatione. 429.
 Contra confictum Vitiōrum 430.
 Contra malas cogitationes. 431.
 Contra varia peccatorum genera. 433.

I N D E X.

Contra auaritiam. 433.

Contra superbiam. 433.

Contra ebrietatem. 434.

Contra iniuriarum recordationem. 434.

Contra iram. 435.

Contra inuidiam. 435.

Contra mentis euagationem in precibus & deuotione 436.

Contra sectas & schismata religionis. 438.

C A P V T XII. Precationes, quibus Domino supplicamus, ut nos à diuersis malis corporalibus & externis liberet. 439.

IN quacunque tribulatione. ibid.

In angustijs & extremis periculis 441.

Tempore belli inter Christianos. 442.

Tempore belli Turcici. 443.

Tempore pestis. 446.

Tempore famis & annonæ caritatis. 447.

Contra tempestates aëris & tonitrua. 448.

Tempore nimiae pluuiæ. 450.

C A P V T XIII. Precationes petitoria, quibus pro expetendis bonis spiritualibus Deum obsecramus. 452.

PRO diuina gratia impetranda. 452.

Oratio pia qua à Deo iustificationē expetimus. 453.

Pro fide firma & sincera. 457.

Pro solida spe & fiducia. 459.

Pro charitate erga Deum. 460.

Pro charitate erga proximum. 461.

Pro corde recto & pura intentione. 462.

Pro bono proposito. 464.

Pro humilitate & suæ vilitatis cognitione 466.

Pro timore Dei. 469.

Pro vera obedientia. 473.

Pro mentis & corporis castitate. 475.

I N D E X.

Pro salutari morte. 476.

CAPVT XIII. *Continens orationes, quibus
bona temporalia à Deo expetimus.*

Pro pace impetranda. ibidem.

Pro vita nobis dei Deus necess. 480.

Pro sanitate corporis 482. Pro bona fama. 483.

In sumptione antidoti. 484.

In diminutione sanguinis. 485.

Tempore diuturna siccitatis. ibidem.

Pro frugibus terræ. 487.

CAPVT XV. *Precationes pia, quibus fratribus
nostris & proximis fausta omnia, feliciaque
precemur.* 488.

Pro Ecclesia Catholica ibidem.

Alia pro Ecclesia breuior. 491.

Pro Ecclesia, cum ab Hæreticis bello & falsis doctri-
nis exagitur 492.

Pro omni Ecclesiæ statu. 497.

Pro summo Pontifice Romano. 499.

Pro Episcopo & Pastore. 500.

Pro Cæsare Romano. 501.

Pro Rege Catholico. 502.

Pro omni Magistratu tam Ecclesiastico quàm ciuili. 503.

Pro subditis omnibus Christianis. 504.

Pro parentibus & consanguineis. 505.

Pro fidelibus coniugibus. 506.

Pro muliere prægnante ibidem.

Pro Christiana iuuentute, vt rectè instituatur. 507.

Pro amico. 508. Pro benefactoribus. 510.

Pro fratribus in calamitate positis. 511.

Pro Captiuis. ibidem. Pro Viduis & Orphanis. 512.

Pro inimicis, & ijs qui nobis bona volunt. 513.

Pro iter agentibus. 514.

Pro peccatoribus. ibidem.

Pro Infidelibus, Schismaticis, & Hæreticis. 515.

Pro Ethnico ad fidē veniente, vel Hæretico ad Ecc
siam reuerrente. 517.

Pro vno & pluribus infirmis. 518.

CAPVT XVI. *Continens orationes parti
cularium Personarum.* 517.

O Ratio Pastoris. 517.

O Oratio Confessarij. 522.

Oratio in Magistratu constituti & Iudicis. 524.

Oratio cuiuscunque subditi. 525.

Oratio Consiliarij vel Senatoris. 526.

Oratio Coniugis. 526.

Oratio Patrisfamilias. 529.

Oratio Pueri seu Filij. 530.

Oratio Præceptoris. 531.

Oratio Professoris alicuius Facultatis. 532.

Oratio litteris operam dantis. 533.

Oratio Adolescentis seu Iuuenis. 534.

Oratio Militis in bello iusto. 536.

Oratio Famuli. 539.

Oratio Ægroti. 540. Oratio Morituri. 542.

CAPVT XVII. *Orationes & Intercessio
pro Defunctis.* 543.

A Dmonitio. 543.

Orationes aliquot generales pro omnibus
functis. 544.

Pro vno defuncto. 548.

Pro recens defuncto, vel inter sepeliendum ec
dicenda. 550.

Pro parentibus defunctis. 551.

Pro ijs, qui dum viuerent in nostra fuere con
tione vel fraternitate. 551.

Pro animabus ijs, quæ singulares non habent i
cessores. 552.

Li i K L A . . .

Rachy l. b. z. h. z. m. l. o. s. i. u. r. i. e. p. r. z. y. i. c.
 5. b. y. a. o. n. a. w. y. k. t. i. e. t. o. b. i. e. k. o. s. t. a. t. y. z. a.
 H. i. e. z. d. n. i. e. Li i K L A . . .
 A. i. o. d. a. i. e. : a. n. a. n. i. z. e. W. i. e. m. e. l. i. o. n. t. w. e. g. o.
 i. o. d. a. n. y. d. i. o. m. o. z. i. t. a. n. o. b. a. w. n. e. o. n. e. p. r. e. s. t. a. =
 C. d. i. z. e. s. t. i. a. n. s. k. i. d. i. e. l. i. o. z. m. o. n. a. l. i. c. h. n. e. u. i. a.
 p. l. o. n. e. m. a. i. g. n. i. a. t. w. e. d. n. i. e. a. b. y. d. n. i. o. z. =
 a. z. h. i. p. r. z. y. k. a. n. i. d. p. l. o. n. e. d. z. e. l. i. e. z. n. a. i. z. n. e.
 w. i. e. t. l. o. w. p. r. z. y. p. t. o. r. p. i. e. k. a. i. e. s. t. i. n. i. t. t. w. e. m. u.
 k. r. z. y. m. o. z. t. o. b. i. e. s. t. a. n. i. e. a. o. y. n. a. m. s. t. e. g. i. e. n. i.
 k. a. i. e. w. a. s. h. y. m. d. n. i. e. p. a. n. o. w. a. c. r. a. d. y.
 i. o. d. o. z. e. h. y. m. p. a. n. o. t. u. r. i. e. W. i. e. k. u. i. s. t. e. s. t. u. r. =
 i. n. e. i. X. r. i. s. t. u. s. a. d. s. t. r. a. t. Li i K L A . . .

Li i K L A . . .

5. b. y. a. o. n. a. w. y. k. t. i. e. t. o. b. i. e. k. o. s. t. a. t. y. z. a.
 H. i. e. z. d. n. i. e. Li i K L A . . .
 A. i. o. d. a. i. e. : a. n. a. n. i. z. e. W. i. e. m. e. l. i. o. n. t. w. e. g. o.
 i. o. d. a. n. y. d. i. o. m. o. z. i. t. a. n. o. b. a. w. n. e. o. n. e. p. r. e. s. t. a. =
 C. d. i. z. e. s. t. i. a. n. s. k. i. d. i. e. l. i. o. z. m. o. n. a. l. i. c. h. n. e. u. i. a.
 p. l. o. n. e. m. a. i. g. n. i. a. t. w. e. d. n. i. e. a. b. y. d. n. i. o. z. =
 a. z. h. i. p. r. z. y. k. a. n. i. d. p. l. o. n. e. d. z. e. l. i. e. z. n. a. i. z. n. e.
 w. i. e. t. l. o. w. p. r. z. y. p. t. o. r. p. i. e. k. a. i. e. s. t. i. n. i. t. t. w. e. m. u.
 k. r. z. y. m. o. z. t. o. b. i. e. s. t. a. n. i. e. a. o. y. n. a. m. s. t. e. g. i. e. n. i.
 k. a. i. e. w. a. s. h. y. m. d. n. i. e. p. a. n. o. w. a. c. r. a. d. y.
 i. o. d. o. z. e. h. y. m. p. a. n. o. t. u. r. i. e. W. i. e. k. u. i. s. t. e. s. t. u. r. =
 i. n. e. i. X. r. i. s. t. u. s. a. d. s. t. r. a. t. Li i K L A . . .

Biblioteka
Ojców Kamedulów
w Bieniszewie

Biblioteka Jagiellońska



stdr0004220



